

**ORATIONES
MATTHAEI
DRESSERI: TAM
RERUM
VARIETATE ET...**

Matthaeus Dresser



P.O. Cat. 442

80

8011, 375 (and 3711)

VO 16 0 2750

1.10

Orationes
MATTHAEI
DRESSERI, TAM RE-
RVM VARIETATE ET
copia quam sermonis puri-
tate & elegantia com-
mendatæ:

HARVM ORDINEM
& seriem post præfationem
inuenies.



CVM GRATIA ET PRIVILEGIO.
FRANCOFORTI AD MOE-
num, excudebat Ioannes Spies.

M. D. LXXXVII.

OTATIONES
MATT HAY
DRESSER TAM RE
RVM VARIETATE ET
copis quibus terminis prius
late & eleganter com-
municatis:

HARVARD
UNIVERSITY
LIBRARY



Bayerische
Staatsbibliothek
München

FRANCISCA
MÜNCHEN
Bayerische
Staatsbibliothek
MÜNCHEN

MDLXXVII
500/01/131

DIGNITATE,
DOCTRINA, INTE-
gritate & humanitate antecellenti-
bus viris, Dn. THOMAE ZEGE-
DINO, Munkacziensis, & Dn. BAR-
THOLOMAEO NAGI THALLIAI,
Berexasiensis Ecclesiae in Vngaria
Pastoribus, Dominis & amicis
suis, pietate & officio sum-
mocolendis,
S. P.

DVAE SVNT ARTES,
quæ non solum in amplissimo
gradu dignitatis locare ho-
mines possunt, sed pluri-
mum etiam utilitatis ad communes vsus
Ecclesiae & Politiae afferre solent: Vna rei
militaris, altera eloquentiae. Ab hac enim
religio, iustitia, disciplina, & cætera pacis
ornamenta retinentur: Ab illa verò ho-
stium impetus, iniuria, & reliqua belli
incommoda repelluntur. Vtraque arte
iam multos annos excelluit Vngaria:
):(2 Nam

EPISTOLA

*Nam duces habuit scientia rei militaris
 antecellentes, virtute eximios, & pugnis
 exercitatos, qui inde usque ab Ioanne
 Hunniade Turcorum arma partim ab
 Vngaria depulerunt, partim belli impe-
 tum, ad patriæ suæ mœnia consistentem,
 fortiter sustinuerunt. Quanquam inter-
 im res interdum calamitosa ita fuerunt,
 ut diminui potentiam Vngariæ, contra
 verò hostis opes, & nomen augeri vehe-
 menter oportuerit. Quod, siquidem ex
 veterum rerum monumentis iudicare
 volumus, inde multò maxima è parte ac-
 cidisse reperiemus, quod nonnulli ponti-
 ficijs artibus ab honesto proposito sese ab-
 duci sunt passi: cum quidem res præcla-
 ras, maximeq; salutare patriæ, si su-
 um institutum tenuissent, gerere potuis-
 sent. Exemplis id facere longius & pla-
 nius non est difficile. Nam inde à
 Matthia usque non destiterunt Pontifi-
 ces Romani, nescio qua ambitione, & re-
 gnandi cupiditate, vel ab externis bellis
 ad intestinas dissensiones, vel fraude in-
 expiabili ad iniusta bella hostibus infe-
 renda*

D E D I C A T O R I A.

*renda Christianos Reges incitare. Ut
dubium nullum sit, florentem illam Vn-
gariæ partem, quæ Turcis nunc parere
cogitur, partim fato tristi, partim pon-
tificijs artibus amissam esse. Sed gratia
est habenda D E O, quòd non penitus
consumi pulcerrimum regnum Vngariæ
passus est: & laus tribuenda ijs duci-
bus, qui pro patria vehementissimè ve-
xata fortiter propugnârunt. Cladem ve-
rò & accepta vulnera deplorare magis
quàm sanare temporum difficultates, re-
rumq; asperitates, in quas fato ætas no-
stra incidit, sinunt. Quin summi beneficij
loco habendum, quòd in hunc vsque diem
Duces aliquos Deus in Vngaria excitat,
qui ad reprimendum hostem omne studi-
um curamq; conuertunt.*

*Eloquentiæ verò cultores, vel certè di-
cendi peritos tot suppeditat Vngaria, ut
neque ad docendum veram religionem,
neque ad tuendum iustitiam, neq; ad fir-
mandum disciplinam præsidij ei deesse
videantur.*

*Nec iam de summa illa dicendi & scri-
bendi*

EPISTOLA

bendi vi copiaq; loquor, quæ primas
semper urbanis pacatisque rebus tenuit,
sed de artificio seu facultate, res bonas &
necessarias verbis commodis, & senten-
tijs aptis explicandi: quæ vix quicquam
ad salutem hominum, & ad conseruatio-
nem Ecclesiæ, potest sanctum Dei verbum,
à DEO nobis datum est utilius. Ea enim
necessarium est instrumentum, ad intelli-
gendum & tradendum DEI verbum, &
ad retinendum in officio ciues: vt qui il-
la instructus est, non minùs domi quàm in
bello nauare aliquid & efficere possit,
quod & DEO gratum sit, & Ecclesiæ
vtile, totiq; patriæ salutare.

Tali facultate, vos quoq;, viri ornatissi-
mi, præditi estis. Nam & donum diui-
nitus tributum habetis docendi verbum
DEI disertè, & propositum exequendi
susceptum officij munus, ea fide atq; con-
stantia, quam & DEI mandatum requi-
rit & dignitas professionis postulat. Eos
enim ego in primis oratores bonos iudico,
qui in Ecclesia Filij DEI, tanquam ci-
cada vocem suauem de arboribus mitteren-
tes,

DEDICATORIA.

tes, mysteria DEI & magnifica eius facta palàm prædicant & auribus animisq; Christianorum inculcant. Vt enim cicadæ arboribus insident, vnde prospicere communes casus, & deplorare scelera Tyrannorum, quemadmodum Stesichorus existimauit, possint: Sic concionatores etiam in custodia Ecclesiæ, tanquam in specula collocati sunt, vt obseruent, quemadmodum se vnusquisque gerat in retinenda religione, colendaq; pietate, & peccata potentum ac subditorum arguant. Tribuit autem Homerus cicadis vocem floridam vel suauem: vnde & concionatorum sermonem eiusmodi esse debere intelligimus, vt & suauitate alliciat auditores ad amplectendum orationem, & suatamen vi efficacitateq; cupiditates frangere, petulantiamq; hominum comprimere possit. Hæc enim est flexanima illa concionatoris vox, quæ mæstos solatur, iacentes erigit, afflictos & diffidentes recreat, contumaces verò & iuueniliter ferociterq; exultantes reprimit atque coërcet. Hoc igitur

EPISTOLA

tur donum, cum ad vos etiam translatum esse, vel certè diuinitus communicatum vobiscum intelligam: in Ecclesiæ oratorum numero locoq; iure omni duco.

Commisssa est vestræ fidei cura gubernandi Ecclesiam Christi, credita sunt oracula DEI, commendatum mysterium, ex arcano consilio Diuinitatis prolatum per λόγον ipsum, Filium DEI, interpretem totius mentis & voluntatis diuinæ. Verè igitur in specula, quæ est antiqua Sion, collocati estis, ut sonetis vocem Christi suauem & letabilem omnibus pijs & mæstis in Ecclesia vobis commendata, terribilem verò impijs & contumacibus, ad frangendū illorum furorem tanquam acuto gladio. Hæc profectò summa dignitas est muneris vestri, quòd Oratores estis, concionatores & interpretes DEI, sonantes ipsius vocem, & tanquam cicadae fundentes sonos ad consolandum & viuificandum probos, arguendum verò & terrendum improbos. Quod quamuis per se satis arduum & diuinum sit munus

DEDICATORIA.

munus: tamen admirabilius illud facit locus, in quo virtus vestra, tanquam in campo excurrit atque cognoscitur. Estis enim vtrunque septi hostibus Christianæ religionis, qui omnem regni sui conatum in Ecclesiæ Christi perniciem conuertunt atque meditantur. Ab vna enim parte imminet ceruicibus vestris Turca, paucorum milliarium interuallo à vobis seiunctus. Cuius tamen impetum sic repressit hætenus Ecclesiæ custos, DEI Filius, vt impedire Euangelij cursum penitus non queat. An non verò hoc est miraculum, non minus quam Danielis, conseruati inter leones? Nihil absque vlla dubitatione deest Turcis, ad euertendum Christi nomen & Ecclesiam, præter facultatem, quam illis Christus in hunc vsq; diem constanter denegat. An non Christus ipse, vt olim leonum rabiem, sedente inter eos Daniele, refrenauit, sic hodie etiam ardorem restinguit Turcicum? Cæci igitur impijque simus, nisi miraculum illud assidue animis & cogitatione comprehendamus, gratiasque tam
):(5 forti

EPISTOLA

forti & vigilantī Ecclesiæ suæ custodi,
Filio Dei pro eo agamus.

Ab altera verò parte impendit in ve-
stram Ecclesiam Pontificia tyrannis,
quæ Turcicum impetum longè superat, &
delere conatur Evangelium profitentes,
non verbo sed ferro, non iure, sed impres-
sione & igne. Ut satis superq; conste,
non esse alium Antichristum, quàm ipsum
Pontificem Romanum, qui in Christia-
nos nullam aliam ob causam tantū odium
conceptum continet, quàm quod Christi
Redemptoris vnici vocē audiunt, eius do-
ctrinam sectantur, & solo ipsius merito
confidunt, Papæ verò ἐθελοθρησκείας, ab-
ducentes à fide Iesu Christi, reijciunt. Ut
autē Turcos hætenus repressit Deus, ne
delere Ecclesiam potuerint: sic huic et-
iam Antichristo exultanti, tanquā frenos
furoris iniiciet Iesus Christus & tandem
aliquando latissimo suo aduentu ab eius
insidijs & minis Ecclesiam suam libera-
bit. Tantis igitur cū circumdati sitis
hostibus, eò admirabilior est pietas &
constantia vestra, quò plus periculi pro-
pter

DEDICATORIA.

pter professionem doctrinae verae de DEO
in vos impendet. Me certe non parum
commouet (quoties vestrum exemplum
intueor) hac virtus vestra, & ad amorem
in vos pium atque ardentem accendit.

Testis est mihi Deus, & Vngari ipsi
qui ad nos, non tam ingenij cultus capien-
di, quam verae religionis doctrinae cogno-
scendae causa veniunt, me incredibili peno
laetitia atq; voluptate affici, quoties prae-
dicari ab alumniis illis Ecclesiae vestrae
audio nunc inclitorum dominorum Ma-
goclinorum in se munificentiam nunc tu-
am Thoma Zegedine gratificandi libe-
ralem voluntatem, nunc tuum, Barthola-
mae Nagi Thalliai, propensum atq; in-
flammatum de multis bene merendi studiū.
In primis verò Georgij Geoncrij Trans-
tybissanae in Vngaria Ecclesiae Superin-
tendentis clarissimi & vigilantissimi mi-
rificam animi alacritatem, officium, ope-
ram & fidem in omnes qui ope, consilio aut
commendatione indigent, plerique sum-
mis laudibus efferunt, & oculum, in spe-
ctoremq; patriae Ecclesiae iure & merito
omni

EPISTOLA

omni celebrant. Gratissima quoque nuper mihi accidit narratio Michaëlis Debre-
cini, Georgij Caposij, & Matthiae Iulani
de Petro Literato Somogino, viro ampli-
tudine, pietate, virtute & fortunis omni-
bus decorato, qui sumtus tanta liberali-
tate in studia Matthiae Iulani facit. Qui-
bus omnibus & singulis non patria solum,
verum Ecclesia etiam ipsa tantum non
edita voce gratiam se debere profitetur,
ut una omnes pii mecum agere gestiunt.
Maiorem vero multo refert in extremo
iudicio is, qui remunerator est unus
omnium beneficiorum, quæ liberali pecto-
re in Ecclesiam conferuntur. Vbi & xpo-
a illud longe futurum est iucundissi-
mum: Is est, qui Ecclesiae ministros
voce sua excitavit, benevolentia com-
plexus est, liberalitate adiuvit. Is denique
autor mihi ad ingrediendum hæc studia
pietatis & literarum extitit.

Etsi autem eo loco ego non sum, ut Eccle-
siastico concionatori me comparare possim:
huc tamen præcipuas curas & cogitatio-
nes meas confero, ut inuitem traducamque
discen-

DEDICATORIA.

discientes ad studium cultumque eius artificij, per quod dogmata vera in Ecclesia, & alia doctrinae utiles ac necessaria in scholis, alijsque vite ordinibus disertè explicantur. Ad quam quidem facultatem cum duo adiumenta DEVS ipse in hoc tempore ordinavit, linguarum scientiam, & dicendi scribendique exercitationem: utrumque subsidium studiosis commendare atque inculcare conor: ut boni oratores siue concionatores aliquando in Ecclesia & Republica Christiana evadere possint.

Ac linguam quidem utramque quotidie doceo, usum vero exercitationemque dicendi & scribendi in orationibus, quoad fert facultas, monstrare soleo. Cum autem plerasque orationes meas separatim hactenus editas, Typographus coniunctas nunc in vno volumine constituisse edere: arbitratus sum me non ingratum vobis officium cultumque esse tributurum, si in nomine vestro apparere, & cum hac honorifica pietatis, eruditionis & constantie vestrae commemoratione exire atque in vulgus

EPIST. DEDICAT.

gus emanare paterer. Cupio enim hoc velut testimoniū meae de vobis praeclarae opinionis conceptae, ex vestris ad me literis, & cum aliorum, tum inprimis Michaëlis Debrecini, verè pij, eruditi, & officiosi viri, crebris de vobis sermonibus extare. Vos pro perpetua vestra in omnes eruditos, tum in me etiam benivolentia, fide & necessitudine in partem optimam hoc meum factum interpreta-
bimini, & libelli quoq; Dedicationem amanter suscipietis, me deniq; vos animo & studio colentem vicissim habere in bona parte amoris vestri sinetis. Valete.
Lipsiae, Calend. VI Ite mb. Anno IESV Christi, 1584.

Matthæus Dresserus.

ORDO

ORDO ET SERIES

ORATIONVM.

A priorem paginæ faciem: b, posteriorē denotat.

- | | | |
|--------|--|------------|
| I. | Oratio, de Diluuio. | pag. 1. a. |
| II. | De Educlione populi Israëlitici ex Aegy-
pto. | 12. b. |
| III. | De Transitu per Iordanis alueum. | 27. a. |
| IIII. | De Instauratione vrbis Hieros. | 37. a. |
| V. | De Immanuele. | 53. a. |
| VI. | De Michaële Principe magno. | 64. a. |
| VII. | De Pentecoste. | 76. b. |
| VIII. | De Ira. | 110. b. |
| IX. | De Ecclesia AEthiopica. | 132. b. |
| X. | De Arte moriendi. | 149. b. |
| XI. | De Monarchijs. | 150. a. |
| XII. | De Pontificijs insidijs. | 187. b. |
| XIII. | De Bello sacro. | 200. b. |
| XIIII. | De Nouo anno octogesimo, &c. | 209. b. |
| XV. | De Ioachimo Camerario. | 224. b. |
| XVI. | De Imperatore Maximiliano. | 239. a. |
| XVII. | De Hieronymo Vuolffio. | 246. b. |
| XVIII. | De causis quæ cladem asserunt linguæ
Græcæ in his Regionibus. | 262. b. |
| XIX. | De | |

INDEX ORAT.

- XIX. De dicto Xenophontis: Artes sunt fontes bonorum. 275. b.
- XX. De Eloquentia. 286. b.
- XXI. De Dialectica Philippi Melanchthonis prima. 300. b.
- XXII. De Dialectica Philippi Melanchthonis secunda. 316. b.
- XXIII. De Historiarum ordine, veritate & utilitate. 326. b.
- XXIIII. De Disciplina. 338. b.



Ora-

I
Oratio I.
DE DILUVIO.



ANTA est ira Dei magnitudo in diluuiio in gentē humanam effusa, vt eam nullius nostrū mens cogitādo assequi, nedum

verbis enarrare possit. Ceteræ enim clades *factus* humani generis, vt sunt cōflagratio & deletio Sodomorum, *destruxit* excidium regni Iudæi & Israëliti *hinc* ci, *exundatio* maris Aegæi in terram Atticam, diluuiū Deucalionis, & si quæ sunt generis eiusdē, particulares sunt, *hic est* & aliquos tantum, non omnes attingunt.

At hoc diluuium vniuersale est, q̄ totum terrarū orbem complexum est & obruit. *Abrogatus*

Quamobrē animis attentis à nobis omnib. est meditanda diluuij historia, vt excitet in nobis metū iræ diuinæ, & ad vitæ morumq; emendationē nos inuitet. Res autem hoc modo acta est. Dux erant in terris sectæ siue familiæ, dispares prorsus inter se & contrariæ, vna filiorum Dei in Ecclesia vera: altera filiorum hominum, id est, im-

piorū Cainitarum in Ecclesia falsa siue hypocritica, quæ religionē & cultū Dei peculiarem horribili audacia. Sathanæ impulsu cōmentata erat & profitebatur, perinde vt

A

hodie

*Dux Eccle-
siae discre-
pantes an-
te diluuiū.
hinc. Du-
tunc usa
quid sit.*

ORATIO I.

die Turcica gens, relicto Dei verbo, do-
 ctrinam rationi humanæ conuenientem
 sectatur, & Christianam religionem odit,
 & contumelia afficit. Crescebat autem in-
 dies potentia & furor Cainitarum: contra
hinc gunt inquit verò imminuebatur cœtus piorum: præ-
 fertim mortuis iam patribus sanctis, qui
 acerrimum certamen cum Cainica Eccle-
 sia sustinuerant, & pro vero Dei cultu pro-
 pugnauerant. Etsi autem intoleranda fu-
 it Cainicæ sectæ impietas libido, petulan-
 tia, & audacia: tamen intolerabilius multò
 fuit, quod de Ecclesia vera adeo multi sese
 cum Cainitis coniunxerunt, & impiam
 eorum religionem, florētemq; fortunam
 potius quàm sanctum Dei verbum, & lu-
 ctuosum Ecclesiæ veræ statum, sequi volu-
 erunt. Id demum ^{alium} grauisimè omnium of-
 fendit Deum, & vt de euersione gentis hu-
 manæ cogitaret, impulit. Vt enim pater-
 familias liberorum suorum, quàm seruo-
 rum ^{grauissimè} atrocibus delictis grauius afficitur:
 sic Deum vehementiùs cōmouit filiorum
 suorum, siue sanctorum hominum ad im-
 pios defectio, quàm ipsorum impiorum
 malitia. Non igitur continere sese potuit
 Dominus quin iusta incensus ira, de vin-
 dicta talium portentorum, consilium
 iniret.

*Causa dilu-
uij.*

grauis.

*ra-
f.*

iniret. Verè enim ^{multum} portenta sunt, quicunq;
 ex filiis Dei fiunt filij hominum, Deum &
 cultum eius deserunt, et Diaboli ductum
 sequuntur: quod nihil aliud est, quàm ex
sinu Dei in fauces Diaboli & inferni bara-
thrum sese præcipitare. Iudeorum cæca
 pertinacia & furor hodie ingens est & ir-
 ritat vehemèter Deum: Machometica im-
 pietas aduersus Dei filium horrendū qui-
 dem scelus est: Idolomania Papistica indi-
 es iram Dei acuit: improbitas, fraus & pro-
 fana securitas mundi, magnopere quidem
 Deum offendit: sed magis tamen irritat
 Deum, & pœnam accelerat. quòd filij Dei,
 vel vt CHRISTVS vocat, filij lucis agni-
 tam veritatem & professionem repurga-
 tæ doctrinæ vel negligunt, vel abijciunt,
 & cum mundo impio colludunt, factaque
 eius improba sectantur. Hinc est querela
 illa Dei apud Prophetam, plena paterno-
 rum affectuum: Filios educaui & exalta-
 ui: ipsi verò iniquè egerunt contra me. De
 hac tetra commixtione seu confusione
 sanctorum cum profanis, piorum cum im-
 pijs Moses ait: Vidētes filij Dei filias homi-
 num quòd essent pulcræ, acceperunt sibi
 vxores. Fuit igitur hæc prima causa, quæ
 impulit Deum, vt diluvio perderet genus

O R A T I O I.

*I. Confusio
libidinum
& coniun-
ctio piorū
cū impijs.*

*II. Causa
diuinij cō-
temptus mi-
nisterij in
Ecclesia.*

*Conciones
Noami qua
les fuerint.*

humanum, quod filij sanctorum patrum, qui erant veræ Ecclesiæ membra, & hæredes promissionis, pluris fecerunt filias hominum, quàm creatorem ipsum, & spreto Dei verbo, incestis & vagis libidinibus sese polluerunt, & cum impijs Cainitis commixti sunt absque discrimine, mares cum maribus, patres cum filiabus, fratres cum sororibus concubuerunt. Ad hanc terram confusionem libidinum accessit non solum luxur & voluptas profusa atque immoderata, sed etiam contemptus ministerij verbi, vt homines insani ebrijque peccata sua neque argui, neque damnari amplius paterentur. Ideoque sine pœnitentia peccata peccatis cumulabant, & verbi Doctores Epicuræo furore deridebant, omnesq; eorum comminationes pro nihilo putabant. Non deerant tunc iustitiæ præcones, qui scelera accusabant, & ad vitæ emendationem omni cura & contentione vocis hortabantur: tum iram etiam Dei impendentē apertè denunciabant. Inter omnes tamen eminebat vnus Noamus, qui singulari mandato Dei, velut præco, peragrabat vrbes, oppida, castella & pagos, omnesque quotquot poterat, de venturo diluioles admonerat. En, inquit, quid furis homo?

mo? quid in impietate tua perseueras? Deus irascitur sceleribus tuis, nec diu pœna aberit. Pauci supersunt anni, cum perdet Deus te & omnia, quæ in mundo speciosa sunt, & oblectare hominem solent. Tunc pœnas Deo persolues graues & iustas. Nec interibis solum diluuij aquis, sed in æternum etiam exitium rues. An non hæc te mouent, vt abiecta vita tā praua ad Deum tuum te conuertas, & iram eius auertere studeas? Sed surdis concionatus est Noamus, caruit venter auribus, non flectere potuit animos obstinatos concio vlla, non frangere profanum impetum comminatio: cæci furentesque contemserunt sanctum Dei verbum, nec pœnam vllam horruerunt. Id enim indicat grauissima querela Dei, cum inquit: Non contendet Spiritus meus perpetuò cum homine. Satis iam, satis tolerauerat Deus furorem hominum, vt ferre diutius non posset. Ad hunc verbi contemptum addiderunt etiam oppressi-

III. *Causa
diluuij ty-
rannis.*

onem proximi. Quemcunq; enim impellere in fraudem, fallere dolis, aut euertere vi potuerunt, in eum inuasunt, bonis expulerunt, & è medio sustulerunt. Non iure, non disceptatione, sed vi & impulsionem omnia egerunt, tyrannidē, iniuriam

ORATIO I.

& cyclopicam immanitatē exercuerunt. Hæc sæuitia piorum cœtum valde attenuavit & imminuit, paucosq; adeo reliquos fecit. Qui enim erant ex sanctorū patrum familia reliqui, hi vel ad Cainitas transibant, eorumque mores imitabantur, vel miserè opprimebantur. Et quò pœna aberrat propius, eò magis creſcebat impiorum furor, & maior pertinacia reddebatur, vt iam tota terra corrupta eſſet, & iniurijs re-

Cum verbū Dei, Noa- miq; conciones nihil profuerēt, ad executionem pœnae se conuertit Deus. plera. Quod igitur iam dudum tam impijs & obſtinatis contemptoribus minatus erat Deus, id tandem re præſtare inſtituit. Concellerat illis annos centum viginti, intra quos pœnitentiam agere debebant: ſpaciū ſatis longum: vt ſuam bonitatem, clementiam, tolerantiam atq; patientiam abundè declararet. Sed cum in effrenato & præcipiti furore perſeuerarent: dedit mandatum Deus Noa mo de fabricanda arca, quò conſolaretur eum, ne cum impio mundo pereundum ſibi eſſe putaret. Hic palàm Deus teſtatur eſſe, ſibi curæ eſſe pios, longeque aliter ſe illos tractare quàm impios. Probauit enim & elogio præclaro ornauit innocentiam, pietatem, fidem, conſtantiam & integritatem Noami, illi que vitam & ſalutem promiſit, vt-

ut sese alia, quæ in mundo erant, haberet t.
 Addidit etiam fœdus, quo non solum de
 cōseruatione sui in diluuiio, sed de promissio-
 ne etiā venturi Messia confirmaretur.
 Iussit autem apparare arcam, cum iam an-
 nos natus esset Noamus quadringentos
 octoginta, nempe cētum & viginti annis
 ante diluuium. Ex quo sanè intelligi po-
 test, quāta moles ædificij istius fuerit, quod
 Noamum in vastis diluuij vndis vexit.
 Nam amplius centum annos in eo appa-
 rando & perficiendo consumpsit. Oportuit
 certè firmum in primis & amplum esse, ne
 ab aquis & imbribus corrumpere-
 tur, & tot animantia capere posset, quot cum No-
 amo ingressura erant. Fuit autem longum
 trecentos cubitos, latum quinquaginta,
 altum triginta, ita vt longitudo latitudi-
 nem, latitudo verò altitudinem superaret,
 ad eum prorsus modum, quem Deus ex-
 pressis verbis præceperat, ne scilicet suo ar-
 bitrio quicquam faceret Noamus, sed à so-
 lo Dei verbo penderet.

Moles arca

*Forma ar-
ca.*

*Est autem
cubiti seu
vna longi-
tudo pro
hom num
longitudi-
ne qui tūc
vixerunt,
accipiēda.*

Parauit etiam & in arca recōdidit No-
amus victum & pabulum, plus quàm an-
num, pro se & omnis generis animalib.
 quæ vnà in naui ista vehi debebant: ani-
 malium scilicet immundorum singula

O R A T I O I.

*Ingressus
in arcam.*

paria, mundorum verò septena paria. Habebat autem arca contignationes tres distinctas, ut in infima, animalia immitia, ut si, leones, tygrides: in media verò mitia: in suprema Noamus ipse, cum suis & animalibus domesticis ac auibus habitare posset. Cum autem exacto præstituti temporis spacio omnia ià adornasset, iuxta diuinum præscriptum, fabricasset arcam, congregasset animalia, & victum parasset: datum est illi mandatum à Deo de ingressu in arcam. Importauit igitur in eam septem dierum spacio victum, & introduxit animalia, nempe à 10. die mensis secundi: Decimo septimo autē ingressus est ipse cū vxore, tribus filiis, & tribus eorum coniugibus. Hic miraculum vidit Noamus voce & literis prædicandum: animalia alioqui fera & saua, diuersa, mireq; inter sese dissidentia hinc contra naturam suam, deposita feritate, paria de paribus in arcā ingressa sunt, quasi ipsius Dei manu, ex tanta multitudine animalium separata, cicurata atque deducta. Vidit autem Noamus quidem ingressum, sed successum & exitum animo suo perspicere minimè potuit. Vidit cum tot bestiis, volucris, & reptilibus in vno domicilio sibi cōmorandum esse.

esse. De quo quàm variæ in animo eius cogitationes natæ sint, nemo nostrum cogitando potest assequi. Quid enim faceres tu, si cum tam paucis hominibus, tot verò & tam diuersis animalibus in arca super aquis vagari deberes, nec finem aut euentum longinquæ dubiæque nauigationis vllum prospiceres? Videbat etiam Noamus duo illa vel maximè in nauigatione necessaria deesse, vela & remos ad impellendam & regendam nauim idonea, quorum vel oblitum esse putabat Deum, vel errare oportere arcam, & fluctibus ventisque agitandam relinqui. Ex quo, quanta periculi moles sibi impenderet, facile diuinare potuit. Sed in hac tamen formidine, spem in Dei promissione fixam atque locatam habuit, ei que nauis & cursus totius gubernationem commisit. En fidem viri, en cōstantiam & animi magnitudinem, superantem & infra se ponentem omnia pericula, quantacunq; ratio & ipse naturalis ordo ostentabat. Nos, nisi ad nutum voluntatemque fluant omnia, frangimur animis, labascimus, succumbimus, & Dei ipsius obliuiscimur, quasi qui iuuare nos neque velit neque possit amplius. Pudeat nos nimis ieiuni & angusti animi, cohor-

Cogitationes Noami ingredientis arcam.

Vela & remi defuerunt Noamo.

O R A T I O I.

*Pluuia con-
tinua 40.
dierum.*

rescamus mente & corpore, cum nos in-
tuemur, & cum tanto heroë Noamo com-
paramus. Sed pergat narratio. Cum in-
gressus esset Noamus arcam, clausit post e-
um Dominus fores : Mox ruptis abyssi
fontibus, apertisque cœli fenestris, aqua-
rum moles ingens collecta est, orbemque
terrarum in quadraginta diebus sic reple-
uit, ut arca natare in aquis cœperit. Deus
hunc quantus tunc extitit cœli terræque
sonitus? quàm intolerandus fragor conci-
tatus est? Nam & terra motu ingenti con-
cussa est, & vis ventorum immensa coorta:
Unde conuulsa & labefacta conciderunt
ædificia, corruerunt vrbes, collapsa sunt
oppida, & fragorem horrendum edide-
runt. Dies in noctem conuersa est, contre-
muit cœlum tonitru, coruscauit inter nu-
bes flamma. Tota denique naturæ fa-
cies alia facta est : ut penitus conspirasse
ad vniuersalem generis humani interi-
tum, cunctæ mundi huius partes visæ sint.
Voluit enim Deus iræ suæ vim vniuersam
effundere in tam impios alumnos. Id-
eoque natura tota furere, & implacabili-
ter irasci homini visæ est, nec quicquam
de acerbitate sua remisit, priusquam ad
vnum omnes perdidisset in terris. Non
alia

alia erit cœli & terræ facies tunc, cum in
aduentu filij Dei ad iudicium, cœlum, e-
lementa, & omnia quæ in terris sunt, igne
liquefcent & exurentur. Quantus tunc
fragor, quantus tremor impij mundi fu-
turus est? Iudex ipse totaque militia cœle-
stis vultu toruo percellet improbam mul-
titudinem, cœlum, terra & omnia ele-
menta interitum minabuntur, fauces &
ora inferni, rictus Diabolorum ad degluti-
endos absorbendosque impios, patebunt.
Sed redeo ad historiam. Creuerunt aquæ
tunc, & præualuerunt adeò, vt omnes
montes excelsos operirent. Non ergo æ-
des, non turres, non arces, non magni et-
iam montes perfugium amplius impijs
hominibus præbere potuerunt. Supe-
rauit enim aqua montes magnos, cubi-
tis quindecim. Horrendum fuit specta-
culum, tantam hominem multitudinem
tam potentium, tam florentium, tam ro-
bustorum adeò misère in aquis perire.
Non tunc matribus profuit clamor,
non liberis eiulatus, non propinqui
comploratio: sed promiscuè sæuijt
in omnes fluctuum vis, & modò
hunc, modò illum ex complexu matris
abripu-

*Facies na-
tura in ad-
uentu filij
Dei ad iu-
dicium.*

ORATIO I.

*Tempus di
luuij.* abripuit, & submersit, donec vniuersos
vndarum impetus, tanquam charybdis
vorax absorbuit. Incidit autem inundatio
hæc in tempus vernum, amœnissimã anni
partem, cum iam sata arboreſque floren-
tes vbertatem varietatemque frugum fru-
ctuumque polliceretur: quod indicat men-
sis secundus, quo Noamus in arcam in-
gressus est, & foliũ oleæ, quod exacto iam
anno columba ad Noamum attulit. Quo
sanè ægrius auelli se à tanta spe homines
passi sunt. Quemadmodum nos etiã do-
lemus grauius, cum catarractæ coeli, aut
nubes raptâ decidit, aut ventus vehemens
vel tēpestas immoderata, rebus terrâ iam
nascentibus, frugumque vbertatem & copi-
am magnam pollicentibus, damnum aut
detrimentum aliquod grauius importat.

*Nimis sera
pœnitentia
premi manu
di.* Credibile est, tunc homines demum pœ-
nituisse impiæ suæ pertinaciæ, & gemitu,
vociferatione, eiulatuque suum dolorem
& mœrorẽ declarasse. Sed sera nimis fuit
pœnitentia, & in illud tempus vsque di-
lata, quo iam exarserat & sœuire cœperat
ira Dei, veniæque nullus locus erat reli-
ctus. Habebant centum annos & vi-
ginti: his rectè vti ad emendationem vi-
tæ & salutarem conuersionem ad D. um
deue-

debuerunt. Tunc iustum poenitentia
 agenda tempus fuit, & exaudire Deus
 vota precesque voluit. Quod tempus,
 cum obstinatis animis neglexissent, iu-
 sta Dei ira tandem ablatum est ab eis mi-
 nisterium verbi, clausæ sunt Dei aures, &
 nihil nisi poena fuit reliqua. Simus me-
 mores temporis gratia, & pulsemus Dei
 fores dum patent: ne illis occlusis, frustra
 opem & misericordiam, more impiorum
 Cainitarum in prima mundi ætate im-
 ploremus. Non ergo tunc ulli viuen-
 tium in terris pepercit Deus: sed omnia, in
 quibus spiritus & anima fuit, rationalia
 & irrationalia, reptilia & volatilia dele-
 uit, excepto vnico Noamo, qui in tanta
 iræ Dei sæuitia, cum suis in arca, bona qui-
 dem spe, sed euentu incerto vehebatur.
 Non enim iam præfidiū vllum vlla in cre-
 atura reliquum, non portum ad quem
 appellere, non montis iugum, vbi quie-
 tem polliceri sibi posset prospiciebat. Ad
 summam, libero sub cœlo vagabatur, &
 omnium creaturarum ope atque subsidio
 destitutus, à solo pendebat. Deo, eius du-
 ctum sequebatur, & quid de se futurum
 esset, in illum reijciebat. Hoc tanto tem-
 pore, quas cogitationes, quæ opera Noam
 fuisse

*Vagus &
 incertus ar-
 ca cursus,
 super va-
 stis diluvij
 aquis.
 Cogitatio-
 nes & ope-
 ra Noam*

ORATIO I.

fuisse putabimus ? Profectò difficile est in tantis versari fluctibus, sub cœlo obscuro & pluuioso, carere Solis, Lunæ, & reliquorum luminum aspectu, ferre eiulatum, & ploratum mulierum, moerorem filiorum, tristitiam coniugis, strepitum, vociferationem, & garrum bestiarum, & auium. Hastamen molestias & difficultates omnes exanulare oportuit Noamum, & quidem tolerabiliora hæc fuerunt : illud autem grauissimum ei accidit, quod ex Dei ipsius animo effluxisse in hoc tempore iam longo videbatur. Etsi enim in medijs fluctibus præstò illi fuit Deus : tamen præsentiam suam occultauit, & angustie trepidare-
Mæror No que eum aliquantisper passus est. At, in-
ami cum quies, num paruo animo fuisse Noamum
consolatio existimamus in arca, quem consolari re-
ne comun- liquos, vxorem, filios, & nurus oportuit?
Bus, Hi enim ab ipso pependerunt & guber-
nati sunt. Nec tantum tamque diuturna-
nam afflictionem sustinere potuissent,
nisi à Noamo, duce suo diuino, animum
& vires accepissent. Fateor autem
multum animi fuisse in Noamo, & plus
etiam quam in vilo mortaliū esse pos-
set, in tanto concursu calamitatum. Ve-
rò

DE DILUVIO.

8.

tē etiam animos mœstos atque iacen-
 tes suorum erexit, & crebra promissionis
 diuinæ repetitione confirmavit. Sed il-
 le ipse tamen aliorum doctor, in animo
 suo mœrorem, curam, & sollicitudinem
 magnam circumtulit. Ita enim cum
 suis agit Deus, vt quanquam illis parcat,
 nec cum in pia multitudine perire sinat:
 tamen sentire eos quoque pariatur iram
 suam, & participes communium poena-
 rum aliquo modo faciat ne prolus im-
 munes sint, & labe omni vacare videan-
 tur. Itaque etiam poenæ diluuij pars a-
 liqua Noamum attingit, vt molellius ex
 eo graues, & diuturnas caperet. Quo-
 ties ei in mentem venit? En, tibi pro-
 missa est salus, vita & incolumitas, per-
 euntibus cæteris in diluuij aquis. An
 hæc est promissa illa Dei gratia? an hæc
 est sperata immunitas? Nonne nō ori-
 satius esset, quàm tot incommoda
 perpeti, tot difficultatibus conflictari,
 & tam diu quidem, vt non finem vllum
 prospiciam? Ah enecat me tā florentis hu-
 mani generis, tot carorū & pinguorum
 interitus. Examinant me meorum cre-
 bri gemitus, suspiria, querela in his argu-
 stijs, quas audire cogor. Fatigat me an-
 ma-

*Pœna com-
 muni No-
 amum et-
 iam attingit
 quidem,
 sed non cō-
 sumsit.*

*Dialogi-
 smus siue
 disputatio
 vel lucta
 potius No-
 am cum
 Deo.*

O R A T I O I.

malium tot cura & fremitus. Utinā tandem aliquando illucescat ille dies, quo finem errorum & calamitatum mearum videam. Ante locutus est mecum Deus: ac nunc tacet penitus. Hic mixtam audis infirmitate fortitudinem, querelis & suspirijs tolerantiam. Sic enim solet tractare Deus suos, sic regite eos, sic beat, ut cum infirmi sunt, confirmare possint alios, cum fluctuare videntur animis, *Ludus filij Dei in Ecclesia.* constantiam præ se ferant. Hic ludus est filij Dei in orbe terræ inter filios hominum, hoc in delitijs habet, ut inter metum & spem constituti, in ipso hæreamus, & fidem in magno dubitationum concursu probemus. Id quod immortalī laude & exemplo ad omnem posteritatem prædicando præstitit Noamus, in his vastis diluvij fluctibus, & his omnium, quas hic Sol vidit tempestatibus turbulentissimis. Porro, cum centum & quinquaginta dies in aquis errasset Noamus, recordatus est tandem illius Dominus, & omnium quæ cum ipso in arca erant. En alia facies Dei: Qui enim hætenus iratus fuit, nunc placatus esse incipit: qui ante oblitus fuit Noami, nunc in me-

memoriam eius redit. Verè ab Epitaphi Catastro-
 ad Catastrophem factus est transitus. *phe diluuij.*
 Nam vnà cum Deo reconciliato, tota *id est, con-*
 natura mitior atque benignior reddi- *uersio in la-*
 tur. Iratus fuit Deus orbi terræ, pro- *tum exitu.*
 pter scelera & iniurias hominum, qui *Simul cum*
 bus replerant eum. Punitis igitur & *Deo etiam*
 perditis iam fontibus hominibus, denijt *natura pla-*
 irasci Deus, & sedatus est furor omnis. *cata est*
 Innocenti itaque Noamo in arca, tan- *Noamo.*
 quam in diurno & tenebroso carcere
 animum addere voluit, & deficere a-
 quas iussit. Itaque claram faciem iterum
 ostendit cœlum, & emisso vento exic-
 cari terra cœpit. Nam die decima septi-
 ma mensis septimi, arca in montibus
 Armeniæ resedit, quos celsissimos esse
 in toto terrarum orbe intelligi hinc
 facile potest: Tanta enim eorum fuit
 altitudo, vt quamuis paulatim dimi-
 nuerentur aquæ: in decimum tamen
 mensem vsque, quiescere arcam ibi oport-
 uerit, priusquam cacumina altorum
 montium conspicerentur. Nam primo
 die mensis decimi, primum cacumina
 montium apparuerunt. Hic animum re-
 cipiens miser Noamus, bene tandem spe-
 rare de exitu tantæ inundationis cœpit.

*Ararat ap-
 pellat Mo-
 ses, Ptolomæus verò
 Gordeos.*

*Haitonius
 natione Ar-
 menius scri-
 bit, sua æ-
 tate conspe-
 ctas esse ar-
 cae reliqui-
 as, in hoc in-
 accesso mon-*

ORATIO II.

Et Berosus
ait, partem
nauigij No-
ami super-
esse apud
montē Co-
videum, in-
deq; bitu-
men abra-
di, pro quo
anuletō ho-
mines yan-
tur.

Post quadraginta dies fenestram arcæ ape-
ruit, & coruum columbamq; ad explo-
randum terræ statum emisit. Ac reuersus
quidem est coruus, & circa arcam vltro
citroq; volitauit: Sed in arcam tamen re-
cipi se non est passus. Columba verò in ar-
cam reuertit. Ex quo satis intelligere potu-
it Noamus, nondum desiccata esse ter-
ram. Emisit ergo post alios septem dies ite-
rum columbam, quæ tempore vespertino
reuerfa, folium oleæ decerptum portauit
in ore suo. Quo indicauit Deus jam arbo-
res iterum eminere, & mox meliora esse
secutura. Post alios septem dies emissâ co-
lumba non redijt ad arcam, quod satis in-
dicio fuit, iam desiccata esse super terram
aquas, & viuere iterum in ea posse ani-
mantia. Amouit igitur tectum arcæ Noa-
mus, clarèq; conspiciatus est siccam terræ
superficiem. Nondum tamen exire ausus
fuit, sed diebus quinquaginta sex, manda-
tum Dei certum de exitu expectauit. Hoc
bene longo temporis spacio, cum in tam
tristi carcere fidem, patientiam, perseue-
rantiamq; suam probasset Deo Noamus:
mandatum tandem diuturnis votis atq;
gemitibus expetitur, accepit de exitu ex
arca in terram, cum omnibus, quæ cum
ipso

ipso fuerunt. Egressus est igitur cum suis, *Exitus No-*
 eductis secum in terram omnibus ani- *ami de ar-*
 mantibus, quas Deus reliquas fecerat, lo- *ca.*
 cusq; inde ἀποβαθῆναι, Latine egressori-
 um secundum Iosephum, cognominatus
 est. Hic exitus fuit, hæc catastrophe cala-
 mitatum Noami in vastis diluuij flucti-
 bus. Tum demum depulsis omnibus pe-
 riculis, & sedatis tempestatibus jucunda
 Dei & totius naturæ facies emicuit. Deus
 enim tanquam ex somno excitatus, ite-
 rum aspexit Noamum, & benignè libera-
 literq; recreauit. Sol, Luna, & lumina cæ-
 tera pristinum splendorem præbuerunt:
 Terra domicilium, victum, pabulum, &
 alia necessaria reddidit. Etsi enim terræ fa-
 cies squalidior propter diuturnam inun- *Quàm iu-*
 dationem erat facta, & toti rerum naturæ *cundus fue-*
 mutationem exitialem tanta eluuio attu- *rit Noamo*
 lerat: tamen iucundus fuit eius aspectus *terre aspe-*
 Noamo, & quasi postliminij iure recupe- *ctus & re-*
 ratio. Nobis propter quotidianum vsum *cuperatus*
 minùs est grata illius forma: At Noamus *usus.*
 quò diutius caruerat, & ardentiori deside-
 rio eam exoptauerat, eò maiori voluptati
 recuperatio illi fuit. Est enim infidum ho-
 spitium aquæ, vt fieri non possit, quin ter-
 ram videre gestiant, quotquot in alto ve-
 huntur.

O R A T I O I.

*Noamus
hostiam
gratiarum
actionis
Deo obtu-
lit.*

hantur. Facta est igitur egressio cum in-
genti lætitia, non solum hominum, sed
etiam pecudum & auium. Quanto enim
impetu putabimus erupisse leones, vr-
sos, & reliquas bestias? Quanto cum desi-
derio fruendi æris euolasse volucres? Quan-
to cum gaudio exiisse reptilia? Deus bone,
quantus tunc auditus est in ære sonus?
quàm suavis concentus? Non enim sese
continere potuit vllum animal, quin ple-
nis buccis in laudem Dei erumperet. Ipse
verò Noamus, quanta lætitiæ & pietatis
sue documenta dedit? An non totum sese
quasi profundit, cum Domino altare ædi-
ficat, & de cunctis pecoribus, voluctibusq;
mundis *συνθήκεα* sacrificat? Gestijt profe-
ctò animus eius gratias agere Deo, tam ju-
sto, tam veraci, tam misericordi, tam be-
nigno, pro tam admirabili conseruatione
in tantis periculis, & paterna restitutione
in pristinam possessionem terræ. Testa-
tusq; adeò est DEVS, se amicum, se patrem,
se patronum esse Noami. Applicauit enim
sese ad eum, & odoratus est eius sacrifici-
um halitu suo, & flammis illud incen-
dens: Quo clarè ostenderet, sibi placere
cultum illum Noami in fide, inuocatione
& obedientia, gratiarum actionis causa
susceptum

DE DILUVIO.

11

susceptum atq; exhibitum. Tempus autem, quo in arca commoratus fuit Noamus, annum est. Ingressus enim est anno mundi, 1657. ætatis suæ 600. die 17. secundi mensis. Egressus vero anno mundi, 1658. ætatis suæ 601. die 27. Mensis secundi. Quod anni solaris spacium completum est.

Hæc est historia Diluvij brevis enarratio, quam nos decet attentis animis perpendere, & cohorrescere toto pectore, quoties in eius mentionem incidimus. Non enim ad primum tantum mundum pertinuit; sed bona eius pars ad nos etiam spectat: Nos, inquam, reliquias Diluvij quotidie deprehendimus, & nisi planè stupidi sumus, assidujs gemitibus meritò deploramus. Experimur enim singulis naturæ partibus impressas esse notas iræ diuinæ, in Diluvio in gentem humanam effusæ. Quota enim pars naturæ est, quæ non languidior & squalidior multò sit facta? Vbi nunc longæuitas hominum illa, quæ fuit ante Diluvium? An non vires omnium animantium, plantarum, radicum diminutæ sunt? Quid de victu dicam, qui ante Diluvium fuit multò facilior? Quàm difficilis nunc est cura sani-

Applicatio

Diluvij ad

nos.

Reliquie

Diluvij.

ORATIO II.

tatis? Carnes quidem edimus, vinum bibimus, aromaribus & multis alijs corpus reficimus atq; fouemus, & vix tamen ægra membra trahimus. Hæc & alia innumerable, nisi magna esse mala ex poena Diluuij reliqua fateamur, ipsi nos & naturam hanc, quam quotidie aspicimus, non nouerimus.

*Idem mo-
res hominū
ante Dilu-
uium &
extremum
diem.*

Deinde cūm filius Dei asseneret, in extremis temporibus finem mundi ingressuris, fore eosdem mores hominum, qui ante Diluuium fuerint: magnam vtiq; nos causam habere putemus sæpius recordandi historiam Diluuij, quò videlicet vitare peccata discamus, quæ tunc irritarunt Deum, & poenam tam horrendam attraxerunt. Verissima enim est comminatio Petri Apostoli: Si Deus neq; Angelis neq; originali mundo pepercit, nec nobis parceret. Cūm autem primo mundo fuerit exitio verbi diuini contemptus, libidinum confusio, luxus, superbia, tyrannis & scuitia, fugiamus summa cura has pestes, & verbum Dei, ministeriumq; sanctum veneremur, & a Deo nos regi petamus, ne quid committamus, quo benigna eius voluntas nimium offendatur: Tum libidinem voluptatesq; blandissimas domi-

nos detestemur, & castè viuamus, nec luxu, helluatione, aut vlla turpitudine professionem nostram Christianam deformemus: sed omnem fastum, violentiam, iniuriam, fraudem, & ignauiam deponamus: Ne vt primum mundum aqua, sic nos ignis perdat, qui in aduentu læto filij Dei, quem singulis momentis expectamus, impios & totam hanc mundi machinam, propter impiorum contagium, exuret. Ac eò propius adesse hanc mundi *πύρωσι* nobis certò persuadeamus, quò indices pene magis ignoscere cœlum videmus, dum chasmata, & ignita signa plurima nobis conspicienda præbet, quasi iam igne pleno concepto sit conflagaturum.



Oratio II.
DE EDVCTIONE POPV-
li Israëlitici ex Ægypto, per
mare rubrum, duce
Moyse:

SCRIPTA ET RECITATA IN
Academia Erffurdensi, initio semestris hyber-
ni, cum lectiones iterum incoaren-
tur: XII Calend. Nouemb.
Anno 1566.

QVOD iterum prodeo in hunc locum,
verba factururus, Viri magnifici, reue-
rendi, doctrina virtuteq; præstantes, &
Studioſi bonarum literarum amantiſſimi,
non mea fit voluntate: ſed autoritate Se-
natus philoſophici, qui inuito mihi De-
canatus officium per ſemestre hybernum
prorogauit. Ego verò ingenuè fateor, idq;
præ me fero, neq; ingenij tantum, neq; iu-
dicij, neq; induſtriæ atq; virium in eſſe mi-
hi, vt tanto muneri cum laude & aliquo
fructu præeſſe poſſim: ſed præter piam of-
ficioſamq; voluntatem nihil mihi ſuppe-
tit. Hanc quia video Academiam philoſo-
phicam à me requirere, neq; poſſum neq;
debeo ei denegare. Cùm enim honoribus
& præ-

& præmijs ab ea ornatus & auctus sum non contemnendis: & naturalis etiam quædam propensio me inuitet, vt, cum patria mihi sit, eam complectar ardentius: non licet mihi, neq; integrum est, vt meum laborem illius necessitatibus subleuandis non impertiam. Quippe est hominis astuti & ingrati, labores, per quos præmia ceperis, cum adeptus sis, deponere. Quod cum ita sit, quamuis de re & perficiendi facultate, nihil habeam polliceri: quicquid tamen in me est studij, consilij, laboris, ingenij, quicquid gratia & beneficio DEI, quicquid fide & constantia possum, id omne ad conficiendum munus commendatum, Academiae promitto & deferro: optans ex animo illud cum Aeschilo: τοῖθ' ἐποίητο, καὶ τύχῃ δρακτῆρος. Vt autem superiori æstiuo semestri Orationem in celebri conuentu Doctorum, Professorum, Magistrorum, & Studiosorum, haberi à me Senatus philosophicus voluit: ita huius quoque hyberni semestris initium, putauit piæ alicuius orationis recitatione decorandū esse. Hoc consilium cum plenum sit pietatis, & ad vtilitatem incrementumq; studiorum in Schola nostra absque omni dubio pertineat, neutiquam

ORATIO II.

improbari debet. Nam non solum honesti sunt congressus publici, docentium & discipulorum in Academia, sed apprimè etiam utiles & necessarii. Etsi enim unusquisque nostrum, priuatim, sedulo ardentibus votis Deum rogare debet, ut conatus & studia nostra clementer regat, prouehat & fortunet, ut sint ipsi in primis grata, & Ecclesiæ, nobis ipsis, & alijs quàm plurimis salutaria: tamen plurimum etiam prodest, in cœtu publico, coniunctis animis Deum precari. Quam de re quoties cogito, venit in mentem dulcissimæ sententiæ, quam recitat Tertullianus in Apologetico: Coimus in cœtum, inquit, & aggregationem, ut Deum quasi manu facta, precationibus ambiamus, orantes. Hæc vis Deo grata est: Hac sententia vel sola contentus, & delectatus mirificè, putauimus non aliud nos in hoc congressu nostro agere debere, quàm pia precatione Dei beneficia in hanc Academiam & nos omnes, præterito semestri collata, celebrare. Nec argumentum etiam aliud adferendum arbitratus sum, quàm quod huic instituto conuenire maximè videretur. Etsi enim iure fortasse quispiam obijcere mihi potest illud Aristophanicum: Quam quisque no-

uit

uit artem, in ea se exerceat: mihiq; in studio doctrinaq; artium & linguarum versanti integrum esse negat, ex sanctissima professione Scripturæ diuinæ argumentum tractandum suscipere: tamen nescio quomodo animus inclinatur & propendit totus ad sacram orationem. Dent igitur mihi Theologi hanc veniam, ut pro animi mei libitu, in hoc congressu aliquid dicam de historia educationis populi Israël ex Ægypto, per mare rubrum. Nihil enim est, quod tam capiat & excitet animos ad pietatem, timorem Dei, gratiarum actionem, & inuocationem, quam recordatio & consideratio tam insignis miraculi. Dicam autem ea breuitate, quam tempus nobis definitum, non illa copia maiestatisq; quam magnitudo rei postulat: vosq; oro omnes, ut æquis animis me audiat.

Promiserat Deus Abrahamo possessionem terræ Cananæ, & infinitæ posteritatis, statim cum eum ex Haran ad instaurandam collapsam in Palæstina Ecclesiam vocasset, anno à condito mundo 2020. Huic promissioni firmiter credens Abrahamus, certò sperabat, & expectabat bona promissa. Non enim hæsitandum sibi esse putauit, quin quòd tantus Rex, creator cœli &

ORATIO II.

Ii & terræ pollicitus erat, sanctè etiam ser-
 uaturus esset. Sed quid fit? Promissa erat
 ei terra Cananæ, & in eius possessionem
 ne vestigiū quidem pedis fecerat. Promissa
 erat infinita posteritas, nec liberos tamen
 ullos habebat: imò ne sperare quidē sobo-
 lem per naturam poterat. Hic si rationem
 tuam consulas, negabit prorsus, promissa
 Dei esse rata. Non enim potest mens ali-
 ter statuere, quàm actum esse de tali pro-
 missione. Quid igitur? mendax est Deus?
 & vanæ eius pollicitationes, irritæq; spes in
 eum collocatæ? Perpendite quæso morem
 consuetudinemq; Dei, cognoscite quàm
 mirabiliter cum sanctis suis agat. Erigit,
 cum premere videtur: iuuat & bene vult,
 cum putatur irasci: solatur, liberat, cum
 patitur nos affligi: fidelis est, cum nihil fi-
 de dignum præstare illum opinamur. Hæc
 quia dulcissimè ab Eobano in Psal. 4. ex-
 pressa sunt, versus integrè recito:

*• Mirificas Domini tandem cognoscite leges,
 In quibus exercet, quos amat, ipse suos.
 Deprimit, vt releuet: premit, vt solatia præstet:
 Enecat, vt possint viuere, & esse super.*

In Abrahamo etiam fidem datam serua-
 git, etiam si ratio & causæ secundæ omnes
recla-

reclamarent, & aduersari viderentur. Inde Paulus supra & extra omnem captum humanæ rationis & iudicij loquens, de Abrahamo inquit: Credidit Abraham contra spem. Quæ verba Pauli Hyberbolica prorsus videntur rationi, & absurda in philosophia, nec nisi veris Christianis approbari possunt. Quid enim tam pugnat cum communi rationis iudicio, quàm expectare rem in promissione ostensam, vbi nullam spei causam ratio vel natura ipsa præbet? Hæc est ars artium, scientia scientiarum. Quid autem impetrat tandem Abraham, certa fiducia expectans promissa à Deo bona? Multum vtique. Nam & filius ei datur, licet serò: & repetitur ei promissio, de posteritatis immensa multitudine & propagatione. Hac promissione & asseueratione contentum esse Abrahamum oportuit: terram verò promissam non adeptus est. Poterat autem sanctissimus Patriarcha in hac promissione acquiescere quidem, præsertim cum filium iam haberet, spem posteritatis promissæ. Verùm durius adhuc exercetur, & hæc vnica spes propagandæ sobolis penitus aufertur. Nam filium suum iubetur à Deo immolare. Hic quid animi ei fuisse existimas? Quis non irritam

ORATIO II.

irritam promissionem totam, & inane tantum *θελητήριον* fuisse iudicet? prestitit tamen Abraham, & hoc etiam gravissimum fulmen fide constantiaq; superavit, firmissimè in animo retinens promissionem usq; ad extremum vitæ spiritum: & certissimè statuens, quòd qui promiserat, esset etiam facturus. Quid de successore eius dicam, Isaac, cui quoq; , & semini eius promissio terræ Cananæ facta est? Is certè, tantum abfuit, ut illa potitus sit, ut tanquam hospes in solo promisso, sine certa sede per totam suam vitam peregrinaretur. Isaacum secutus est Iacobus, cui itidem promissio, de possessione terræ sanctæ, melle & lacte abundantis, repetita est: sed neq; huic, quod sperabat, consequi libuit: imò fame inopiaq; ex ea insuper discedere, prorsus contra promissionem, coactus est. Ecquis hîc veracem existimet esse Deum, qui quod sanctè promisit tot annis, tam sanctis patribus non præstitit? Præterierant enim iam, cum Iacob ex terra Canaan in Ægyptum descenderet, anni à promissione primùm data Abrahamo, ducenti & quindecim. Tanto tempore nullus euentus responderat. Et quod tristissimum est, in eo discessu Iacobi cum familia,

milia, omnis etiam spes confirmandæ & explendæ promissionis, evanescere prorsus videbatur. Quæ tunc in animo Patriarchæ cogitationes versatz sunt? quantam luctam fidei in eo fuisse putabimus? Expendat hoc tacitè, quantum conniti animo quisq; potest. Stupet mea mens, & hæret lingua, cum talia reputo: & animus tamen, nescio quomodo gestit coram, illa videre & cognoscere in cœlesti Academia. Sed redeo, vnde aberravit oratio. Moritur in Ægypto, in terra peregrina, Iacobo relinquens in servitute posteros suos, quos tamen liberos & terræ Cananæ dominos ex pacto Dei esse oportebat. Et in ea quidem servitute ducentos & quindecim annos illi permanserunt. Ita abierunt anni quadringenti integri, & triginta. In hoc temporis curriculo decesserunt Patres, quibus promissio erat data. Ad exitum vitæ vocati sunt, Ioseph, & alij quamplurimi, qui ingenti desiderio terram in promissione ostensam expectarunt. Nec spes eorum posteris ferè vlla monstrabatur, vâ se sustentare possent: quin iugum ipsorum servitutis indies exasperabatur, & fiebat durius. Cum enim augeretur Israëlitarum familia, & cresceret multitudo
populi

O R A T I O II.

populi cœpit esse inuidiosa Ægyptijs. Ideoq; onera identidem grauiora laborum & ærumnarum illis imponunt, atq; adeò in sanguinem & viscera eorum quoq; immanissimè sæuiunt, dum omnes infantes masculos Hebræorum, per obstetrices occidi rex Pharaonis iubet. Hic trepidat populus, angitur, gemit, & intolerabilem seruitutem sibi suisq; posteris in perpetuum sustinendam esse conspicit. En iterum Dei promissa, en asseuerationes editas patribus. Itane exoluit Deus, quod pollicitus est? Quis huic credat? quis non inani spectari fidem ei habentes videt? Promissa erat libertas, & possessio terræ Cananæ huic populo ante tot annos: & nunc seruitute in terra peregrina opprimitur, exanimatur, & tanquam brutum laboribus intolerabilibus enecatur. Hic quiescat ratio, & in obsequium Dei captiua redigatur. Non enim potest esse iudex tantorū Dei facinorum, quæ vincunt & superant omnem captum humani ingenij & intelligentiæ. Quis enim hoc suæ mentis acie comprehendat? Quis hoc sibi rationis iudicio persuadeat, Deum esse propitium, vbi iratus omni è parte videtur? Quis statuat Deum opitulari, cum eum aduersari & duri-

& duriter affligere res atq; euentus demonstrant? Quis in eum speret, in eaq; fiducia ad extremum vsq; perseueret, vbi spem omnem causæ secundæ auferunt? Hic est mos Dei, quem nos discere, & credere, non intelligere in hac vita oportet. Viuificat, cum extinguere eum putamus: amat, cum odisse existimatur: deniq; potens est, & efficax in nobis, cum infirmus & procul abesse à nobis censetur. Nihil hic homo ψυχὰς sibi sumat, stupidus est, cæcus & hebes, horum nihil assequitur. Sed iterum reuoco me, & ad institutum reuertor. Videte quid faciat Deus: mirabilis est in omnibus operibus suis. Cum iam in summas angustias redacti essent Israëlita, & non tantum de seruitute perpetua, sed vita etiam fortunisq; omnibus periclitarentur, gemerent, & tantam lacrymarum vim profunderent, quantam nec cogitare quidem, nedum explicare animus humanus potest: ecce Deus ille, in quem patres ante sperauerant, quem omnes Israëlita sub intolerabili iugo seruitutis ardentissimis gemitibus inuocauerant, prodit, & clarè se conspiciendum præbet, vocans Mo sen illum fugitiuum balbumq; ad educationem & liberationem sui populi,

C

O R A T I O II.

puli, ex tristi seruitute, in patriam promissam. Hæc lætum nuncium adfert Hebræis, cum fratre suo Aharone, iubens eos bene sperare: breuī fore dictitans, vt ex tyranni faucibus erepti, in locum tutū, melle lacteq; fluentem traducantur. Hic miscentur læta tristibus, liberantur formidine animi Hebræorū, respirant & præsentiam auxiliumq; Dei sui, in quem tot annis in tā graui necessitate sperarant, agnoscunt: & experiuntur se illi curæ esse, ne eum abiecisse aut mutasse illum animum, quem toties patribus ipsorum ostenderat & promiserat. Hic intelligunt spem patrum suorum non fuisse vanam, nec gemitus & preces suas esse irritas. Testatur enim Deus dulci & clara voce, idq; re euentuq; cōprobat, se audiuisse gemitus populi sui, & vidisse lacrymas eius. Ideoq; se misertum esse illius, & velle eum esse saluum & possidere promissa iam olim patribus bona. Hic est iucundus exitus ærumnarū, hæc paterna afflictionum mitigatio, hæc optata credentium, diuq; expectata liberatio. En hic Deus nō est mēdax, sed quod promisit, fideliter seruat. Quis igitur huic Deo non fidat? Quis de eius promissione dubitet? quis non certam opem liberationem

nem

nemque in omnibus calamitatibus, periculis, & ærumnis ab eo petat & expectet? Quantam hæc diuina liberatio lætitiã in animis Hebræorũ peperit? quantũ laxationis & solatij attulit? O incomprehensibilem Dei maiestatem: O admirandam bonitatem: O inuictam veritatem. Graue est equidem ferre morbos, seruitutem, exilium, penuriam, contemptum, & alia mala, quibus gens humana diuexari solet. Sed contrà iucundum est & lætum, ex malis eluctari, eripi, & optatum euentum videre. Non percipit verè vilius boni suauitatem, qui non acerba & amara gustauit. Sic multò gloriosior & lætior est liberatio ex malis, quantumuis diu dilata, quàm assidua bonorum perceptio. Feramus ergo magno animo, quæcunque mala nobis obijciuntur, dum modo spem mitigationis diuino animo infixam retineamus. Qui vult lætari cum Israëlitis, prius cum ipsis inter ærumnarum molem laboret, gemat & lacrymet necesse est. Sed quid triumphas? dicat aliquis: tenentur adhuc seruitutis iugo Hebræi, nec dum Pharaos eos dimissurus est. Etsi enim Moses mandatum Dei exposuerat illi, petieratque vt ad sacrificandum

O R A T I O II.

Deo vero, patefacto in populo Israëlítico, Hebræos dimitteret: tamen nihil prorsus impertrauit: & quò magis orat, eò cor Pharaonis magis & magis induratur. Est ne hæc dicenda liberatio? Considerate, impedimenta iterum sese offerunt, & difficultates obijciuntur. Sed quantæ illæ sunt? Quæso animis attentis perpendite. Homo opponit se Deo: vter cedit? vter victoriam reportabit? O miser homuncio, quises, qui Deo factori tuo aduersa fronte repugnas? quid agis? videte quantus conflictus Pharaonis cum Deo, muscæ scilicet cum elephanto, muris cum leone. Num propterea quòd Pharao Deo reluctatur, populus Israëlitis non educitur? Minimè, ludus iocusq; est Pharao: ludere eum Deus patitur aliquandiu humano more, sed tandem iocum conuertit in iram, & Pharaonem rabiosum præcipitat, clarè demonstrans, tantò se illo superiorem esse, quantò potentior est creatura creator. Ita omnes tyranni, quantumuis fremant, ringantur, & superbiant, deridentur à Deo, & conatus eorum omnes vani sunt & irriti, quemadmodum in secundo Psalmo dicitur. Etsi enim omnes suos nervos contendunt, & potentiam regni sui vniuersam furenter in Chri-

in Christianorum perniciem conuertunt: tamē frustra sæuiunt, & inanes spirant minas: quia fortior est Dominus ad propugnandum, quàm hostes Ecclesiæ ad oppugnandum, vt præclare Cyprianus dixit. Quid igitur metuiamus? cur trepidamus? cur potentiam & minas hostium perhorrescimus? Carnis nostræ hoc est vitium: fides hæc terriculamenta omnia contemnit, infra se abijcit & despicit. Pertimuerunt quoq; absq; dubio Israëlitz horribiles Pharaonis comminationes, quibus tanquam fulmine & tonitru abstertere eos à migrandi proposito, diuino iussu suscepto volebat. Sed frustra fuit omnis metus: si Deo satis confidere potuissent, non pauore vllō perculsi essent. Sed ita facere carnis infirmitas nos cogit. Vnde sanè fit, vt nos quoq; sæpe homines formidemus, vbi nec esse non est. Verùm commonefacti hoc Israëlitarum illustri exemplo, discamus fidere potenti nostro Deo, & ea fiducia confirmati, omnia pericula, quæ hostes nobis minantur, tanquam inania terriculamenta contemnere. Cognoscimus enim frustratumuisse Pharaonem Hebræos: siquidem Deus propter hominis furorem nequaquam suam mutat sententiam, neque

ORATIO II.

quod decreuit boni, ab eo desistit, ppter-
 ea quòd aduersarium habeat tyrannum.
 Equidem indignum hoc esset maiestate
 diuina, alienum à veritate Dei, & contra
 communem etiam naturæ ordinem est,
 vinci creatorem à creatura, figulum regi
 à luto. Agite ergo, videbimus quem exi-
 tū hic temerarius tyranni ausus habuerit.
 Mittit Deus sæpius ad eum Moſen cum
 fratre Aarone, vt discedendi veniam ab il-
 lo impetret. Hic putet fortasse quispiam,
 in potestate Pharaonis situm fuisse, vtrum
 egrederentur Israëlita, an verò in seruitute
 manerent? Nequaquam ita se res habet,
 decretum statutumq; hoc erat in animo
 Dei, vt educeret in terram promissam po-
 pulum suum: quare cœlum & terram, to-
 tamq; naturæ faciem prius mutari, vel in
 nihilum etiam redigi necesse fuisset, quàm
 hoc consilium Dei relinqui. Cur igitur
 toties sollicitatur Pharaon, vt populum di-
 mittat? Duæ sunt potissimùm huius con-
 silij diuini causæ. Prior est, vt sua benigni-
 tate & lōganimitate Deus inuitet Pharao-
 nem, vt potentiam voluntatemq; Dei co-
 gnoscat, eiq; reuerenter obediat: altera,
 vt gloriosior, gratior & illustrior esset edu-
 ctio, manifestareturq; per eam maiestas &
 omni-

omnipotentia Dei, qua suos tuetur & defendit: aduersarios verò prostermit, & in nihilum redigit. Hac igitur omnipotentia, hostibus terribili, optata verò pijs, educit Deus populum Israël, opimum spolijs Ægyptiorum, & lætum spe potiundæ terræ, tot ante annos promissæ, inuito & reclamante Pharaone. Etsi enim plagis diuinis ita territus & edoctus erat, vt vel manibus potentiam & vim Dei palpare posset, in eumq; locum res iam erat adducta, vt expellere etiam Israëlitas ex suo regno cogeretur: tamen in tantam identidem relapsus est pertinaciam & furorem, vt exeuntes Hebræos hostilissimo exercitu persequeretur. O pectus Caucasii rupibus durius, & scopulis marinis, qui assiduis fluctibus tunduntur horridius: non flectitur Pharaon ad pœnitentiam, tam horrendis spectaculis, quorum recordatio saltem, quâuis extra periculû, ita percellit animos nostros, vt magnitudine illorû expauescamus & horreamus. Sed ita puniri obstinatos iustissimum est, qui contumaciter cupiditatibus frenos laxant & furenter Deo resistunt. Nam verè in pœnis furor est summa pœna, & calamitates cumulat. Ruunt ergo cæci

O R A T I O II.

& præcipites in exitiū impij, & tragicè pereunt. Sed redeo ad historiam. Egrediuntur Israëlita potenti Dei manu ex Ægypto, ingenti multitudine, ad sexcenta millia virorum, præter paruulos, mulieres, & innumerabilem turbam promiscuā. Quomodo? Ducente quidem Mose, sed autore & protectore Deo, præcedente eos per diem in columna nubis, per noctem in columna ignis. O felicem populum, qui suæ migrationis gubernatorem & defensorem habet filium Dei. Ita. n. nos interpretari, tū textus cogit: tum dulcissimum dictum Irenæi, qui asseuerat filium Dei semper adfuisse generi humano, & semper custodem & vmbraculum esse sui cœtus, qui doctrinam ipsius amplectitur & profitetur. Hic igitur filius Dei verus fuit dux, custos & opitulator populi Israëlitici in hac migratione ex ergastulo Ægyptiorum in terram sanctam, quam jam olim ipsi promiserat: et interdiu quidem nube eum texit, noctu verò lucētibz flammis circumdedit. Hoc tanto vmbraculo aduersus æstum & omnem vim hostium muniti Hebræi, tutò iter faciunt, conspicientes & cognoscentes ex omni parte præsentiam & benignā protectionem Dei. Et primo quidem die castra

stra ponunt in Suchoth: secundo, ex Suchoth egressi, perducuntur in desertum Etham, vbi solitudinis extremi fines erant circa rubrum mare, seu sinum Arabicum, Fuitq; eorum iter haftenus felix & expeditum. Verum iterum considerate, quæso, quàm mirabiliter Deus suos ducat & regat, Cum die tertio ex vasto & plano deserto Etham populus egressurus esset, retrahit illum Deus à curriculo & via incepta, in loca montana & aspera ad fauces Phiahiroth: ibiq; in summis angustijs inter montes & mare eum concludit. Hic quia ante se mare habebat amplum & sæuum, ponè verò insequentem hostem Pharaonem cum instructissimo exercitu: iterum trepidat, & in summum periculum adducitur. Hæret enim ibi miser populus exanimatus metu, quocunq; oculos conuertit, præsentem mortem prospicit: in summa, crudelis vbiq;

Luctus, vbiq; pavor, & plurima mortis imago.

Hæc nimirum est communis illa & visitata Deo vicissitudo, siue temperamentum ærumnarum & liberationum, sollicitudinum & consolationum. Vix respirant Israëlitz, erepti ex Ægyptiorum ergastulo: nunc iterum obijciuntur faucibus tyranni, & præda videntur fore hosti sæuissimo.

ORATIO II.

Hic certè iterum clamabit ratio, actum esse, nihil spei prorsus esse reliquum. Sic-
cine suos beat Deus? Itane seruat in se
confidentes? Hic obsecro considerate me-
cum mirandum modum, quo Deus suis
opitulatur, & ex ærumnis eos liberat. Nos
humili strati, ad media plus satis nos alliga-
mus, & sine ijs salutem nullam esse existi-
mamus. Verùm Deo longè alia est mens,
alius animus. Ideo rectè inquit apud Pro-
phetam: Deus ego sum, non homo. Qua-
re non ex nostris ingenijs æstimemus &
iudicemus Deum, sed accuratis limiti-
bus humana à diuinis distinguamus.
Non comprehenditur Deus obtusa intel-
ligentiæ nostræ acie, ideoq; credamus
oportet, idq; exploratum omnino duca-
mus, Deum etiam absq; medijs ijs quæ
nostris cernimus oculis, aut quæ causæ se-
cundæ suppeditant, liberare suos ex ærum-
nis posse. Est enim liberrimum agens,
& vult primùm nos simpliciter promiss-
sionibus suis fidem adhibere, siue sua-
deat ratio, siue dissuadeat. Deinde, vt fi-
dem nostram exploret & confirmet, æ-
rumnis nos subijcit, quæ quamuis ama-
ræ sint, tamen non sunt exitiosæ, sed vtilis
& salutare. Eripit igitur ex oculis omnia
humana

humana præsidia seu media, quibus confidere poteramus, vt nostram fiduciam in se solum transferat. Postremò, cum iam omnibus præsidijs humanis destituti sumus, nec consilij aut opis quicquam superest, mirando modo & gloriosè iuuat & liberat: vt videlicet clariùs & manifestiùs conspiciatur eius maiestas, gloria & omnipotentia: Sic in hac quoq; historia populo suo Istaëli omnem opem, consilium & præsidium humanum adimit, concludens eum inter mare & hostem, vt suam potentiam & bonitatem apertiùs declaret. Nam ibi volebat auxilium suum manifestari, vbi auxilium humanum omne defierat: vt ostenderet se esse σωτήρα ἀνθρώπων ἐπὶ ὕψος ἢ δὴ ἑόντων. Quare tunc in summis angustijs hosti manifesta vi resistit: & ne rabiosè in exercitum Iudæorum irruat, interponit sese medium in obscura & nebulosa nube, & potenti manu eum coërcet. Ibi tum videre licuit stantes duos numerosos exercitus, alterum fugientem, alterū insequentē hostiliter: in medio autem vtriq; interpositum præsidiū Dei, compescētis & cohibentis rabiem insequentis hostis. Etsi enim Pharaonis conatus nō dissimiles fuerunt flumini extra ripas effuso, quod

Fertur

O R A T I O II.

*Fertur in arua furens cumulo, camposq; per om-
Cum stabulis armenta trahit: — (nes*
tamen Deus metam certam illi constituit,
quousq; permissurus esset ut grassaretur;
& ut Esaiæ verbis utar, circulum in naribus
eius posuit, & frenum in labijs. Extra hanc
metam egredi nequaquam potuit. Cum
igitur populus consternatione tropidat, &
Moses expostulationem eius vix compe-
scit, stans inter sacrum & saxum, accipit di-
uinam consolationem, qua animatus for-
titer, inquit: Nolite timere, state & videte
magnalia Domini, quæ facturus est hodie.
Ecce hic est fructus longè vberrimus peri-
culorum & ærumnarū, in quas Deus nos
incidere sinit, ut videlicet agnoscamus præ-
sentiam & potentiam, seu magnalia Dei.
Non igitur indignari, non fremere debe-
mus, cum affligimur, neque discurrere ad
inconcessa præsidia, sed constāti inuictōq;
animo liberationem à Deo petere & expe-
ctare. Nam verè Propheta inquit: In silen-
tio & spe erit fortitudo vestra. Quod verò
est illud silentium, quod Deus in ærumnis
à nobis requirit? Num vult Deus nos pror-
sus ocioso & securo esse animo, & quandā
ἀπάθεια præ nobis ferre? Minimè, nam
silentium in eo consistit, ut primū cru-
cem

cem nobis impositam obedienter feramus. Secundò vt ne illicita præsidia ex diffidentia quæramus, & extra metas vocationis erumpamus. Addit autem Prophe-
ta: In spe: quæ complectitur fiduciam ve-
ram, acquiescentem in Deo, & certò miti-
gationem, auxilium & liberationem ab eo
expectantem. Hoc silentij & spei mirabili
temperamento Iudæi tunc præsentia peri-
cula procul fugarunt, & præclarè eluctati
sunt. Nam fidelis est Deus noster, nec sinit
nos tentari supra id quod ferre possumus:
et tentationem semper ex pacto Dei sequi-
tur mitigatio, & placidus exitus. Audit
hic Deus Moſen, antequàm clamet: respon-
det, cum adhuc verbum nullum ore esset
prolocutus. Tanta est in eo audivitas, tan-
tus ardor, tam flagrans desiderium exau-
diendi, iuuandi & liberandi. Cum igitur
iam erexisset Deus languentes populi sui
animos, mox sequenti nocte, diuiso, diui-
na potentia, per baculum Moſi, mari ru-
bro, exiccatoq; immisis ventis, vado, reli-
ctis castris mare ingreditur. O miraculum
ingens, Angelorum & hominum linguis
& vocibus prædicandum. A tergo arcer
Deus insequentem hostem à suo populo,
interiecta nube, quæ densam nebulam
hosti

ORATIO II.

hosti offundit: à fronte scindit mare, & tutum transitum suis præbet. Cedit mare procellosum credentibus, contra omnem rationem & naturæ ordinem: stant vtrique ingentes cumuli aquarum, in modum altissimorum scopulorum erectarum. Inter hos cumulos transit uniuersa multitudo populi, medium locum inter castra Ægyptiorum & Israëlitarum obtinente nube illa, obscura quidem, sed ex qua fulgetra emicabant Ægyptios terrentia, Israëlitis verò lumen præbentia. Estq; hæc maris diuisio eò admirabilior, quòd ea in parte facta est, vbi milliaria ferè quindecim mare rubrum fuit latum, vt ex descriptione Ptolomæi cognosci potest. Quocirca nec confici tantum iter breuè potuit, sed tempus longiùs in eo consumi oportuit. Etsi autem præsentiam & auxilium in hoc miraculoso transitu populus liquidò conspexit: tamen, vt fert humana imbecillitas, multas querelas, gemitus & lacrymas intercessisse credibile est. Quid enim tu cogitares, si isto esses loco, quo tunc Israëlità fuerunt? Nónne sollicito animo identidem respectares ad cumulos istos aquarum erectarum, & in sublimi stantium? Nónne

ia mian

iamiam eos ruituros esse metueres, & tecum familia vniuersa oppressuros? Accesserunt suspiria multorum, ploratus paruulorum, partim humeris gestatorum, aut manu ductorum, partim ponè sequentium: nec defuerunt vociferationes & clamores promiscuæ multitudinis, vnà transeuntis. Quàm enim difficile est fidere Deo, vbi spem omnem creaturæ denegant? Erat præterea à tergo hostis immanis & ferox, quoties igitur eos respexisse putabimus ad hostem, quàm longè abesset? Et vt maximè per mare iter conficerent, & incolumes ad portum peruenirent: metuendum tamen sibi esse viderunt ab hostibus & latronibus, ne rabiosè concurrerent, & tam ignotos hospites à littore immaniter repellerent. Verùm ex his curis & sollicitudinibus eluctatur fides, & gloriosè vincit. Eius tanta vis est, vt quæ inuisibilia sunt, tanquam oculis subiecta complectatur: & quæ differuntur, perinde habeat atq; præsentia. Deniq; vbi Deus se iratum & tanquam hostem ostendit, ibi eum tanquam patrem intuetur & habet. Hæc nimirum est ars Christianorum summa & arcana, ignota prorsus mundo securo & profano. Hac

Israëlitæ

ORATIO II.

Israëlitzæ etiam metum & dubitationem
omnem represserunt, & hostem imma-
nem, Pharaonem, vicerunt, & intereme-
runt. Cum enim is sub lata nube, castra
Iudæorum vacua cerneret, & vadum ma-
ris siccum conspiceret, eadem via illos
persecuturus, in medijs undis circa diei di-
luculum cum vniuerso exercitu perijt,
partim commotis ventorū procellis, par-
tim recurrentibus aquis obrutus. Israëli-
tarum verò exercitus & multitudo tota,
incolumis ad littus & portum peruenit.
Hæc est læta & gloriosa liberatio populi Is-
raël, ex durissima seruitute, & ergastulo
Ægyptiorum: & victoria Dei de hoste suo
Pharaone, omnium vocibus, literis & lin-
guis celebranda. Estq; facta anno conditi
mundi 2454, die mensis Aprilis decimo
quinto. Et manifestauit Deus suam glori-
am, & declarauit omnipotentiam & veri-
tatem inuictam in seruandis promissio-
nibus: vt certò credamus & statuamus,
eum verè & ex animo nos amare, fouere,
defendere, & iuuare, quantumuis duriter
aliquandiu premamur & affligamur. Et
vt animo infracto expectemus ab eo opem
& mitigationem, etiamsi spem opis & au-
xilij ratio & natura tota nobis deneget.

Hanc

Hanc artem nos tenere oportet, eaq; tanquam ancora in ærumnis niti. Sed non finit tempus hæc persequi longius. Venio igitur ad id, quod in recitatione huius historiæ vnicè nobis propositum est. Cum siccis vadis incolumesq; Israëlita sinum Arabicum transiissent, & prosequentem hostem cum vniuerso exercitu in vndis miserè perditum viderent: Deus bone, quanta oritur in animis eorum lætitia? quanta existit exultatio? quantus insequitur triumphus? Est enim cum innatum nostris animis, vt prospera fortuna extollamur, & gestiamus: tum si liberatio ex tam graui & difficili periculo, tam admirabilis, tam præter omnem rationem, imò præter & contra omnes causas in natura ordinatas accesserit: incredibilem & profusam lætitiā excitare necesse est. Vt igitur tanto tamque miraculoso Dei beneficio liberatus populus Israëliticus, ardenti pectore & pleno ore in laudem celebrationemque Dei erupit, & lætiscantionibus gratias egit: sic nos quoque affecti à Deo, præterito semestri, maximis & innarrabilibus beneficijs, lætis animis & voce hilari gratias ei agamus. Ideo enim historias sacras legimus, ideo miracula Dei

O R A T I O II.

in Ecclesia edita cognoscimus, vt Dei beneficentiam erga nos perspiciamus, eiusque recordatione ad admirationem & gratiarum actionem ardentem exuscitemur & accendamus.

Tibi ergo totis pectoribus & animis gratias agimus, omnipotens, æterne & viue Deus, qui te patefecisti patribus Abrahamo, Isaaco, & Iacobo, edita promissione de filio tuo Domino nostro Iesu Christo Messia & redemptore generis humani, & deduxisti populum tuum per mare rubrum, scissis & stantibus aquis in sublimi, instar montium: & deleti hoste feroci Pharaone, omnipotentiam & voluntatem tuam qua erga Ecclesiam, omni tempore es, manifestissime declarasti. Denique per filium tuum Ecclesiam in genere humano inde ab initio vsque mundi collegisti, eamque custodiisti, & defendisti ab omnium hostium furore & impetu: & etiam nunc per eum nobiscum in Ecclesia loqueris, voluntatem tuam nobis declaras, & ad vitam æternam nos acceptas. Insuper Spiritum sanctum tuum in corda nostra effundis, vt regeneret & sanctificet nos: regis, ducis, pascis, & defendis nos à Diaboli insidijs, & fraude Turcarum & aliorum hostium omnium violentia & rabie:

ser-

feruas politias, leges, & omnia honesta officia in hac ciuili cōsociatione, qua deuinxisti nos. Accendisti iterum in hac delira mundi senecta verbi tui lucem, ex densissimis tenebris erutam, eamq; purè in Ecclesijs nostris sonare finis: foues artium & linguarum studia, & in hac etiam schola nostra qualiacunque initia doctrinæ literarum, vnà cum sacrosancto tuo verbo, instaurasti. Hæc tua immensa beneficia, quo animo, quo ore satis prædicabimus? aut quibus verbis tibi gratias agemus? Et si, magne Deus, obstupefcunt mentes nostræ, & hærent linguæ ob tantam benefactorum magnitudinem: tamen accipies (qua est tua in nos paterna voluntas & æquanimitas) gratiam nostrâ, quâ pro animorum nostrorum viriculis reuerenter, piè & humiliter tibi habemus & referimus. Agnoscimus tuam diuinam & inexhaustam erga scholam hanc, & nos omnes bonitatem & misericordiam: & vt veriùs indies agnoscamus, tu, qui omnipotens, & fons omnis boni vnicus, per Spiritum sanctum tuum in nobis effice: Te vnà cum filio tuo Domino nostro IESU CHRISTO, & Spiritu sancto veris gemitibus inuocamus, & oramus;

ORATIO II.

vt quemadmodum populum tuum Israël duxisti, & gloriosè liberaſti: ita nos quoq; in hac vltima mundi ſenectà, in qua & pietatis & honeſtatis officia lægueſcunt mirificè, clementer respicias, regas, foueas, & tuearis. Non nos ſumus, qui regere nos noſtris viribus queamus: in te nos proijcimus totos, à te pendemus: tu Eccleſiam, politias, & hanc ſcholam noſtram protege, auge & ſerua. Vt enim tenello & enervato corpori & copioſiore tegumento, & cura maiore opus eſt: ita ſenescens iam Eccleſia, & hæc noſtra ſchola deſerta, ac alijs præſidijs deſtituta, præſentiori & validiore indiget auxilio & adiumento tuo. Hanc igitur, pater ſanctiſſime, cura, foue, & commendatam tibi habe. Rege etiam nos, quibus docendi munus commiſſum eſt, Spiritu ſancto tuo, vt vtilia & ſalutaria doceamus: tum diſcipulis etiam noſtris verum amorem audiendi, diſcendiq; inſtilla, vt ita officium noſtrum vtrobiq; faciamus, & tibi per nos aliqua grata fiant. Hac fiducia erecti & ſuſtentati, cras, quod felix & fauſtum ſit, lectiones hyberni ſemeſtris, in nomine Dei iterum auspicabimur, ſuo quiſq; loco & ordine, quem foris affixa ſchedula monſtrabit. Dixi.

O R A -

Oratio III.

DE TRANSITV POPV.

LI ISRAELITICI PER IOR-

danem, Iosue 3. & 4.

CVM Deus, cæsis omnibus primogeni-
tis Ægyptiorum, suum populum ex
seruitute in terram promissam, lacte &
melle fluentem educere vellet: ritum agni
paschalis instituit, vt memoriam & testi-
monium suæ voluntatis perpetuum con-
seruaret: iussitq; eundem ritum annuatim
repeti, & incalculari posteris, vt de tanto
beneficio diuinitus præstito commonefi-
erent ac edocerentur. Vult enim sua bene-
facta non latere, sed tanquam in illustri lo-
co sita conspici, diuque & firmiter memo-
ria teneri, atque ad omnem posteritatem
propagari: vt istorum cogitatione in no-
bis accendatur & confirmetur fides, in-
uocatio & gratiarum actio, sicut in Psalm.
78. dicitur: Mandauit patribus nostris, no-
ta facere ea filiis suis, vt ponant in Deo
spem suam. Ita cum populum suum tra-
duxisset per Iordanem, duce Iosua, præce-
pit perpetuæ huius mirandi facti memo-
riæ causa erigi duodecim lapides: manda-
uitq;

ORATIO III.

uitq; , vt interrogantibus filijs, quid sibi isti
velint, responderetur, Deum olim popu-
lum suum siccis vadis per illum locū Ior-
danis traduxisse, vt omnes gentes poten-
tiā ipsius cognoscant ac reuereantur. Cū
igitur Deus ab omnib. hominibus illustria
& gloriosa sua facta cerni p̄dicariq; & ma-
gnificari velit: decet nos nō solum gratā me-
moriam eorū retinere, sed etiā crebris co-
gitationib. & sermonibus illa repetere &
vsurpare, vt & agnitio benignissimæ ipsius
erga nos voluntatis, & timor, cū vera fide
& inuocatione in nobis crescant ac corro-
borētur. Cū autē ea vniuersa simul neq;
cogitatione cōprehēdi, neq; vllius huma-
ni ingenij vi ac dicendi copia enarrari pos-
sint: sumā in præsentia tantū vnicum eius
factū, de translatione populi Israëliti per
Iordanē: de eoq; quantum cœlestis orator,
Dispositio. λόγος καὶ εἰκὼν patris, per Spiritū sanctum
inspirauerit, dicam. Etsi autē tanta huius
facti amplitudo & maiestas est, vt neque
Attentio. principiū neq; finē orationis facilè inue-
nias, nec verba ornāmētaq; quib. illud ef-
feras, satis apta succurrant: tamē nō copiam
ego persequar, quā rei magnitudo suppe-
ditat, sed certos locos, velut fines terminos-
que mihi proponam, inter quos oratio to-

ta contineatur. Referam enim historiam totam ad locos honestatis, utilitatis, & difficultatis. Sed antequam id præstem, hi- *Narratio.* storia breuiter enarranda est. Cum Israëlita iam annos 40. post exitum ex Aegypto in deserto fuissent, mortuus est Moyses: quo amisso, magno in luctu & squalore fuit populus dies 30. quòd tanto heroë & præside orbatus esset. Quia verò promissionē suam de terra Cananea, explere atq; perficere Deus volebat: vocat Iosua ad regendū & ducendum populum Israëliticum: eumque autoritate, virtute & prudentia eximia ornat: & successus in negotijs vocati- onis tantos præbet, vt omnes ipsum reue- reantur, & sponte illi obtemperent. Huius igitur ductu & autoritate accingitur populus vniuersus ad transeundum Iordanem, ingentis altitudinis & rapiditatis flumen. Cumq; iam tertius dies post exple- tū Mosis luctū ageretur, Israëlita assumtis mulierib. impuberibus, mācipijs, armētis & alijs, ad littus vicinū Hierichunti p̄gres- si, vidēt incredibili Dei bonitate atq; po- tentia aquas discindi, & superiorē quidem partē in altū accumulari, inferiorē verò in mare mortuū defluere. Facto igitur perui- o Iordane, per sicca vada incolumes & salui

ORATIO III.

transierunt, & ad portum toties promissum diuque desideratum peruenerunt, stante interim & quasi in sublimi pēdente aqua fluminis. Hæc est facti historia; quam ideo breuius recensui, quod postea in loco difficultatis clariùs exponenda erit per circumstantias. O verò inæstimandum & gloriosum factum, quod præter omnem opinionem humanam, & contra vniuersum naturæ cursum & ordinem tunc Ecclesiæ suæ præstitit Deus: eoque suam maiestatem, potentiam & promissiones magnificè & insigniter confirmauit, omnesque suos hostes & idolatras perpetua ignominia affecit, & ita blasphemiam eorum confutauit, vt de omnipotentia ipsius dubitare nō amplius possent. Tanta enim illico terror consternatioque, perculsit Cananæos, Hyphæos, Pherizæos, Gargaseos, Emoræos & Iebusæos, audito hoc populi Israëlitici per Iordanem transitu, vt timore nimio, quasi quodā immisso fulmine obstupefacti, quò se verterent, quidque de se facerent, vehementer dubitarent. Hic est triumphus gloriosus & magnificus, per quem conterritis & examinatis hostibus Ecclesiæ, salus decusque restitutum est, & terræ fœcundissimæ &

amœ-

amœnissimæ possessio parta. Hæc est victoria non solum de potentibus inimicis & tyrannis, sed de natura etiam tota. Laudabile esse ducimus, truculentum aliquem & bellicosum reprimere regem: præclarum esse putamus, forti & inuicta manu reducere in regnum oppressos. Eximium fuit, Alexandrum illum magnum, victricibus armis totum ferè peragrarè & expugnare orbem terræ, debilitatis & fractis tot regibus, tam munitis urbibus, & tantis ubique collocatis præsidijs. Sed si huic facto id compares, vix tibi umbra videatur. Ab eo enim debellati sunt homines, & victa ea quæ & naturam & conditionem ut vinci possent, habebant. Neque est in rebus humanis quicquam tam robustum, tamque diuturnum, quod non ferro ac viribus comminui conuelli que possit. Verum in hoc facto natura ipsa deuicta est, & è cursu suo, quem tamen incredibili constantia tot annos continuè tuetur atque seruat, dimota est. Hoc quid potest esse rarius & inusitatus, magnificentiusque? quæque laus & prædicatio par aut sufficiens illi inuenietur? Admirantur illud Angeli, obstupuerunt recordatione eius omnes pii, quotquot ab eo tempore in Ec-

ORATIO III.

*Compara-
tio cum a-
lijs Dei o-
peribus.*

clesia floruerunt. Hic enim Deus verè su-
am illam incomparabilem & inuictam
potentiam declarauit, dum naturam re-
rum mutauit: hic suam prouidentiam,
clementiam & bonitatem vniuersam ma-
nifestauit, & opulentè effudit in Eccle-
siam, traducendo eam contra spem &
expectationem omnem per flumen tam
rapidum & altum, in terram sanctam.
Hic hostes planè pedefecit, idola omnia fi-
ctosq; Deos eneruauit & deleuit. Hic sese
ita patefecit, vt fidem, timorem & inuoca-
tionem sui, in omnium hominum pecto-
ribus meritò confirmârit & consignârit:
vt relictis cæteris omnibus, ipsi soli fida-
mus, ab ipso salutem, opem & liberationē
in periculis petamus & expectemus. Quo-
modò enim de eius animo, atq; auxilio
dubitare possumus, quī suas promissiones
clarissimas & saluberrimas tam ingenti-
bus & miraculosis facinoribus contesta-
tur & comprobatur? Magna sunt cætera Dei
opera omnia, & quidem inenarrabilia:
vt creatio rerum ex nihilo, formatio ho-
minis ad imaginem Dei, & sustentatio
continua, & conseruatio pulcerrimi ordi-
nis in natura, legum, disciplinæ, & aliorū.
Hæc certè nisi tam magna esse fateamur,
vt ea

ut ea nullius hominis mens aut cogitatio
 complecti possit, amentes simus. Sed sunt
 alia non minora: conseruatio Noë in vni-
 uersali orbis terræ inundatione, eductio
 Hebræorū ex Ægyptiaca seruitute, & op-
 pressio insequentū hostiū in mari rubro,
 retractio Solis ex medio cursu, defensio
 Danielis inter sæuos leones: & quod om-
 nium maximum est, incarnatio & resurre-
 ctio filij Dei vnigeniti ex morte. Hæc talia
 sunt, ut ea nullus Angelus, nedū nos ho-
 munciones intelligere aut eloqui possi-
 mus. Veruntamen non postremum est hoc
 quoq; de exiccatis aquis Iordanis, & tuto
 populi Israëlitici transitu. Est enim nō mi-
 nūs admirabile, scindi aquas, & ita cursum
 earum inhiberi, ut sicca vada præbeant tra-
 ijcientibus, quā seruari Noamum in ar-
 ça, vagantem in vastis diluuij fluctibus, aut
 custodiri Daniele, inter medios leones
 versantem. Quare annumeretur hoc factū
 inæstimabilibus & admirabilibus Dei fa-
 cinoribus, quæ Ecclesiæ suæ ab initio exhi-
 buit, ad declarandā suam infinitam & im-
 mensam potentiam, & ostendendam su-
 am beneficam & amicam erga nos vo-
 luntatem: ut illis comonefacti & conuicti,
 non possimus non certè planeq; itatuere,
 cum

ORATIO III.

eum esse verum illum Deum, & patrem nostrum clementissimum, à quo creati sumus, & liberamur peccato & à calamitatibus cæteris, quæ modocunq; nobis obijciuntur.

Sed eiusmodi facta quamvis verè sint amplissima, & omnium gentium laude, prædicatione, literis atque monumentis dignissima: tamen nescio quomodo dum nudè audiuntur aut leguntur, parum nos afficiunt, neq; tamen efficaciter animos nostros permouent, ut meritò mouere debebant. Est enim mentibus atq; cordibus nostris insita naturalis quædam hebetudo & stupiditas, unde fit, ut ea etiam quæ diuinissima sunt, & Angeli ipsi admirantur, vel negligantur à nobis, vel certè non satis accurate considerentur. Hæc peruersitas deploranda est, & orandus Deus sedulo, ut Spiritu suo viuifico ferrea nostra pectora effodiat, emolliat & accendat, ut non solum istiusmodi admiranda facta libenter audiamus, sed etiam seriò meditemur, veramque salutem & consolationem inde percipiamus. Cum autem in factorum descriptione nihil tam pectora nostra feriat, quàm circumstantiarum illustris commemoratio: eas ipsas quoque recensebo, ut quàm periculolus & difficilis hic transitus

itus

itus populo visus sit, inde æstimare possi-
 mus, & maior etiam huius diuini benefi-
 cij admiratio nos capiat. Factus est igitur
 hic transitus eo in loco, vbi Iordanis mul-
 tis alijs fluminibus ac torrentibus, collectis,
 mirum in modum excrescit, & multò est
 latior profundiorq; quàm in cæteris parti-
 bus, quæ à fontibus eius propius absunt.
 Nec dubium est, vna hora confici tantum
 iter non potuisse, sed pluribus horis opus
 fuisse, & fortasse etiam integri diei spacio.
 Ex quo sanè satis conspicitur, quanta pe-
 riculi magnitudo fuerit in transeundo
 tanto flumine, non tantum suo alueo vn-
 dique completo, sed exundante etiam, &
 latè vicina loca complectente. Minus mi-
 raculosum fuisset, si superius aliquantò
 in parte aliqua viciniore fontibus, Hebræi
 transissent, vbi angustius flumen, minus-
 que profundum, tutius vadum præbuisset.
 Sed ita solet Deus suos beare, & regere: vt
 vbi minimè salutem sperant, nihilque vi-
 deatur impossibilius ibi vel maximè eos
 iuuet, atq; liberet. Sic etià tunc in eo po-
 tissimū loco traducere Hebræos voluit, vbi
 flumen minimè peruiū esse posse videba-
 tur. Hanc enim artem sibi soli Deus reli-
 quam fecit, vt quæ nostra opinione impos-
 sibilia

ORATIO III.

Alia difficultas ex loco.

sibilia, & omnium difficillima existunt, ipsi facillima sint. & promptissimè cedant. Accessit etiam hæc non mediocris difficultas, quòd in terram ignotam transitori erant. cuius incolæ infelto sibi esse norant, proficiscebantur enim tunc in terram Canaan, ad occupandam eam, excussis & eiectionis prioribus dominis. Quare in magno metu fuerunt, cum tanta pericula ab incolis eius loci sibi imminere scirent. Nam ut maximè flumen tutò transirent: tamen veniebat eis in mentem vereri, ne ab occurrentibus vñq; tot incolis hostiliter à portu repellerentur, & vel occiderentur, vel in medium fluuium retrò abacti precipitarentur. Quid quæso tibi esset animi, si eo loco esses, quo tunc fuerunt Israëlita? Nonne totò pectore horreres & trepidares, si tantum flumen tibi transeundum esset? præter omnem modum & rationem naturæ: & quidem cum mulieribus, liberis. & alijs non exiguis oneribus: & insuper etiam scires, omnes incolæ eius loci ad què iter haberes, tibi esse inimicos? Quid de te futurum esse existimares, si in eiusmodi angustias adducereris, ut præsentem mortem omnia tibi minari videres? Non
in m.

in minore equidem periculo tunc Israëlitas fuisse iudico, quam cum ad mare rubrum venissent, inlectante hostiliter à tergo crudeli Pharaone, cum exercitu instructissimo. Quod enim illic ponè habuerunt, id hîc ante sese habituros in vltiore fluminis ripa conspiciunt. Quamobrem quantus in hoc transitu gemitus, quâtaq; anxietas huius populi animos occupaue-rit, nemo nostrum conijcere potest. Sed hic est mos Dei perpetuus, vt per difficultates & aduersitates multas, suos educat, & gloriosè tandem liberet: sicut etiam nunc Ecclesiam suam mirabiliter, inter tot pericula & hostium multitudinem ducit ac protegit. Est enim hic Israëlitarum transitus expressa imago Ecclesiae, quæ in miraculo transitu per calamitates & arumnas plurimas continenter versatur, donec ad portum suum coelestem perueniat. Est autem hoc quoq; consideratione diligenti dignum, quòd in eo ipso loco Iordanis, vbi Hebræi transferunt, post annos fermè 1500. Christus Iesus baptismo per Ioannem initiatus est, & deinceps aliquoties ibidè versatus: indeq; ad passionem suam, per quam verè omnibus credentibus transitus siue aditus ad vitam æternam patefactus est, migravit. Dictusq;

Imago Ecclesiae

ORATIO III.

Dictusq; est is locus Bethabara, q, est domus trāsitus: haud dubiè propter testimoniū memoriā perpetuā huius miraculose populi Israēlitici traiectionis. Ita proculdubio hæc populi traductio cum arca fœderis, quam sacerdotes per medium flumen gestabant, figura fuit transitus Messie per mortem & resurrectionem ad patrem, per quem victa morte & Diabolo, nos omnes secum in patriam cœlestem traduxit. Dēmonstrabit adhuc clariùs magnitudinem facti, circumstantia temporis: ideo illam quoque recitabo. Transijt autem populus tempore messis, quo Iordanis plus quàm in cæteris anni partibus exundare consuevit. Factum est enim singulari Dei beneficio, vt sub messis initium, collectis vndique aquis Iordanis insigniter augeretur: vt ista aquarum mole ceu quodam vallo muniti atque tecti eius loci incolæ, fruges tutò demetere atq; colligere possent. Quod alioqui, propter infestos in vicinia latrones, Moabitas & alios, fieri non potuisset. Hi enim, nisi rapiditate & altitudine fluminis prohibiti essent, in eam ipsam regionem irruissent, & optimas quasq; fruges incolis surripuissent. Fuit hæc regio diuino hoc dono ornata, vt fertilitate cæteris ante-

antecelleret, natum est in ea nobilissimum & odoratissimum illud balsamum, quod passim tantis laudibus extollitur. Huius fragrantia compleuit totum illum locum, adeo ut vrbi etiam ipsi quæ ibi sita fuit, nomen indiderit. Est enim Hiericho idem, quod nobis fragrantia. Hanc ob causam à latronum incursionibus crebrò vexati essent incolæ, præsertim messis tempore, nisi diuinitus diffuso Iordane tecti fuissent. Quare tunc, cum Hebræi transire debebant, Iordanis inundare cœpit, resolutis æstiuale calore niuibz adeo, ut non modò alueum suum, sed ripas etiam vndique compleret. Etiam si enim tunc talis calor Solis ibi fuit, ut fruges percoctæ atq; maturatæ demeti inciperent: tamen remanserunt in montium cacuminibus, & præsertim in Libano, vnde Iordanis initium ducit, niues, vsq; ad messis tempus, & ultra. Ex his non difficile est diem huius miraculosi transitus cognoscere. Incidit enim messis in terra Canaan, in mensem Nisan, quem quidam ad Martium nostrum, nonnulli ad Aprilem referunt: de quo non moueo litem. Illud patet, transisse Hebræos Iordanem die 10. mensis Nisan, quem 10, Aprilis nostri esse consen-

ORATIO III.

taneum est. Hæc eò paulo altiùs repetiui, vt difficultatem huius transitus aliquo modo declarent. Cùm enim tanta tunc Iordanis fuerit inundatio, vt ripam vtramq; aquis longè lateq; replerit: facile intelligitur, mirum in modum auctam esse periculi magnitudinem & metum, in tam latè effuso atq; rapido flumine transiendo. Sed tantam tamen, tamq; terribilem & immensam aquarum molem Deus potenti manu repressit, coaceruatam superiùs in ingentem altitudinem ad modum rupis: tamq; diu earum impetum cursumq; inhibuit atq; retardauit, donec totus populus, tandem etiam sacerdotes gestantes arcam fœderis, siccis pedibus ad vltiorem ripam peruenirent. Interim verò dum in itinere Israëlitæ fuerunt, quid non mœstitiæ, trepidationis atq; consternationis senserunt? Quid mali ob oculos non habuerunt? Cuius enim pectus tam ferreum esse potest, qui in tam inaudita periculorum magnitudine constitutus, non languescat, & extimescat? Quid grauius esse potuisset, quàm per vadum tam asperum saxis incedere, præsertim cùm tanta turba coniugum gementium, & ciulantium, liberorum impuberum, quos
partim

partim humeris susceptos baiulari, partim manu prehensos non sine summa difficultate & ægritudine trahi oportuit? Quē tunc ploratum non esse auditum? quem gemitum non effusum existimas? Luctuosum esse satis iudicares, si nullis alijs grauatus oneribus, per tām horrendum vadum transires, pendente à latere tuo tam celsa & minaci aquarum mole, adeò ut iam iam ruitura teq; funditus deletura videretur. At cū ad hoc periculosum iter accedit etiam difficultas à coniugibus, molestia à liberis, impedimentum à seruis, ancillis, armentorum gregibus, non solum grauitur incedentibus, sed miserè etiam gementibus & conquerentibus, quid tunc calamitosius esse potest? quibus oculis tu aspiceres ingentem illum acervum aquarum, hærentem in sublimi ad modum excelsi muri, sine omni fulcimento, contra omnem modum naturæ, quantos gemitus ederes, si coniugem & liberos tuos in tanta rerum angustia acerbè plorantes atq; lugentes videres, & quidem tam diu? Hic cogita, quid miseræ plebi tum animi fuerit, cū tot periculis vndiq; circumdata esset. Nec, quasi præteriens, ut politicam aliquam historiam hoc factum

ORATIO III.

inspice: sed diu in animo habe, exami-
nando teipsum, quo animo tu periculum
tantum perferres: num etiam Deo iubenti,
in transeundo tam periculoso vado, ad
loca incognita & infesta hostibus, obedi-
res? an verò rei difficultate fractus, quid-
uis potius faciendum duceres, quàm tan-
tum vitæ discrimen adeundum? Quam
difficile est humanis animis fidere, vbi ra-
tio diffidere suadet: & sperare, vbi natura
spem omnem denegat. Et tamen Deo
præcipienti obtemperandum est, siue dis-
suadeat ratio, siue refragetur natura. Hinc
existit mirabilis illa lucta & trepidatio
mentium, cum contra spem & rationem
causarum secundarum aliquid agere iu-
bemur. Sed commonefacti hoc Israëlita-
rum exemplo, sciamus neq; rationem
neq; naturam audiendam, aut in consili-
um adhibendum esse. cum diuina negotia
tractamus: sed simpliciter Deo obedien-
dum, & euentum illi committendum.
Non enim Deus adeò impotens est, vt im-
perare sciat, perficere verò nesciat. Quin
ita obfirmandi sunt animi nostri, vt certò
statuamus tam ratum esse quod DEVS lo-
quitur aut iubet, vt siue nobis videatur,
siue non videatur, euentum sequi oport-
eat.

teat. Hoc exemplum Hebræorum sedulo nobis inculcare, atq; pectoribus infigere debemus, ut eo edocti, similiter Deo hideri & obedire discamus. Est enim eadem nunc fortuna Ecclesiæ, quæ tunc fuit populi Israëliti. Traducimur enim perpetuo per Iordanem, septi & circumdati ingentibus periculis Diaboli, mundi, mortis & inferni: sicut dux noster ipse IESVS CHRISTVS, per immensum pelagus peccati & crudelissimorum hostium agmen ad thronum cœlestem transijt. Est igitur Hebræorum transitus viua vitæ Christianæ imago, pingens insigniter ingentia pericula, certamina & difficultates, quas pios in hac vita perferre necesse est. Nam curriculum Christianorum durum est & asperum: & accedunt multæ ærumnæ, priuatæ & publicæ: ut sunt morbi, infelicitas liberorum, inopiæ & difficultates aliæ innumerabiles. Hæc enim nunquam Christianis deesse solent, sed perinde eos comitantur, ut Hebræorum vestigia ponere legebant coniuges, liberi & familia reliqua. Hinc gemitus & lacrymæ quàm plurimæ existunt, foris verò omni tempore imminet hostes, Diabolus & organa eius, oppressionem & interitum minitantiæ:

ORATIO III.

quemadmodum Israëlitis aqua procul in vastam altitudinem collecta, exitium præsentissimum minari videbatur. Aduersos habemus latrones & grassatores sæuos, qui vel ex sedibus nostris eijcere, vel in medios aquarum fluctus præcipientes nos dare conantur: quemadmodum Israëlitzæ ab incolis vltioris ripæ Iordanis sibi euenturum esse verebantur. Ita fit, vt periculis plena sint omnia, siue antè, siue retrò, siue ad latus respicias. Sed bono animo sumus. Nam vt Hebræis hæc tam terribilis malorum multitudo nihil nocere potuit, sed tutus tandem siccis pedibus, ad optatum portū transitus diuinitus concessus est: ita nobis quoque, neq; hostes, neq; aliud mali quicquam obstabit, quo minùs ad desideratam terram aliquando veniamus. Ac quamuis interim dum in via adhuc sumus, acerbitates aliquæ atq; difficultates sese offerant: non tamen ideo ab incepto curriculo desistendum est, sed gnauiter, nullo obstante, pergendum: illudq; animis infixum sit, quamuis minentur interitum hostes, ruina nam portendat cælum, & tota facies naturæ tristis & horrida videatur, non tamen interire Ecclesiam posse, quia vehit arcam fœderis: hoc est, habet CHRISTVM, & profi

profitetur verbum Dei. Vt enim conglo-
 batæ aquæ Iordanis tam diu cursum suum
 tenuerunt, donec sacerdotes qui in medio
 Iordane, transeunte vniuerso populo, ste-
 terant, cum arca egressi essent: ita dum
 Christum habemus, nulla tempestas, nul-
 lus impetus, nulla tyrannorum rabies no-
 cere nobis poterit. Si itaq; aut à Diabolo,
 aut aliunde calamitates tibi accidunt, re-
 cordare molis istius terribilis, quæ in Ior-
 dane quidem minaciter pependit, sed He-
 bræis tamen nocere non potuit. Eodem
 enim modo tibi obesse non posse statue,
 etiamsi magna moles calamitatum obij-
 ciatur. Metuebant etiam Hebræi vehe-
 menter hostilem incolarum vltra Iorda-
 nem in se impetum: sed cum transiissent,
 hostes omnes fugabant: ita etiam nos sæ-
 pe pertimescimus, vbi nihil periculi fuisse
 tandem animaduertimus. Quare edocti
 hoc miraculoso exemplo, vt non illico tre-
 pidemus atq; diffidamus, si pericula aut
 calamitates nos circumstare videamus:
 sed Deo constanter fidamus, qui omnia
 mala auertere vult, atq; etiam potest. Hic
 est fructus, quem ex hoc admirabili Dei
 facto percipere debemus, vt in simili for-
 tunæ asperitate non succumbamus: sed

ORATIO III.

*Epilogus
per cohor-
tationem.*

per medium periculorum agmen inre-
p dè tranſeamus, meliora ſemper ſperan-
tes. Sed eſt alia adhuc facti diuini vtilitas,
quam ſilentio præterire minimè poſſum.
Ideo enim Deus tam clariſ & inſignibus
miraculis ſeſ Eccleſiæ ſuæ patefecit, vt
omnipotentia & benefica ipſius voluntas
inde cognoſcatur & celebretur: ſicut ipſe
ait, ſe idè per mare rubrum Iſrælitas tra-
duxiffe, vt in Pharaone glorificaretur. Et
Eſaias 36. inquit: Sic eduxiſti populum
tuum, vt faceres tibi nomen gloriæ. Hunc
fructum Deus ſuo iure pro facinoribus ſu-
is à nobis poſtulat, vt laudetur & glorifi-
cetur. Quapropter celebremus hoc factū
Dei literis & linguis, non ſolū in hac ca-
duca & breui vita, ſed in altera etiam in
omnem æternitatem uſq; toto pectore &
pleno ore illum laudemus, quòd non ſo-
lū Iſrælitas per rapidum Iordanem tutò
traduxerit, ſed nos etiam omnes per filium
ſuum Ieſum Chriſtum à tyrannide Dia-
boli liberatos, per mare immenſum
peccati & mortis, in promiſſam
vitæ cœleſtis requiem
transfert.

Ora-

Oratio III.

DE INSTAURATIONE

urbis Hierosolymæ post septuaginta annorum exilium: habita in Academia Erphordienſi, ſeſtreſtri æſtuo, cùm Lectiones nouæ incoarentur: Anno Salutis

M. D. LXVI. Pridie Calendas Maij.

QUod fœlix & fauſtum ſit, Deo inprimis gratum, & Reipub. noſtræ literariæ quam maximè vtile, Viri magnifici, clariffimi, venerabiles, & eruditi, voſq; Studioſi amantiſſimi: hodie initium noui ſtudij per ſeſtreſtre æſtium authoritate Philoſophicæ facultatis aperio. Quia verò omnium rerum, præſertim earum quæ maiores grauioreſq; ſunt, initia à Deo, vt benè proſpereq; eueniant, ducere oportet: iuſtum eſt, noſ quoque ab inuocatione diuini auxiliij, ſine quo nullus conatus eſt fœlix & vtilis, noſtrum opus incoare. Te ergo veris gemitibus inuocamus & rogamus, omnipotens, æterne & viue Deus, æterne pater Domini noſtri IESV Chriſti, qui te patefecisti nobis, dato verbo tuo, &

ORATIO IIII.

misso filio tuo Domino nostro Iesu Christo, & effuso S. sancto, vt in hac vltima mūdi senectā, in qua indies maiores fiunt confusiones regnorum & politiarum, crescunt hæreses, languescit fides, & mirum in modum vbiq; inualescit improbitas, & furor Diaboli, clementer nos filios tuos, quos sanguine vnigeniti tui filij redemisti, respicias, cures & custodias, seruesq; inter nos semen aliquod sanctū, & voce Evangelij incorrupta colligas Ecclesiam, cum qua tuam sapientiā, lucē, bonitatem, iustitiam & vitam communices. Auerte quæso benignè horribiles hæreses, quæ partim apertè grassantur, partim nascuntur & eruptionem paulo post facturæ videntur. Reprime furores Diaboli: & propulsa tyrannidem & barbariem Turcicam, ceruicibus nostris imminentem: custodi politias & leges, quæ sunt vincula consociationis Christianæ. Cum primis verò protege & serua lucem literarum & artium, ingenti tuo beneficio iterum in hac delira mundi senectā accensam: & suscita in hac quoque Academia aliquod studium pietatis, veræq; philosophiæ: vt tibi aliqua à nobis grata fiant, & multa inde ad Ecclesiam & Rempub. commoda pro-

da promanēt. Rege & gubernare nos Spiritu sancto tuo, & erudi nos, qui æterna sapientia es, καὶ λόγος patris, Domine Iesu Christe: & prouehere studia nostra quæ Ecclesiæ & Reipub. inseruiunt: & fac nos, qui toti in te proiecti sumus, vasa misericordiæ: esto lux mentiū nostrarum, vt vera & salutaria discamus, & alios vicissim ea doceamus: tibiq; in hac scholastica militia, in quā collocasti nos, ritè obediamus: Amen.

Hoc exordium instituto nostro conuenientissimum, esse arbitratus sum. Si enim vlla alia in re, certè in hoc noui nostri studij exordio, quod tot tantisq; impedimentis & difficultatibus interiectis hactenus distractum est, ardentissima auxilij diuini imploratione nobis opus est.

Cū autem in hoc congressu orationem aliquam à me recitari voluerit Senatus philosophicus: etsi angor & sollicitus sum, cū magnitudinem officij huius considero: tamē erigendus est animus, & parendū Facultatis iussui. Optārim autē orationē talem à me in hoc honestissimo doctissimorū hominū cōfessu haberi posse, quæ & dignitatis specie, & vtilitatis vbertate pbari auditorib. possit. Verū ea facultas in me non est, nec tantum ingenij & iudicij,

tan-

ORATIO IIIL

tantaque dicendi copia mihi concessa est. Vtar ego humili voce, & pro ingenioli mei modulo enarrabo præcipua capita historix de instauratione vrbis Hierosolymæ, post septuaginta annorum exilium in regno Babylonico. Ac rogo vos omnes, vt me de tanto argumento tam tenuiter verba facientem, philosophica & quanimitate audiat. Spero certè, nos aliquid solatij, ad institutum nostrum valdè necessarij, inde esse percepturos, etiam si vtilitas alia non lequatur.

Quo modo vltimus Rex in Iuda Zedechias, à Nabuchodonosore Rege Babylonico cum maxima parte populi in Chaldæam captiuus, effolis oculis, & interfectis filijs abductus sit, totaque vrbis Hierosolymorum diruta, & destructo templo & muris omnibus vastata sit, notius est, quàm vt à me commemorari prolixè debeat. Cum enim nollet populus obedire consilio & monitis Ieremiæ, suadentis voluntariam deditionem vrbis: sed pertinaciter se defendere conaretur, fretus falsa persuasione de promissione conseruationis regni & templi, Rex Babylonicus urbem, cum eam iam integrum annum & menses septē obsidione cinxisset, cepit: &

secum

secum populum, omni potentia, dignitate, opibus, & armis spoliatum, in exilium Babylonicum abire coëgit. In hoc exilio quas calamitates pertulerit, itē quot satisfactiones insignes, quāta beneficia præter omnem spem & expectationem huic populo Deus exhibuerit, longum esset commemorare.

Quid enim aliud hic populus in commigratione tali, cum hoste potentissimo & valde acerbo, relictis omnibus quæ domi cara habebat, in animo suo cogitavit, nisi vnà cū fortunis etiam corpus ipsum, seu vitam miserabiliter esse amittendam? Deumq; ita esse offensum, vt plus benignitatis & auxiliij apud se prorsus residere passurus esset? Quid exilio tristius? quid amissione templi, in quo Deus vnicè coli & inuocari volebat, luctuosius? quid seruitute in terra peregrina & ignota, sub Rege & tyranno potētissimo calamitosius? Nonne tu, si eo loco fuisses, ita penitus tibi persuasisse? Actum est, perijmus: non spes patriæ, non diuini cultus, non recuperanda libertatis vlla est reliqua. Quantò fuisset melius, in patria terra, inter medios hostes vel centies mori, quā ignominiosam hanc seruitutem ferre? Hæc & alia multa haud
du-

ORATIO IIII.

dubiè populus tunc ardētibus gemitibus
& lacrymis in animo reputauit, in tā lu-
ctuosa & funesta captiuitate & fuga: p̄ser-
tim cū nec medium nec finem vllum sui
exilij & seruitutis p̄spiceret. Quocunque
enim sensus & mentis oculos cōuertit, vi-
det p̄petuas exilij ærūnas sibi perferendas
esse: cū domū mens spectauit, acerbissimos
dolores recordatio ruinæ tēpli & patriæ pe-
perit, nec spes recuperationis & instaura-
tionis vlla eluxit: cū præsenti exilij statū &
locū cōsiderauit, nihil nisi seruitutē duris-
simā, calamitates & ærumnas versari ob o-
culos cognouit. Adde cōuicia, irrisiones &
virulentas gentiū calumnias & sarcasmos.
Quoties. n. Iudæis tunc à gentib. obiectas
has voces putabimus? Vbi nunc est Deus
vester, cui cōfisi estis? qui tot p̄missiones
edidit de cōseruatione tēpli & vr̄bis vestrę?
Nū amplius illi cōfidetis? nū ab exilio hoc
& ex manib. nostris speratis eū erepturum
vos esse? En p̄missiones Dei vestri vanas,
& spes in eo irritas. Nōne gentiū Dij mul-
tò sunt potentiores & meliores, qui victo-
riam de vobis concesserunt nobis. Iam cer-
tè re ipsa experimini, aut nihil esse Deum
vestrum, aut vos ei non esse curæ. Has cō-
tumelias perferre multò est grauius & tri-
stius,

stius, quàm pati corporis in mille partes
 dissectionem. Et tamen tolerare eas Iudæ-
 ostunc oportuit. Sed quid putabimus?
 Oblitusne est Deus planè tunc populi sui?
 & implacabiliter, quod peccasset, ei suc-
 censuit? seq; adeò à gentibus irrideri pas-
 sus est, vt neque nominis sui reliquias, nec
 populi sui nomen & semen conserva-
 ret? Minimè: sed in media sua ira recorda-
 tus est misericordiæ suæ, & suam præsen-
 tiam & clementiam erga populum suum
 in acerbissimo exilio ostēdit & declarauit.
 Etiam si enim suos aliquandiu patitur af-
 fligi, trepidare & angī: tamen tandem,
 cum vel necessitas maxima instat, vel in
 ipsa etiam morte consolatur, liberat & sal-
 uat: nec paternum suum animū vnquam,
 dum spes est agnitionis peccati & pœni-
 tentiæ in nobis, penitus abiicit. Ita enim
 apud Hoseam, alloquens totum genus hu-
 manū per os Prophetæ, de cœlo voce dul-
 cissima simul & potentissima conciona-
 tur: Commiseratione incaluit cor meum,
 commiseratione exarsit plenitudo mea,
 non faciam furorem iræ meæ: quia Deus
 ego, & non homo. Patefecit igitur
 suum animum & benignam voluntatem
 erga populū Iudaicū inter medios hostes
 tunc,

ORATIO IIII.

tunc, cum ferè superesse spes nulla videretur. Cum enim edicto vniuersali à Rege proposito, omnes statuum à Rege magnificè extructam, & in magnam molem & rectam, iubentur adorare, & id recusantibus incendium subitum in cādenti fornace Rex minaretur: ecce subito præter omnium opinionem, tres viri de populo Dei inuenti sunt, qui obedire impio Regis mandato, de adoranda statua, prorsus noluerunt. Hos igitur Rex indignatione & ira incensus, abijci in fornacem, & totos comburi, inspectante multitudine tota, iussit. Sed quid fit? Patiturne Deus in se confidentes, & pro sanctissimi nominis sui gloria mortem oppetentes, prorsus deleri? Nullo modo. Ecce conspicitur inter flammæ, vnà cum tribus illis viris in ignem coniectis, ipse filius Dei, Rex cœli & terræ, hic defendit, consolatur & seruat hos viros, ostendens impio Regi, & omnib. eius subditis, se multò esse potentiorum, non Rege solùm Babylonico, qui homuncio erat; & velut vermiculus ad Deum collatus: sed ignis etiam & naturæ totius se esse dominum, velleq; se potenti manu protegere & liberare omnes, qui nomen Dei confitentur. Hic Deus iterum

eximproviso apparuit: & clarè suam omnipotentiam & maiestatem, cœlo terra-
 que tremendam ostendit. Tunc miser &
 exanimatus populus Dei reuixit, & recre-
 atus est, præsentiāq; Dei illustri testimo-
 nio cognouit. Tales & multas alias, quas
 commemorare temporis breuitas prohi-
 bet, patefactiones, & viuas conso-
 lationes, in populo exulante Deus edi-
 dit: testatusq; est, se etiam in ira sua, & ex-
 tremis malis meminisse, curare & defen-
 dere suos. Sed properandum est ad alia.
 Cùm iam septuaginta integros annos
 in hoc exilio exegisset & spem recuperan-
 dæ patriæ propemodū totam abiecisset, su-
 bitò Deus Cyrum Regem Persarum, sub
 quo tunc captiui detinebantur Iudæi, exu-
 scitat, eiq; in mentē dat, vt ex tristi & diu-
 turna captiuitate Iudæos dimittat. Propo-
 nit igitur & diuulgat Cyrus mandatum
 sper vniuersum suum regnum, in quod di-
 sperſierant cāpti Iudæi, de reditu in terram
 patriam, & reparanda vrbe Hierosoly-
 ma. Hac voce quid gratius aut iucundius
 miseris Iudæis esse potuit? Hinc spes eos o-
 ptima tenuit recuperandę patriæ, & instau-
 randi templi, vnà cū veri cultus Dei repa-
 ratione. Accinguntur ergo ad iter, duce

ORATIO III.

Zorababele, receptis simul à Rege aureis vasis, quorum magna erat copia, ad repetendum patrios fines. Et si autem credibile videri potest, vniuersam gentē Iudaicam, accepto hoc læto nuncio, tantaq; recuperandæ libertatis oblata occasione, relictæ terra ignota & hostili, in patriam certatim redire voluisse, quàm vt Domini tēplum, & intermissum Dei cultū quamprimum restituerent: tamen tāta fuit quorundam Iudæorum, vt Iosephus ait, peruersitas & pertinacia, vt in terra hostis manere, & possessiones, quas longo captiuitatis tempore parauerant, retinere maluerint, quàm ijs relictis omnē suā operam & industriā ad patriæ instaurationem conferre. Tanta est multorū insania & cōtumacia, vt etiā si spes melioris status ostendatur, in sua tamē ignobili barbarie, & vt ita dicam, in suo luto hærere malint, quā bona consilia & occasiones diuinitus mōstratas sequi. Sed hi prorsus mali sunt, & negligēdi. Sic igitur expediti ad iter Iudæi, læti hoc beneficio diuino, ingēti multitudine hominū, nempe 42360. exceptis seruis, ancillis & reliqua p̄miscua turba, in patriā reuertuntur, adiuti liberalitate etiā vicinarū gentiū: anno videlicet conditi mundi 3435.

Quis

Quis autem non iure laudet eorū zelū, qui mox impetrata potestate in patriā redeundi, relictis & posthabitis omnib. quæ captiuitatis tēpore in regno Babylon. & Persico collegerant, ad instaurandū templū & muros sanctissimæ ciuitatis patriæ animum appulerunt? Obstrepuit haud dubiè metus periculorū, inopiæ, & multarū iniuriarum ab aduersarijs. Nam iter erat eis cōficiendū non exiguū, nempe milliariū cētum & septuaginta, tot enim milliariis distat Babylon ab Hierosolymis: & in ipso itinere multos sciebāt sibi fore hostes: domi verò nouerant esse sibi dimicandū cum multis aduersarijs, qui templum & ciuitatē iacere quā restitui mallent, Nihil præterea, aut parū secū ex captiuitate asportare poterant: nec victus erat domi, nō suppellex: ædes erant exustæ, muri diruti, agri vastati. Quoties animis & cogitatione hos percurrerunt? En hic habemus qualēcunq; sedē: licet in exilio & seruitute simus, suppetit nobis mediocris victus, possumus viuere in mediocri pace: Sed, si relictis his sedibus domum proficiscemur, neque domicilia inueniemus, neque subsidia vitæ vlla habebimus: præterea, etiam si magno conatu, totisq; viribus nidulos nobis in

ORATIO IIII.

patria construxerimus, mox hostium incurſu expellimur, & omnibus facultatibus magno labore & ſudore partis, ſpoliabimur. Quoties illis in mentē venit illud, quod de vitandis mutationibus dicitur: Non eſſe mutandum præſentem ſtatum, antequā meliorem adeptus ſis? Ita enim obijciunt nobis cū alij homines, tū noſtræ etiā ipſorū cogitationes. Item: Quām iuſtam reprehentionem multorū, & præſertim hoſtium incurremus, ſi relictā hac præſenti ſorte ſpe melioris freti, voti noſtri compotes nō ſiemus? Quām virulentæ enim ſunt hoſtium irriſiones & calumniæ, cū vident aliquid boni à bonis ſuſcipi, nec optatum exitum habere? En, dicunt, hi ſunt inquieti illi, qui præſenti ſorte non cōtenti, noua quærunt: & veteribus vſitatisq; contemptis, maiora appetunt, An non meritas dant pœnas ſuę inſcitix & petulantix? Hæc & huiusmodi innumera abſque dubio ſæpe multumq; in animo verſarunt Iudæi, cū ex Babylone in Iudæam ſunt reuerſi. Sed num propterea, quòd tantas difficultates ſibi pertimeſcēdas eſſe ſcirent, inſtitutum ſuum mutarunt? Nullo modo: ſed egregia animi alacritate: quod rectum, vtile, & Deo gratum eſſe intelligebant,

per-

persequebantur, perrumpebant, nec quiescendum sibi esse putabant, donec destinatum opus perfecissent. Ita profectò faciendum est omnibus qui rem aliquam vtilem moliuntur, vt neq; frangantur metu periculorum, neque permoueantur incerto & dubio operis euentu: sed forti, inuictòq; animo, pium & salutare inceptum continuent, & spe auxilij diuini omnes dubitationes & aduersariorum falsas criminationes superent. Vincit enim veritas mendacium, & retundit quod ex Deo est, omne quod ab hominibus & Diabolo ipso obijcitur. Crescit virtus, & confirmatur pium opus inter inuidiam, odia, obtrectiones, & inter media impedimēta aduersariorū: sicut postea in historia latius audiemus. Domum iam reuersi Iudæi, non primū de suis habitationibus & victu parando solliciti sunt: sed primus illorum labor & cura vnica est, vt Domino suo templum faciant, in quo holocausta ei offerri possint. Constituunt ergo primum omnium altare, & holocausta matutina & vespertina super ipso offerunt, incumbuntq; in hanc rem vnicè, vt Dei fauorem, beneuolentiam & gratiā sibi concilient: cæteri ei committunt, cuius man-

ORATIO IIII.

datum sese exequi sciebant. Quid enim noceat hostis, si protegat Deus? quid proficiat inuidia, si faueat altissimus? Quomodo deeerit victus, dū minister es eius, qui victus creator est & dominus? Cures igitur, quæ diuina sunt, & Deo in uocatione intrepidè seruias: non, certò crede, quicquā nocebit. At certè conatus Iudæorū à vicinis gentibus impeditus est. Nam Cuthæi, quibus Salmanasser Rex Assyriorum Samariam, eiecto populo Israëlítico, ad habitandum concesserat, prorsus remorantur ædificationem. Etsi enim Cyrus, vt supra diximus, publico edicto instaurari Hierosolymam præceperat: tamen tantum effecit inuidia & virulenta vicinarum gentium apud satrapas, præfectos ædificationi, quos pecunia corruperant, vt opus inceptum prohibuerint, in scio Rege Cyro, qui tunc bellis foris gerendis occupatus erat. Quamuis nonnulli affirmant, Regem Cyrum à consiliarijs persuasum, reuocasse suum mandatum de reparatione Hierosolymorum. Ita ergo opus ædificationis bono omine cœptū, fraude & calumnijs aulicis impeditur: & hæc latissima initia miserè turbantur, viuo adhuc Cyro, cuius

ius mandato ſucepta erant. Poſtea cùm
 in regno Perſico ſuccederet Poſtea cùm
 hoſtis omnis religionis, hæc inſtauratio
 ſeueriſſimo edicto prorsus prohibetur:
 cùm accuſaſſent nimirum Samaritani
 & alij ſycophantæ aulici Iudæos acerbissi-
 mè apud Regem, quòd eſſent rebelles,
 & propter rebellionem & perfidiam &
 deſectionem à Regibus Babyloniciſ iam
 olim eſſet eorum terra vaſtata, & ipſi in
 Aſſyriam abducti. Neque pacem vllam
 inter vicinos eſſe poſſe dictitabant, ſi ciui-
 tatem illi ſuam repararent. Uſi ſunt etiam
 haud dubiè alijs ſycophantijs atque calu-
 nijijs apud Cambyſem, qui tunc bellum
 erat illaturus Ægyptijs: quod videlicet ca-
 iendum & omninò eſſet, ne perfida hæc
 Iudæorum gens, fœdus cum Ægyptijs
 contra ipſum faceret. His aduerſariorum
 artibus differtur ædificatio vſque ad ſe-
 cundum annum Darij; hoc eſt ad an-
 nos nouem integros. Hic alius actus
 eſt fabulæ, miſcentur triſtia lætiſ. Tre-
 pidant iterum Iudæi, anguntur & in ſum-
 mo periculo ſunt, reliquerunt ſedes
 ſuas, quas in captiuitate habue-
 runt: iam amittunt etiam ſpem recu-
 perandæ, aut reſciendæ patriæ. Hic

ORATIO IIII.

attentè, quæso, cogitate, quanta fortuna
vicissitudo sit, & quàm mirabiliter Deus
suos regat, nunc exhilarat, nunc perturbat,
nunc euehit, nunc deprimat. Vix incepe-
rant lætis initijs concessam instauratio-
nem templi, & cultus diuini : & mox ite-
rū acerbissimo incommodo repelluntur, vt
retrocedant, & quod plena fiducia inco-
rant, animo dimisso & abiecto iterum re-
linquant. Quem tum illis animum fuisse
putabimus? Quibus oculis incoatum æli-
ficationis opus aspexerunt? qua mente ac-
ta templi fundamenta intuiti sunt? qui-
bus lacrymis prohibitionem cultus diui-
ni & sacrificiorum prosequuti sunt? O sci-
lus, ô furorem, ô impietatem diabolicam
Regis & sycophantarum, qui opus tam pi-
um, vtile & honestum impediuerunt. Sic
proh dolor, fere semper solet Diabolus re-
sistere pijs cœptis, & quantum potest, ex-
citat sua organa, sycophantas & maleuo-
los, inuidosq; homines, vt manibus pedi-
busq; conentur diuina opera remorari.
Sed quid proficiunt tales? Num perpetuò,
quod in votis habent, obtinent, & perfici-
unt? Nequaquam. Ad tempus quidem fi-
nit Deus eos sœuire, & animi sui libidi-
nem explere; verùm breuè durat furor,
&

& dum vix respiciunt, & dum vertunt se, quod aiunt, interitus ipsis adest. Fremant igitur, ringantur, superbiant, insultent nobis egregiè? non nocet. Nubecula sunt, citò transitura: & consilia conatusq; eorum, quantumvis ingeniosè cogitati, & potentia Principum & Regum muniti, ceu fumus dissipantur. Venit iterum post nubila Phœbus: ita enim iustū est deludere impios, ut cum putant se iam in portu nauigare, & certam victoriā sibi pollicentur, subitò corruant. Ita etiam in hoc tristi Iudæorum tempore, densa & minax erat nubecula Cambyfes, cuius furorangebatur indies alijs atq; alijs sycophantarum calumnijs. Nam per se religionem Iudæorum oderat, & incitabant eum quotidie magis & magis sycophantæ aulici aduersos Iudæos. Sed hoc iucundū est, quòd nulla nubes perpetuò durat, sic neque furor aulicorum, neque tyrannis Cambysis potuit esse diuturna. Non ergo desperandum est, sed spe melioris fortunæ omnes acerbitates vincendæ sunt. Est enim hæc summa Christianorum ars, ignota reliquis gentibus, sperare dilata, & perseverare in hoc proposito ad finem: quantumvis mundus & tota na-

ORATIO IIII.

turæ facies reclamare videatur. Non enim quæ ante pedes modò sunt, intueri nos oportet: sed altiùs est efferendus animus, & ea etiam quæ inuisibilia sunt, tanquã quæ ob oculos versantur, credere & expectare decet. Exemplũ illustre suppeditat hæc historia. Venit enim tempus, quo neq; Rex Cambyfes impedire instaurationẽ Hierosolymorũ, neq; aulicæ calumniæ quicquã Iudæis nocere potuerunt. Nam & iusta diuini numinis vindicta, miserabiliter proprio cõfossus gladio periit Cambyfes: & æquanimitas succedẽtis Regis Darij erga Iudæos, calumniam sycophantarum omnẽ sustulit. Et hoc ipso quidẽ tempore turbulentissimo, consolationem accipiunt Iudæi, per Prophetas Haggæum & Zachariam, qui in media afflictione benè sperare eos iusserunt, & ad constantiam in suscepto opere hortati sunt. Nec multò post, cum se per Epistolam apud Darium excusassent, nouum mandatum Regis acceperunt: quo iussi sunt duces Iudæis vicini, vt instaurationem templi & politiz Iudæorum non solũ non impedirent, sed omnibus insuper necessarijs subsidijs adiuuarent. Tunc ergo iterum læti ad opus incoatum reuertuntur, & im-

pigre

pigrè, quod animo intenderant, perficere pergunt, nec deest etiam successus: Nam perfecta est domus anno sexto regni Darij, & celebrata est dedicatio templi, pesah, & solennitas azymorum, causa honoris & gloriæ Dei omnipotentis Israël, qui populū suū quidem aliquandiu affligi in captiuitate passus fuerat, & postea etiam furori impiorum Regum & aulicorum calumnijs ad breue tempus indulserat: sed gloriōse tandem iterum in patriam adduxit, repressisq; hostium conatibus, prosperum successum instaurationis templi præbuit. Venit etiam aliquot annis post Esdras scriba ex Babylone Hierosolymam, cum diplomate & priuilegio Regis, qui adduxit secum maximam partem populi captiui. Huius aduentu, ædificatio mirum in modum adiuta est, verusq; Dei cultus & politia reparata. Ad extremum venit quoque Nehemias, Regis Artaxerxis pincerna: cuius adminiculo intra duodecim annos totum opus ædificationis absolutum est. Hæc est læta instaurationis vr̄bis Hierosolymæ, quæ etsi diu dilata est, & multis magnis difficultatibus impedita: tamen quia in nomine
Dei

ORATIO III.

Dei suscepta & incoata erat, imperfecta
esse non potuit. Quanto autem labore &
molestia Iudæis constiterit, non facile cu-
iusquam mens cogitando consequi, ne-
dum dicendo exprimere potest. Non e-
nim lævia fuerunt impedimenta, de qui-
bus suprà dixi : sed tanta, ut animus et-
iam fortè & celsum prope frangere, & ab
instituto auertere possint. Et accesserunt
crebræ incursiones hostium in vicina ha-
bitantium, insidiæ, fraudes, irrisiones, ma-
chinæ : sed his omnibus non modò non
mutati sunt animi ædificantium Iudæo-
rum, sed confirmati etiam. Cumq; con-
iurassent aduersus Iudæos, Samaritano-
rum princeps Sanballat, Arabes, Amme-
nitæ & Asdodij, ut Hierosolymæ instaurationem
oppugnarent, & facta irruptione
opifices distraherent, & abigerent : ipsi o-
ratione assidua & frequenti ad Deum su-
um se se contra hostes munierunt, hocq;
αμωρνηία validissimo & inuicto omni
aduersariorum impetum represserunt, &
retardârunt. Neq; ita oratione sua & au-
xilio Dei freti sunt, ut media à Deo ordi-
nata negligerent : sed vigilantiam & in-
dustriam suam cum ope & protectione
diuina coniunxerunt. Ita enim operas &
vigilia

vigilias distribuerunt, ut pars iuuenum
opus faceret, & pars arma gereret, quibus
irruentes hostes repellerent. Erant præter-
ea etiam singuli ædificantes accincti gla-
dio in lumbis suis, & una manu sua quisq;
faciebat opus, altera gladium tenebat.
Præclarum verò Iudæorum facinus, o-
mniumq; vocibus, literis, prædicatione &
imitatione dignum. Hinc petamus exem-
pla fidei, & tolerantiae in grauissimis affli-
ctionibus. Hinc documenta capiamus
constantiae & magnanimitatis, in conte-
mnendis periculis, hostium minis, obtre-
ctionibus, calumnijs, & nefarijs moliti-
onibus, cæterisque impedimentis, quæ sese
offerunt, cum rem aliquam piam, hone-
stam, & magnam tentamus. Sed quor-
sum, fortassis inquires, hæc? Quorsum?
Huc videlicet, ut nos quoque, quibus li-
terarum professio in hac Academia com-
mendata est, simili zelo, constantia, indu-
stria, & studio, susceptum munus tuea-
mur & exequamur. Iacuit hæc Academia
per aliquot annos deserta & spreta, non
sine ingenti detrimento Ecclesiae & Rei-
publicae. Nemo eius misertus est, nemo
opis aliquid ferendum esse duxit. Fuit hæc
calamitas verè exilium, quod nemo no-
strum

ORATIO IIIL.

strum sine incredibili dolore animi pertulit, nec medicinam tamen ullam huius malo inuenire potuit. Etsi enim pro virili quisq; laborauit sedulo, & professionis suae munus quantum potuit quisq; obijt: tamen cum multa desiderarentur alia, quae fortuna pertinaciter denegabat, non potuimus quicquam praecleari nauare, aut efficere. Hic quanti gemitus piorum quorundam Professorum, quibus cordi est Academia, intercellerint, quam graues querelae saepe habitae sint, non libet commemorare. Hoc tamen quod res est, ausim non dubie affirmare, magis de instauratione & salute huius Academiae eos sollicitos fuisse, quam de propria incolumitate & fortunis caeteris. Scio de quibus hoc loquar, & animus nominare gestit: sed reprimam me. & Deo auctori summo & unico id quidquid secutum est boni in hac Academia, acceptum refero. Is exaudiuit vota & gemitus nostros assiduos, & tandem, licet sero, nos respexit. Is tandem spem aliquam procul ostendit: hanc secuti sumus, nec operam, studium, diligentiam, fidem & industriam in nobis desiderare passi sumus ullam, quo propter honorem Dei, gloriam filij eius IESU Christi, communemq;

nemq; Ecclesiæ & Christianæ Reipublicæ
 utilitatem aliquod studium in hac Acade-
 mia excitaretur. Nec fefellit spem & cona-
 tus nostros euentus. Nā post multas solici-
 tudines, tandē à prudētissimo Senatu im-
 petrauimus potestatem vocandi clarissimū
 & doctissimū virum, Magistratū, Paulum
 Dumerichiū, ad Dialecticæ, Ethicæ & Ma-
 thematū in hoc Collegio professionem: &
 adiuti etiā sumus in hac parte Senatus quō-
 dā beneficio, quo locupletius & honestius
 stipendiū ei numerare possemus. O prædi-
 candam liberalitatem Senatus, qui eo ipso
 quòd non nihil subleuare Facultatis sum-
 tum voluit, indicauit, probari sibi nostrū
 studium in prouehenda & ornanda Aca-
 demia, & fauere se literis bonis, earumq;
 cultoribus & studiosis. Hac inquam po-
 testate impetrata, exorauimus mox Pau-
 lum Dumerichium, vt suam operam in
 explicandis artibus, de quibus antè dixi,
 nobis promitteret. Postea cū accederet
 etiam legatum prudentissimi viri D.
 Hartmanni Mack, consulis huius Reipu-
 blicæ Erphurdensis, augendū esse numerū
 Professorum duximus. Itaq; exorauimus
 clarissimū & eximium virum, D. Docto-
 rem Brunonem Seidelium, vt suam quoq;
 operam

ORATIO IIII.

operam aliquam, ad iuuandam & illustrandam Academiam conferret: id quod pro suo incredibili erga literas amore, & prouehendæ rei literariæ cupiditate liberaliter pollicitus est, & fidelissimè præstabit.

Quot verò & quanta impedimenta, moræ & res aduersæ interim obiectæ sint, malo tacitè apud animum cogitando percurrere, quàm verbis explicare. Vt enim suprà in historia dictum est, quosdam Iudæos etiam data potestate libera redeundi in patriam, in captiuitate manere maluisse, quàm relictis possessionibus & facultatibus quibus consueuerant, sanctuarium Dei, & urbem patriam reparare: Ita semper inueniuntur multi, quibus magis placent vsitata, quamuis deteriora & perniciosa, quàm noua magnarum utilitatum causa diuinitus oblata. Pessimum genus hominum, qui dum ipsi meliora non vident, ea ne ab alijs quidem monstrata recipiunt, neque vllam aliam causam sui facti habent, nisi quòd præsentia quædam commoda, quemadmodum Iudæi quidam improbi in captiuitate, amittere nolint. Sed hos omitto, qui obstrepere quidem bonis cœptis, & reluctari aliquandiu possunt, impedire tamen ea prorsus & perpe-

perpetuè nequeunt. Cùm verò multica
 leuitate & improbitate sint, vt de nostris
 hisce conatibus tam iniquè iudicent: liber
 ex eis quærere, quid sibi velint? cui repu-
 gnent, cui detrahant, cum te honestissimo
 Academiae instituto, quod multo labore,
 & in primis assiduis votis & interpellatio-
 nibus diuini Numinis constitit, impio
 ore, & virulento pectore verba faciunt?
 Non certè nostram famam, multò minùs
 vitam lædunt: sed in Deum ipsum crea-
 torem & seruatores cœli & terræ, qui au-
 tor est huius instituti nostri, contumeliosi
 sunt. Ita enim statuere mecum omnes col-
 legæ obseruantia, fide, reuerentia colen-
 di, ex Deo esse quod agimus. Ipsius est mu-
 nus, literarum studia excitare, fouere &
 augere. Quod cùm ita sit, obediamus
 Deo, & mandatum nobis officium faci-
 endi operas scholasticas in docendo &
 prælegendo in hac Academia, animo ala-
 cri amplectamur: in eaq; militia impigrè
 seruiamus Ecclesiæ Christi, laboranti, &
 indigenti doctis viris: nec desimus etiam
 Reipub. quæ non minùs quàm Ecclesia,
 opem & adminicula eruditorum viro-
 rum desiderat. Quid facere possumus præ-
 clarius? quid DEO gratius? quid com-
 muni

O R A T I O IIII.

muni, societati & vitæ humanæ vtili-
 us, & nobis ipsis honestius coram Deo
 pariter & hominibus? Impedimenta sine
 dubio multa sese offerent: & inprimis of-
 fendet fortasse nonnullos Studiosorum
 paucitas, virulentæq; maleuolorum ho-
 minum obtrectiones: sed nos exemplo
 diui Seueri, intenti simus in ea quæ officij
 nostri ratio à nobis exigit, & fabellas vul-
 gi, sinistraq; aliorum iudicia, & quicquid
 est huiusmodi, celsò animo negligamus:
 imitemurq; in hac nostra militia feruen-
 tissimos Dei cultores, Iudæos. qui nullius
 periculi metu, nullo odio, nulla penuria,
 nullis deniq; hostium minis, calumnijs,
 impressionibus & vellicationibus ab in-
 stituto auerti se patiebantur. Qui autor est
 nostri instituti operis, efficax est & potens,
 vt perficiat: preces tantum nos adhibea-
 mus Deo, & strenuè laboremus, euentus
 Deo certissimè erit curæ. Oportet esse ad-
 uersarios, obtrectatores, inuidos omnium
 bonorum consiliorum & actionum, vt
 probetur & dignoscatur quod bonum est.
 Nulla enim certior & euidentior nota est
 honestarum actionum, & operum bono-
 rum Deo placentium, quàm inuidia &
 malorum hominum obtrectatio.

Nun-

Nunquam bella bonis, nunquam certamina desunt:

Et cum quo certet, mens pia semper habet.

Vt Prosper in Epigrammate ait. Nunc ad vos me conuerto, Domini Magistri, viri optimi, & amici integerrimi: vos appello, qui priuatim iuuentuti erudiendæ, docendisq; bonis literis operam nauatis. Videtis, admirando Dei beneficio, mediocre studium artium & linguarum in hac Academia instaurari, lectionesq; tales in ea institutas esse, quæ satis facere posse cuilibet Studiofo videantur. Vestrū igitur est, vera beneuolentia complecti Academiam, cuius alumni estis: eamq; reuerentiam ei tribuere, vt omnibus debitis pietatis officijs, studio, & votis etiam ad Deum conceptis, illam iuuetis & ornatis. Adducite ergo huc discipulos curæ & fidei vestræ commissos, & in gremium matris nostræ communis Academiæ reponite, eiq; quasi consecrate. Hoc enim officium vestrum postulat, hoc pietas erga matrem vestram exigit, suadet idem quoq; necessitas. Quid enim facietis vtilius? quomodo prospicietis rationibus discipulorum vestrorum melius, quàm si eos adsucciat, vt in hoc gymnasio doctorum

ORATIO IIII.

Professorum, quos Deus nobis largitus est, lectiones ordine & certatim audiant? Hic certè honos Præceptoris est amplissimus, tales habere discipulos, quorum diligentia & industria publicis & communibus Præceptoribus innotescat & probetur. Nec debetis, neq; potestis contemnere aut extenuare lectiones publicas, sed ad eas omnem vestram priuatam disciplinam & doctrinam accommodare vnicè. Non enim prohibemus priuatas lectiones, sed stabilimus potius. Quamuis enim publicas lectiones audiri ab omnibus Studiosis, qui ad eas idonei sunt, velimus, atq; adeo precipiamus, tamen multa interim relinquuntur priuato Præceptorì, nempe auditorum lectionum repetitio, scriptorum, in quibus stilus exercetur, recognitio, poterunt etiam adiungi lectiones aliæ si necesse sit: sed fere non alijs horis, nisi quibus publicè non legitur. Confusa hæcenus fuerunt ista, non est seruatus ordo, nō diligenter auditi sunt Professores publici: inde etiam incommoda multa manarunt. Et quidem belli nonnulli Magistri consultò dehortati sunt Studiosos à lectionibus publicis: aut certè non eis commendârunt illas, vt officium & ratio expostulat.

postulat. Sed habuerunt hi, quo se quasi iure quodam excusarent. Obiecerunt enim nobis ferè semper paucitatem Professorum, & lectionum tenuitatem: at nunc quo prætextu auctoritatem Professorum, & vtilitatem lectionum extenuabitis? Sunt etenim in artibus pariter & linguis lectiones ita institutæ, vt conqueri amplius nullo modo possitis. Quoties deplorandum esse existimastis miserum huius Academiæ statum? Quoties aliquam instaurationem optastis? Ea nunc Dei beneficio nobis aliqua ex parte contigit. Quare vt antea doluistis, ita nunc lætami- ni: & quod diu multumq; optatum tandem tulistis, gratis animis amplectimini, vestraq; pietate, fide, diligentia, & coniunctis nobiscum viribus, literarum studia in hac Academia augete atq; ornate. Talem animorum & operarum coniunctionem vnicè à nobis omnibus efflagitat, & suo iure exigit hæc communis nostra mater Academia. Hanc igitur tueamur, & communibus officijs pietatis, veraq; beneuolentiæ indies augeamus & firmemus. Quod si fecerimus, aderit nostris conatibus fons & autor omnis boni Deus, & labores nostros fortunabit &

ORATIO IIII.

prouchet absq; dubio, vt sint salutare Ecclesie & politijs. Si qui verò adeo superbi aut contumaces visi fuerint, vt hoc concordie vinculum vnice nobis necessarium rumpere audent: in eos, vt par est, animaduertemus seueritate ea, quam ipsa necessitas à nobis exigit.

Venio etiam ad vos, Studiosi, alumni & filij Academiae nostrae carissimi: agnoscite praesens beneficium mediocris reparationis studiorum, gratulamini vobis, gratulamini inquam, de tanta tamq; exoptata occasione & felicitate discendi bonas literas in hac Academia, vestraq; diligentia, obedientia, pijs simul ad Deum conceptis precibus, eam certatim iuuate, ornate augete. Vobis Deus bene vult, vos respexit, vos amat, vestris commodis consulit, dum literarum aliquod studium inter nos suscitatur. Vestrum enim ministerium & industriam desiderat & requirit, in obeundis & administrandis amplissimis & diuinis suis officijs in Ecclesia & Republica. Vos expedit & vocat suos vicarios & Angelos in terra. Vestra igitur causa artes & linguas doceri vult, vt vera salutariq; doctrina instructi, aliquando acceda-

cedatis ad gubernationem Ecclesiæ, scholarum, & cæterorum officiorum politico-
rum, quæ opem & lumen artium nostra-
rum desiderant, & sine ijs fœliciter geri &
seruari nequeunt. Vos igitur, quod alu-
mnos Musarum, &, vt Esaias Propheta
ait, plantas cœli, satas ad glorificationem
Dei, decet, vtrâq; manu, & veriùs toto pe-
ctore, hanc discendarum literarum occa-
sionem in hac Academia amplectimini,
& discite vera obedientia & pietate artes
& linguas à Præceptoribus vestris: in pri-
misq; commendatos vobis habete, vñâ
cum cæteris Professoribus, quorum fides,
diligentia & industria longo tempore
perspecta & cognita est, novos istos Pro-
fessores, quos videtis, qui vtilis & saluta-
res doctrinas vobis tradituri sunt sum-
ma cum fidelitate, vigilantia & perspi-
cuitate. Quos equidem nisi æquè ac pa-
rentes ipsos dilexeritis, audiueritis & ho-
noraueritis, prorsus mali & amentes si-
tis. Pollicentur vobis suum studium, defe-
runt operam, communicare volunt omnẽ
suam doctrinã, quam magnis sumibus,
difficultatibus, peregrinationibus, multis
deniq; vigilijs & laboribus comparã-
runt. An non hos totis animis audiendos,

ORATIO IIIL.

Venerandos, colendosq; esse censetis? Ita ergò faciemus omnes: nos, qui docendi muneri sumus præfecti, bonas literas sedulò fideliterq; tradamus, moncamus, obiurgemus, vbi necesse est, & incitemus iuventutem: cæteri Magistri priuatim repetendo, scripta emendando & prælegendò, vbi opus est, publicè vero disputando, & alia necessaria munera obeundo, certatim ac strenuè nos iuuent: donec & ipsi ad publicum prælegendi munus vocentur. Studiosi autem discendo, obediendoq;, & vitæ integritate suam militiam, atq; adeo totam Academiam ornent.

Nunc, cùm videam me tam amante & benignè auditum esse: par est & conuenit, me gratitudinis etiam aliquod documentum dare. Ago ergo gratias toto pectore vobis omnibus & singulis, Viri magnifici, spectabiles, clarissimi, doctissimi pariter & humanissimi, quòd hoc initium studiorum & lectionum, in facultate nostra Philosophica, præsentia vestra, beneuolentia & æquanimitate, exornare volueritis: vosq; oro, quanta possum animi contentione, vt paterno animo, sicut facitis, Academiam hanc in posterum etiam complecti, fouere, iuuare &

& serare constanter pergatis: & tantum opis & emolumentum, quantum quisque potest, ad eam augendam & illustrandam certatim conferre nō desistatis. Pro hoc officio amplissimam & iucundissimam remunerationem à Deo quisq; expectet, & à nobis gratitudinem Philologis dignam suo iure reposcat. Dixi.

Oratio V. DE IMMAVELE.

CREDO ego multos vestrum mirari mecum, quid sit, quòd cum alix anni partes plerūque commoditate iucunditateque antecellant: Filius Dei assumpta carne nostra, hoc squalido & duro brumæ potissimum tempore nasci & in lucem hanc edi voluerit. Affert enim natura, ut frigoris asperitatem, hyemisq; sæuiciam reformidantes, verno & æstiuo tempore, negotium arduum suscipere, aut iter longinquum ingredi malimus, quàm in hoc brumali tempore, quando Sol procul à nobis ad Antipodas recessit, & omnia frigore rigent, celsatione torpent, & tota naturæ facies squalidior est. Quæ igitur res

ORATIO V.

tanta est, tamque grauis, quæ filium Dei,
 Immanuelem nostrum impulit, ut hoc
 hyberno frigore dierumque angustia in
 carnem ad nos venerit? quia conlociare se
 nobiscum & aggregare in numerum no-
 strum voluit, sustinendo & perferendo
 cōmunes cum fratribus & sororibus suis
 misérias atque calamitates, quas fert hæc
 vitæ nostræ conditio: quò nimirum ten-
 tatus in omnibus, magis affici sensu infir-
 mitatum, & alleuare ærumnas nostras pos-
 set. Ut autem iucundior multò aspectus
 est amici in temporum difficultate aut re-
 rum asperitate, quàm cum aduersi nihil
 accidit: Ita gratiores nobis aduentus Filij
 Dei tantò, quantò tempus ipsum in quod
 incidit, grauius est, & durior fortunæ, quæ
 nos vrget, conditio. Sit itaque per se, aut
 sua etiam natura, triste hoc tempus: nobis
 certè lætabile est in primis & gloriosum.
 Quòd enim in frigore acerbo ad nos ve-
 nit: certissimum argumentum est beni-
 gnæ voluntatis, quòd frigere nobiscum
 voluerit, quòd fouere nos, & à rigore legis
 eripere posset. Quòd verò in bruma natus
 est, qua minima lucis diurnæ vsura nobis
 relicta est, & squalore omnia, quocunque
 aspiciamus, oppleta sunt: indicio est eum
tunc

tunc maximè nobis adesse velle, cum ver-
fari in rerum angustia videmur, & ope
præsidioque destitui. Cumque se ipsemet
Filius Dei per os Prophetæ Malachiæ So-
lem iustitiæ nominet: exprimere etiam
Solis naturam in hoc ipso natiuitatis suæ
tempore voluit. Sunt enim duo puncta in
margine Eccentrici, per quæ Sol quotannis
permeat & transit: alterum Apogæum, quod
lōgissimè distat à terra: alterum Perigæum,
quod ad terram propius multò accedit.
Fuit autem nascente Christo Sol in Peri-
gæo: & tamen languidiùs terram illo tem-
pore brumali calefacit. Iccirco quia radios
obliquos in Horizontem nostrum spargit.
Nonne hæc est illustris imago, quasi quo-
dam speculo filij Dei mores repræsentans?
quippe qui præsentiam suam, cum in ipsa
natiuitate, tum in tota etiam gubernatio-
ne, sic moderatur, vt non solum ab im-
pio mundo, sed ab ipsis etiam Christi-
anis interdum minùs perspiciatur? Quid
enim aliud sibi vult acerbitas quere-
relarum Ecclesiæ sponsæ, in Cantico Can-
ticorum Salomonis, de occultatione
& amissione sponsæ? Quæsiui & non
inueni illum: vocaui & non respon-
dit mihi: Ecce stat post parietem no-
strum

ORATIO V.

strum, prospiciens per fenestras, prospiciens per cancellos: nisi ut hæc varietas & vicissitudo præsentiæ & occultationis Christi in ærumnis & tentationibus depingatur. Quid est stare post parietem, aut prospicere per fenestram? quam obliquè aspicere nos & è conspectu euolare rursumq; emergere, atque apparere: Id quod fit sanè, cum filius Dei angustia nos & trepidare ad tempus bene longum patitur: ut opem in diuturnis cruciatibus frustra implorare videamur. Veruntamen respicit tandem, & claram faciem nobis ostendit: cum vel luctantes cum dolore & desperatione adiuuat, vel consolatur, vel liberat penitus. Neque sanè facere aliter potest, nec sensus affectusque eius humanus atq; fraternus perpetuò eos iacere atque dolere finit. Idcirco enim ad nos venit & ὁμοῖος nobis factus est, assumpta carne nostra, ut sit Immanuel, hoc est, Deus incarnatus, vel Deus nobiscum consociatus & coniunctus, perpetuo & arctissimo fœdere carnis, atque adeo omnium affectuum atque sensuum humanorum, absque peccato. Quod quidem fœdus, ut quemadmodū se habeat, & quāta bona nobis adferat, cōsiderare attentiùs possimus: de dulcissima.

ſima appellatione Immanuelis cōmonefacere nōnulla aggrediar, quæ conſolari nos in hoc tēpore, mœſtitiā eripere & ad verā in Deo Salvatore & fratre noſtro lætitiā inflāmare poterunt: te duce in primis & autore Immanuele, qui lætitiæ omnis ſalutaris fons & dator eſ largiſſimus.

Eſt autem Immanuel vox ſanctæ linguæ propria, cōueniente admodum compoſitione duas naturas, diuinā & humanā, cōplectens & copulans. Nam Deum ſic cum homine coniungit & vnit, vt vna perſona ex utroque fiat. Ex quo verus Deus eſt Immanuel, ἀμήτωρ, ineffabiliter genitus, καὶ ἀγενεαλόγητος abſque genere, abſque initio & fine dierum, vt habet Epiſtola ad Hebræos: & ſimul etiam verus homo, ἀπάτωρ, ſine patre ineffabiliter conceptus, ſumta carne de noſtra carne, ex utero Mariæ virginis: vt nobis ſit carne & ſanguine iunctus, tum ſenſibus etiam ipsis ſocius & æqualis: ſine labe tamē ea, quam nos ex lapſu relictā circumferimus. Admiranda verò & ſtupenda copulatio naturarū tam diſſimilium. Quid enim tam eſt contra & præter omnem naturæ ordinem quàm ſpecies diſparatas ita cōiungi, vt al-

tera

ORATIO V.

sa prædicetur de altera? absq; tamen confusione, sineque conuersione aut mutatione alterius in alteram. Rectum enim putamus, & sic iubet nos fides Christiana loqui: Deus est homo, & homo est Deus. Quod si ad communem naturæ ordinem accommodes, æquè erit absurdum, ac si dicas: Aqua est terra, terra est aqua. Verùm hîc non consulendus est naturæ ordo, de specierum distinctionibus, non audienda ratio, nec adhibendæ artis differendi regulæ: superat copulatio omnem naturæ vim, vincit omnem captum & intelligentiam Angelorû & hominum. Ex quo & non iniuria Paulus tanquam in re inperuestigabili exclamat: Sine controuersia magnum est, inquit, mysterium, quòd Deus apparuit in carne, iustificatus est a Spiritu visus est ab Angelis, prædicatus est gentibus, fides illi habita in mundo, denique assumptus est in gloria.

Sex hîc commemorat membra plenæ arcanae sapientiæ, & digna admiratione prædicationeque Angelorum & hominum. Primum enim quid admirabilius esse potest, quàm quòd Deus, alioquin inuisibilis, & in luce inaccessa
habi-

habitans, ex sede seu throno suo arcano
prodit, & nostra carne assumpta, in
oculis, & ore hominum versatur, fa-
miliariter nobiscum loquitur, & fra-
trem nostrum se profitetur, talisque et-
iam à nobis haberi summè cupit, neque
tamen id facit *φαιτασία ἢ δόκησις*, tan-
quam spectrum nostris mentibus atque
sensibus illudens, vt nefario maxime-
que detestando errore finxerunt quon-
dam hæretici, Valentinus, Marcion &
Manichæi. Sed reuera humanam na-
turam assumpsit, factus homo integer
& perfectus, habens omnes facultates
& membra animæ & corporis, cum
omnibus appetitionibus naturæ no-
stræ conuenientibus: peccatum sem-
per excipio. Vnde & Esaias cum
Immanuelem eum vocasset, tribuit
illi mox appetitum naturalem, cum
inquit: Butyrum & mel comedet,
perinde vt alij pueri, quos cibo potu-
que conueniente nutriri oportet. Tum
auctricem etiam facultatem illi assignat,
cum asseuerat eum vnà cum ætate et-
iam iudicium conformaturum & con-
firmaturum esse de reiiciendis malis, &
eligendis bonis: vt nihil omnino desit ad
veri-

ORATIO V.

veritatem humanæ naturæ in hoc Immanuele.

Secundò, non minus certè mysterium est, quod ait Paulus: Iustificatus est à Spiritu. Quid quæso opus est iustificatione Spiritus, huic tã iusto Immanueli? Etiam hoc membrum eò pertinet, vt veritatem carnis stabiliat: Est enim iustificatus Immanuel à Spiritu, id est ornatus testimonijs Spiritus publicis & priuatis, in ipsa cõceptione, in Baptismo, in miraculis, in Pentecoste, denique in pectoribus singulorum credentium: quò videlicet manifestum fiat omnibus, nec vllum dubium relinquatur, quin verus sit Immanuel, talisque à nobis omninò habeatur, atque colatur.

Tertiò ait, eum ab Angelis esse visum: quod quidem euidens humanæ naturæ argumentum est. Quid enim viderunt Angeli tanta cum admiratione, nisi hanc ipsam vnionem humanæ naturæ & diuinæ. Hanc certè non cum admiratione solum, sed cum stupore etiam (si modò stupor in Angelicam naturam cadere potest) spectarunt. Quando viderunt eum? In natiuitate, cùm cecinerunt hymnum: Gloria in excelsis Deo: in horto luctantem cum mor-

morte: In resurrectione & ascensione in
cælum.

Quartum testimonium veritatis hu-
manæ naturæ addit Paulus, cum ait: Præ-
dicatus est gentibus. Quorsum enim per-
tineret tot vocibus tamque varijs linguis
prædicare Christum crucifixum & resu-
scitatum, passim in toto terrarum orbe, ni-
si verus homo propter nostram salutem
factus esset?

Quintò quid absurdius esset, quàm
credere in Immanuelem, nisi verus Im-
manuel existeret? Deniq; quid euidenti-
us carnem Immanuelis demonstrat, quàm
gloriosa in cælum, victa morte, cunctisq;
hostibus ascensio?

Vt autem de priore particula huius dul-
cissimæ vocis Immanuelis, quòd nimirum
verus homo sit, nobis ὁμοῦσιος, ex his
quæ commemoravi hætenus, dubij nihil
relictum est: Sic nec de altera, quòd De-
us sit, ambignum habere quicquam debe-
mus. Est enim, sine controuersia, E L De-
us ille infinitæ potentæ & sapientiæ, à
quo omnes res initio conditæ sunt, & de-
inceps etiam à nutu & voluntate eius re-
guntur atq; pendent. Exodi 6. inquit De-
us: Apparui Abraham, Isaaco & Iacobo in

ORATIO V.

Deo omnipotente. Vbi EL Sadai ponitur, quod haud dubie est, in filio meo coeterno & coessentiali mihi. Et Ieremiae 32. Deus ille magnus, praepotens, dominus exercituum nomen eius. Huius dictionis fama ad Graecorum quoque aures peruenit, quippe qui ex ea suae linguae vocem formarunt, quae ἥλιος est, cui vim inspiciendi & exaudiendi cuncta tribuit Homericus iste versus:

Ἡέλιος θ' ὅς πάντ' ἐφορᾷς, καὶ πάντ' ἐπακούεις. Sed valeat Idolomania Ethnica, quae creatorem cum creatura confundit. Tametsi enim à Propheta quoque Immanuel appellatur ἥλιος δικαιοσύνης, Sol iustitiae: tamen translatum est verbum illud, quo pulcrè, tanquam stella notantur & illuminantur eius in nos beneficia, de quibus postea commodior erit dicendi locus. Iam hoc in causa relinquatur, Immanuelem nostrum esse personam vnā ex duabus naturis constantem, quarum vna est λόγος, altera σὰρξ, vt Iohannes nominat, cum inquit: λόγος σὰρξ ἐγένετο. Vbi quidem λόγος non est ἐνδιάθετος ἢ θεωροεικός, id est, decretum seu sonus euangelicens, sicut furenter contendit Samosatenus:

nus:

nus: sed ἐστὶ σῶμα, quiddam subsistens
 seu ὑφισταμένον: Σὰρξ verò, non carnem
 tantum, sed potius integrum hominem si-
 gnificat, habentem omnes vires naturæ
 proprias, absq; peccato. Sed quid vult
 sibi sequens vox, ἐγένετο; Num mutatus
 est λόγος in carnem, aut alioqui confusio
 naturarum facta est? Minimè, non enim
 mixtæ aut confusæ sunt naturæ, nec hu-
 mana conuersa est in diuinam, vt com-
 mentus est Eutyches, qui etiam mortu-
 um esse τὸν λόγον, Hyperbole planè Diabo-
 lica finxit. Nec diuidi etiam aut separari
 vna natura ab altera potest: Iccirco quia
 fœdere æterno sic unitæ sunt, vt sit &
 maneat vna persona: rectè itaque Cate-
 chismus noster: Credo quòd Iesus Chri-
 stus verus DEVS à patre ante secula ge-
 nitus, & verus homo ex Maria virgine
 natus, sit meus Dominus. Quid verò est
 verus Deus à patre ab æterno genitus, &
 verus homo ex Maria virgine natus, nisi
 Immanuel? Et e conuerso, quid est Imma-
 nuel? nisi verus Deus & verus homo, in
 vna persona, sine confusione, sine com-
 mutatione, sineque separatione, duabus
 naturis concurrentibus, vt verbo Synodi

ORATIO V.

Chalcedonensis vtar, quod apud Euagrium lib. 2. cap. 4. extat.

Sed quare Deum simul & hominem esse hunc Immanuelem oportet? Hic persona ad officium nobis transeundū est. Vt enim duas naturas hypostatica vnione vnitas in Immanuele nostro haftenus asseruimus: sic causas nunc, cur id factum sit, perpendere non tam religiosa fides, quàm salutis nostræ ratio postulat. Non enim existimandum est Immanuelem nostrum sua causa, aut ad perfectionem sue eguisse carne nostra: cum Deus sit, cui id esse nihil potest. Sed propter nos homines & propter nostram salutem æternæ & diuinæ suæ naturæ copulauit hanc humanam: vel vt Paulus inquit: Cū in forma Dei esset, formam serui assumpsit: quod est, ad diuinam suam essentiam assumpsit essentiam & proprietates naturæ nostræ. Id enim est forma in hoc Pauli dicto. Quorsum tandem, aut cur id fecit? quia voluit noster esse frater ac socius, sanguine & carne nobis coniunctus, & omnino idē esse, qui sumus nos, de mto peccato. Quia voluit carne sua pura, sancta & integra nostram carnem impuram, ream & labefactatam purgare, sanctificare & in pristinum

num statum innocentiae, & integritatis restituere. Quia voluit in carne, id est, anima & corpore humano perferre mortem & poenam, quam animus & caro nostra commeruerat & luere in omne tempus debebat. Quia carnem nostram subuehere secum in coelum, glorioso triumpho voluit, & ad dexteram patris collocare, quod spes vitae coelestis nobis firmior præberetur: quia carnem & sanguinem suum manducandum & bibendum dare nobis voluit in coenae sua, ut sit pignus amoris sui in nos perpetui, & alimentum fidei efficacissimum.

Age verò harum rerum quantum vnaquæque valeat, quantum ué momenti ac solatiij miseris nobis suppeditet, paulò accuratius dispiciemus. Quantū in primis est vinculum sanguinis & propinquitatis eius, quo se Immanuel nobiscum coniunxit, cum caro de carne nostra factus est? Magnum utriq; hoc esset, si in forma Angelii ad nos visendos & subleuandos venisset. Nam & sic superior & præstantior nobis fuisset: verū quia par nobis & ὁμοῖος planè esse voluit, animam & corpus nostrum cum omnibus proprietatibus ordinatis, appetitionibus, affectibus, & sen-

ORATIO V.

sibus cæteris assumptis: quò nimirum pe-
 nitus sese insinuaret in familiaritatem no-
 stram & specie nostra indueret. Quæ est
 quæso, vlla coniunctio aut societas, si hæc
 non est? quod vinculum potest cogitari
 maius ad astringendum fidem, amorem
 & benevolentiam inter hominem & Im-
 manuelem? quæ porro ægritudo animi,
 vel infirmitas valetudinis corporis incide-
 re potest, cuius sensu non afficiatur Imma-
 nuel? Quia enim animi nostri sensus af-
 fectusq; circumfert, & carnem nostram
 retinet: fieri profectò aliter non potest:
 quin nobiscum etiam lætetur & doleat. An
 non hoc ipsum est, quod Epistola ad He-
 bræos prædicat? Non habemus, inquit,
 pontificem, qui non possit συμπάθησαι
 ταῖς ἀσθενείαις ἡμῶν, affici sensu infirmi-
 tatum nostrarum: cùm & ipse non solum
 corpus & animam parem & similem no-
 bis habeat, sed insuper etiam tentatus
 sit in omnibus. Te igitur, ô dulcis Im-
 manuel, ô frater germane, qui mentem
 sensus & os nostrum geris, vt quicquid
 tristis lapsus nobis abstulit, id sanguine &
 morte tua reparares & augeres, quibus
 laudibus efferemus? quibus studiis pro-
 sequemur? qua benevolentia comple-
 ctemur?

temur? Profectò si vitam nostram profundamus, si omnes afflictiones, quas fert hæc infelix & ærumnosa vita, in mundo isto perferamus: non vllam tamen partem meritorum tuorum assecuti videbimur.

Magnum quoque illud est, quòd impuram nostram carnem, sensusq; hebetes, stupidos, & à Deo auersos, carne sua immaculata mundare, & sensibus suis sanis & integris excitare, illustrare, & ad veram Dei notitiam sanctitatemq; reducere voluit. Quæ res equidem sudore & sanguine multo constitit. Nam in carnem suam squalorem nostræ carnis omnem transtulit, & in animam suam cæcitatibus & peruersitatis nostræ pœnas doloresq; vniuersos deriuauit: vt à nobis in illum, tanquam in sentinam confluxisse sordes cunctæ videantur. Etsi autem peccati non solum vestigia, sed ipsius etiam pœnam in anima & corpore nostro reliquam quotidie sentimus: tamen re ipsa mundati sumus, vt succubere peccato non possumus. Et quicquid reliquum est, id in Immanuelis nostri meritum reijcere impunè, libereque possumus: quippe cuius sanguine profuso in Baptismate abluimur, cuius

ORATIO V.

tanta vis est, vt si in immensum etiam cum-
mulata esse videantur peccata nostra, suf-
ficiens tamen & expletum in ipso λύτρον
inueniamus.

Quanti verò faciendum est, quòd mor-
tem ipsam tam fœdam grauemq; passus
est? vt per eam nos æternæ mortis reos &
iam tum iusta legis sententia damnatos
ex fati inferniq; faucibus eriperet. Quod
profectò aliter à nobis accipi non debet,
quàm quòd mortem à nostra carne in
suam transtulit & expiauit. Immo quod
etiam nunc, quoties mortis pavor aut sen-
sus nos circumuenit aut vrget: quoties
Satanas atq; infernus, aperto ore ac faucibus
interitum nobis minantur: quoties
in tantas angustias adducimur, vt salutis
expediendæ ratio nulla sit reliqua: hic ipse
interuenit Immanuel, mediumq; sese of-
fert: me, inquit, intuere, me amplecte-
re, ego pro te mortuus sum, vt tu vincere
possis: labefactata est vis peccati, repressus
furor Satanæ, fractæ inferorum portæ.
Quocirca bonum in me habe animum:
ego pro te, in hac ipsa carne, quam assum-
psi, satisfeci, vt tu immunis esses. Hanc vo-
cem Immanuelis puta in auribus tuis so-
nare, & cor ipsum ferire, quoties obrepit
acrior

acrior peccati aut doloris sensus atq; cogitatio.

Nec minoris certè æstimandum est, quòd secum in cœlum vexit carnem nostram Immanuel, vbi & ad dextram patris nunc sedet, & nos omnes eodem inuitat & prouocat, nec, nisi perfecta re de nobis, conquiescit. Hoc ipsum enim expostulat fraterni amoris vis, exigit sanguinis coniunctio, efflagitat capitis & membrorum naturalis coniugatio; vt alterum absque altero esse neq; velit, neque possit. Idq; vt ratum, firmum, fixumq; esset: arbonem carnis à nobis accepit, & vexit in cœlum pignus totius summæ aliquando eodem redigendæ, vt venustissimè dixit Tertullianus in libro de resurrectione carnis. Quo, quæso, quid dici potest, vel ad consolandum aptius, vel ad exhilarandum animos nostros efficacius? Veniant nunc pericula, ingruant procellæ, obruant calamitates, vrgeat morbus, premat egestas, vexet odium, exilium, aut si quod est aliud hisce par, aut fortè etiam grauius: non iccirco animum demitemus, sed erigemus potius, suspicientes in eum, qui carnem nostrâ subuexit in cœlum, & membra nostra, quamuis, ægra moribundaque

ORATIO V.

mox tectis ac sedibus suis cœlestibus recepturus est. Ideoque humana hæc, quantumvis acerba despicientes, & infra nos ponentes, feramus oculos & mentes ad cœlū identidem, breuī futurum sperantes ut ex hoc squalido & ærumnoso ergastulo liberati, in complexum & sinum fratris nostri dulcissimi veniamus, & diu optatum desiderium germanæ beneuolentiæ insatiabiliter expleamus.

Postremò quantum est, quòd carnem illam suam, vnà cum sanguine nobiscum benignè liberaliterque adhuc communicat? cū in sua sancta cœna, vnumquemque nostrum appellando, amanter ad accipiendum fruendumque inuitat: accipe, inquit, comede hoc meum corpus, quod exhibeo, & bibe hunc meum sanguinem, quem pro te profudi: quò absque vlla dubitatione credas, me verè tuum esse, & velle te meum esse vicissim. Caue putres vllam & societatem vel necessitudinem maiorem intercedere vlli cum vllò posse, quàm est hæc ipsa corporis & sanguinis communio: quæ nimirum hanc vim habet, ut fere per eam copulemur, coagmentemur, & concrescamus in vnum corpus, cuius caput ipse est, nos verò mem-

membra ab eo pēdentia, omnem succum, vigorem, vitam & spiritum inde accipimus. Nec nunc quidem intelligimus, quanti referat Immanuelem hominem & Deum verum esse? certè si Deus solum esset : nullum ingentium istorum beneficiorum, quæ prestrinxi breuiter atque attigi, in nos pertineret. Vt verò tam cumulatè hæc omnia in nos collata sint & redundant, efficit hæc vna humanæ & diuinæ naturæ copulatio & personalis vnio in Immanuele nostro. Nec tamen sola natura humana tot tantaque opera efficere potuisset, sine natura omnipotente & diuina : vt friuolum planè sit atque impium commentum eorum, qui *φιλὸν ἀνθρώπου* esse Immanuelem nostrum finxerunt. Quod neque cum nomine ipso, neque cum re consentit. Non enim sustinere tantam molem iræ diuinæ aduersus peccatum sola natura humana potuisset, neque tollere peccatum, vincere mortem, expugnare Sathanam, deripere infernum, satisfacere legi, tum iustitiam vitamque æternam reparare, Spiritum sanctum largiri, & nos à tot tantisque periculis atque insidijs, quæ quotidie in nos intenduntur, defen-

ORATIO V.

defendere. Oportuit ergo vtrumque esse
 Immanuelem nostrum, Deum scilicet &
 hominem: quo nō tam ferre, quā supere
 rare mortem posset, nec tam affici in firmi-
 tatibus nostris, quā easdē sanare & tol-
 lere, tum motus cordium inspicere, gemitus
 & preces exaudire, atq; afflictis opem
 salutemq; afferre. Denique cū causa aga-
 tur inter Deum & homines: res postulat
 talem mediatorem, qui vtrumq; sit, Deus
 & homo. Alioqui certē differere cum Deo
 non posset, vt suauissimē dixit Chrysost.
 Ἀνθρώπος ἔκ αὐ ἐγένετο μεσίτης. Ἐδὲ
 γὰρ καὶ τῷ θεῷ διαλέγεσθαι. Homo nō pe-
 tuisset esse Mediator Oportebat enim et
 iam cum Deo colloqui. Cū itaque Chri-
 stus sese in pacificationem inter Deum &
 hominem interpoluerit: Immanuelem
 eum esse, hoc est, Deum & hominem ne-
 cesse fuit. Iccirco ad illum omnis etiam o-
 ratio nostra, vota & suspiria diriguntur,
 quia μεσίτης est καὶ ἰκέτης intercessionis
 & interpellatione sua nobis gratiam & sa-
 lutem impetrans: Est enim in sinu patris
 penetrans intima patris, indeq; omne con-
 silium, decretum & voluntatem Dei, de
 nostra salute profert & enarrat.


Talem igitur cū habeamus Immanuelē: quid est, quod aut mortis metu, aut inferni formidine, aut vitæ huius asperitate admodum terreamur, aut cruciemur? quid obstat aut impedit, quò minùs lætitia efferamur, atq; gestiamus? hoc ipso præsertim brumali tempore, quo miranda natiuitas Immanuelis nostri recognoscenda est & altiùs cogitanda. Verū cū mentes nostræ sint hebetes, frigeant corda, stupeant linguæ: ad te cōfugimus magne Immanuel, & à te illustrari & acui pectora, incendi corda, & procudi linguas petimus: quo tuum hoc inæstimabile mysterium admirari, magnificere, amplecti, vocibusque & laudibus ardentibus celebrare possimus.

Fac itaque, magne Immanuel, vt in his festis atque solennibus diebus γενέθλια tua castè, sanctè, & hilarè recordemur & meditemur: gratias tibi inprimis agentes totis animis, pro isto tuo ingenti & immenso in nos amore, quod carnem de carne nostra assumisti, quò frater & socius noster fieres. nostramq; impuram carnem tuam sancta carne mundares: in carne mortem pro nobis sustineres: carnem nostram in coelestem thronum subueheres: & denique

ORATIO V.

que eam, omnibus diebus, vsque ad cōsummationem seculi nobis in cœna tua sacra impertires. Te rogamus etiam, & obsecramus veris votis atque precibus, vt fidem in nobis excites & augeas: quò hæc bona omnia firmo assensu amplectamur, vera fiducia in caritate tua acquiescamus, & grati pectoris signa, motus & fructus edamus: Te Immanuelem nostrum in animo & ore semper habentes, & in cœlum suspicientes, desiderium lætabilis tui reditus identidem renouemus: quò erepti aliquando ex hoc mundo, insidijs, fraude, sordibus, sceleribus & calamitatibus affluente, tecum in æterna consuetudine, cum lætitia & integritate viuamus:

Amen.



Ora

Oratio VI.
DE MICHAELE PRIN-
CIPIS MAGNO.

QUAE precati sumus à summo duce Mi-
chaële, collega & discipuli iucundissi-
mi, more quodam institutoque scholæ, su-
periore anno, cum festus atq; solennis di-
es sancti Michaëlis agitaretur: ut is nostrum
Principem AVGVSTVM, Electorem,
Dominum clementissimum, cum inclyta
familia, Ecclesiam, scholas, magistratum,
atque adedò singulorum civium ac patrum
familias, in hac terra Misnica, vitam, for-
tunas & salutem, sua æquitate & fide tue-
retur: ea nobis plenè cumulateque eius-
dem Michaëlis benignitate atq; munere
contigisse arbitror. Integra enim eius be-
neficij sunt omnia: saluus Princeps, flo-
rens domus Saxonica, incolumis Ecclesia,
inviolata hæc schola, tranquilla regio, cœli
aspiratio salubris, frugum ac fructuum co-
pia ad victum cultumq; sufficiens: & quod
in summi boni numero locoq; meritò du-
cimus, reliquus est verbi DEI & Sacra-
mentorū vtus, nullo fūco, nullisq; opinio-
num cōmentis illitus aut deprauatus. Hæc
nisi

O R A T I O V L

nisi tā magnae se fateamur vt ea nullius nostrū mens cogitando assequi, multo minū celebrare verbis satis possit, impij & ingrati simus. Cui verbo alij accepta illa reteremus, nisi vni Michaëli nostro, duci & patrono magno, qui stat vel propugnat pro populo suo, vt eius vitam, bona, fortunas defendat, & omnem vim iniuriamq; ab eo propulset? Hoc duce in hunc vsque diem incolumes sumus: is bona tot tantaque, quanta ne sperare quidē in hac squalida mundi senecta ausi sumus, nobis tribuit. Is principem texit scholam. fouit pacem, tranquillitatem, ocium, concordiamque præbuit. Is vrbes, tecta, templa conseruauit. Is sanitatem & commoda cætera, quibus fruimur, suppeditauit. Hæc igitur nos, qui in pietatis ludo & dicendi officina viuimus, tacita feremus? Equidē cū pro paruo beneficio gratiam nos non habere solum, sed referre etiam pietas iubet: quo tandem animo nos esse decet in eum, à quo tam cumulatè omnia, siue huius mortalis vitæ vltimū, siue immortalis animæ salutem spectes, nobis commodantur? Tibi ergo, dux magne Michaël, gratias agimus tantas, quātas hæc mentium nostrarum acies obtusa, & hi sensus nostri hebe-

hebetes, tardi & pingues capere possunt, pro amplissimis tuis in nos meritis, omnium Angelorum & hominum linguis & vocibus celebrandis: quòd Ecclesiam in hac regione tanta constantia protexisti, eamq; à furore, impostura & insidijs hostium, Satanæ & administratorum eius, defendisti, Principem, caput huius regionis, atq; adeo Christiani orbis oculum, cum Illustriissima familia tanta clementia custodiisti, ludum hunc inclytum tam benignè tutatus es, pacem, sanitatem, victum, & omnia commoda corporis & animæ copiosè liberaliterq; largitus es. Tibi cum Patre & Spiritu sancto, vni, soli, vero, omnipotenti, sancto, immortali, iusto, forti, misericordi & benigno, sit omnis laus, honos, gloria, celebratio, viuenti, regnanti, prælianti, propugnanti pro populo tuo omnibus seculis.

Cùm autem nihil tam gratum acceptumq; sit, inuictissimo duci Michaëli, quàm pietas: neq; illi quicquā à nobis egenis & tenuibus tribui referriq; possit, præterpiam & liberalem prædicationem meritorum eius: age, de gestis & laudibus illius commemorare quædam ex diuino verbo, quod ex sanctissima eius mente &

I ore,

O R A T I O VI.

ore, tanquam ex angusto fonte profluxit, voce summissa & humili aggrediamur. Accipiet ille, mihi credite, hoc quaecunque studium nostrum, probabit grati animi significationem, delectabitur pietate nostra, non aspernabitur infantiam, nec repudiabit balbutientes: quippe ex quorum ore rubor sibi fundat, ut in Psalmo scriptum legimus.

Est autem Michaël, ut à nomine incipiam, ipse Dei filius, coessentialis & coeternus patri, infinitus, omnipotens, inuictus, sapiens, misericors & bonus, qui cum Patre & Spiritu sancto initio omnes confudit, & adhuc sustentat, qui Ecclesiam omnibus temporibus colligit, eamque labe peccati deformatam & perditam, fuso suo sanguine, expurgavit, & in integrum restituit. Hunc Principem magnum appellat Daniel. Quare Principem? quia regnum habet potens iustitia, affluensque sanctitate, salute & beatitudine. Cur magnum? quia potentiam eius, maiestatem, amplitudinem & gubernationem nulla temporis circumscriptio metitur, nec vlla locorum spacia, regiones, aut fines terminant. Data enim est illi gentium hereditas & usque ad fines orbis terrarum possessio.

At

At quodnam est huius Principis regnum? Certè imperia huius terræ sic dissipata sunt, vt aliud Germanorū sit, aliud Hispanorum, aliud Turcarū, aliud Persarum, quorum nullam partem sibi hic Princeps Michaël vendicat. Quid igitur? Spirituale regnum sibi reseruauit, terram verò filijs hominum concessit. Hæc verò est sancta, catholica Ecclesia, hoc est, cœtus hominum ex omnibus partibus mundi excerptus, renatus & sanctificatus per verbum Dei & Spiritum sanctum, & verum Sacramentorum vsum, ad cognoscendū, colendum & celebrandum hunc principem Michaëlem, non tam in huius mortalis & caducæ vitæ curriculo, quàm in cœlestis & immortalis vitæ consuetudine. Huic igitur quotquot sese aggregant, & hunc Michaëlem, principem, seruatorem & intercessorem apud Deum pro se agnoscunt, inuocant, & spem salutis omnem in hoc vno collocant: hi subditi illius sunt, & membra regni eius, ab eoq; diliguntur, curantur, fouentur, reguntur, defenduntur, & bonis æternis donantur atq; cumulantur. Quid verò agit hic Princeps? quid molitur aut efficit? Stat, inquit Dāniel, pro populo suo. Quid est

ORATIO VI.

stare pro suis? certè nihil aliud, quàm cu-
 rare, alere, tegere & tueri sibi commissos
 & confidentes, cauereq; ne quid vel ad sa-
 lutis rationem desit, vel vis aliqua, fraus,
 iniuria uè inferatur. Excellens est in hoc
Expressio verbo emphasis, ingens pondus, inexhau-
 sta vis. Qui enim stat pro alio, saluum eum
 præstat, hoc est, metu, terrore, periculo o-
 mnino liberat, & certam salutis spem, por-
 tum atq; refugium præbet. Quia igitur
 stat pro nobis, populo suo, hic Michaël:
 certum est, idq; exploratum omnino du-
 camus, satis firmum nos habere præfidi-
 um, ut tuti esse possimus ab inimicis, quan-
 tum tuis superbè, crudeliterq; sæuientibus
 ac penè ignem ac fulmina spirantibus.
 At quinam sunt tandem hostes, qui tam
 potenti, æterno & inuictò principi repu-
 gnare audent? Multi profectò, immo in-
 numerabiles. Foris est non solum mun-
 dus hic, qui totus in malo iacet, sed prin-
 cepsetiam mundi, Diabolus, cum suis im-
 manibus stipatoribus & satellitibus, pote-
 statibus, mundi dominis, rectoribus te-
 nebrarum seculi huius, spiritibus malitio-
 sis & astutis, in sublimi vagantibus. Hi
 furentes odio, audacia, impudentia, ingra-
 ta facere, quæ possunt omnia, huic principi
 Michaëli

Michaëli conantur, eiusq; regnum uertere, atque delere, vel certè minuere, & abstrahere ab eo, quotquot possunt. Iccirco omne studium suum, operam, vires & potentiam in illius perniciem meditantur atq; conuertunt. Cùm enim semel cum contumelia & iactura salutis omnis throno cœlesti deiecti sint, quodd fraudes inexpriables concepissent: nunc nihil nisi metum, terroremq; poenæ sempiternæ ob oculos cernentes, & cum horrore tremoreq; singulis momentis postremum iudicium formidantes: præcipiti furore atque sæuitia in pios grassantur: quo vnà secum in æternos cruciatus atque tormenta quâ plurimos abducant. Horum sanè quanta sit rabies, quanta violentia, quàm astutè cogitati doli, machinæ, fallaciæ, præstigiæ, nullius nostrum mens aut cogitatio capere, nedum eloqui satis potest. Non enim gladijs ex ferro factis, non æratis telis nos adoriuntur, nec instrumentis alijs, quæ videri oculis aut repelli manibus possint, nos aggrediuntur, sanguinem & vitam nostram petentes: sed iaculis ignitis & spiritualibus technis atq; insidijs oppugnant nos, de corporis simul & animæ perniciæ exitioq; cogitantes. Talibus inimicis,

ORATIO VI.

perinde vt aëre ipso, circumfusi, septi, & circundati sumus, quibus die noctuq; nihil deliberatius est, quàm nos vno impetu euertere, omniaq; nostra inflammare, diripere ac delere. Cùm enim labe, odio, inuidia, maleuolentia, scelere ipsi vndiq; referti sint, & quicquid increpauerit, iudicij extremam sententiam pertimescant: cupidiùs sese furor eorum inflammatus & præceps iactat & exerit: quò extremam libidinem animi sui explere, & afflare suum virus & malum quàm plurimis alijs possint. Iccirco alium ad aliud maleficium incitant, ad libidinem, ad luxuriam, ad auaritiam, fraudes, perfidiam, odium, inuidiam, obtrectionem, calumniam, contemptum Dei: huic crus, alij brachium lædunt? huic capitis morbum, alij pectoris dolorem faucibus suis afflant: nunc pecudi, nunc agris & satis; nunc domui, nunc familiæ detrimenta & damna adferunt. Nolite enim existimare, morbos, pestem, famem, confusiones regnorum, tumultus, bella, expilationes, direptiones, iniurias, & id genus alias misérias in gente humana grassantes, à Deo proficisci, qui bonus est, & à quo nil, nisi bonum ad vos dimanare potest. Est autem
boni

boni natura eadem semper, omnesq; adeo
 effectus eius boni sunt, ad conseruandum,
 congregandum & communicandum se-
 cum alijs directi. Ex quo sanè intelligitur
 à Deo id quod malum est, perfluere nullo
 modo posse: sed à Satana eiusq; admini-
 stris & satellitibus, quicquid est morbo-
 rum, calamitatum, incommodorum, &
 molestiarum in mundo, nobis aspergi.
 Is enim non solum per se malus est, sed
 ad inficiendum etiam, dissipandum, &
 destruendum bona omnia acutus, pro-
 pensus & incitatus. Hic igitur est, qui odio
 immani in nos ardet: hic est qui Ecclesiam
 turbat, scholas vastat, politias dissipat, di-
 sciplinam confundit, priuatas domos im-
 pugnat, pacem conuellit, concordiam la-
 befactat, sanitatem lædit, omnia miscere
 & peruertere conatur, quò ingrata Deo
 plurima faciat, & stragem maximam e-
 dat. Huius tanta est rabies, tantusq; furor
 & sœuitia, vt nutu vno omnia erueret &
 perderet, nisi Princeps ille magnus Mi-
 chaël ei resisteret, exercitu & acie instructa
 conatus illius nefarios rerundens atque
 reprimens. Et si enim Diabolus acer est, vi-
 gilans & intentus ad nocendum bonis: ta-
 men multò acrior, vigilantior & paratior

ORATIO VI.

est ad regendum, tuendum, & seruandum
 suos nolite Michaël. Videas hīc exercitū
 vrrinq; probè armatos. Ex vna parte p
 suis stat princeps Michaël, cum sua mili
 cœlesti: ex altera est Satanas, cum stipat
 ribus suis, spiritibus immundis, blasphemis,
 periuris, mendacibus, qui scelera
 fraude & maleficijs toti, quanti sunt, pe
 scuntur. Vter laceſcit hostem? Satanas ille
 furiosus, inquietus & saeuus, circumiens
 velut leo rugiens dies & noctes, adeoq;
 singulis momentis in nostram perniciem
 omnes suas cogitationes, & vires vni
 meditans atque parans. Hic Ecclesiam
 oritur, serens falsa dogmata, vel confu
 onem opiniorum efficiens, vel doctores
 ad priuatas æmulationes, ambitionem,
 auaritiam, aut alia mala incitans, vel
 auditoribus contemptum ministerij sancti,
 seu verbi diuini & Sacramentorum, Epi
 curęum contemptum & alia flagitia susci
 tans. Illic scholas inuadit, doctrinam arti
 um deprauans, lites perniciosas docenti
 bus instillans, vel ad vitę morumq; turp
 tudinem impellens, vel disciplinam ipsam
 labefactans, discipulis odium Præcepto
 rum, contemptum doctrinę, artium & li
 berius viuendi libidinem suggerens, vel
 pec-

peccandi illecebras & occasiones subministrans : vt quod apertè non audent facere, id clam aut noctu, inscientibus Præceptoribus, aggrediantur atque tētent. Ad eundem sanè modum priuatam etiam domum cuiusque patrisfamilias telis suis petit, coniugum consensum dissipans, liberorum educationem impediens, familiam ab obedientia debita abstrahens: denique ad perfidiam, ad mendacium, ad maleficia, ad responsationem, & mala infinita prouocans. Pari conatu politias impugnat, concordiam magistratus ciuiumque conuellens, iura omnia euertens, cædes, iniurias, fraudes ciuibus inculcans. Quid multis? non locus est, quò non hostis hic sceleratus penetret, non momērum temporis, quo non omnes ingenij neruos ad nocendum comparet atque contendat. Nunquid ergo satis tibi laceßere hostis ille videtur? certè non vlla hinc quies est, nec vllus inducijs relictus locus, sed omnibus momentis oportet principem nostrum Michaëlem iusta & necessaria pro nobis arma cum sua cœlesti militia inducere. At quomodo ille hostem adeò ferocem, atque immanem reprimat? Stat inquit Daniel, id est, probè munitus, accin-

ORATIO VI.

Etus, & instructus est nō diuina solūm po-
 tentia, sed præsidio etiā Angelico, nume-
 roso & inuictō. His viribus hostem oppu-
 gnat, prostermit atque vincit. Quo enim
 cunq; se cōuertit Satanas, præstō est hic Mi-
 chaël cum stipatoribus suis, increpans Dia-
 bolum, arcenseius insidias, & furorē pro-
 pulsans. Non commouere se ille potest,
 quin videat hic Princeps noster: non con-
 silium aut dolū vllum versare, quin multō
 antē prospiciat noster Michaël. Deniq; in-
 finitis modis vigilantior est hic noster ad
 propugnandum, quā aduersarius ad op-
 pugnandū. Non locus, non conclaue, non
 semita, non cubiculum, non lectulus, non
 officina, nō ager, non flumē, non pons est,
 quo non præsidium mittat & collocet Mi-
 chaël: vt tuti incolumesq; incedere, habi-
 tare, proficisci, opus facere. somnū capere,
 transire possint Christiani. Non enim est
 ociosus spectator Tragœdiæ, quam Sata-
 nas agit in mundo, sed omnes nutus eius
 obseruat, & oculis intētis omnia aspicit, vt
 vbicunq; opus est, opē ferat. Quoties igitur
 videt insidiantem Diabolum, manda-
 ta dat Angelis suis, huic ad tuendū te in iti-
 nere, ne vel pede vel crure, vel alia corporis
 parte vacilles aut lædaris. Alij ad defendē-
 dum

dum in lectulo, in mensa, in officina. Quo-
 rumq; ergo aspicias, Angelis te circūdari co-
 gites, qui te comitantur, custodiūt, regunt
 & fouent, iussu summi illius Principis, qui
 cura tanta attingitur de te tuēdo, vt mente
 & cogitatione perpetua te complectatur,
 nec præda fieri vnquā hosti patiatur. Neq;
 verò Angelorum præsidio solūm tutos nos
 ille à tantis hostibus præstat, sed armis etiā
 duplicibus nos induit ac munit, quò & ipsi
 luctari & cōgredi cum hoste possimus. Nā
 & tegumenta corporis tribuit, φυλακτῆ-
 ρια Græcis nominata, & tela suggerit, ad
 arcendum hostem comparata, quæ Græcis
 ἀμυντήρια vocātur. Quæ verò sunt tegu-
 menta nostra? Ipsa virtus, δυνάμις, vt Pe-
 trus vocat, Dei per fidem ad salutem. Hæc
 custodit nos, hæc tuetur, hæc stantes in acie
 atq; conflictu protegit, immo iacentes e-
 rigit, luctātes cum desperatione solatur, &
 præsidium tutum firmumq; præbet. Hæc
 nimirū fides in Dei virtute, bonitate, mise-
 ricordia, & filij ipsius merito fixa & locata
 vnicū præsidium nostrū est, in tāta miseria
 & luctu perpetua cum Satana & Angelis ei-
 us. Quicquid. n. cogitamus, instituim⁹ aut
 suscipim⁹ salutare, id ōne prælucēte hac fide
 in Christū Mediat. fieri decet. Hæc nostra
 tur-

ORATIO VI.

turris est, hæc propugnaculū, hæc portus, ad hanc iustus confugit, & liberatur, vt sapiens inquit. Atque hæc quidem non externa, neque visibilia sunt arma, sed intus in corde parata à sancto Dei Spiritu per sanctum ipsius verbum, quod audire nos vult, amplecti & tenere. Reliqua sunt arma externa, videlicet oratio gemitibus, suspirijs, votis, lacrymis, voce, gestu, & sermone contra hostem pugnans. Hac armatura induti, omnem vim, impetum, iniuriam & periculum, quod in nos intenditur à Sathana propellamus, hostesque multò fortiùs quàm lapidibus aut ferro fugamus & auertimus. Hac salutem expedierunt Apostoli, cum excitatis à Diabolo fluctibus, in summo periculo naufragij essent. Quo enim alio præsidio præsentem mortem fugarunt, quàm precatione hac? Serua nos Domine, perimus. Eadem se defendit mulier Syrophœnissa, cuius filia à Dæmonio acerbè cruciabatur, dum clamauit: Miserere mei fili David, filia mea à Dæmonio miserè diuexatur. Nec alijs armis vsus est Ionas, in vêtre ceti, tanquam inferni faucibus occlusus, quàm clamore & inuocatione Dei, & liberationem etiam certam consecutus est. Iisdem igitur armis nos quoq;

quoq; vti conuenit, ad arcendum Diabolum, & declinandum eius infidias, dolos & conatus omnium maximè nefarios, scilicet fide, tanquam anima, & precatione, velut motu vitali. Tunc non deerit nobis præsidium vllum necessarium, quantumuis vndiq; pauores & pericula in nos impendeant. Fides enim nititur duce Michaële, salutisq; suæ rationem sic cum eo implicatam habet, vt stante hoc cadere illa non possit. Oratio verò perinde vt suauis susurrus, aut odor gratus, hunc ducem oblectat & afficit.

Adiungitur hisce præsidijs etiam alia custodia, per sanctum Ecclesiæ ministerium, quod peccata remittit territasq; & fauenciatas à Diabolo conficientias erigit & sustentat, tum communibus precibus cum Sathana dimicat: & dato corpore ac sanguine Christi in fide Michaëlis nos roborat. In hunc ordinem pulcerrimum propugnationis ac defensionis salutis nostræ inueneri, nonne spectaculum est animæ iucundissimum? Supremo loco stat Michaël, inuictò robore & diuina potentia leptus atque munitus. Huic secundo loco assistunt millia millium, & decies millicies centena millia Angelorum, ad nutum volun-

ORATIO VI.

tatemq; eius se totos conuertentium, & ad ministerium nostrum omnibus horis atque momentis paratorum. Tertio loco est fides & oratio. Postremo ministeriū sanctum. Tot igitur tamq; diuini præsidibus septi, an non satis muniti contra hostes Diabolos sumus?

Sed fit, nescio qua mentium nostrarum imbecillitate ac prauitate, ut cum ferociā tantam, tamque incredibilem Satanæ vim consideramus: vel infirmā ducis Michaëlis potentiā esse putemus, vel certè minus promptum atq; paratum nobis eius præsidium atq; auxilium existimemus. Quia enim Satanam sæuire in Christianos finis, & tot calamitates, morbos, clades & neces nobis miseris inferri patitur: opprimimur interdum & vix resistimus nobis, quin in eam cogitationem incidamus, ut potentiā Diaboli maiorē esse opinemur, quàm vel frāgi atq; impediri possit, vel certè nos opem atq; præsidio Michaëlis, sanctorumq; eius ministrorum destituti planè nobis persuadeamus: præsertim cum fluctus tentationum, concursusq; calamitatum nos obruit, & omnia quæ intuemur, aut cogitatione complectimur, aduersari nobis videntur. Tum si quassari politias, labefactari Eccle-

siam

Gam, affligi scholas cernimus, aut ius æ-
quumq; perueriti, florere & furere impro-
bos, contra verò opprimi & laborare pro-
bos, fame, inediaq; contabescere pios, & o-
dio & inuidia innocentium ardere impios,
contemni & abijci moderatos, euehi &
dominari superbos: hinc quid aliud mens,
quid animus tuus disputat, quàm licentiã
quiduis faciendi impunè concessã esse Sa-
tanæ eiusq; ministris & organis, necesse
vllum qui conatibus eius amplius resistat:
Hæc communis est nobis omnibus opinio,
partim innata nobis, partim ætate vsuq;
corroborata. Sed vnde veniat & quorsum
spectet, diligenter attendite. Plura hinc cõ-
currunt, ingense est mentis & carnis nostræ
cæcitas atque prauitas, quæ non finit nos
oculis rectis aut iudicio æquore tantam
intueri atque æstimare. Error itaque est
perniciosus nobis ipsis, & contumeliosus
in Deum, Diabolo, eiusq; Angelis plus po-
tentia aut virium tribuere, quàm à duce
Michaële illi permittitur. Ille enim, vt se-
mel Satanam cœlo expulit, & postea ho-
mo factus, caput eius contriuit, omnem
eius potentiã comminuens: sic per omne
tempus eum coërcet & reprimat, circulum
in naribus eius ponēs, frenūq; in labijs, ne
grassari

ORATIO VI.

grassari pro libidine & furore suo possit;
 aut extra modum constitutum prodire.
 Quorsum verò pertinet tam immodera-
 ta licentia, tamque effrenatus & inflam-
 matus furor Diaboli? quorsum? huc vide-
 licet ut in conflictione exardescat fides, &
 concitetur precatio & clamor. Etsi enim
 victus est Diabolus, & potētia omni exu-
 tus, per eum, qui propterea venit in mun-
 dum, ut opera Diaboli destrueret, mundi-
 que principem condemnaret: tamen lædit
 adhuc calcaneum Christi, Ecclesiæ imma-
 ni odio ardens, Christianos crudeliter in-
 sectans & atrociter vulnerans, usque ad ex-
 tremū diem, quo iusto iudicio à Michaële
 principe & victore magno in æterna sup-
 plicia præcipitabitur. Interea sævit & furit
 eò rabiosius, quò scit diem illum abesse pro-
 pius: Deinde ad excitandam & inflam-
 mandam precationem nullum remedi-
 um est efficacius, quàm calamitas. Vt enim
 acris condimenta appetitionem cibi &
 potus irritant: sic occasio & magistra pre-
 cationis est crux atque calamitas. Ad acu-
 endam igitur inuocationem Dei, opus est
 certamine & lucta cum Diabolo, mundo,
 carne, & alijs hostibus. Hinc tot tamque
 innumerabilia mala sunt, quibus affligi-
 mur

fames, pestis, odium, inuidia, calumnia, contemptus, iniuria, dolus, infelicitas consiliorum & conatum in vocatione, dissidia, bella, quibus omnibus irritari vult noster princeps Michaël, & augeri in nobis precandi curam & assiduitatem: cum quidem in ocio & voluptatibus ignavi planè simus, languescatq; & extinguatur invocationis ardor. Est & alia causa tantæ sæuitiæ Diaboli in miseram nostram naturam, videlicet peccatum; quo in actu posito, quid aliud sequi, nisi poena potest? Quamobrem si tuti à Diabolo eiusq; ignitis telis esse volumus, à peccando desistamus necesse est. Tunc hæere in nobis nullum Diaboli iaculum poterit, nec ullæ eius, quantumvis ingeniosè excogitatae insidiæ, aut fraudes nobis nocebunt. Nihil enim est, quod tam offendant Michaëlem nostrum magnum, quàm peccandi cupiditas: nihil quod longius repellat Angelorum eius præsidium, quàm libido: nihil quod magis irritet Satanam, adiutumq; illi ad nos oppugnandos patefaciat, quàm profana securitas, dissoluta consuetudo, & in delictis perleuerantia. Hæc ubi regnant, non Michaëli, non stipatoribus eius, nec ulli cœlestis militiæ

ORATIO VI.

conforti locus relictus est. Impietas enim attrahit Diabolum, non aliter ac Cæcia nubes, aut Magnes ferrum. Ac ubi impius quis viuit aut contemnit verbum Dei, indulget voluptatibus, earumq; se quasi ministrum præbet, & impulsu libidinum iura diuina & humana violat: ibi efficax est Diabolus. Contra verò, si quis in Deum, Parentes, Præceptores, Magistratum pius est, & peccandi illecebras magno studio atq; cura vitat: huic diuinus Michaël perpetuò astat, eumq; per sanctos suos Angelos custodit atq; defendit, vt nihil mali eum attingat, vel si attigerit, non succumbat ille tamen, sed erigatur & vincat. Quamobrem si nos quoque carissimi discipuli, in hoc ludo vti præsidio Michaelis magni, & sanctorum eius Angelorum custodia frui aduersus assultus & ignita iacula Diaboli volumus: pietatem serio nos colore necesse est, cupiditatibus obistere, audaciam frenare, &, vt diuinitus ab hoc duce magno regamur, votis assiduè petere. Nam absque hoc duce, nulla cogitatio, nullum studium, nulla cura auctio bene feliciterq; euenit. Quid ergo? Abiecta omni contumacia, improbitate & impunitatis spe, vitam moresq; emendemus

demus, & si quid haëtenus peccatum est, aut erratum, ignosci nobis petamus. Satis sit, quamuis reuera nimium sit, ad hunc usq; diem morum turpitudine, sceleribus & flagitijs hunc diuinum ducem offendisse, castosq; ipsius ministros, tristitia affecisse: detur nunc opera, vt placetur vicissim dux tantus, & exhilarentur eius Angeli. Ita enim vobis persuadete, nihil esse, quod vel tacite in animis vestris cogiteris, vel clanculum suscipiatis, aut tenteris, nedum aperte in vos admittatis, quin spectatorem habeatis hunc Michaëlem, cum sanctis ipsius ministris Angelis. Est enim *καρποφύωτης*, qui omnes recessus cordis, & latebras mentis introspicit, scrutatur & peruestigat. Nec vllum committere facinus, aut admittere dedecus potestis, quod non circumstantes Angeli cernant, & obseruent. Ac si quidem bene recteque aliquid facitis, patronum habetis & adiutorem Michaëlem, applausoresq; sanctos eius ministros. Sin malè quippiam designatis, fugato duce Michaële, tristes recedunt Angeli boni, lætiverò accurrunt spiritus improbi, & cogitatū susceptūq; facinus studio ac conatu maximo iuuant. Vbicūq; enim nō est dux Michaël, ibi est sceleratus Satanās.

ORATIO VI.

Et ubi nō est locus sanctis Angelis, ibi dominantur immundi spiritus : tertium hinc dari nullum potest. Quicquid itaque agitis aut instituitis, ubicunque estis : hunc ducem præstò esse sciatis, cum cœlesti sua militia. Et quidem ut adsit vobis semper & ubique, votis assiduis orate. Stat in medio cœtu hoc scholastico, astant tot eius diuini & immortales ministri, custodientes nos & arcentes furorem Satanæ, quia cœcè odit hos congressus scholasticos, & ni impediretur à Michaële & Angelis castis, omnia cōfunderet & interturbaret. Est idem Michaël in cubiculis vestris, in lectis, in Musæis, & quocunque progredi mini, deducit vos per Angelos suos, fouet & protegit. Quamobrem præsentem eum amare & reuereri discite, caueteq; ne Angelos, tanta probitate, fidelitate & beneuolentia præditos, à vobis repellatis. Infigite hunc Michaëlem mentibus vestris, inscribite pectoribus, sit deniq; ille in animis & ore semper : ut quoties libido aut illecebra aliqua peccandi obrepit, mox in mentem veniat, en Michaël videt, & Angeli boni dolore afficiantur atque arcantur, quid igitur facis? Michaële & spiritibus bonis propulsatis, præda eris spiritibus immundis.

immundis, qui te ex vno peccato & lapsu
in alium conijcient, donec te abreptum
arbitrio suo perdant. Sit denique aliè hoc
infixum pectoribus vestris, non ociosum
astare Michaëlem vlli vestrū, sed ad co-
natus bonos incitare, à malis verò tantum
non edita voce dehortari. Fingite enim il-
lum vnumquemq; vestrū alloqui, so-
netq; adeo vox illius in auribus vestris
semper: heus care puer, quid agis? quid in
te admittis? redi in viam, fac quæ bona
sunt, & declina quæ turpia sunt, tibiq; &
alijs nocent. En si bona sectatus fueris, me
protectore habebis, cum castis meis An-
gelis, & dabo tibi aliquando coronam vi-
tæ. Sin malè feceris, deseram te cum Ange-
lis meis, & relinquam te furiosis Diabo-
lis, qui te omnibus modis affligent, &
quamuis blandiri aliquantisper videan-
tur, ad extremum tamen animam & cor-
pus perdent. Eiusmodi vocem Michaëlis
tamen si auribus non percipias: mente ta-
men comprehendere debes, & quoties
Præceptor aut parens te ad pietatis curam
aut cultū hortatur, à vitijs verò abstrahit:
ipsam Michaëlis vocē te audire existimes.
Eadē. n. vox Præceptorū siue parentū est &
Michaëlis magni, ad finēq; eundē spectat.

ORATIO VI.

Inuitet etiam vos & exuscitet ad talem cogitationem atq; curam hæc ipsa temporum tristissimorum, in quæ fato ætas nostra incidit, luctuosa facies: vtpote in quibus ostenta cœlesti complura concurrunt, Ecclipses, Cometæ, & Chasma horrendum, nuper 4. Non. Septemb. ab hora secunda post mediam noctem vsq; ad tertiam, hoc anno supra millesimum quingentesimum septuagesimo octauo, cum horrore magno conspectum. In eo etenim cœlum ipsum discessisse visum est, & facto hiatus magno, velut fossa, ignis moles ingens decidit. Alibi forma incandisfabrilis, eodem tempore & loco cœli visa est, ad quam astantes fabri, valida concussione & sonitu gladium igneum effecerunt, qui aliquantisper magnitudine ingenti in cœlo eminuit, & postea in baculum conuersus euauit. Tale prodigium quid aliud minari atque portendere nobis existimabimus, quàm dissidia, distractiones & dissipationes in Ecclesia, scholis & politijs? Gladij verò species quid præter bella funesta & stragem atrocem denotat? sed quia ad extremum mundus totus ignescet, & ignis ardore ipsa mundi machina liquecet: sperabimus hisce tot
& tam

& tam euidentibus prænuncijs antegressis, breuè secuturum esse ipsum hunc nostrum Michaëlem, cum militia cœlesti, ad iudicium viuorum & mortuorum. Ad huius igitur aduentum nos totis animis præparemus, & interea dum cessat ille, nosq; in hoc ærumnoso & squalido hospitio manere vult: mentes & oculos nostros ad illum conuertamus nosq; ei totos tradamus, orantes assiduò, vt nobis adsit, nos foueat, custodiat & regat: addat etiam custodes & stipatores animæ & corporis sanctos suos Angelos, qui conatus & tela Diaboli, & administratorum eius vndique in nos impendentia atque directæ, auerant & arceant.

Da igitur ô magne Michaël, vt tuo tecti præsidio tuti simus ab hostibus Diabolis & hominibus, tuumq; ductum sequentes, in fide & cōscientia integra tibi seruiamus & grata multa faciamus. Foue ludū hunc & patronum altoremq; eius principē Saxonix AVGVSTVM, Imperij Electorē, cum inclyta familia: tuere pacem, tranquillitatem: auerte dissidia, tumultus, bella, famem & alia horrēda mala, quibus hæc ærumnosa vita nostra pposita est. Reprime furorē Diabolorum, hostiū tuorum, & nos

ORATIO VII.

etiam cum illis conflictantes adiuua, ut
per te triumphemus. Nec sine hanc vel
alias scholas vlla petulantia, improbitate,
aut scelere diminui & labefactari. Sed ef-
ficce potius ut sit in polterum etiam tem-
pus in hoc loco, officina quædam pieta-
tis, sanctitatis, disciplinæ & eruditionis
salutaris, Amen.

ORATIO VII. GREGO-
rij Nassiumensi de S. Pentecoste Græcè
& Latine edita, scholijsque ex-
plicata: cuius summa & se-
ries hæc est.

Concionatur in hac oratione Gregorius de fe-
sto Pentecostes hoc ordine: I. Principium su-
mit à re ipsa, hoc est, à spirituali celebratione hu-
ius festi, eamq; à corporea Iudeorum & obscena
gentilium festiuitate discernit. II. De laude siue
mysterio potius septenarij numeri disserit: iccirco
quia hebdomadam siue septimanarum festum à
Mose appellatur Pentecoste. Quæ igitur vis huic
numero insit, ex compluribus testimonijs scriptu-
ra declarat. III. De mysterio Pentecostes do-
cet. IIII. Disputat cum Macedonianis hereticis,
de Spiritus sancti diuinitate, modum agendi cum
heret-

hereticis pulcherrimè demonstrans. V. Naturam
 sue essentiam, aternitatem & omnipotentiam
 Spiritus sancti describit. VI. Effectus Spiritus
 sancti in Ecclesia exponit. VII. Miraculum visi-
 bilis apparitionis Spiritus sancti in linguis igneis
 interpretatur. VIII. Promulgatum & promif-
 sum in scripturis sanctis Spiritum sanctum pro-
 bat. IX. Quòd cum Deo patre & Filio res omnes
 creauerit ostendit. X. Exempla mirabilium o-
 perum Spiritus sancti in Ecclesia commemorat.
 Postremò disputat utrum Apostoli, accepto Spiri-
 tu sancto, vna lingua sic locuti sint, ut à tam dis-
 similibus nationibus & populis intelligerentur:
 an verò diuersis, pro nationum, quæ aderant, di-
 uersitate. Epilogus propositionem repetit de vera
 festi celebratione in hac vita, quantum quidem
 conuicti cura & cogitatione possumus: donec in
 cœlestem Ecclesiam translati, pleno ore &
 integris animis Deum cognosca-
 mus atq; laudemus.



ORATIO VII.

ΓΡΗΓΟΡΙΟΥ ΤΟΥ
ΝΑΖΙΑΝΖΗΝΟΥ ΕΙΣ ΤΗΝ

ἀγίαν πεντηκοστήν.

TEXTVS.

Περὶ τῆς ἐορτῆς βραχέα φιλοσοφήσω-
μεν, ἵνα πνευματικῶς ἐορτάσωμεν.
ἄλλη μὲν γὰρ ἄλλω πανηγυρὶς, τῷ θεα-
πειτῇ δὲ λόγῳ δὲ λόγῳ, καὶ λόγῳ ὁ τῷ
κκῆρῳ προσφορώτατος. καὶ ὅθεν ὅπως
εὐφραίνῃ καὶ λὸν τῷ φιλοκάλων ὅθεν αἰ-
ὡς τὸ πανηγυρίζῃ πνευματικῶς τὸ φιλέ-
ορτον. Σκοπῶμεν δὲ ὅπως: ἐορτάζῃ καὶ
Ἰσδαῖος ἀλλὰ καὶ τὸ γράμμα. τὸν γὰρ
σωματικὸν διώκων, εἰς τὸν πνευματικὸν
νόμον ὅς ἐφθασεν. Ἐορτάζῃ καὶ ἑλλω,
ἀλλὰ καὶ τὰ τὸ σῶμα, καὶ τὸς ἑαυτῷ θεός
τε καὶ δαίμονας. ὧν οἱ μὲν εἰσὶ παθῶν δι-
μιγρῶν κατ' αὐτὸς ἐκείνους, οἳ δὲ ἐκ πα-
θῶν ἐπιμήθησαν. ἀλλὰ τὸ ἐμπαθὲς αὐ-
τῶν καὶ τὸ ἐορτάζῃν, ἵν' ἡ τιμὴ θεῷ τὸ αἰ-
μαρτάνῃν, πρὸς ὃν καταφύγῃ τὸ πάθος
ὡς σεμονλόγημα ἐορτάζομεν καὶ ἡμεῖς, ἀλλ'
ὡς δοκεῖ τῷ πνεύματι, δοχεῖ δὲ, ἢ λέγοι-
τάς

αυτῶν ἀδελφῶν
καὶ ὁ θεὸς αὐτῶν

DE PENTECOSTE. 278
GREGORII NASSI-
ANZENI DE SANCTA
Pentecoste Oratio.

disputabim
DE festo breuiter differemus, vt spiritu-
aliter festum celebremus. Alij enim
alia est publica celebritas: Orationis cul-
tori oratio (placet) & quidem oratio tem-
pori maximè conueniens. Nec est quic-
quam quod ita vllum honestatis studio-
sum exhilaret, vt festi studiosum delectat
spiritualis festiuitas. Quod sic conside-
remus. Festos dies etiam Iudæus agit, sed
secundum literam. Legem enim cor-
poream consecrans, ad legem spiritua-
lem non peruenit. Festos dies agit quo-
que Græcus, sed secundum corpus, Deos-
que suos & Dæmonas: quorum alij affe-
ctuum architecti sunt, vt ipsi met scribūt:
alij ex affectib. honorem consecuti sunt.
Iccirco cum affectibus etiam coniuncta
est eorum festi celebratio: vt hoc ipsum
quod peccant, honori sit Deo, ad quem af-
fectus tanquam res præclara confugit. Fe-
riamur & nos, verum vt placet Spiri-
tui. Placet autem huic, vt vel dica-
mus

*Exordium differant
ab ipsa re, vt uideretur
hoc est fe-
sto Pentecoste.*

*Comparatio Chri-
stiane ce-
lebrationis
festorum
cum iuda-
ica & gen-
tili.*

ORATIO VII.

βαψιμὸς ἐστὶν ψαψιμὸς
 λαγός βαψιμὸς, ὁ αὖς
 βαψιμὸς ἐστὶν ἀπὸ τοῦ
 βαψιμὸς ἐστὶν ἀπὸ τοῦ
 βαψιμὸς ἐστὶν ἀπὸ τοῦ
 βαψιμὸς ἐστὶν ἀπὸ τοῦ

SCHOLIA HVIVS
PARTIS.

Secundum literam) id est, doctrinam & disciplinam externam, absq; Spiritu sancto.

Legem corpoream) Verba Pauli ad Rom. 9. Is-
raël sectans legem iustitiæ, ad legem iustitiæ non
peruenit. Vbi primo loco posita lex iustitiæ signi-
ficat operum legem, vel corpoream, secundum
Nassianseni interpretationem: In posteriori ve-
rò fidei vel spiritualem.

Secundum corpus) Gentes festum agitant se-
cundum corpus, id est, cupiditates carnales.

Aff-

mus vel agamus aliquid, quod fieri decet.
Estq; festorum celebratio apud nos sita in
eo, ut thesaurum animæ colligamus &
rebus firmis & stabilibus, non fluxis &
dilabentibus, leuiterq; duntaxat sensui
blandientibus, maiori verò ex parte,
meo quidem iudicio, labefactantibus &
nocentibus. Sufficit enim corpori affli-
 ctio sua. Quid flammæ materia copio-
 siore opus est? aut belluæ vberiore ali-
 mento? ut magis effrenata fiat, & vim
 rationi afferat. Hac igitur de caula spiri-
 tualiter feriari oportet.

*Affectuum architecti) Ut Mars est praeses &
 effector cadum, Mercurius furti, Venus libidi-
 nis, Bacchus remulencia. Itaq; ex libidinis effe-
 ctu Venus honorem consecuta est, & propter
 eum colitur. Tum quicquid per libidinem pecca-
 tur, Veneri tribuitur & acceptum refertur.
 Quod indicat Gregorius huius verbis, ut hoc ipsum
 quod peccant homines, honori sit Deo, ad quem af-
 fectus tanquam res praeclara confugit, q. d. confu-
 sio libidiniū siue æstus Venereus, quia à Venere pro-
 ficiscitur, ideo ad cultū etiam & honorem Vene-
 ris refertur, & quod quis est libidiniosior, eò maiore
 se Veneri gratiam & honorem debere putat.*

Estq;

ORATIO VII.

Estq; festorum celebratio] Descriptio festiuitatis Christiana: Ferie Christianorum sunt cultus Dei, in quo gratis animis Dei beneficia celebramus, & thesaurum animæ ex verbo Dei colligimus, hoc est mentes nostras saluari verbo Dei erudimus & pascimus. Est itaq; festari Gregorio thesaurum animæ colligere: vt quemadmodum diebus operosis ea quæ ad corporis vsum cultumq; pertinent quærimus, sic die festo animæ salutem & pabulum cæleste æternumq; compremus.

TEXTVS.

μικρόν
 Αρχὴ δὲ τοῦ λόγου. Ρητέον γάρ, καὶ ἐμικρόν τι παρεκβατικώ τερ Θ' ἡμῖν ὁ λόγος καὶ φιλοπονητέον τοῖς φιλολόγοις: ὡς ὡς περ ἡδύσματι τῇ πανηγύρι σιγηταμίξωμεν. τὴν ἐβδομάδα πρῶσιν ἐβράων παῖδες, ἐκ τῆς Μωσέως νομοθεσίας, ὡς περ πυθαγορικοὶ τὴν τετρακτίαν ὑπερον, ἡν δὴ καὶ ὄρκον πεποιύεσθαι, καὶ τὴν ὀγδοάδα καὶ τριακάδα οἱ ἀπὸ Σίμωνος καὶ Μαρκίου. οἷς δὴ καὶ Ἰσαεὶθμης πινὰς αἰῶνας ἐπονομάζει καὶ πρῶσιν ἡ οἶδα μὲν οἷς πσι λόγοις ἀναλογίας, ἢ
 καὶ

Sufficit enim corpori afflictio] Labor
*vacationis adferens afflictionem siue molestiam,
 per Metalepsin.*

Sufficit corpori] *Id est, satis superq, est, res
 terrenas ad victum & corporis cultum necessa-
 rias operosis diebus quærere. Festis verò diebus di-
 uino cultui vacare conuenit. Vocat autem corpus
 flammam & bellum, per Metaphoram, propter
 ardorem libidinis & auaritia, tum propter ferita-
 tem siue iracundiam, quæ belluina est.*

T E X T V S.

Initium autem ordinis hinc ducatur.
 Dicendum est enim, quamuis ab institu-
 to, non nihil discedat nostra oratio, & ela-
 borandum aliquid, studiosorum gratia:
 ut velut condimento aliquo solennita-
 tem huius festi temporemus. Hebræi
 septenarium numerum honorant ex Mo-
 saicæ legis præscripto: quemadmodum
 postea Pythagorici quaternarium, ex
 quo iusiurandum fecerunt. Octonari-
 um verò & tricenarium Simonis & Mar-
 cionis sectatores annumerant & honorât:
 haud scio qua proportionis ratione aut
 vinu-

ORATIO VII.

χτ' ἵνα τῷ ἀριθμῷ τέττε δυνάμιν. Τι-
 μῶσιδ', ὅν τὸ μὲν πρόδηλον, ὅτι ἐν ἡ-
 μέραις ὁ θεὸς τὴν ὕλην ὑποστήσας τε καὶ
 μορφώσας, καὶ ἀνακοσμήσας παντοίοις
 εἶδεσι καὶ συγκρίμασι, καὶ τὸν νῦν ὁρώμε-
 νον τῷ τὸν κόσμον ποιήσας τῇ ἐβδομάτῃ
 ταυτῇ ἀπὸ τῶν ἔργων. ὡς δηλοῖ καὶ ἡ τῆς
 σαββάτης προσήγορία, καὶ τὰ παλαιὰ ἐ-
 βραϊκῶς σημαίνουσα. Εἶδεν γὰρ καὶ ὕψι-
 λότερόν περὶ ταῦτα λόγος, ἄλλοι φιλο-
 σοφείτωσαν. ἡ γὰρ πρὸς αὐτοῖς ὁρᾷ
 ἡμέρας μόνον, ἀλλὰ καὶ εἰς ἐνιαυτὸς φη-
 νουσα. ἡ μὲν γὰρ τῶν ἡμερῶν, τὸ σάββα-
 τον. τὸ δὲ τὸ συνεχῶς παρ' αὐτοῖς πι-
 μώμενον. καὶ τὸ καὶ ἡ τῆς ζυμῆς ἄρσις ἰσα-
 ριθμος. ἡ δὲ τῶν ἑπτῶν ὁ ἐβδοματικός τῆς ἀ-
 φέσεως, καὶ ὁ καὶ ἐν ἐβδομάσιν μόνον ἀλλὰ
 καὶ ἐν ἐβδομάσιν ἐβδομάδων, ὁμοίως ἐ-
 τε ἡμέρας καὶ ἔτεσιν. αἱ μὲν γὰρ τῶν ἡμε-
 ρῶν ἐβδομάδες, γενῶσι τὴν πεντηκοστὴν
 κλητὴν, ἀγίαν παρ' αὐτοῖς ἡμέραν. Ἀ-
 δὲ τῶν ἑπτῶν, τὴν ἰωβηλαίον παρ' αὐτοῖς ὀνο-
 μαζόμενον, ὁμοίως γῆς τε ἀφροσιν ἔχοντα καὶ
 δούλων ἐλευθερίαν, καὶ κτήσεων ὠνητῶν

vi numeri huius permoti, honorant cer-
 tē. Quare hoc manifestum est, quod
 cum produxisset Deus materiam, vari-
 isque speciebus & commixtionibus in-
 formasset, ac mundum hunc, quem cer-
 nimus effecisset, die septimo quieuit ab
 operibus: quemadmodum ipsa etiam
 appellatio indicat, quietem Hebræis si-
 gnificans.

*Quieuit
 Deus septi-
 mo die,
 perfecto
 iam opere
 creationis.*

Siqua verò de his sublimior est ratio,
 alij de ea differant. Neque verò ad dies
 solum, sed ad annos etiam hic honos a-
 pud eos pertingit. Ac dierum quidem
 Sabbatum id est, quod continenter a-
 pud ipsos honoratur: quemadmodum
 etiam fermenti tumor (usus) totidem
 diebus interdicitur. In annis verò se-
 ptimus annus remissionis est, nec in heb-
 domadistantum, sed etiam in hebdo-
 madarum hebdomadis, in diebus pariter
 & annis huius honos est.

*Sabbatum
 dierum.*

*Sabbatum
 annorum.*

Pentecoste

Dierum etenim hebdomadæ pariunt
 Pentecosten, insignem & sanctum apud
 eos diem. Annorū verò Iubilæum, quem
 sic ipsi nominant, quod terræ simul remis-
 sionem & seruorum libertatē, emtorumq;
 bonorum ad priores dominos reditum

*ex septem
 hebdoma-
 dus confi-
 citur.*

*Annus Iu-
 bilæus, Le-*

L

con-uit. 24.

ORATIO VII.

ἀναχώρησιν. Καθιερῶσι γὰρ ὁ γεννημάτων
 μόνον ὁδὸς προτοτάκων, ἀλλ' ἤδη καὶ ἡμε-
 ρῶν καὶ ἐτῶν ἀπαρχὰς τῷ θεῷ τὸ τοῦ
 γένος. ὅπως ὁ ἐπὶ πρῶτος αἰθρῶν
 τῷ πρῶτῷ τῆς πεντηκοστῆς συνήγα-
 γεν. ὁ γὰρ ἐπὶ ἑαυτὸν συνεθέμεθα,
 γενᾶ τὸν πενήκοντα, μίᾳς δεύσεως ἡμέ-
 ρας, ὡς ἐκ τῶ μέλλοντος αἰῶνος προση-
 λήφμεθα, ὅγδοις τε ὅσαν τῷ αὐτῇ καὶ
 πρώτῳ, μᾶλλον δὲ μίαν καὶ ἀκατάλυτον.
 Δεῖ γὰρ ἐκείσε καταλῆξαι τὸ ἐνταῦθα
 σαββατισμὸν τῶν ψυχῶν, ὡς δοθῆναι με-
 εἶδα τῆς ἐπὶ καὶ γε τῆς οὐκ τῶ: καὶ
 ἤδη πνέει τὸ πρὸς ἡμῶν τὸ Σολομώντιον
 ἐξελήφασιν. τὸ δὲ τῶ ἐπὶ πρῶτος πολλα-
 μὲν τὰ μαρτύρια, ὀλίγα δὲ ἐκ πολλῶν
 ἡμῶν ἀρχέσει ὡς ἐπὶ μὲν ὀνομαζόμενα π-
 νια πνεύματα. τὰς γὰρ ἐνεργείας οἱμα-
 τὸ πνεύματος, πνεύματα φίλον τῷ Θεῷ
 ἡ ἀκαλεῖν. κεκαθαρμένα δὲ τὰ λόγια τῶ
 κυρίου κατὰ τὸν Δαβὶδ ἐπλασίου.
 καὶ ὁ μὲν δίκαιος ἐξάκεις μὲν ἐξ ἀναγκῶν
 ἐξαίρετος μὲν ἐν δὲ τῷ ἐβδόμῳ μὲν
 πλησόμενος. ὁ δὲ ἁματωλὸς ὁ
 ἐπὶ

contineat. Consecrat enim hæc natio non
frugum modò atque primogenitorum,
sed ipsorum dierum atque annorum
primitias Deo. Sic honoratus septena-
rius honorem Pentecostes introduxit.
Nam septem in seipsa ducta, quinquaginta efficiunt, vno die excepto, quem
ex futuro seculo assumimus, vtpote octauum & primum, immò etiam vnum & sempiternum. Oportet enim de-
finere illic sabbatismum animarum, vt
pars concedatur septem atque etiam octo : Quemadmodum iam nonnulli
maiorum nostrorum hunc Salomonis locum exposuerunt. Et si autem de septem Testimo-
narij honorem multa extant testimonia: nos *nia de se-*
tamen paucis illorum contenti erimus. *ptenario.*
Velut, septem nominantur præclari Spiritus. Actiones enim Spiritus, opinor, Spiritus appellare Esaie placuit. Item repurgata Domini elogia septies, secundum Dauidem. Et iustus quidem sexies de necessitatibus liberatus, in septimo ne leuiter quidem verberatur. Peccator verò non

ORATIO VII.

ἐπὶ ἀκίς μόνον, ἀλλὰ καὶ ἐβδόμηκοι τὰ
κίς ἐπὶ ἀσυχνοῦμεν.

SCHOLIA.

Pythagorici quaternariū] Pythagorei ex
quaternario, quē τετρακτὴν vocarunt, id est
quaternionem, iurisiurandi sibi religionem fece-
runt, hoc est, per quaternitatem iurarunt, pro-
pterea quod velut fontem anima nostra tradat
siue contineat. Constat enim anima quaternita-
te, hoc est quatuor hisce, mente, scientia, opinio-
ne, sensu. Inde sacrum esse & solidum hunc nu-
merū crediderunt. Sed pellatur è medio talis su-
perstitio vnā cum Simonis & Marionis heretico-
rum de octonario & tricenario deliramentis.

Æonas] αἰὼν seculum est. Iam Simoniani &
Marcionistæ annumerant & honorant parium
numerosum æonas, id est totidem secula, nempe
Simoniani octo, Marcionistæ verò triginta: Fig-
mentum est ineptum & stolidum.

Continentur apud ipsos] Id est, singulis he-
bdomadis sanctificatur sabbatum à Iudeis.

Annus remissionis precipitur Leuit. 25. ubi
inquit Deus: Sex annis conseres agrum tuum, &
fructum colliges, septimo autem terra magnum
sabbatum celebrabit Domino, id est quiescet seu
vacua erit.

Septies, sed septuagies septies veniam consequitur.

Sabbatismum animarum vocat quietem illam perbestam in cœlesti consuetudine, quæ incipiet in futuro seculo, vel in octauo die, qui futurus est primus & sempiternus in cœlesti vita.

Dictum Salomonis, quod hic detorsit Nasianus extat Ecclesiaste 2. Loquitur autem de sedulitate benefaciendi hoc modo: Da vel distribue partem inter septem & octo, id est, iuuare opera & consilio quoscunq, quantumcunq, & quotiescunq, potes & occasio est. Ponit enim Salomon finitum numerum pro infinito, more scriptura, quæ septenarium, quemadmodum & denarium pro magno seu perfecto numero usurpat. Vt Psalmo 12. Argentum excoctum septies, id est plenè, perfectè, integrè.

Septem Spiritus [Esaia 2. Numerantur non quidem Spiritus septem. sed sex virtutes seu actiones, vel dona potius Spiritus Domini in Messia quiescentis: 1. est sapientia, id est, cognitio vera doctrina de Deo. 2. Prudentia regens consilia in rebus agendis. 3. Consilium, quod viam monstrat inueniendi salutem veram, & vitandi impias fraudes. 4. Fortitudo muniens animum, ne periculorum metu frangatur. 5. Scientia.

ORATIO VII.

6. Timor Domini. Græca translatio addit pietatem, ut septenarius compleatur, pro qua Hebraeus habet, fragrantem reddere in timore Domini.

Iustus sexies] Iobi 5. E sex tribulationibus eripiet me, & in septima nullum malum te attinget, id est, innumera mala Deus auertet. Vel

TEXTVS.

Καὶ μέντοι πάλιν ἐκ τῶν ἐναντίων, ἐπα-
νετὴ γὰρ καὶ ἡ τῆς κακίας κόλασις. Καί ν
μὲν ἐκδικέμενος ἐπλάκισ τε τέτι δίχασίς
πρατόμενος τὰ δὲ δελφοκτονίας. ὁ δὲ Λάμεχ
ἐβδδομηκὸν τάκισ ἐπὶ τὰ, ὅτι φονεὺς ἦν μετὰ
τὸν νόμον καὶ τὸ κατὰ κρίμα. οἱ δὲ ποια-
ροὶ γείτονες, ἐπὶ πλασιόνα εἰς τὸν κόλ-
πον ἀπολαμβάνοντες. ἐπὶ τὰ δὲ σύλοις
τῆς σοφίας οἶκος ἔσφιδόμενος. τοσούτοις
δὲ ὀφθαλμοῖς ὅτι Ζοροβάβελ λίθος κοσ-
μύμενος. Επλάκισ δὲ τῆς ἡμέρας ὁ Θεὸς αἰ-
νέμενος, καὶ μὴ καὶ σῆμα τί κτεσσά-
πλὰ τὸν τέλφον ἀειθμόν ἢ τῆς ἀτελῆς αἰ-
τέκνοις ἀντίθετος. Εἰ δὲ δεῖ καὶ τὰς πα-
λαιὰς ἱστορίας σκοπεῖν εἰ ἐγνώμεν τὸν ἔα-

Cum autem videbitur calamitatum moles in im-
mensum: tamen diuino patrocinio tutus eris.

Septuagies septies] Numerus ingens pro
 infinito, id est, quotiescunq; peccauerit. Inde
Chrysostomus in Synodo dixit de peccatore:
χιλιάς μετανοήσας εἰσελθε, millies agens
pœnitentiam ingredi.

TEXTVS.

CONTRA verò (nam & malitiæ
 pœna laudanda est) Cain septies vindica-
 tur, hoc est, cædis fraternæ pœnas persol-
 uit. Lamech autem septuagies septies:
 quòd homicida post legem & condemna-
 tionem factus sit. Quid dicam de malis vi-
 cinis, qui septuplū in sinum suum recipi-
 unt? Item de septem columnis, quibus sa-
 pientix domus nititur. Totidem verò o-
 culis Zorobabelis lapis ornatur: Et septies
 indies laudatur Dominus. Adeoque et-
 iam sterilis septem pariens, perfectò nu-
 mero cum ea quæ imperfecto numero pe-
 pererat certauit. Quod si historia etiam ve-
 teres considerandæ sunt: Intelligo se-

ORATIO VII.

δομοὶ ἐν προγόνοις Εὐὼχ τῇ μεταθέσει πε-
 πρημένον. Εὐνοῶ δὲ τὸν εἰκοτὸν ὄρωτον,
 ἄβραάμ τῇ πατριαρχίᾳ δεδοξασμένον,
 μωσαιοὺς προαθήκη μείζονθ. Τριασ-
 μένη γὰρ ἐβδόμας τὸν ἀριθμὸν τῶ τοι ἐρ-
 γάζεται. Τολμήσας δ' αὖτις τῷ πάντα
 νεανικῶν καὶ ὅπτι τὸν νέον ἀδὰμ ἐλθεῖν τοῖ
 θεὸν μὲν, καὶ κύριον Ἰησοῦν Χριστὸν ἀπὸ τῶ
 παλαιῶ καὶ τῶ ὑπὸ τῷ ἁμαρτίαν ἀ-
 δὰμ ἐβδόμηκοτὸν ἐβδόμον ἀριθμῶμενθ.
 Κατὰ τῷ τῶ Λυκαῖ γενεαλογίαν ἀνα-
 ποδίζουσιν. Εὐνοῶ δὲ καὶ τὰς ἐπὶ ἁ σάλ-
 πιγας Ἰησοῦ τῶ Ναυὶ καὶ περιόδους πο-
 αύτας καὶ ἡμέρας καὶ ἱερέας, ἐξ ὧν τὰ ἱε-
 ριχὲν πᾶ τείχη κατασείεται, ὥσπερ δὲ
 μωσικῶ τ' τριασῶ ἐμφύσησιν ἡλίχτῃ
 ὀροφήτῃ, τῷ τῆς σαραφθίας χήρας
 ἡὼ τὸ ζῶ ἐμπνεύσασαν, καὶ τῶ αὐτῶ
 τῷ Ἰσααίθμον κατὰ τῶν σχιδάκων ἐπι-
 κλισιν ἡύικα πνεῖ θεοπέμπῳ τ' θυ-
 σίαν ἀνάλωσε, καὶ τῶ τῆς ἀίσχυις
 ὀροφήτας κατέκρινε. τὸ ἴσον δ' ὀμνηθέν-
 τος ἐκ τῆς ὀροκλήσεως, ὅτω δὲ καὶ τῷ
 ἐβδόμῳ κατασκοπῶ τῶ νέφους τῷ

πα-

ptenarium, apud maiores per Enochii *Septena-*
translationem honoratum esse: Intelligo *rio preci-*
etiam vigesimum primum Abraamum *pueres ge-*
Patriarchatu ornatum esse, quæ mysterij *sta in Ec-*
maioris accessio fuit. Terenim in se du- *clesia no-*
ctus septenarius, eum numerû efficit, Au- *tantur.*
sit autem fortè quispiam iuuenili feruore
præditus ad nouum Adamum quoque
peruenire, nempe Deum meum & Do-
minum I E S V M C H R I S T V M, qui
è veteri & qui sub peccato fuit Adamo se-
ptuagesimus septimus numeratur, secun-
dum Lucæ diligenter consideratam ge-
nealogiam. Intelligo etiam buccinas se-
ptem fuisse Iosue filij Naue, & circuitus
totidem, tum dies etiam & sacerdotes,
quibus Hierichuntis muri euerſi sunt.
Quemadmodum verò Elias Propheta
nō absque mysterio ter afflauit Sareptanæ
viduæ filium, cum vitæ ei restituit, &
toties ligna proluit, cum ignis diui-
nus hostiam absumſit, ignominiaque
dignos Prophetas, quòd idem facere
prouocati nō possent, damnauit: Sic non
absre septies repetita est speculatio nubis

ORATIO VII.

δαείω προσηταγμένῳ, Ελιστάς π
 ἥϊσι ἀγάμας ἐπὶ τῇ παῖδα τῆς συ-
 ναμίτιδος τῇ πνοῇ ζωπυρίσασαν. ἣ δὲ
 αὐτῷ οἶμα δόγματος, ἵνα μὴ λέγω τῇ ἐπὶ
καυλον καὶ ἐπὶ λυχνον τῷ ναῷ λυχνία αὖ
 ἐπὶ μὲν ἡμέρας ἱερέως τελῶμεν, αὖ
 ἐπὶ δὲ ὁλεωρὸς καθαρόμεν, ἐν τοσαύ-
 ταις δὲ ὁ λαὸς ἐγκαίνοτόμενος. ἐβδομη-
 κοῦ δὲ ἔτι ὁ λαὸς ἐκ τῆς αἰχμα-
λοσίας ἐπαναγόμεν. ἵν' ὅπερ ἐστὶν αὖ
 μονάσι τῷτο ἐν δεκάσι γένηται. Καὶ
 αἰθμῶ, τελειώτῳ τὸ τῆς ἐβδομάδος
 πμνηθῇ μυστήριον. τί μοι τὰ πόρρω λέγῃ.
 Ἰησὺς αὐτὸς ἡ καθαρὰ τελότης, οἶδε πρὸς
 φῖν μὲν ἐν Ἐρημίᾳ καὶ πέντε ἄρτοις πέντε-
 κισχιλίας, οἶδε δὲ ἐπὶ πάλιν τετρα-
 κισχιλίας. Καὶ τὰ τῷ κόρῳ λείψανα
 ἐκεῖ μὲν δώδεκα κόφιναι, ἐστὼν δὲ
 ἀπορίδες ἐπὶ. ἕδτερον ἀλόγως οἶμα
ἕδτερον ἀναξίως τῷ πνεύματι. Καὶ σὺ δ'
 ἂν κατὰ σαυτὸν ἀναλεζόμεν, πολ-
 λούς τηρήσας αἰθμούς, ἐχρῆσται τῷ φαι-
 νομένου βαθύτερον. ὁ δὲ τῷ παρόντι χαίρῳ
χρησιμώτατον, ὅτι κατὰ τούτους ἴσως
τῷ λόγους, ἢ ὅτι ἐγγύτατα τούτων, ἢ καὶ
θεωτε

puero Eliæ mandata: Eliseiꝑ; æqualis super filium Sunamitidis inflexio, qua halitus vitalis ei redditus est. Adeandem doctrinam pertinere mihi videtur, vt nihil de templi candelabro cum septem hastilibus & totidem lychnis dicam, quòd septem diebus sacerdos consecratus est, septem diebus leprosus purgatus, totidemq; diebus templum dedicatum. Septuagesimo verò anno populus ex captiuitate reductus est, vt quam vim habet in vnitatibus, eandẽ etiam in decadibus obtineat, & sic numero perfectiore septenarij mysterium honoretur. Sed quid attinet longinqua commemorare? IESVS ipse pura perfectio potuit alere quinque panibus in deser. *Alia exempla numero quinquies millia hominum, & rursum ri quinarj septem panibus quatuor millia. Et satiatis & septenarij. omnibus reliquiarum illis duodecim cornu.* phini, his verò septem sportæ fuerunt. Neutrum puto temerariũ aut indignum Spiritu. Quin per te ipse leges scripturas, multos obseruare poteris numeros, qui profundius aliquid habeant, quam primo intuitu cerni potest. Quod autẽ præsentitẽpori commodissimum est, ob has fortasse, vel his proximas rationes, vel sublimiores etiam quasdam colunt Hebræi hunc Penteco-

ORATIO VII.

θεωτέρους πινὰς τιμῶσι μὲν ἑβραῖοι πλὴν
 πεντηκοστὴν ἡμέραν. Τιμῶμεν δὲ καὶ
 ἡμεῖς, ὅπερ ἐστὶν ἅ καὶ ἄλλα τῶν ἑβραϊκῶν,
τυπικῶς μὲν παρ' ἐκείνοις τελέμενα,
μυστικῶς δὲ ἡμῖν ἀποκαθιστάμενα. Τοσ-
 αῦτα οὖν τῇ ἡμέρᾳ προδιαλεχθέντες,
ὅτι τὸ ἐξῆς τῷ λόγῳ προΐωμεν.

SCHOLIA.

[Cain septies vindicatur] Id est, multipli-
 cem grauissimamq; pœnam persoluet. Voluit ta-
 men Deus diutius Cainū viuere in terris, etiamsi
 excommunicatus esset: vt signa reatus circum-
 ferret & à simili scelere alios deterreret.

[Lamech septuagies septies] Id est, innu-
 merabilibus pœnis afficietur. Basilii in Hexæ-
 mero Homilia 2. pulchrè opponit numeros pœ-
 nae & remissionis. Vt enim septies Cain, septua-
 gies verò septies Lamech punitur: sic non septies
 modò, sed etiam septuagies septies condonatio
 à nobis efflagitur.

[De malis vicinis] Psalmo 79. Redde vicinis
 nostris septuplum, id est cumulatisimè.

[Septem columnis] Proverb. 9. Sapientia
 ædificauit domum suam & septem columnas
 exsculpsit, id est multas columnas.

Toti.

tecostes diem. Colimus autem & nos, sicut alios etiam ritos Hebraicos, quos typicè quidem illi celebrantur, nos verò mysticè perficimus. Atque hæc hæc tenus de die præfati sumus: deinceps ad consequentia procedamus.

Totidem oculis Zorobabelis] *Zachariae 31. Super lapidem, quem posui coram Iosua erunt oculi septem, id est multum lucis præbebit Messias, per Metaph.*

Etiam sterilis] *1. Samuel. 2. Anna alioqui sterilis peperit septem id est, Samuelem, qui loco numerosa solum matris sue fuit. Numero autem imperfecto liberos peperit Peninna, altera Elcani vxor.*

Per Enoch translationem] *Vterq, Nasiansenus & Basilus septenario numero notari atq, distingui præcipuas mundi res gestas existimant. Enoch in familia sanctorum patrum septimus ab Adamo in cælum viuis est receptus.*

Deinde ter septimus, id est vigesimus primus Abrahama Patriarcha factus est. Rursum septimus ab Abrahama fuit Moses: septuagesima & septima generatione ab Adamo Christus apparuit.

Sareptanæ viduæ] *1. Reg. 17. Elias ex morte suscitaturus viduæ Sareptanæ filium, ter expandit se super cadauer, & inbalauit illi spiritum.*

Toties

ORATIO VII.

Toties ligna proluit] Elias 1. Reg. 18. Con-
structo ex lapidibus altari, facta q̃ fossa, & pra-
paratis omnibus ad sacrificium, iussit ter afferri
aquam & effundi super holocaustum & ligna.

Prophetæ ignominia digni] Græcè
τῆς αἰσχύνης, hoc est, turpitudinis vocantur. Ier-
cerdotes siue vates Baal, fortè quòd victi sint, &
ignominia affecti per Eliam.

TEXTVS.

Πεντηκοστὴ ἐορτάζομεν, καὶ πνεύμα-
τὸ ὁδημίαν, καὶ θεοθεμίαν ἐπαγγελί-
ας, καὶ ἐλπίδ' ὅτι συμπλήρωσιν, καὶ το-
μῶν ἡμεῶν ὅσον, ὡς μέγα τε καὶ σεβάσιμον
τὰ μὲν σωματικὰ τῷ Χριστῷ πέρας ἔχει
μᾶλλον δὲ τὰ τῆς σωματικῆς ἐνδημίας.
Οὐκ ὧν γὰρ εἰπεῖν τὰ τῷ σώματι, ἕως
αὐτὸς μὴ εἰς πείθημε λόγῳ, ὅτι καλλίον
ἀπεσκεύασται τῷ σώματι, τὰ δὲ τῷ
πνεύματι, ἀρχεται. Τίνα δὲ καὶ τὰ τῷ
Χριστῷ; παρθένος, γενεσις, φάτνη, παρ-
γωγισ, ἀγγελοὶ δοξάζοντες, ποιμένες προ-
τρέχοντες, ἀγέρας δρόμος, μάγων προσκύ-
νησις καὶ δωροφασία, ἡρώδ' & παιδοφονία,

Πεντηκοστή ἐορτάζομεν, καὶ πνεύμα-
τὸ ὁδημίαν, καὶ θεοθεμίαν ἐπαγγελί-
ας, καὶ ἐλπίδ' ὅτι συμπλήρωσιν, καὶ το-
μῶν ἡμεῶν ὅσον, ὡς μέγα τε καὶ σεβάσιμον
τὰ μὲν σωματικὰ τῷ Χριστῷ πέρας ἔχει
μᾶλλον δὲ τὰ τῆς σωματικῆς ἐνδημίας.
Οὐκ ὧν γὰρ εἰπεῖν τὰ τῷ σώματι, ἕως
αὐτὸς μὴ εἰς πείθημε λόγῳ, ὅτι καλλίον
ἀπεσκεύασται τῷ σώματι, τὰ δὲ τῷ
πνεύματι, ἀρχεται. Τίνα δὲ καὶ τὰ τῷ
Χριστῷ; παρθένος, γενεσις, φάτνη, παρ-
γωγισ, ἀγγελοὶ δοξάζοντες, ποιμένες προ-
τρέχοντες, ἀγέρας δρόμος, μάγων προσκύ-
νησις καὶ δωροφασία, ἡρώδ' & παιδοφονία,

Εὐαγγέλιον

Speculatio nubis] 1. Reg. 18. Elias plu-
uiam precibus suis à Domino impetraturus, ius-
sit ministrum suum septies ascendere & respicere
ad mare.

Vtquam vim] Id est, vt sacer est septena-
rius in unitate, hoc est, vnicus vel simplex: sic et-
iam in decadibus, hoc est, per decem compositus
est sacer. Quemadmodum ergò septem aliquid ar-
cani habent, sic etiam decies septem, vel septies
decem, quæ sunt septuaginta.

TEXTVS.

PENTECOSTEN celebramus & Spi- Pentecoste
ritus aduentum, & promissionis executi- Christia-
onem & spei completionem. Quantum *notum est*
hoc est mysterium? quàm magnum & ve- celebratio
nerandum? Corporea Christi finem ha- visibilis ap-
bent, vel potius corporea eius peregrina- paritionis
tio. Vereor enim dicere, ea quæ ad cor- Spiritus
pus pertinent, quoad mihi aliqua persua- sancti.
serit oratio, quòd melius sit dicere, Chri-
stum corpus exuisse: Spiritualia verò inci-
piunt. Quæ nam verò erant in Christo? *Note Chri-*
Virgo, natiuitas, præsepe, fasciatio, Angeli *sti presen-*
glorificantes, pastores accurrentes, stella *tia corpo-*
cursus, Magorum adoratio & mune- *rea.*
rum oblatio. Herodis infanticidium,
fugiens

ORATIO VII.

φεύγων Ἰησοῦς εἰς Αἴγυπτον, ἐπανίων ἐξ αἰ-
γύπτου, περιτεμνόμενος, βαπτίζομενος,
μαρτυρομενος ἄνωθεν, πειραζόμενος, λι-
θαζόμενος, δι' ἡμᾶς οἷς τύπον ἐδίδου ἡμῶν
τὸ ὡς τὸ λόγος κακοπαθείας. προσ-
δόμενος, προσεδόμενος, θαπτόμενος,
ἀνιστάμενος, ἀνερχόμενος, ὧν καὶ νῦν
πάσχει πολλά ὡς καὶ μὲν τῶν μισοχρί-
στῶν, τὰ τῆς ἀτιμίας, καὶ φέρει μακρόθυμος
γὰρ. ὡς καὶ δὲ τῶν φιλοχρίστῶν τὰ τῆς
ὑποτιμίας, καὶ ἀναβάλλεται, ὥστε ἐκεί-
νοις τὴν ὀργὴν, ὅπως ἡμῖν τὴν χρηστότη-
τα. τοῖς μὲν ἴσως μετανοίας διδούς καὶ ἡμῶν
δὲ δοκιμάζων τὸ πόθον εἰ μὴ ἐκκαθα-
ρῶμεν ἐν ταῖς θλίψεσι καὶ τῆς ὡς εὐσεβεί-
ας ἀγῶσιν. ὥστε ἄνωθεν θείας οἰκονομίας
λόγος, καὶ τῶν ἀνεβίχτων αὐτῷ κρίματι,
οἷς εὐθιὺς σοφῶς τὰ ἡμέτερα. Τὰ μὲν δὲ
χρίσθαι τοιαῦτα, καὶ τὰ ἐξῆς ὁφόμεθα, ἐν-
δοότερα, καὶ ὁφθξείημεν. τὰ δὲ τὸ πνεῦμα
τὸ, παρέτω μοι τὸ πνεῦμα, καὶ διδοτω λό-
γον, ὅσον καὶ βέλομαι. Εἰ δὲ μὴ τοσούτοι,
ὅσος γὰρ τῷ χαρῶ σύμμετρος πάντως
παρέται δεσποτικῶς, ἀλλ' ὁδολικῶς ὁδ-

;
ayd-

fugiens Christus in Ægyptum, rediens ex
 Ægypto, circumcissus, baptisatus, compro-
 batus testimonio diuino, tentatus, lapida-
 tus propter nos, quibus exemplum dari
 oportuit subeundæ pro Dei verbo afflictio-
 nis, proditus, clavis affixus, sepultus, re-
 suscitatus, reuersus, quorum multa nunc
 etiam patitur ab hostibus ignominio-
 sa, & fert: quia longanimis est. A suis *Christus*
 verò Christianis honore afficitur: *dis-* *adhuc pa-*
fertq; vt illis iram, sic nobis benignitatem. *titur ab*
 Illis quidem fortasse poenitentiam agendi *impj*
 tempus concedens, nostrum verò explo-
 rans desiderium, an perseueraturi simus *Causa lon-*
 in afflictionibus, & pietatis causa sus- *ganimita-*
 ceptis certaminibus. Quemadmodum *tis Dei.*
 iam olim diuinæ dispensationis & imper-
 uestigabilium eius iudiciorum, quibus sa-
 pienter res nostras moderatur, sese habuit
 ratio. Atq; hæc quidem ad Christum spe- *Votum ad*
 ctantia etiam deinceps spectabimus glo- *Spiritum*
 riosiora: ac vtinam spectemur & ipsi. Quæ *sanctum,*
 verò ad Spiritum pertinent, præstò mihi *vt de se di-*
 sit ipse Spiritus, & facultatem dicendi sup- *cturo, fa-*
 peditet quantam cupio: sin id minùs, *cultatem*
 tantam tamen, certè vt tempori par sit. *sufficientē*
 Omnino aderit heriliter, non seruiliter, *dicendi*
 M neq; prabeat.

ORATIO VII.

ἀναμένον ὅτι ταῦτα ὅς τινες οἰοντά. πᾶς
 γὰρ ὅπως θέλει, καὶ ἐφ' ὅς βέλεται, καὶ
 ἥνικα καὶ ὅσον. ὅπως ἡμεῖς δὲ νοεῖν καὶ λέγειν
 ἐμπνεόμεθα πρὸς τὸ πνεῦμα τοῦ
 μα τοῦ ἁγίου, οἳ μὲν κτίσματα καὶ ἰσχυροί, ὁ
 βραχὺ καὶ δούλοισιν κακοῖς, καὶ κακῶν χάριτες.
 δούλον γὰρ κακῶν ἀθετεῖν δεσποτείας,
 καὶ ἐπανίστασθαι κυριότητι, καὶ ὁμο-
 δούλον ποιεῖν ἑαυτοῖς τὸ ἐλεύθερον. οἳ
 δὲ θεὸν νομίζοντες, ἔνθεοι καὶ λαμπροί
 τῷ ἀγνοίᾳ. οἳ δὲ καὶ ὀνομάζοντες
 εἰ μὴ εὐγνωμόσιν, ὑψηλοῖς. Εἰ δὲ π-
 ροφνοῖς, οὐκ οἰκονομικοί. πρὸς μα-
καρίᾳ πιστεύοντες, καὶ ἀκοῇ σαθρῇ,
βροντῆς ἤχον, καὶ ὀφθαλμοῖς ἀσθενε-
ροῖς ἥλιον, καὶ προφῶς τερεῖν. τοῖς ἐπὶ γα-
λα ποτιζόμενοις. δέον κατὰ μικρὸν προ-
 ἄγειν αὐτοὺς εἰς τὸ ἐμπροσθεν, καὶ προ-
 βιβάζειν τοῖς ὑψηλοτέροις, φωτὶ φῶς χα-
 ριζόμενους, καὶ ἀληθείᾳ προξενῶντας
ἀλήθειαν. διὸ καὶ ἡμεῖς τὸν τελεώτερον
 τέως ἀφέντες λόγον, ὅπως γὰρ
 καμρὸς, αὐτοῖς ἀγαλε-
 ξόμεθα.

SCHO.

Neq; iussum, vt quidam putant, expectans. Spirat enim vbi vult, & in quos vult, & quando. Ita nos afflamur, vt de Spiritu cogitemus & dicamus. Qui Spiritum sanctum ad creaturam dei ciunt, contumeliosi sunt & serui improbi, improborumq; improbissimi. Seruorum enim improborum est reijcere imperium, & resistere dominationi, conseruumque sibi facere eum, qui liber est. Qui vero Deum esse censent, diuini sunt, & luce mentis præditi. Qui autem nominant etiam Deum, siquidem apud candidos hoc faciunt, excelsi sunt. Sin apud abiectos, non boni dispensatores sunt: quæd luto Margaritam committunt, & infirmo auditui, sonum tonitruui, oculisq; imbecillioribus Solem, cibum deniq; solidum lac adhuc sugentibus. Quin decebat potius paulatim eos ad vltiora perducere, & ad altiora propehere, vt sicut lumen lumini impartitur, sic veritas veritati concilietur.

Confutatio hereticorum, qui creaturam esse Spiritum sanctum contendebant.

Modus a gendi cum infirmioribus.

Quocirca & nos omisso perfectiori sermone tam diu, donec tempus postulat, ita cum illis differemus.

ORATIO VII.

SCHOLIA.

Corporea Christi finem habent] *Id est, praesentia & conuersatio eius in terris, qualis fuit ante ascensionem in caelum.*

Vereor enim] *Scilicet propter haereticos, qui negabant Christum corpus suum vel humanam naturam secum assumpsisse in caelum.*

Quod mihi aliqua persuaferit oratio] *Id est, nunquam hoc credam, quod Christus in caelum ascensurus, exuerit vel deposuerit carnem.*

Spiritualia incipiunt] *Id est, actiones Spiritus sancti visibiliter effusi in Apostolos.*

Aderit heriliter] *Id est, velut Dominus Deus omnipotens, non vt seruus, quem admodum haeretici quidam furenter contendebant.*

Qui Spiritum sanctum ad creaturam] *Macedoniani haeretici docuerunt, Spiritum sanctum esse creaturam & seruum.*

Qui autem nominant] *Ostendit modum*

TEXTVS.

Ε' μὲν ὁδὲ ἀκτιστον, ὧ ὅτοι, ὁμολογεῖτε τὸ πνεῦμα τὸ ἅγιον, ὁδὲ ἀχρονον, τῷ ἐναντίῳ πνεύματος σαφῶς ἢ ἐνέργεια. ὁδε γὰρ τῷ Ζήλῳ πὶ καὶ πα-

agendum cum imbecillioribus in articulo de Spiritu Sancto. Alius enim est agendi modus cum candidis & confirmatis iam in doctrina: Alius verò cum infirmis, quos abiectos vocat Autor, videlicet, is ut non quidem repente, sed sensim & paulatim erudiantur, & ad veritatis cognitionem traducantur. Quemadmodum filius Dei ipsemet facit, de Spiritu sancto cum discipulis infirmis agens.

Primum ait: Rogabo Patrem, & alium Paracletum mittet vobis. Postea quis ille Paracletus sit, declarat inquit: Paracletus ille qui est Spiritus sanctus, quem mittet pater nomine meo: Tum demum essentiam & liberam potentiam Spiritus clarè significans.

Lumen lumini impertitur] Lumen per Metaph. significat notitiam. Vult igitur docere, sic tractandos esse infirmos, ut ab exigua noticia ad maiorem pedetentim adducantur.

TEXTVS.

SI QUIDEM, quicumq; tandem estis, Argumentum ab eternitate increatum neque æternum confirmabitur Spiritum sanctum, manifestum factibus: est aduersi Spiritus impulsu id fieri. Date Qui Spiritus sancti n. Zelo aliquid, ut confidentius aliquando eternitate

ORATIO VII.

ῥατολμῆσαι μικρόν. Εἰ δὲ τοσούτον γ' ἔ-
 ὑμᾶντε, ὥτε τὴν πρὸς δῆλον φεύγει
 ἀσέβειαν, καὶ τῆς δουλείας ἔξω τιθέται
 τὸ καὶ ἡμᾶς ποιοῦν ἐλευθέρους, τὸ ἐξ ἧς
 αὐτοὶ σκέψασθε μετὰ τοῦ ἁγίου πνεύ-
 ματος καὶ ἡμῶν. πείθομαι γὰρ
 ποσῶς τούτου μετέχων ὑμᾶς καὶ ὡς
 οἰκείοις ἤδη συνηγοροῦμαι. ἢ δό-
 τε μοι τὸ μέσον δουλείας καὶ δεσπο-
 τείας, ἢ ἐκεῖ θῶ τὴν ἀξίαν τοῦ πνεύ-
 ματος, ἢ τὴν δουλείαν φεύγοντες,
 ὅτι ἀδῆλον ὅποι τάξετε τὸ ζητή-
 μιον, ἀλλὰ ταῖς συλλαβαῖς δυσχε-
 ραίνετε, καὶ προσπαίεντε τῇ φωνῇ.
 καὶ λίθος προσκόμματός ὑμῶν
 τοῦτο γίνεται καὶ πέτρα σκανδάλου,
 ὥστε καὶ Χειρὸς ποῖν. ἀνθρώπινοι
 τὸ πάθος. συμβῶ μὲν ἀλλήλοις
 πνευματικῶς. γενόμεθα φιλάδελφοι
 μᾶλλον ἢ φλαῦται. δότε τὴν δι-
 κνύαμιν τῆς θεότητος, καὶ δώσομεν
 ὑμῖν τῆς φωνῆς τὴν συγχάρησιν ὁμο-
 λογήσατε τὴν φύσιν ἐν ἄλλαις φω-
 ναῖς, αἷς αἰδεῖσθε μᾶλλον καὶ ὡς ἀδελφεῖς
 ὑμᾶς

δυσχερῆ ἀχρεῖ
 μακί
 ους ποιεῖτε
 καὶ ἀδελφούς
 καὶ ἀδελφούς

φίλοι

to loquar. Si verò tantummodo sani estis, ut manifestam vitetis impietatem, & à seruitute separetis eum, qui libertatis vestræ autor est: tunc ipsi cum Spiritu sancto & nobiscum id quod sequitur, considerate. Confido aliquo modo huius vos participes esse. Itaque etiam vobiscum tanquam cum domesticis differam. Aut medium mihi inter seruitutem & dominationem date, ut illic Spiritus dignitatem collocem: aut seruitutem reiicite, & non obscurum erit, quo in loco ponendum sit illud quod quæritur. Verum vos syllabas auersamini, & ad vocem impingitis. Idq; vobis offensionis lapis fuit, & scandali petra, quemadmodum & Christus quibusdam factus est. Humanus is est affectus. Consentiamus inter nos spiritualiter: simus amantes fraternitatis potius, quàm ut nobis ipsis nimium placeamus. Date potentiam diuinitatis, & dabimus vobis vicissim vocis veniam. Fateamini naturam in alijs vocibus, quas veneramini magis: tunc velut infirmos

ὑμᾶς ἰατρεύσομεν. Εἰν' ἄ καὶ πῶν πρὸς
 ἡδονὴν ~~πα~~ ^{πα} ~~δα~~ ^{δα} κλέψαντες. Αἰσχροὺς μὲν
 γὰρ, αἰσχροὺς, καὶ ἰκανῶς ἄλοχον, κατὰ
 ψυχὴν ἐρρωμένους, μικρολογεῖσθαι ~~πρὸς~~
 τὸν ἥχον, καὶ κρύπτειν τὸν θησαυρὸν, ὡς
 ἄλλοις βασκαίνοντας, ἢ μὴ καὶ τὴν γλῶσ-
 σαν ἀγάσῃτε δεδοικότας. ἄσχιον δὲ
 ἡμῖν ὁ ἐγκαλῶμεν παθεῖν καὶ μικρολογ-
 ῖν καταγινώσκοντας, αὐτοὺς μικρολογεῖ-
 σθαι ~~πρὸς~~ τὰ γράμματα. μιᾶς θεόπι-
 τος ὡς τοι πῶς τριάδα ὁμολογήσατε.
 Εἰ δὲ βέλεσθε μιᾶς φύσεως, καὶ τῶν θείων
 φωνῶν ~~πρὸς~~ τὸ πνεύματος ὑμῖν αἰτή-
 σομεν. δώσθι γὰρ, εὐοῖδα, ὁ τὸ πρῶτον δούς
 καὶ τὸ δεύτερον. Καὶ μάλιστα εἰ δὲ φιλία
 τις εἴη πνευματικὴ μὴ ἐντασις ~~αἰσχρο~~ βολικὴ
 τὸ μαχόμενον. Ἐπι σαφέστερον εἶπω καὶ
 σιμωτότερον. Μήτε ἡμᾶς εὐθύνητε ὑψι-
 λοτέρας φωνῆς. φθόνος γὰρ ὁδεῖς ἀναβά-
 σεως. ὅτε ἡμεῖς τῶν ἐφικτῶν τέως ἡμῖν
 ἐγκαλέσομεν, ἕως αὖ καὶ δι' ἄλλης ὁδοῦ
 πρὸς τὸ αὐτὸ φέρησθε καταγώγιον. Οὐ
 γὰρ νικῆσαι ζητῶμεν, ἀλλὰ προσλα-
 βεῖν ἀδελφούς, ὧν τῷ χειρισμῷ ἀσπασ-

Canabimus vos: nonnulla etiam volupta-
 tis causa furtim elargiemur. Turpe enim
 est, turpe inquam, & supra modum ab-
 surdum animo valere, de sono autem le-
 uiter contendere. Quod aliud non est, nisi
 thesaurum abscondere, quasi alijs eum
 inuideas, vel ne linguam quoque sancti-
 fices, metuas. Turpius verò est nos ipsos
 in eo crimine esse, quo alios damnamus:
 & qui argutias reprehendimus, de literis
 argutè exiliterq; rixari. Vos Trinitatem v-
 nius Diuinitatis, vel si mauultis, vnius na-
 turæ fateamini: tunc vt Deum etiam ap-
 pelleris Spiritum sanctum, à Spiritu vobis
 dari petemus. Dabit enim, certò scio, qui
 primum dedit, etiam secundum. Idque
 tum maximè cum pugna erit ex timidi-
 tate quadam spirituali, non à Diabolica
 contradictione profecta. Apertiùs adhuc
 dico & breuiùs: Nolite & vos redarguere
 nos ob verbū altiùs elatū: cū nullā in-
 uidiā mereatur talis ascensio. Tunc ne nos
 quidem accusabimus in vobis eam vocē,
 cuius adhuc capaces estis: donec per aliam
 viam ad idem diuersorium feramini. Non
 n. vincere, sed assumere studemus fratres
 eos, quorum separatione laceramur. Atq;

Argumē-
 tum à ge-
 nere.

Apertè a-
 git & vult
 sua verba
 vicissim
 candidè
 accipi.

ORATIO VII.

σόμεθα. ταῦτα ἡμῖν παρ' οἷς τὴν καὶ ζωτικὴν
 εὐείσκομεν. τοῖς περὶ τὸν υἱὸν ὑπαγίνουσι,
 ὧν τὸν βίον θαυμάζοντες, οὐκ ἐπαμνη-
 σκόμεν τὸν λόγον. οἱ τὰ τῷ πνεύματι ἔχον-
 τες, καὶ τὸ πνεῦμα προσλάβετε, ἵνα μὴ
 ἀθλήτε μόνον, ἀλλὰ καὶ νομίμως. ἐξ ὧ
 καὶ ὁ στέφανος. Οὗτοι ἡμῖν δοθεῖν τῆς
 πολιτείας μαθὼς ὁμολογῆσαι τὸ πνεῦ-
 μα τελείως, καὶ κηρύξαι σὺν ἡμῖν τε καὶ
 περὶ ἡμῶν, ὅσον ἄξιον. Τοιμῶς τὴν καὶ μᾶ-
 ζον. Ἐν ὑμῶν, τὸ τῷ ἀποστόλῃ φθέγγε-
 σθαι. τοσῶτον ὑμῶν πείρισμα, καὶ τοσῶ-
 τον ὑμῶν αἰδέσθαι, τ' εὐκοσμον τὰ αὐτῶν
 σοφίαν, καὶ τὸ γένημα τῆς ἐκρατείας, καὶ
 τὰ ἱερὰ αὐτὰ συστήματα, καὶ τὴν σεμνὴν
 παρθενίαν καὶ κάθαρσιν, καὶ τὴν πάντων
 ψαλμῳδίαν, καὶ τὸ φιλόπλοχον, καὶ
 φιλάδελφον, καὶ φιλόξενον, ὥστε καὶ ἀνάθε-
 μα εἶναι εἰς τὸ Χριστὸν καὶ παθεῖν πῶς κα-
 τὰ κριτος δέχεται. μόνον εἰ γὰρ
 μεθ' ἡμῶν, καὶ κοινῇ τὴν τριάδα δο-
 ξάσαιμεν. περὶ γὰρ τῶν ἄλλων τί
 γρη καὶ λέγειν σαφῶς τεθνηκότων; ὅς
 Χριστὸν μόνον ἐγείρει τῷ ζωοποιῶντος
 τῶν νεκρῶν καὶ τὴν αὐτῷ δύναμιν; οἱ κα-
 κῶς

hæc vobis dixi, in quibus viui aliquid san- *Dissentien-*
 guinis reperimus, vt qui de filio rectè sen- *tium à se*
 titis, & quorum vitam admiramur qui *in articulo*
 dem, sed doctrinam non probamus. *de Spiritu*
 Quicū ea quæ Spiritus sunt habeatis, *sancto vitā*
 Spiritum quoq; assumite, vt non certetis *quidē pro-*
 solum, sed legitimè etiam, ex quo corona *bat, sed do-*
 contingit. Vtinam vobis hoc tribuatur, *ctrinam*
 benè actæ vitæ præmium, vt perfectè Spi- *improbat.*
 ritum sanctum confiteamini, & nobis-
 cum, vel etiam ante nos, quantū æquum
 est, prædicetis. Quin ausim etiam aliquid *Votum pi-*
 maius vestri causa, & quidem, Apostoli il- *um & ar-*
 lud proloqui: adeo vos complector, a- *dens pro*
 deoq; reuereor hanc concinnam vestram *dissentien-*
 vestem & frugalitatis colorem, sacros cœ- *tibus fra-*
 tus & honestam virginitatem, ac purgati- *trib. imbe-*
 onem, per totā noctem Psalmorum can- *cillibus.*
 tillationem, studium in pauperes, amorē
 in fratres, curam hospitum, vt etiam ana- *Optat a-*
 thema esse à Christo, & pati etiam aliquid *nathema*
 paratus sim tanquā damnatus: dummo- *esse pro dis-*
 do nobiscum coniungamini, & cōmuni *sentientiu*
 consensu Trinitatem glorificem⁹. Nam de *fratrum*
 alijs quid attinet dicere palàm mortuis?
 quos Christi solius est resuscitare, qui mor-
 tuos sua potētia viuificat. Hi, pfecto scele-
 ratè

O R A T I O VII.

κῶς τῷ τόπῳ χερίζονται, τῷ λόγῳ σιω-
 δεδεδεμένοι. Καὶ ποσὸν τὸν πρὸς ἀλλήλους
 συρμαχῶσιν, ὅσον ὀφθαλμοὶ ἀγρο-
 φοὶ τὸ ἐν βλέποντες, καὶ ὅτῃ ὀφεί, τῇ γέ-
 σθαι δὲ φασιάζοντες. Εἴγε καὶ ἀγροφῶν
 αὐτοῖς ἐγκλητέον, ἀλλὰ μὴ τύφλωσιν.
 Επεὶ δὲ μετρίῳ ἐθέμιον τὰ πρὸς ὑμᾶς,
 φέρε καὶ πρὸς τὸ πνεῦμα πάλιν ἐπανελ-
 θωμεν.

S C H O L I A.

Syllabas auersamini] Id est, latebras
 vel effugia quaeritis, & nonnullis scriptura vocu-
 lis offendimini.

Fateamini naturam] Id est, cū Deum
 vocare Spiritum sanctum (nescio qua infirmita-
 te) recusetis: potentiam saltem diuinitatis ei
 concedite, & alias voces, ut increatum esse, &
 quae sunt generis eiusdem.

Quas veneramini in alijs vocibus] Sci-
 licet in scriptura de Spiritu sancto loquentibus:
 q. d. age, nimium hoc vobis videtur, ut Deum ap-
 pelletis Spiritum sanctum: concedite saltem
 nunc quòd increatus sit & omnipotens: tunc vi-
 cissim nos aliquid concessuri sumus vobis, ut ita
 coire concordiam possimus.

ratè locis separantur, cum doctrina coniuncti sint, ac perinde inter se certant, vt oculi distorti, qui ad vnum quidem spectant, verum non aspectu, sed situ inter se dissident. Si tamen rectè modò distortio hæc, ac nō cæcitas potius ijs crimini datur. Postquam verò ad vos vtcunq; verba feci, agē nunc ad Spiritum reuertamur.

Turpe enim est] Prorsus est turpe de re consentire, de verbis solum rixari. *Vigilius lib. 2.* Rogo cum sensibus incolumes sitis, cur vocibus insanitis? Rebus intellectis in verborum vsu faciles esse debemus.

Vos Trinitatem] Conuincere eos studet argumento ex genere siue toto ducto: Trinitas est eiusdem diuinitatis siue nature: Spiritus sanctus est persona Trinit. Itaq; Spiritus sanctus est eiusdē Diuinitatis & nature cum Patre & Filio.

Tunc ne nos quidem] Id est, nec ego vituperabo infirmitatem vestram: etiam si nominatim Deum vocare Spiritum sanctum nolueritis (quod tamen futurum adhuc spero) donec ritè consentiamus.

Anathema esse] Loquitur Gregorius de timidis, simplicibus, infirmisq; hæreticis, qui Christum nobiscum profitentur, pieq; & sanctè viuunt, quos fratres & amicos etiam appellare li-

O R A T I O VII.

cet, utpotè quos spes est errorem suum tand
agnituros esse, & veritatem nobiscum profes
suros.

Nam de alijs quod attinet] De Arrianis
loquitur, qui Christi divinitatem negantes.

T E X T V S.

Οἱ μὲν δὲ καὶ ὑμεῖς ἤδη συνέφεατε, τὸ
πνεῦμα τὸ ἅγιον κυρίου αἰεὶ, καὶ ἐστὶ, καὶ ἔσται,
ἢ τε ἀρχαίμενον, ἢ τε παυσόμενον, ἀλλ'
αἰεὶ πατρὶ καὶ υἱῷ συνεταγμένον καὶ
συναριθμώμενον. ὃ δὲ γὰρ ἔωρεπεν ἐλλεί
πον ποτὲ ἢ υἱὸν πατρὶ, ἢ πνεῦμα υἱῷ. ὅ
μενίστω γὰρ ἀνὴρ ἀδόξος ἡ θεότης, ὡ
σπερ ἐκ μεταμελείας ἐλθοῦσα εἰς συμ
πλήρωσιν τελειότητος, κυρίου αἰεὶ μετὰ
ληπτον, οὐ μεταληπτικόν. Τελειῶν, ὅτε λεί
μενον. πληρῶν δὲ πληρούμενον. ἁγιάζον,
ὅχι ἁγιαζόμενον. θεοῦν οὐ θεούμενον. αὐ
τὸ ἐαυτῷ ταυτὸν αἰεὶ καὶ οἷς συνετακται
ἀόρατον, ἀχρονον, ἀχώρητον, ἀναλλοίω
τον, ἀποιον, ἀγείδρον, ἀναφῆς αυτοκί
νητον ἀκίνητον, ἀτεξέστον, αὐ

prorsus peruersi seu reprobi erunt, mortuis & cæcis similes. Hi quamuis doctrinæ vinculo coniuncti erant, id est vno ore filium Dei negabant: locis tamen distincti erant, & velut oculi distorti alius alio spectare videbatur.

TEXTVS.

OPINOR verò, vos etiam tandem consequimini. Spiritus sanctus quidem semper erat, est & erit, neq; principium neq; finem habet, sed semper Patri & Filio coniunctus est & annumeratur. Neque enim decet, vt vel Filius aliquando deserat Patrem, vel Spiritus deserat Filium: quod profectò maxime obscuraret diuinitatem: quasi post pœnitentiam ad completionem perfectionis rediret. Erat igitur semper participans, nō particeps, perficiens, à nullo verò perfectus, explens, non expletus, sanctificans, non sanctificatus, diuinitatē afferens, non accipiens. Ipse sibi ipsi, & Patri, Filioq; quibus adiunctus est, semper æqualis, & idem inuisibilis, temporis expers, nullo loco circumscriptus, nulla qualitate, quantitate, forma, aut tactu præditus, seipsum mouens, semper mouens, à se arbitrij libertatem habens, per se

Argumentum à proprio.

Proprietates Spiritus sancti.

ORATIO VII.

ποδύναμον, παντοδύναμον, εἰ καὶ πρὸς
 τὴν πρῶτην αἰτίαν ὡς περ τὰ τῷ μονογε-
 νῆς ἅπαντα, ἔγω δὲ καὶ τὰ τῷ πνεύματος
 ἀναπέμπεται. ζῶν καὶ ζωοποιόν. φῶς καὶ
 χορηγὸν φωτὸς. αὐτοάγαθον, καὶ πηγὴ ἀ-
 γαθότητος. πνεῦμα εὐθές, ἡγεμονικόν, κύ-
 ριον, ἀποτέλλον, ἀφορίζον, ναοποιούν,
 ἑαυτῷ ὁδηγῶν ὡς βέλεται, διακρίν χρί-
 σματα, πνεῦμα ὑποθείας, ἀλ' ἰθείας, σοφί-
 ας, συνέσεως, γνώσεως εὐσεβείας, βελῆς,
 ἰσχύος, φόβου τῶν ἀπειριθμημένων. διὸ
 πατὴρ γινώσκεται, καὶ υἱὸς δοξάζεται, καὶ
 παρ' ὧν μόνον γινώσκεται, μία, σὺν-
 ταξις, λατρεία μία προσκύνησις δυνά-
 μεις, τελειότης, ἀγασμός. Τί μοι μα-
 κρολογεῖν; πάντα ὅσα ὁ πατὴρ τῷ υἱῷ,
 πλὴν τῆς ἀγεννησίας. πάντα ὅσα ὁ
 υἱὸς, τῷ πνεύματος πλὴν τῆς γεννήσεως.
 ταῦτα δὲ ὅσα ἑσίας ἀφορίζει κατὰ τὸν
 τὸν ἑμὸν λόγον, οὕτως ἑσίαν δὲ ἀφορίζει-
 ται. ὡδίνης τὰς ἀντιθέσεις, ἐγὼ δὲ ἀφορί-
 ζεται, ὡδίνης τὰς ἀντιθέσεις, ἐγὼ δὲ τοῦ
 λόγου τὸν δρόμον. Τίμησον τὴν ἡμέραν
 τοῦ πνεύματος. Ἐπίσχε μικρὸν τὴν
 γλῶτ-

υποθείας

se potens, omnipotens : tamen si ad primam causam, perinde ut primogeniti, sic & qui Spiritus sancti sunt omnia referantur. Vita & viuificans, lumen & luminis præbitor, bonitas ipsa, & fons bonitatis, Spiritus rectus, principalis, Dominus mittens, segregans, templum sibi extruens, dux vitæ operans quod vult, diuidens dona Spiritus adoptionis, veritatis, sapientiæ, intelligentiæ, cognitionis, pietatis, consilij, roboris, timoris, quemadmodum superius commemorauimus: per quem Pater cognoscitur, & Filius glorificatur, à quibus solus ipse cognoscitur, vnus ordo, vnus cultus, adoratio, potentia, perfectio, sanctitas. Quid attinet plura commemorare? Omnia quæcunque Pater habet Filij sunt, nisi quòd inginitus non sit Filius: Omnia quæcunque habet Filius, Spiritus sunt, excepta generatione. Hæc verò non substantiam secernunt, sed mea quidem sententiâ, circa substantiam secernuntur. Hic obijcere tu gestis, ego verò orationis cursum tenere cupio. Honora diem Spiritus, comprime paululum

Aliud ar-
gumentū
à proprio.

N lin-

ΟΤΑΤΙΟ VII.

γλῶτταν εἰδυνατόν. Ἐπ' ἄλλων γλωσ-
 σῶν ὁ λόγος, ταῦτας αἰδέσθῃ ἢ φοβή-
 θῃ μετὰ πυρὸς ὀρωμένας. σήμερον δο-
 γμα πίσω μὲν, αὐριον τεχνολογήσωμεν. σή-
 μερον ἑορτάσω μὲν, αὐριον αἰσχημονήσω
 μὲν. ταῦτα μυστικῶς, ἐκεῖνα θεατρικῶς.
 ταῦτα, τῆς Εκκλησίας, ἐκεῖνα τῆς
ἀγορᾶς. ταῦτα τοῖς νήφουσιν, ἐκεῖνα
 τοῖς μεθύουσι. ταῦτα ἀπούδαζόντων, ἐ-
 κείνα παμζόντων κατὰ τὸ πνεῦμα. Ἐπεὶ δὲ ἀπεσκευασάμεθα τὸ ἀλλότριοι
φέρει κατάρτύσω μὲν τὸ ἡμέτερον. τὸτο
 ἐνήργη πρῶτον μὲν ἐν τῇς ἀγγελικῆς
 καὶ ἑραγγελικῆς δυνάμεσι, καὶ ὅσα πρῶτα
 μετὰ θεὸν καὶ περὶ θεόν. ὃ γὰρ ἄλλοθεν
 αὐτῆς ἢ τελείωσις καὶ ἢ ἑλλαμψίς καὶ
τὸ πρὸς κακίαν δυσκίνητον ἢ ἀκίνητον
ἢ πρὸς τὸ ἅγιον πνεῦμα. Ἐπεὶ ταῦτα ἐν
 τοῖς πατέράσι, καὶ ἐν τοῖς προφήταις, ὧν
 οἱ μὲν ἐφαντάσθησαν, θεὸν ἢ ἐγνώσαν. οἱ
 δὲ καὶ τὸ μέλλον πρὸ ἐγνώσαν. τυπόμε-
 νοι τῷ πνεύματι τὸ ἡγεμονικόν, καὶ ὡς
 παῖδες σιώνοντες τοῖς ἐσόμενοις, ποι-
 αὐτὴ γὰρ ἡ τὸ πνεῦμα δύνα-
 μις. ἔπειτα ἐν τοῖς Χριστοῦ μαθηταῖς.

Linguam, si fieri potest : de alijs linguis nobis dicendum est, has reuerere vel extimesce, cum igne vifas. Hodie ex doctrina fidei, cras ex arte differemus. Hodie diem *Ironia.* festum agamus, cras verecundiæ fines transeamus. Hæc mystica, illa theatrica sunt, hæc Ecclesijs conueniunt, illa foro, hæc sobrijs, illa temulentis, hæc seria agentibus, illa verò ludentibus aduersus Spiritum. Postquam autem aliena confutauimus, age nunc nostra instauremus. Spiritus *Vis & potentia Spiritus sancti in Angelis & Prophetis.* efficax erat prius quidem in angelicis & cœlestibus copijs, alijsq; qui post Deum, & circa Deum primæ sunt. Non enim aliunde acceptam habent perfectionem & splendorem suum, tum statû etiam eum, vt ad malitiam non facile, vel nullo potius modo deficere possint, quàm à Spiritu sancto. Deinde erat efficax in patribus & Prophetis, quorum illi quidem per imaginem viderunt Deum, vel cognouerunt, hi verò etiam futura præsciuerunt. Informatas enim à Spiritu sancto mentes habuerunt, & futura perinde atque præsentia viderunt. Huiusmodi enim Spiritus vis est, tum in Christi discipulis fuit.

ORATIO VII.

Εὖ γὰρ Χειρὸν εἶπεν, ὦ παρὶν, ὅχως
 ἐνεργούν, ἀλλ' ὡς ἀμοτίμῳ συμπαρομαρ-
 τούν. καὶ τούτοις τριασῶς, καὶ ὅσον οἱ
 τεῖσαν χωρεῖν καὶ κατὰ χαίρους πεῖς,
 πρὶν δοξασιῶν Χειρὸν τῷ πάθῃ μετὰ
 τὸ δοξασιῶν τῇ ἀναστάσει, μετὰ
 τῶν εἰς ἑρανὸς ἀνάβασιν, ἢ ἀποκατά-
 ρασιν, ἢ ὅ, πλεονάζειν Διηλοῖ δὲ ἡ πό-
 ρη, τῶν νόσων καὶ ἡ τῶν πνευμάτων κα-
 θαρσις, ὅχι ἀνευ πνεύματος δηλαδὴ γιν-
 μένη, καὶ τὸ μετὰ τῶν οἰκονομῶν ἐμ-
 φύσημα σαφῶς ὅτι ἐμπνευσις ἡ φύσις,
 καὶ ὁ νῦν μερισμὸς τῶν πυρίνων γλωτ-
 τῶν. ὅ καὶ πανηγυρίζομεν, ἀλλὰ τὸ
 μὲν πρῶτον ἀμυδρῶς, τὸ δὲ δεύτε-
 ρον ἐκτυπώτερον, τοδὲν νῦν τελειώτερον, ὅχι
 ἐπὶ ἐνεργείᾳ παρὸν ὡς πρότερον. ὅσι-
 δῶς δὲ ὡς ἀν' εἰποιτὶς συγγινόμενόν τε
 καὶ συμπολιτευόμενον. ἔπαρετε γὰρ
 ἡμεῖς σωματικῶς ἡμῶν ὁμιλήσαντες, καὶ αὐτὸ
 φανίσασθαι σωματικῶς. καὶ Χριστὸς πρὸς
 ἑαυτὸν ἐπανελθόντος, ἐκείνο πρὸς ἡμᾶς
 κατελθεῖν. Ερχόμενον μὲν ὡς κύριον
 πεμπόμενον δὲ ὡς ὅχι ἀντίθεον. Αἶμα
 τοιαύτα φωνὰ, ὅχι ἡπὶ τῶν ὁμῶ-

Non enim de Christo hoc ausim dicere,
 utpote cui aderat Spiritus, non ut operans,
 sed ut æqualem honore affectans. In ijsq; *Spiritus*
 erat trifariam, quatenus captus eorum fe- *sanctus tri*
 rebat, & tribus quidem temporibus, pri- *fariam in*
 usquam glorificaretur Christus per passi- *Apostolis*
 onem, post glorificationem, per resurre- *vim suam*
 ctionem, post ascensionem in cœlum, aut *exercuit.*
 restitutionem, vel quocunque alio nomi-
 ne appellari debet. Id quod declarat pri-
 ma illa morborum atque spirituum de-
 pulgio, quæ profectò absque Spiritu haud
 facta est: tum post incarnationem in spi-
 ratio, quæ palàm diuina fuit. Et postremò
 præsens hæc linguarum ignitarū diuisio,
 quam solennem celebramus. Verùm ob-
 scuriùs primùm, deinde expressiùs in eis
 efficax fuit: nunc verò plenius, non tamen
 actu, ut ante, sed essentia, ut sic loquar, præ-
 stitum est & conuersatur. Cùm enim Filius
 corporaliter nobiscum versatus sit, con-
 ueniebat etiam Spiritum corporaliter ap-
 parere: Et cum Christus ad sese reuersus
 esset, Spiritum ad nos descendere, veni-
 entem quidem ut Dominum, missum
 verò ut Deo minimè aduersantem. Hu-
 iusmodi enim voces non minùs concor-

ORATIO VII.

τοιαυτὰ δηλοῦσιν, ἢ φύσιν χερίζουσιν. ἀλλὰ τὸ
 μετὰ Χριστὸν μὴ, ἵνα παράκλητος ἡμῶν
 μὴ λείπῃ, ἀλλ' ὅτι, δὲ ἵνα σὺ τὴν ἰσοπρε-
 πειαν ἐνθυμηθῇς. τὸ γὰρ ἀλλ' ὅτι, ἀλλ' ὅτι ἐγὼ
 καθίσταται. τὸ δὲ συνδεσμοῦ οὐσίας,
 ἀλλ' ὅτι ἀπ' αὐτῆς ὄνομα. τὸ γὰρ ἀλλ' ὅτι, ὅτι
 ὅτι τῶν ἁλλοτέρων, ἀλλ' ὅτι τῶν ὁμοούσιων
 οἶδα λεγόμενον.

SCHOLIA.

Spiritus sanctus quidem semper erat]
 Regula est: Cui tribuitur proprium, quod uni soli
 essentiae conuenit, huic & essentiam tribui neces-
 se est. Spiritui sancto conuenit proprium essentia
 diuina, nempe aeternum esse sine principio & fine.
 Itaque Spiritui sancto essentiam diuinam tribui
 necesse est.

Neque enim decet] Aliud argumentum
 itidem à proprio: Quod semper est cum Patre &
 Filio, ὁμοούσιον καὶ συναϊδίον est Patri & Fi-
 lio. Spiritus sanctus semper est cum Patre & Fi-
 lio. Spiritus sanctus igitur Deus est verus cum Pa-
 tre & Filio.

Quasi per poenitentiam] Id est, Nisi Spiri-
 tus sanctus ab aeterno fuit cum Patre & Filio, se-
 quitur hoc absurdum, diuinitatem aliquandiu
 fuisse imperfectam, deficiente scilicet tertia per-
 sona quae est Spiritus sanctus, quam post-
 eam

diam declarant, quam naturam distra-
hant. Quocirca post Christum Spiritus
venit, ne paracletus nobis desit. Alius ve-
rò, ut tu honoris æqualitatem cogites. Vox
enim, alius, alium mihi æqualem consti-
tuit. Estq; nomen parem imperij gradum,
non ignominiam indicans. Scio enim
quòd vox alius non de alienis, sed de his,
quæ eiusdem sunt substantiæ prædicetur.

*ea tandem Deus, cum pœnituit eum imperfe-
ctionis huius, assumerit.*

Participans non particeps] Id est, Spiri-
tus sanctus ex plenitudine sua impertit, ipse verò
nullius indiget.

Nulla qualitate] Id est, caret omnibus ac-
cidentibus.

Tametsi ad primam causam] Quemad-
modum Filius, sic etiam Spiritus sanctus omnia
quæ facit, ad Patrem refert. Ioan. 5. Non po-
test Filius à seipso facere quicquam, iuxta Augu-
stini dictum? Agit Filius non à se, sed per se. Est
hæc occupatio: Qui ad alium sua acta refert,
vel alij accepta refert, non agit per se. Spiritus san-
ctus refert sua acta ad Patrem. Ergo non agit
Spiritus per se, ut Deus. RE. ad minorem, quæ in-
telligenda est de ordine actionum Diuinitatis.

ORATIO VII.

Pater quidem saluat nos, sed redimit per Filium,
& sanctificat per Spiritum sanctum. Sic Spiritus
sanctus nos sanctificat, sed non absque Patre.
Quia opera Diuinitatis externa, sunt communia
trium personarum.

Quid attinet plura] Iterum à proprio ducit
argumentum: Spiritus sanctus habet omniaque
Pater & Filius. Ergo cum Patre & Filio verus
est Deus.

Nisi quòd ingenitus] Secundum regulam;
Opera Diuinitatis interna sunt distincta. Solus
enim Patris est gignere, solus Filij nasci, solus
Spiritus sancti procedere.

Hic obijcere] Occupatio: Libenter obijceris
mihi aliquid, sed ego pergo in cursu orationis.

Honora diem Spiritus] Id est, memento
hodie esse festum Spiritus sancti, proinde non quod
tu vis, loquere, sed de Spiritu sancto audi.

Verecundiæ fines transeamus] Ironice
eludit humanam sapientiam in rebus diuinis,
eamq; ad suum locum & tempus reijcit.

TEXTVS.

Εν γλώσσαις δὲ ἀφ' οὗ τοῦ πνεύματος
λόγον οὐκ εἰώσιν, πνεύματος δὲ ζητῶντες ποτε

Ut ad malitiam non facile] Boni Angeli
ita iam confirmati sunt, ut non labantur.

Æqualem honore affectans] Spiritus
sanctus Christo quidem adfuit, sed ut pari, coes-
sentiali, & coeterno.

Cum enim Filius corporaliter] Causa
cur Spiritus sanctus non tantum actu, hoc est, vi
& potentia sua in Apostolis efficax fuerit, sed
etiam corporeo modo, hoc est, visibili specie in
die Pentecostes apparuerit. Quia Christus corpo-
raliter nobiscum versatus est in terris. Eodem
igitur modo etiam Spiritum sanctum versari siue
apparere oportuit.

Christus ad sese reuersus esset] Id est, in
cælum redisset vel ascendisset.

Ne paracletus nobis desit] Christus vocat
Spiritum sanctum alium paracletum, Ioan. 14.
Scil. æqualem sibi, distinctam tamen personam.
Vterq; igitur est paracletus, Filius & Spiritus
sanctus: Filius quidem, quia interpellat pro no-
bis: Spiritus sanctus, quia mouet corda ad inuo-
cationem,

T E X T V S.

QVOD autem in linguis Spiritus ap-
paret, fit propter cognationem cum ver-
bo. Sed cur in linguis igneis? Vtrum

ORATIO VII.

ρον ἀλλὰ τὴν καθαρίαν; οἶδε γὰρ ὁ λόγος ἡ-
 μῶν, καὶ πῦρ καθαρίσειον, ὡς πολαχόθεν
βυλομένοις ὑπάρχει μαθεῖν, ἢ ἀλλὰ τὴν
 ἑοσίαν: πῦρ γὰρ ὁ θεὸς ἡμῶν καὶ πῦρ κατα-
 ναλίσκον τὴν μοχθηρίαν. καὶ πάλιν ἀ-
 γανακτῆς τῷ ὁμοσσίῳ φανοχῶρέμεθ.
 μεριζομένους δὲ ἀλλὰ τὸ τῷ χαρισμάτων
 διάφορον, καθεζομένους δὲ ἀλλὰ τὸ βασι-
 λικὸν καὶ τὸ ἐν τοῖς ἀγίοις ἀνάπαυσιν. ἐπὶ
 καὶ θεοῦ φρόνῃ τὰ χερουβὶμ. ἐν ἑσθίᾳ
 δὲ, εἰ μήτω πειρηγότερος εἶναι δοκῶ τῷ
δέοντος, ἀλλὰ τὴν ἀνάβασιν τῷ δεξομένῳ
 καὶ τὴν χαμόθεν ἔπαρσιν. ἐπεὶ καὶ ἴδασι θε-
 οῖς. ἑσθίᾳ πινὰ στεγάζεται, δι' ὧν ὑ-
 μνεῖται θεὸς καὶ Ἰησοῦς αὐτὸς ἐν ἑσθίᾳ
 τῷ μυστηρίῳ κοινωνεῖ, τοῖς τὰ ὑψηλότε-
 ρα τελούμενοις, ἵνα ἐκεῖνο παρα-
 δέχθῃ: ὅτι τὸ μὲν πῦρ καταβιβῶναι δεῖ θε-
 ὸν πρὸς ἡμᾶς, ὁ καὶ πρῶτον ὅτι
 μωυσεὺς οἶδα γινόμενον. τὸ δὲ ἡ-
 μᾶς ἀναβιβῶναι, καὶ ἔγω γενέσθαι κοι-
 νωνίαν θεῷ πρὸς ἀνθρώπου τῇ ἀξίας
 συγκυρναμένης. ἕως δ' ἂν ἑκάτε-
 ρον ὅτι τῇ ἰδίᾳ μένῃ, τὸ μὲν πρῶτον
τὸ

Purgationis causa? Meminit enim etiam *Cur Spiritus* verbū ignis purgationis, ut ex multis locis *sanctus* cognoscere ei, qui volet, licet. An verò in *linguis* propter essentiam? Nam ignis est Deus *igneis* & noster, & quidem ignis improbitatem *disperditis* consumens. Tametsi iterum indignaris, *apparuerit* quòd effugere non possis, quin eandem

essentiam Spiritus cum Patre fatearis. Disperditis autem *linguis* apparuit propter donorum diuersitatem. Quòd verò sedit, regiam dignitatem denotat; & requiem in sanctis. Nam & Dei sedes sunt Cherubin. In cœnaculo autem (nisi fortè curiosior alicui, quàm par sit videor) propter ascensionem eorum, qui accepturi sunt Spiritum, & à terra subuectionem. Nam & aquis diuinis cœnacula quædam operiuntur, quibus celebratur Deus. Immo Iesus ipse in cœnaculo sacramentum impertiebat his, quos ad sublimiora initiabat: quo illud demonstraretur, quòd descendere quidem Deum oporteat ad nos, quod & antea in Mose contigisse scio: Nos verò ascendere: quòd communicatio mutua inter Deum & homines fiat, per dignitatis commixtionem. Quam diu verò vterq; in sede sua manet, Deus quidem in specula,

homo

*Quare
Christus in
cœnaculo
instituerit
suam cœ-
nam san-
ctam.*

ORATIO VII.

τὸ δὲ ταπείνωσιν, ἄμικτος ἡ ἀγαθότης, καὶ τὸ φιλάνθρωπον ἀκοινώνητον. καὶ χάσμα ἐν μέσῳ μέγα, καὶ ἀδιάβατον ὃ τὸ πλάσιον τῷ λαζάρῳ μόνον, καὶ τὸ ὀρεκτὸν ἀβραὰμ κόλπον διείργον, τὸ δὲ γεννητὴν φύσιν, καὶ ῥέουσιν τὸ ἀγενήτως, καὶ ἐστηκυῖας. τὸ τοῦτο ἐκηρύχθη μὲν ὑπὸ προφητῶν ὡς ἐν: τὸ πνεῦμα κυρίου ἐπὶ ἐμὲ, καὶ ἐπαπαίσεταί ἐπὶ αὐτὸν ἐπὶ τὰ πνεύματα. καὶ κατέβη πνεῦμα κυρίου, καὶ ὠδήγησεν αὐτὸς. πνεῦμα ὁπίσθης ἐμπλήσαν βεσεβεήλ τὸ ἀρχιτέκτονα τῆς σκηνῆς, καὶ πνεῦμα παροξυόμενον, καὶ πνεῦμα ἐξ ἄραν ἡλίου ἐν ἁρματι καὶ ζητηθὲν πρὸς Ελισαίῳ διπλάσιον. καὶ πνεῦματι ἀγαθῷ καὶ ἡγεμονικῷ. Δαβὶδ ὁδηγούμενός τε καὶ σπριζόμενος. Ἐπιγέλθῃ δὲ ὑπὸ μὲν Ἰωὴλ πρῶτον, καὶ ἔσται ταῖς ἐσχάταις ἡμέραις λέγοντος Ἐκχεῶ ἅπο τοῦ πνεύματος μου ὅτι πᾶσαν σάρκα, δηλαδή τὸ πνεύσας, καὶ ὅτι τὰς ὑψὺς ὑμῶν, καὶ ὅτι τὰς θυγατέρας ὑμῶν, καὶ τὰ ἐξῆς, ὑπὸ δὲ ὑψὺ καὶ ὑπερον δοξαζομένους τε καὶ ἀντιδοξάζοντος, ὡς τὸ πατέρα, καὶ ὑπὸ τοῦ πατρὸς, καὶ ἡ ἐπαγγελία ὡς δαφιλῆς.

Σω.

Homo autem in humilitate: neq; bonitas
 miscetur, neque beneficentia communi-
 catur. Estq; in medio hiatus magnus, &
 imperuius, non diuitem modò à Lazaro,
 sed creatam etiam naturam, fluxamq; ab
 æterna & stabili dirimens. Hic Spiritus à
 Prophetis est prædicatus, vt in hoc dicto: *Spiritus*
 Spiritus Domini super me. Et, requiescent *sanctus à*
 super eum Spiritus septem. Item, descen- *Prophetis*
 dit Spiritus Domini & deduxit eos. Item, *prædicatus*
 Spiritus scientiæ, qui repleuit Beseleël ar- *antequam*
 chitectum tabernaculi. Et Spiritus ad ira- *humanam*
 cundiam prouocans. Item, Spiritus qui *naturam*
 extulit Eliam in curru, & duplex ab Eliseo *assumfit*
 postulatus est. Dauid quoq; Spiritu bono *filius Dei.*
 & principali deductus & confirmatus est.
 Quid? quod à Ioële etiam prius promif-
 sus est, cum inquit: Et erit in postremis
 diebus, effundam de Spiritu meo super o-
 mnem carnem, videlicet credentē, & su-
 per filios vestros, & super filias vestras, &
 quæ sequuntur. A filio autem postea glori-
 ficatus est, & vicissim is glorificauit Fi-
 lium, quemadmodum etiam Patrem glo-
 rificat, & vicissim à Patre glorificatur.

*Mutua glo-
 rificatio
 Patris, Fi-
 lij, & Spi-
 ritus san-
 cti.*

Pro-

ORATIO VII.

ἀνδραγαθῶν ἡμῶν Συναγωγῶν, καὶ συμπαρμενῶν,
 ὅτι ἔν νῦν τοῖς κατὰ καιρὸν ἀξίοις, εἴπ
 ὑπερον τοῖς ἑκείσε ἀξιωμαίοις. ὅταν ὁ
 λόκληρον αὐτὸ τῇ πολιτείᾳ φυλάξωμεν
 ἀλλὰ μὴ τοσοῦτον ἀποβάλομεν καθ' ὅσον
 ἀν' ἀμαρτάνωμεν. τὸ το πνεῦμα σιμωδι
 μιουργεῖ μὲν ἡμῶν καὶ τῶν κτίσιν, καὶ τῶν
 ἀνάστασιν. καὶ πρὸς τὸ, λόγῳ κυ
 εἰς οἱ ὄργανοι ἐστρεώθησιν, καὶ τὸ πνεῦ
 ματι τὸ εἶματ' αὐτὸ πᾶσα ἡ δύνα
 μιν αὐτῶν. πνεῦμά τε θεῖον τὸ ποιῆσαι
 με, πνοὴ δὲ παντοκράτορ' ἡ διδάσκου
 σά με. καὶ πάλιν, ἐξαποστελεῖς τὸ πνεῦ
 μά σου καὶ κτιοῦνται καὶ ἀνακαινίσκονται
 τὸ ὅσον τῆς γῆς. δημιουργεῖ τῶν πνε
 ματικῶν ἀναγέννησιν. καὶ πρὸς τὸ
 μηδένα δύνασθαι τῶν βασιλείαν ἰδεῖν
 ἢ λαβεῖν ὅς τις μὴ ἀνωθεν ἐγενήθη
 πνεύματι καὶ τῶν πρεσβυτέρων ἐκα
 θαρίσθαι γέννησιν, ἢ νηκτός ἐστι μυστή
 ριον, ἡμεῖν καὶ φωτίζῃ ἀγαπᾶσι,
 ἡ καθ' ἑαυτὸν ἕκαστος ἀγαπᾶται.
 τὸ το πνεῦμα σοφώτατον γὰρ καὶ φιλαν
 θρώποτατον. ἀν' ποιμένα λάβη, φάλτῃ
 ποιῇ. πνεύμάτων πονηρῶν κατεπά

δοῦναι

Promissio porro quàm liberalis est? Quòd *Promissio*
una versatus sit & mansurus nobiscum, si- *Spiritus*
ue hic ad tempus, siue postea in altera vi- *sancti, quòd*
ta digni fuerimus. Quod tunc quidem *velit nobis-*
continget nobis, si integrum illum in hu- *cum ma-*
ius vitæ statu seruauerimus, nec per pec- *nere in hac.*
cata reiecerimus. Hic Spiritus una cum vita. *& altera*

Filio fabricatus est creaturam & resurre- *Creatio*
ctionem. Idq; comprobat hoc dictum: *rerum est*
Verbo Domini firmati sunt cœli, & Spi- *communis*
ritus oris eius virtus eorum. Item, Spi- *Spiritui*
ritus diuinus qui fecit me, & flatus o- *sancto cū*
mnipotentis qui docet me. Et iterum e- *Filio.*
mittes Spiritum tuum, & creabuntur,
& renouabis faciem terræ. Autor est et-
iam spiritalis regenerationis, idq; hinc
confirmatur, quòd nemo possit regnum
Dei videre, aut accipere, nisi de super na-
tus fuerit per Spiritum, & à priori ge-
neratione, quæ noctis arcanum est, pu-
rificatus fuerit per diurnam ac lucidam *Spiritus*
formationem, qua per se quisque fingi- *sancti ef-*
tur. Hic Spiritus, cū sapientissimus sit, *fectus siue*
& hominum amantissimus, ex pastore *admiran-*
cytharæ dūm facit, qui Spiritus malos fu- *da opera in*
Ecclesia.
 gat,

ORATIO VII.

δοντα, καὶ βασιλέα τῷ Ἰσραὴλ ἀναδεί-
 κνυσιν. ἐὰν αἰ πόλον συχάμινα κνίζοντα
 περὶ φῆτιν ἐργάζεται. τὸν Δαβὶδ καὶ
 τὸν Ἀμὼς ἐν θυμῷ ἡγήτη. ἐὰν μυράκιον ἐν-
 φυὲς λάβῃ, πρεσβυτέρων ποιῇ κριτὴν
 καὶ παρ' ἡλικίαν. μαρτυρεῖ Δανιὴλ ὀνι-
 κήσας ἐν λάκκῳ λέοντας. ἐὰν ἀλιεῖαι ἐν-
 ρη, σαγίνωεν Χριστῷ κόσμον ὅλον τῇ τῷ
 λόγῳ πλοκῇ συλλαμβάνοντας. Πέτρον
 λάβε μοι, καὶ Ἀνδρέαν καὶ τῆς ὑῆς τῆς
 βροντῆς, τὰ πνευματικὰ βροντήσαντας.
 ἐὰν τελῶνας εἰς μαθητείαν κερδαίνει καὶ
 ψυχῶν ἐμπόρους δημιουργεῖ. φησὶ Ματ-
 θαῖος ὁ χθὲς τελῶνης, καὶ σήμερον εὐαγ-
 γελιστῆς. ἐὰν διώκτας θερμὸς τὸν ζῆ-
 λον μετατίθῃσι, καὶ ποιῇ πάλυς ἀντίσαν-
 λων καὶ τοσούτον εἰς εὐσέβειαν ὅσον εἰς κα-
 κίαν κατέλαβε, τὸ καὶ πνεῦμα ἐπὶ
 φαιδότητος, καὶ παροξύνεται τοῖς ἀμαρ-
 τάνοις.

SCHOLIA.

Sed cur in linguis] Cognatio magna est lin-
 guæ & orationis τῷ λόγῳ καὶ γλωσσῆς. λόγος
 autem est Christus. Spiritus sanctus itaque
 voluit in linguis apparere, ut consensum sua
 mentis

gat & Regem Israël designat. Ex capra-
rio moros vellicante Prophetam efficit,
Dauidem & Amos intellige. Ex adoles-
cente ingenioso facit Iudicem seniorum,
quamuis præter ætatem. Testis est Daniel
leonum victor in lacu. Per piscatores to-
tum mundum nexu diuini verbi ad Chri-
stum conuertit. Exemplo tibi sunt Pe-
trus, Andreas & tonitruu filij, qui spiritua-
liter tonuerunt. Publicanos lucratur &
discipulos, animarumque mercatores fa-
cit. Testatur Matthæus, heri publicanus,
hodie Euangelista. Zelum persecutorum
ferocium commutat, & Paulos ex Saulis
facit, tanta scilicet pietate præditos, quan-
ta prius malitia pollutos inuenerat. Est
etiam hic Spiritus lenitatis, & irascitur
peccantibus.

*mentis, vocis & doctrina cum Christi mente, voce
& doctrina ostenderet. Nihil enim docet Spiritus
sanctus, nisi quod Christus docuit, neque aliud
docuit Christus, quam Spiritus sanctus sonat in
Ecclesia.*

In linguis igneis] Spiritus sanctus appa-
ruit in linguis igneis, vel quod purget pectora cre-
dentium, impios verò consumat, vt quidem Nas-
sian seno

ORATIO VII.

sianseno placet: vel quod inflammet & i
corda Christianorum. Ex quo discimus ling
rum scientiam in Ecclesia esse Spiritus Sancti do
num, propter tres causas concessum atq; tributum
nobis. I. Vt per illud explicari ac propagari do
ctrina de Deo & artibus, quæ sunt instrumenta
docendi in diuersis gentibus possit. II. Vt teste
tur præsentiam Spiritus Sancti in Ecclesia. III.
Vt doceat ad omnes gentes pertinere Euangelij
doctrinam. Religiose igitur & magna cura colen
dum est studium linguarum, Latina præsertim,
Græca & Hebraica, quibus omnis de Deo doctri
na comprehensa est. Quod qui non faciunt, hi in
Deum ipsum ingrati sunt, quod tam diuinum Spi
ritus Sancti donum aspernantur.

Dei sedes sunt Cherubin] Deus sedet su
per Cherubin, Psalmo 80. Id est, super propitiato
rio arce, quod duo Cherubin suis alis tegebant &
obumbrabant.

Nam & aquis diuinis] Psalmo 104. dici
tar Deum contignare in aquis cœnacula sua:
pro quo Græca versio habet: ὁ θεὸς ὡς ἐν ὕδα
τι τὰ ᾠκῶα αὐτοῦ, tegens in aquis cœna
cula sua. Significatur autem Deum non struere
cœleste suum Palatium super lapides, hominum
more, sed trabes ponere in aquis.

In Mose] Qui in montem ascendit, Deus ve
rò in eundem descendit.

Quam

Quam diu verò vterq;] Dulce commercium Dei & hominis indicatur. Nam Deus ex arcana sua sede, & maiestatis throno prodit, sese demittit, & descendit ad nos, alloquens nos per verbum, & consolationem dicens in corde per Spiritum sanctum, tum carne & sanguine filij Iesu Christi in sacramentocœna nos pascit: quo nos ad se in cœlum attrahat, & sibi arctissimo vinculo copulet. Nos verò vicissim decet ascendere ad Deum, altè spectare, cœlestia inquirere, & omnem spem, desiderium atq; fiduciam in eo fixam atq; locatam habere.

Spiritus Domini super me] Esaia 61.

Requiescant super eum] Esa. 2. vt supra.

Besek'ël] Artifex fuit tabernaculi. Exod. 31.

Siue hic ad tempus] Qui digni vel indigni sint Spiritu sancto; ex Ioële cognosci potest, vbi Deus inquit, se effusurum esse Spiritum suum super omnem carnem, vt omnis qui inuocauerit nomen Domini, saluus sit. Verè igitur dignus est Spiritu sancto, qui in vera agnitione & fide Christi Deum inuocat. Contra verò indignus est, quisquis Deum neq; agnoscit, neq; verè inuocat, neq; lapsus contra conscientiam vitat. His enim peccatis excutitur Spiritus sanctus.

Renouabis faciem terræ] Renouatur terra non solum verno tempore, cū omnes res terranae
O z scentes,

ORATIO VII.

scientes recepto vigore pristino, nouam formam induunt, sed quotidie etiam per generationem & propagationem hominum & animantium. Psalmo 104.

Per diuinam ac lucidam] Spiritualis regeneratio, vt à Spiritu nomen habet, sic Spiritus etiam opus est. Ac diurna quidem vocatur vel

TEXTVS.

Τοιγαρὲν περὶ θωμῶς ὡς τράχ, καὶ μὴ ὀρ-
γίλῃ τὴν ἀξίαν ὁμολογῶντες, καὶ τὸ βλάσ-
φημον φεύγοντες. καὶ μὴ βυληθῶν
ἰδεῖν ὀρηζόμενον ἀσυγχώρητα. τὸ το κα-
μὲ ποιεῖ σήμερον ὑμῖν τολμηρὸν κήρυκα.
εἰ μὲν ὁδὲν πρὸς ὅμνον, τῷ θεῷ χάρις. εἰ-
δὲ πρὸς ὅμνον καὶ ἔγω χάρις. τὸ μὲν ἴνα
φείσῃται τῶν μισόντων ὑμᾶς τὸ δὲ ἵνα
ὑμᾶς ἀγάσῃ μαθόντες τὰ λαβόντας τῆς
ἐκδόσεως εὐαγγελίου, τὸ τελειωθῆναι δι' αὐ-
ματός. Ελάλθην γὰρ ἐν ξέναις γλώσσαις, καὶ
ἐν πατρίοις, καὶ τὸ θαῦμα μέγα λόγος. ὑπο-
πῶν ὁ μαθόντων λαλῶντος, καὶ τὸ σημει-
ον τοῖς ἀπίστοις, ὁ τοῖς πιστεύουσιν ἵνα
τῶν ἀπίστων χατήρορον, καθὼς γέγραπται

otidiana, quòd vetus Adam debet subinde in
 ristianis per mortificationem ac pœnitentiam
 mergi, ac rursus quotidie emergere ac resur-
 re nouus homo.

Tonicui filij] Sunt Iacobus & Ioannes,
 arci 3. hoc est, oratores seu concionatores to-
 ntes ac fulgurantes.

TEXTVS.

QVO CIRCA vt fruamur eo tanquam Exhorta-
 ni, nec irato dignitatem eius confitea- tio ad cul-
 ur, conuiciaq; vitemus, nec in animum tum Spiri-
 ducamus, implacabiliter eum irascen- tus sancti,
 m videre. Hic me quoq; hodie fidentem ne irasca-
 ncionatorem apud vos reddit. Ac si ni- tur nobis,
 l mali mihi euenerit, gratia sit Deo. Sin
 uid acciderit grauius, etiam sit Deo gra-
 a, partim quòd reprimiteos, qui ode-
 unt nos, partim quòd ita nos sanctificat, Votum
 t mercedem hanc functionis Euange- Nassianse-
 ce ferentes cursum tandem sanguine ab- ni, vt mar-
 luamus. Atqui loquebantur linguis pe- tyr fiat,
 egrinis, non patrijs. Miraculum sanè ma- hoc est san-
 num, quòd sermo prolatus sit ab his, qui guine pro-
 on didicerant. Idque fuit signum infide- fuso doctri-
 bus, non credentibus, quo videlicet in- nam à se
 deles accusarentur, sicut scriptum est: traditam
 O 3 quo- obfignet.

ORATIO VII.

ἐν ἑτερογλώσσοις καὶ ἐν χείλεσιν ἑτέροις
 λαλήσω τῷ λαῷ τούτῳ, καὶ ὁδὸς ὅπως εἰσα-
 κέσονται μοι, λέγει κύριος. ἤκουον δὲ με-
 κρόν ἐν ταῦτα ἐπίσχε καὶ ἀπαύρησον,
 πῶς διαμήσεις τὸν λόγον. ἔχει γὰρ πῖ ἀμ-
 φίβολον ἢ λέξεις τῇ σιγῇ διαφρούμενον. ἀ-
 ρα γὰρ ἤκουον ταῖς ἑαυτῶν ἀγαλλέκτοις
 ἑκάστοι. ὡς φέρε εἰπεῖν μίαν μὲν ἐξηχέσθαι
φωνὴν, πολλὰς δὲ ἀκούεσθαι οὕτω κτυ-
πούμενου τοῦ ἀέρος. καὶ ἴν' εἴπω σαφέ-
 ρον, τῆς φωνῆς φωνῶν γινομένων ἢ τὸ μὲν
 ἤκουον, ἀναπαύετον, τὸ δὲ, λαλοῦντων
 ταῖς ἰδίαις φωναῖς, τῷ ἑξῆς προαδεύει.
 ἴν' ἢ λαλοῦντων φωναῖς, ταῖς ἰδίαις τῶν
 ἀκούοντων, ὅπερ γίνεται ἄλλοτρίαις.
 καθὼ καὶ μᾶλλον τίθεμαι. ἐκείνως μὲν
 γὰρ τῶν ἀκούοντων αὐτὴ εἴη μᾶλλον ἢ τῶν
 λεγόντων τὸ θαῦμα, οὕτω δὲ τῶν λε-
 γόντων, οἱ καὶ μέγιστον καταγνώσκον-
 ται. Δῆλον ὡς αὐτοὶ θαυματουργοῦν-
 τες περὶ τὰς φωνὰς τῷ πνεύματι πλῆρῳ
 ἐπαγγελιῇ μὲν καὶ ἡ παλαιὰ ἀγαθήρεσις
 τῶν φωνῶν. ὡς γὰρ τὸν πύργον ὠκεοδό-
μου ἢ κακῶς καὶ ἀθέως ὁμοφωνοῦν

Quoniam in alijs linguis & labris alijs lo-
 quar populo huic, ac ne sic quidē exaudi-
 ent me, dicit Dominus. Audiebant tamē.
 Paululum hic confiste & dubita, quo pacto
 distinguenda sit oratio. Habent. n. ambi-
 guitatem aliquam verba hæc, quā distin-
 ctione oportet dirimere. Nū igitur audie-
 bant suis ipsorum linguis quisque: ut ver-
 bi causa, vna vox duntaxat sonaret, multæ
 verò audirētur ita perstrepenste aëre? Ac ut
 magis perspicuè dicam, num ex vna voce
 plures voces factæ sunt? An verò post ver-
 bū, audiebāt, punctum est ponendum, &
 loquebantur proprijs linguis, cum his quæ
 sequuntur cōiungere oportet ut sit sensus:
 Loquebantur linguis proprijs auditorū,
 hoc est, alienis linguis, id quod magis mi-
 hi probatur. Sin ita locuti sunt, ut audito-
 res varias linguas intellexerint, auditorū
 potius illud fuerit miraculum, quàm Apo-
 stolorum. Si verò Apostolos dicamus pro-
 pria cuiq; nationi lingua locutos esse, verū
 tunc erit quod temulentie in simulati sunt:
 haud dubiè quod in Spiritu miracula per
 linguarum diuersitatem ediderint. Ve-
 runtamen laudabilis est etiam vetus illa
 linguarum diuissio, quando turrim ædi-
 ficabant hi, qui malè impieq; consentie-
 bant.

*Cur lin-
 guis exter-
 nis locuti
 sint Apo-
 stoli.*

*Compara-
 tio doni
 linguarum
 in Aposto-
 lis cum cō-
 fusione lin-
 guarum in
 edificatio-
 ne turris
 Babyloni-*

O R A T I O VII.

πρὸς ὅσους καὶ τῶν νῦν πολυῶσί πινες. Τί
 γὰρ τῆς φωνῆς ἀφασί συνδιαλύει
 τὸ ομόγνωμον τὴν ἐγχείρησιν ἔλυσ-
 ᾶξιεπαμνοτέρα δὲ ἢ νῦν θαυματουργημέ-
 νη. ἀπὸ γὰρ ἐνὸς πνεύματος εἰς πολλὰς
 χεθεῖσα, εἰς μίαν ἁρμονίαν πάλιν συνα-
 γεται. καὶ ἐπὶ ἀφασί χειρισμάτων
 ἄλλη δεομένη χείματος, πρὸς ἀφ-
 κρισιν τῆς βελτίονος, ἐπὶ δὴ πᾶσαι τὸ
 ἐπαμνετὸν ἔχουσι. καλὴ δ' ἂν ἐκ-
 κείνη λέγριτο τοῦ Δαβὶδ λέγει, κα-
 ταπόντισον κύριε καὶ καταδίελε τὰς
 γλώσσας αὐτῶν. ἀφ' οὗ ὅτι ἡγάπη-
 σαν πάντα τὰ ῥήματα καταποντι-
 σμῶς, γλώσσαν δολίαν μονονὸς φανεῖς
 τὰς ἐνταῦθα γλώσσας καταπνέμεθ
 αἱ θεότητες τέμνουσι. ταῦτα μὲν οὖν ἐπὶ
 τοσούτον.

S C H O L I A.

Sin quid acciderit] Apparet ex his verbis
 periculum impendisse Nasiaseno ab hostibus he-
 reticis seu falsis fratribus.

Num igitur audiebant] Dubitatio Nas-
 ianeni hæc est, vtrum Apostoli auditorum di-
 versorum diuersis linguis locuti sint, an vna
 lingua

bant. Quemadmodum, etiam nunc quidam facere audent. Vna enim cum linguarum discrepantia turbatus consensus conatum impediuit. Sed laudabilior multò est hæc linguarum diuersitas cum miraculo tanto coniuncta. Nam ab vno Spiritu in multos diffusa in vnum concentum denuò redigitur. Estque diuersitas quædam donorum, quæ alio dono ad dijudicationem eius, quod melius est, indiget. Quandoquidem omnia dona laude digna sunt. Quin præclara etiam illa dici potest linguarum diuisio, de qua inquit David: Demerge Domine, & diuide linguas eorum. Quare? Quia dilexerunt omnia verba submersionis, linguam dolosam. Propemodum apertè linguas huius loci & temporis accusans, quæ diuinitatem dirimunt. Atque de his quidem hætenus.

lingua, quæ à diuersarum linguarum auditoribus intelligi potuit? Sed expedita est responsio: Cùm textus dicat Apostolos esse locutos alijs linguis, satis perspicuum est Apostolos varijs & diuersis linguis vsos esse, Græca apud Græcos, Latina apud Latinos, Germanica apud Germanos. Quod sanè

Ἐπεὶ δὲ τοῖς κατοικῶσιν Ἱερουσαλὴμ
 εὐλαβεσά τοις Ἰσραήλ τοις, πάρθοις, καὶ μί-
 θοις, καὶ ἐλαμίταις, αἰγυπίοις, καὶ λίβυ-
 κησί τε, καὶ ἄρα ψ, μεσοποταμίταις τε,
 καὶ τοῖς ἐμοῖς καππαδόκαις ἐλάλησεν αἱ
 γλῶσσαι, καὶ τοῖς ἐκ παντὸς ἔθνους τῶν
 ὑπὸ τὸν οὐρανὸν, Ἰσραηλ τοῖς, εἶπω φίλον ἔ-
 στω νοεῖν ἐκείσε συνηλεγμένοις. ἄξιον ἰδεῖν
 τίνες ἦσαν οὗτοι, καὶ τῆς ποίας αἰχμαλω-
 σίας. ἢ μὲν γὰρ εἰς αἰγυπτον καὶ βαβυλῶνα,
 περὶ γραπτός τε ὡς, καὶ πάλαι τῇ ἐπανόδῳ
 λέλυτο. ἢ δὲ ὑπὸ Ῥωμαίων, οὕτω γεγέννητο,
 ἐμελλε δὲ, εἰσὶν ὁράξαι οὕτως καὶ τῶν
 Ῥωμαίων τῆς φρεσὸς. λείπεται δὲ πᾶσι
 ἀντιόχευ ταύτῃ ὑπολαμβάνειν, ὅτι πο-
 λὺ τῶν ὄντων ὄσαν τῶν ὀρεσφυτέρων, εἰ δὲ
 πρὸς ταύτῃ μὲν ὁ προσείλαι πᾶσι ἐξή-
 γησιν ὡς περὶ ἐργατέραν, ὅτε γὰρ πα-
 λαιαί

TEXTVS.

HABITANTIBVS Hierosolymis re-
ligiosisimis Iudæis, Parthis & Medis, &
Elamitis, Aegyptijs & Libycis. Cretensi-
bus & Arabibus. Mesopotamitis & Cap-
padocibus meis loquebantur linguæ, atq;
ex omni gente, quæ sub cælo est Iudæis, il-
lic congregatis. Si cui ita intelligere libet, *Quinam*
operæ precium fuerit, quinam fuerint fuerint:
isti, videre, & de qua captiuitate. Aegy. Iudæi reli-
ptiaca enim & Babylonica certo loco cir- giosi viri
cumscripta erat, & iam olim per reditum Hierosoly-
captiuorum soluta. Romana verò non- mis habi-
tum acciderat, utpote quæ executio seu tantes ex
pœna audaciæ aduersus crucem Christi omni na-
tura erat. Superest igitur ut de captiui- tione,
tate sub Antiocho intelligamus, non mul-
tò ijs temporibus antiquiore. Si cui verò
hæc non probatur expositio, quòd curio-
sior esse videatur (Vetus enim non est
hæc

ORATIO VII.

λαγὰν εἶναι τὴν αἰχμαλωσίαν ὅτι ὅτι
 πολὺ τῆς οἰκισμένης Χεθεῖσαν, ζητῶν δὲ
 τὴν πιθανωτέραν: ἐκεῖνο ἴσως ὑπολα-
 βεῖν ἄμφοιν, ὅτι πολλάκις καὶ ὑπὸ πλε-
 ὄνων τῶ ἔθνους μεταναστάντες ὡς τῷ Εσ-
 δραῖς ὁρήται, αἱ μὲν τῶν φυλῶν ἀνεσώ-
 θησαν, αἱ δὲ ὑπελείφθησαν. ὧν εἰκὸς ἀφ-
 σαρξῶν εἰς ἔθνη πλείονα τῶν καὶ αὐτὰ
 παρῆναι τινας, καὶ μετέχῃν τῶ θαύματος
 καὶ ταῦτα παραζητήσασθαι τοῖς φιλομα-
 θέσιν, ἴσως ὁ περιέργως καὶ ὅτι ἂν συμφέ-
 ρη τις εἰς τὴν παρῶσαν ἡμέραν, καὶ ἡμῖν
 τὸ εἶναι συμφλοχῶς, ἡμῖν δὲ τὸν μὲν
 σύλλογον ἤδη ἀγαλυτέον. Ἰκανὸς γὰρ ὁ
 λόγος. τὴν δὲ πανήγυριν ὁδεύομεν,
 ἀλλ' ἐορταζέον, νυνὶ μὲν καὶ σωματικῶς
 μικρὸν δὲ ὑστερον ὅλον πνευματικῶς. ἔνθα
 καὶ τὰς λόγους τῶν εἰσόμεθα καθαρώ-
 τερον καὶ σαφέστερον, ἐν αὐτῷ τῷ λόγῳ,
 καὶ θεῷ καὶ κυρίῳ ἡμῶν Ἰησοῦ Χριστῷ, τῇ
 ἀληθινῇ τῶν σωζομένων ἐορτῇ, καὶ ἀγα-
 λιάσει, μεθ' ὧν δόξα καὶ τὸ σέβαστά πα-
 τρί σου τῷ ἁγίῳ πνεύματι, νυνὶ καὶ εἰς
 τὰς αἰῶνας, Ἀμήν.

SCHO.

hæc captiuitas, neq; tunc in multas orbis
 terræ partes dispersi sunt Iudæi) probabi-
 lioremque desiderat: fortasse illud existi-
 mare melius erit, quod cum sæpius, &
 quidem à compluribus hæc natio abdu-
 cta sit, vt Ezra memoriæ prodidit: tribus
 aliæ restitutæ sunt, aliæ in exilio relictæ. Ex
 quo consentaneum est, cum dispersi in
 plures gentes fuerint Iudæi, adfuisse tunc
 nonnullos, & miraculi Apostolorum par-
 ticipes factos esse. Hæc disserui propter li-
 tetarum studiosos, fortasse non nimis ac-
 curatè. Ac si quis est, qui afferre aliud
 quodcunq; ad præsens festum ornandum
 possit, nobis etiam illud collegisse videbi-
 tur. At nunc dimittendi concionem tem-
 pus est, cum benè longa fuerit nostra ora-
 tio. Festiuitas verò nunquam est finienda,
 sed celebranda, iam quidem corporaliter,
 paulò post verò prorsus spiritualiter, vbi
 rationes harum rerum purius ac manife-
 stiùs cognoscemus, in ipso verbo & Deo,
 Dominoque nostro IESV CHRISTO:
 vero scilicet saluatorum festo & exultati-
 ne, cum quo sit gloria, & veneratio

Patri cum Spiritu sancto

nunc & in secula,

AMEN.

SCHO

ORATIO VII. SCHOLIA.

Habitantibus Hierosolymis] *Questio de Iudeis, viris religiosis, qui tempore Pentecostes Hierosolymis fuerunt, ex omni ratione sub cælo. Ac responsio facilis quidem est de Iudeis religiosis, quod dispersi in diuersas gentes id temporis ad festum diem Pentecostes venerint, & linguarum miraculo obstupesci sint. Facta est autem haud dubie talis dispersio, vt de Ethnicis etiam multi ad veri Dei agnitionem & cultum vocarentur. De captiuitatibus verò Iudeorum nihil attinet explicare, sed satis sit hac de dispersione Iudeorum inter gentes tenere.*

ORATIO VIII. DIUI BASILII MAGNI DE IRA.

I. Argumentum Orationis.

PRIMUM est illustris interpretatio quinti precepti Decalogi, tanquam digito monstrans & obstruens fontem dissidiorum, rixarum, contentionum, inimicitiarum, conuiciorum, iniuriarum & reliquorum peccatorum, quæ in quinto precepto damnantur. Secundo complectitur & lucu-

luculentè exponit, quicquid de ira concitatissimo affectu scriptura cœlestis & Philosophica passim pertractat. Ita enim conferta est Oratio & nervosa, ut nihil dici possit de ira perfectius & utilitate vberius. Tertiò non solum fontem dissidiorum & multorum traguorum malorum aperit, ostendendo magnitudinem huius perniciosissimi vitij: sed remedia etiam isti morbo vehementissimo opponenda insigniter monstrat, quibus sanari possit atq; sedari.

II. Distinctio.

Ira seu iracundia est vitium oppositum lenitati seu misericordiae. Sunt enim huius virtutis duo contraria vitia: alterum ὀργιλότης, id est, iracundia, quæ est excessus, irascens quibus & propter quas causas non decet, tum vehementius etiam citius & diutius quàm par est & conuenit. alterum ἀοργησία, non succensens ob eas causas, ob quas succensere decet.

III. Definitio.

Ira est motus cordis, ortus ex tristitia, siue offensione aliqua, ad prepuulsandam & vindicandam iniuriam stimulans. Aristoteles iram vocat ὀρεξιν, μετὰ λύπης τιμωρίας φαινομένης διὰ φανομένην τιμωρίαν τῇ εἰς αὐτῶν ἢ αὐτῶν πινὰ μὴ ἀποσπῆκόντως: cupiditatē cum
do-

ARGVMENTVM.

lore eius puniendi, de quo pœna videatur sumi
posse propter manifestam contemtionem, quam
vel in nos vel in nostrum aliquem contemnit, sine
iusta causa; Rhet. 2. cap. 4. Partes sunt dua, tri-
stitia scilicet orta ex accepta aliqua, iniuria, &
ardens vindicta cupiditas. Nam ex commixtione
horum duorum affectuum nascitur ira;

Causæ quæ ab ira nos detertere
debent.

I. Est autoritas Dei seuerissimè prohiben-
tis iram.

II. Ordinatio Dei, qui sibi soli vindictam
vendicat.

III. Est exemplum patris nostri, & filij
eius Iesu Christi, non pro suo iure nobis irascentis,
sed immensa misericordia condonantis nobis o-
mnia delicta.

IIII. Necessitas precationum, quæ fieri
non possunt, ubi ira in animo ardet.

V. Ne irascendo expellamus Spiritum san-
ctum, & occasionem praebeamus Diabolo, qui ex
ira longam telam grauissimorum peccatorum
texere solet.

VI. Vt parcamus infirmissimo vasculo cor-
poris proprii quod ira perinde vt fulmine quodam
percellitur, labefactatur & corrumpitur.

VII. Ne nostro exemplo alios offendamus.

VIII.

VIII. Ne casus Tragicos nobis & alijs attrahamus; vt multi incensi cupiditate vindictæ, vel patriæ bellum intulerunt, vt Coriolanus: vel inconcessa præsidia quesierunt, vt Græci Imperatores Turcas attraxerunt.

IX. Dignitas virtutis seu professionis nostræ tantum valere apud nos debet, vt omnium iniuriarum obliuisci malimus, quàm ab ira turpiter vinci.

X. Exempla eorum qui forti magnoq; animo iniurias ferre maluerunt, quàm priuata cupiditati cum suo aliorum detrimento indulgere. Camillus maluit afflicta patriæ, quàm suæ iniuriæ memor esse. Ideo alter Romulus appellatus est. *Liuius libro 5. Decad. 1.*

SEQUITVR ORATIO D. Basilij de Ira.

VT Medicarum præceptionum, cum Exordium scitè & ex ratione artis vlurpantur, à sententia demum utilitas cernitur, cum experientia cõmuniæ testimonium accesserit: ita spiritalium exhortationum vis & utilitas ad parationem emendationem vitæ & profectum eorum artis Melius qui obediunt, tum demum apparet, cum dicæ & te euentuque comprobantur ea quæ præcepta dictorum.

ORATIO VIII.

cepta sunt. Cum enim audimus perspicuam in prouerbijs asseuerationem, quod ira perdat etiam sapientes: item quod Apostolus monet: Omnis ira, indignatio & vociferatio tollatur à vobis cum omni malitia: aut etiam quod Dominus dicit: Qui irascitur temerè fratri suo, obnoxius est iudicio, tum demum admirandum harum diuinarum doctrinarum & præceptionum fructum intelligemus, cum aliquando ipsi hunc affectum, qui non in nobis nascitur, sed foris tanquàm inopinata quædam procella ingruit, experiemur. Ita si in quiete didicerimus deformem esse habitum eorum qui ira corripiuntur, & postea ipsi locum iræ damus, perinde vt flumini violento datur transitus: rei ipsa experimur, quàm conuenienter illud dicatur, quod vir iracundus non sit decorus. Cum enim semel is affectus rationem peruerterit, animæque dominatum assumserit, prorsus hominem efferat, & ne hominem quidem esse sinit, dum ratione non amplius regitur. Quod enim venenosus est venenum, id irritatis est indignatio: feruntur impetu, exiliunt, & canum ritu insaniunt, exerunt aculeos vt scorpiones, mordent vt serpentes. Vnde & Scriptura

iratos

iratos beluarum nomine appellare solet, quibus prauitate similes sunt. Appellat enim eos mutos canes & serpentes, tum viperarum progeniem, & huiusmodi alijs nominibus. Nam qui ad perniciem mutuam parati sunt, & ad contribulum suorum detrimentum, merito bestijs & venenatis animalibus annumerantur, quibus natura implacabile odium inest. Propter indignationem lingua effrenis est, os incontinens, manus impotentes. Iniuriæ, contumeliæ, maledicta, verbera, & affectus alij, quæ ne recenseri quidem omnes possunt, ex ira & indignatione tanquam soboles nascuntur. Ex indignatione ensis stringitur, & mortem ipsam homo hominî molitur. Hæc facit vt fratres sese mutuo non agnoscant, parentes etiam & liberî naturalium affectionum obliuiscantur. Seipsum enim primùm irati non nouerunt, deinde nec alios propinquos vllos. Vt enim torrens ad caua loca confluens, obuia quæq; secum trahit: ita iratorû impetus violenti sunt, & temere per omnia grassantur. Non caniciem indignabundi reuerentur, non vitæ bene actæ rationem habent, non generis propinquitatem cu-

ORATIO VIII.

*Descriptio
iræ à for-
ma & ef-
fectu.*

*Voces &
gestus ira-
torum.*

*Iracundia
non nisi
dato acce-
ptone ma-
lo conqui-
escit.*

rant, non accepta beneficia, non deniq;
vlli dignitati parcunt, insania quædam est
diuturna indignatio: nam seipsos homi-
nes sæpe in manifestum malum præcipi-
tant, dum vindictæ cupiditati indulgent,
nec salutis suæ vllam rationem ducunt.
Percelluntur enim recordatione acceptæ
iniuriæ, veluti æstro, palpitante nimirum
in illis, & quasi saliente animo præ indi-
gnatione: nec prius desistunt, quàm ma-
lum aliquod ei à quo irritati sunt, dede-
rint: aut ipsi forte, si ita casus ferat, aliquid
passi sint. Quemadmodum sæpe, quæ vio-
lento modo dirumpuntur, ex contrario-
rum collisione potius detrimentum acci-
piunt, quàm inferunt. Quis magnitudi-
nem huius mali efferat? quomodo hiqui
celeriter flammæ indignationis concipi-
unt, quacunq; occasione accensi vociferen-
tur, sæviant & venenata bestia rabiosiores
euadant non desistentes, priusquam per-
ingens & immedicabile malum, ira tan-
quam bulla ex ipsis effusa, ardoris impetus
sedetur, & non enim gladij acies, non aliud
terribile quicquam satis potēs est ad com-
primendam animam, ira velut insania,
æstuantem: non aliter profectò, quàm si
quis à Diabolo oblectus est, à quo neq; ha-
bitu,

bitu, neq; animi affectione differunt irascentes. Qui enim vindictæ cupiditate flagrant his feruet sanguis in corde, quasi quodam igni vehemente conturbatus & æstuans. Cum verò ad exteriora exundat, alia forma irati apparet, conuersa illa & nota tanquam persona in scena commutata. Etenim oculi proprii & consueti non agnoscuntur, aspectus effertatus est, ignem præseferens: strident dentes, perinde ut suos hostibus obuiam euntes, facies liuida est, & suffusa sanguine: corporis moles in-
Mutatio formæ iratorum.
 rumuit: venæ disruptæ sunt, agitato intus spiritu tanquam à fluctuatione: vox aspera & contenta nimium: sermo confusus & temerè excidens, sine dispositione, sine ordine, sine perspicuitate procedens. Cum verò ad immedicabile aliquod malum, materiæ copia tanquam flamma affatim ab irritantibus suppeditata, extimulatus aliquis fuerit, tunc ea spectacula videas, quæ neq; verbis explicari, neq; re ipsa tolerari possint: manus contra propin-
Quicquid occurrit irato, telum fit insanie.
 quos erectas, & omni è parte corporis pro- tentas: pedes temere in obuia quæque profilientes: deniq; quidquid occurrit, telum fit insanie. Quòd si in alium iratum simili malo insanie conflictantem,

ORATIO VIII.

sibi quæ reluctantem inciderint irati: tunc sanè congressi mutuo, ea perpetrant & patiuntur, quæ verisimile est usu venire his, qui sub huiusmodi Dæmone militant. Mutilationes membrorum certè vel mortem etiam ipsam sæpe iræ præmium digladiantes deportant, dum alter quidem manus iniustas inferre coepit, alter sese defendit: alter iterum lacessiuit, alter cædere noluit: ac corpus quidem plagis interciditur, sed præ ira doloris sensus non percipitur. Non enim accepto doloris sensu acquiescunt, sed anima tota ad vindicandam iniuriam propendet. Nolite malum malo sanare, neq; alius alium calamitatibus superare conamini: quia in certaminibus malis inferior est qui vincit, propterea quòd plus peccati reportet. Ne igitur malæ stipis sis executor, neque malum debitum peiore fœnore rependas. Iniuriam tibi fecit iratus, tu silentio malum sopi. Verùm dum illius iram tanquã flumen intra cordis tui penetralia suscipis, ventos imitaris, qui quod occurrit reflando à se repellunt. Noli inimico vti præceptore: neque quem odisti æmuleris: nec etiam velut speculũ te præbeas, in quo suam iratus formam contempletur. | Rubicundus est ille: nonne

nonne tu erubescis? Oculi eius sunt suffu-
 franguine: dic quæso, an tui placidè aspi-
 ciant? Illius vox est aspera: tua verò est mi-
 tis? Non certè in solitudinibus tam plenè
 adloquentè resilit Echo, quàm ad conuici-
 atorè reuertuntur contumeliæ. Imo Echo
 sonum ipsum reddit, conuicium verò cum
 fœnore reddit, qualia enim sunt crimina,
 quæ conuiciatores sibi mutuo obijciunt?
 Alius obscurum & obscuro genere natum
 vocauit, alius infimum seruatorum appella-
 uit, alius pauperem, alius mendicum: rur-
 sum alius indoctum, alius insanum, vsque
 adeo, vt conuicia, sicut sagittæ, eos tan-
 dem deficiant. Cùm autem conuicia o-
 mnia per linguam effuderunt, deinceps
 ad vindictâ reipsa procedunt. Indignatio
 pugnam, pugna conuicia parit, conuicia
 plagas, plagæ vulnera, ex vulneribus sæpe
 mors sequitur. Quocirca ab initio statim
 hoc malum cohibeam⁹, iram omnibus vi-
 ribus ex animo euellentes: sic enim pluri-
 ma mala tanquam incisa radice quadam
 & principio huius perturbationis excin-
 dere poterimus. Cōuiciatus est? tu loque-
 re honorificè. Percussit? tu sustine. Fastidit
 te & nihil pendit? tu cōtra hoc in animo re-
 putes, quòd ex terra formatus sis, & in ean-

O R A T I O V I I I.

*Nihil tam
humile de
nobis dici
potest,
quin veri-
tas supe-
ret.*

dem iterū redigeris. Qui enim hoc modo
animum suum præmunit, is nullam igno-
miniam tantam esse, quin veritas superet,
inueniet. Ita enim aduersario omnes adi-
tus ad vindictam intereludes, si te inui-
ctum contra conuicia ostenderis. Tibi ipsi
verò insignem patientiæ palmam concili-
abis, si ex alterius insania veræ animi mo-
derationis occasionem ceperis. Proinde si
me audis, liberaliter etiam contumelias
admittes. Si enim te dixerit obsecrum, i-
gnobilem, & nihili hominem: tu vicissim
dicte esse terram & cinerem. Non sanè
præstabiliior es patre nostro Abrahamo,
qui seipsum in colloquio cum tribus viris
Sodomam proficiscentibus, his appellat
nominibus. Rudem te & pauperem nulli-
usq; precij hominem dixit: ac tu vermē
te esse dices, & ex stercore ortum, Davidis
vtens verbis. His adde & Moyse præclarum
facinus. Is enim ab Aaron & Miria pro-
bris affectus, non ad Deum detulit? sed
pro illis deprecatus est. An non maior pio-
rum & beatorum virorum esse discipulus,
quàm eorum qui maligno spiritu repleti
sunt? Cum incitaris, explorari te existi-
ma, vtrum per patientiam accedere ad
Deum, an verò per iram aggredi aduersa-
rium

rium velis. Deliberandi tempus tibi ipse
 sume, ut bonam eligere partem possis. Si
 enim te te cohibueris, vel aduersarium
 tuum mansuetudinis exemplo emenda-
 bis: vel si contemseris, grauius vindicabis.
 Quid enim inimico tuo tristius accidere
 potest, quam si videat eum, cui infestus est,
 celso animo contumelias despicere? ne de-
 misso sis animo, neq; committe ut aduer-
 sariorum contumelijs oppressus esse vi-
 dearis: sine, frustra te allatret, & in seipso
 rumpatur. Ut enim seipsum lædit, qui per-
 cutit eum qui nihil dolet, quod neque ini-
 micum viciscatur, neque iram sedet: ita
 conuicium faciens ei qui conuicia non cu-
 ret, consolationem perturbationis suæ in-
 uenire non potest: immo contra, ut dictū
 est, etiam dissecatur. Quod enim nomen
 uterq; vestrum ex his rebus meretur? Ille
 certè conuiciatoris, tu verò magnanimi:
 ille irati & sæui, tu verò longanimis &
 mansueti: illum poenitebit eorum quæ lo-
 cutus est, te verò nunquam poenitebit vir-
 tutis. Quid multa? Huic regnum cælo-
 rum occlusit conuitium. Maledici enim
 regnum cælorum non possidebunt. Tibi
 verò regnum apparuit silentium. Qui
 enim sustinuerit vsque ad finem, saluus

*Magnani-
mitate o-
pus est ad
contemnē-
da cōui-
cia.*

*Finis cun-
uiciorum,
est amissio
regni cæ-
lorum: fin-
is verò
patientia,
est possessio
eiusdem.*

ORATIO VIII.

erit. *a* Sin autem te vindices, & æquè con-
 uicia faciendo resistas conuiciatori, quo-
 modò te excusabis? Num quòd ipse prior
 te irritauerit? Quomodo quæso hæc verba
 veniam merebuntur? Non enim minùs
 scortator condénatione dignus est, si cul-
 pam in meretricem, vtpote quæ ad peccá-
 dum irritauerit, conferat. Neque corona
 in certamine, vbi desunt aduersarij, nec si-
 ne hostibus strages contingunt. *b* Audi
 quid dicat Dauid: Donec impius coram
 me est, non iratus sum, neque vltus sum,
 sed obmutui & humiliatus sum, & filii à
 bonis. Tu verò conuicio perinde vt mala
 irritaris, imitarisquè illud tanquam bonũ.
 Quod enim in alijs reprehendis, eccetibi-
 ipsi accidit: aut certè alienum malum ac-
 curratè perspicias, tuam verò ipsius turpi-
 tudinem non curas. Si malum est contu-
 melia, imitari noli. Non enim, quòd alius
 initium fecerit, satis tibi ad excusandum
 esse potest. Immo iustiores quidem mea
 sententia incurris reprehensionem, pro-
 pterea quòd ille exemplum, quo flectatur
 ad modestiam, non habeat: tu verò cum
 coram cernas deformitatem irati, eiusta-
 men gestus non deuitas, sed indignaris, &
 vicissim irasceris: fitq; adeo, vt tua ira ex-
 cusatio

Cusatio sit eius qui prior irasci cœperat. Iisdem enim rebus quas tu facis, illum culpa liberas, & te ipsum condemnas. Si enim malum est indignatio, cur nō malum declines? Si verò venia digna est, quid succenses irato? Quocirca etiam si laceffit demum ad vindictam procedis, nihil id tibi proderit. Vt enim in certaminibus, quorum victoriæ præmiū corona proposita est, non is qui prius in harenam descenderit, sed qui vicerit, coronatur: ita non condēnādus est solū improbitatis dux, sed ille etiam qui improbo ad peccatū duci obsecutus fuerit. Quod si pauperem te appellauerit, si vera dicit, amplectere veritatem: si verò mentitur, nihil ad te pertinet. Sicut enim laudibus, quæ à vero aberrant, efferri non debes: ita nec contumelijs, quæ à te alienæ sunt. Nonne vides sagittas, quomodo cum corpus durum & renitens contingunt, excidere soleant: cum verò in tenerum & molle corpus incidunt, facile figantur; Non dissimilia his profectò existimare debes conuicia: Qui enim resistit ea in se recipit: qui verò admittit, & quadam animi mansuetudine illis cedit, collatam in se malitiam excudit. Quid verò est, quod paupertatis appellatio te per-

ORATIO VIII.

*Exemplū
Christi.*

Ioan. 8.

perturbet? Memento conditionis tuæ, quòd nudus in mundum ingressus sis, & nudus iterum egressurus sis. Ac quid nudo pauperius: nihil audisti nefarium, nisi tibi ipse accommodaueris quæ dicta sunt. Quis vnquam in carcerem abductus est propter paupertatem: neq; paupertas probro est, sed paupertatem non animo generoso ferre. Memento Domini, qui cum diues esset, pauper propter nos est factus. Si insipientem & indoctum te appellauerit, illud animo reputes, quibus contumelijs veram sapientiam affecerint Iudæi, cum dixerunt: Samaritanus es, & dæmonium habes. Quod si igitur irasceris, confirmas probra; quid enim ira est dementius? Si verò ab ira immunem te seruaueris, labem aspersisti cōtumeliæ auctori, ipso factomoderationem declarans. Cæsus es colaphis? cæsus quòq; est Dominus. Consputus es? passus est idem & Dominus noster, non enim auertit faciem, quo minùs ignominiosè conspueretur. Defraudatus es? idem accidit & iudici. Dilacerarunt tibi tunicam? exuerunt quoq; Dominum, distribuerunt eius vestimenta inter se. Nondū condemnatus es, nondum crucifixus, longè adhuc abes ab illius imitatione. Hæc singula

singula in animo tuo perpende, vt réprimas iracundiam. Talis enim animi præparatio atq; conformatio efferuescentes cordis motus ac pulsus tollit, & ad constantiam tranquillitatemq; cogitationes reducit. Hinc adeo à Davide dictum est. Paracletus sum, & non sum turbatus. Necessè est igitur, furiosos & præcipientes animi motus recordatione sanctorum exemplorum sedare. Qua moderatione David tulit debacchationes Semei? Non enim ad iram se commoueri patiebatur, sed in Deum transferens causam. inquit: Dominus dixit ad Semei, vt malediceret Davidi. Cùm igitur vir sanguinum & nebulo improbus appellaretur, non acerbè tulit, sed seipsum humiliabat, tanquam iure sibi ea contumelia accideret. Omnino ista duo ex animo tuo dele: vt neq; teipsum magnæstimes, neq; hominem quenquam te admodum inferiorem esse dignitate putes. Ita enim nulla vnquam indignatio ob illatas ignominias oborietur. Graue quidem est, eum, de quo bene sis meritis, & à quo gratia debeatur, non solum gratiam nullam referre, sed in super etiam ignominia & contumelia laceffere: graue est inquam, verum auctori perniciosius quam pati-

ORATIO VIII.

patienti. Sine, maledicat ille, tu contra
conuicia facere noli: exercitatio ad animi
moderationem sint hæc verba. Si enim
non commoueris, vulnus nullum accipis:
quin etiam si commouetur animus, inte-
tamen ipse tristitiam cohibe. In me enim
inquit Propheta, turbatum est cor meum,
hoc est, non erupit foras affectus, sed tan-
quam fluctus aliquis intra littora refra-
ctus sopitus est, tranquilla mihi cor latrans
& fremens, fac reuerentur affectus ratio-
nis autoritatē, perinde ut immodesti pueri
viri grauis præsentiam. Quo pacto igitur
emergens ex ira damnum effugerimus,
si ante omnia iram coërcebimus, ne ratio-
nem præcurrat, dabimusq; operam in pri-
mis, ne vnquam à mentis iudicio abeat,
sed rationi, tanquam domitus equus fre-
no, obtemperet, neq; vsq; iam extra modum
& finem sibi constitutum prodeat, sed ra-
tionem quocunq; duxerit sequatur. Est e-
nim ad multa virtutis opera necessaria vis
illa animi, quæ irarum ardorem continet.
Cum videlicet instar militis, depositis a-
pud ducem armis, impigrè mandatas
erendi auxilij operas præstat, sociam quo-
se rationi, ne quid peccet, præbet. Estq; ve-
lut quidā neruus animæ indignatio, qua
ad

ad resistendum malis intenditur. Si quando enim animam voluptate eneruatam reperit, tanquam ferrum tinctura consolidatur, sic ipsa animum nimis dissolutum ac remissum, grauem fortemq; reddit. Nō enim potes satis magnum odium habere in improbum, nisi erratus ipse fueris. Oportere enim existimo eodem studio virtutem amare & peccata odisse, ad quam rē maximè utilis ira: quandoquidem velut canis pastori, sic ipsa rationi obtemperans, lenem & obsequentem se præbet suis commodis, facileq; consilio ac ratione in viam reuocatur. Vt enim canis audito vel viso peregrino exacerbatur, si verò familiaris & amicus aliquis inclamet, formidat: ita optimè & rectissimè viri sapientis anima à parte irascibili adiuuatur, si talem sese præbet, vt insidiatoribus sit implacabilis & hostis assiduus, neq; cum suo detrimento amicitiam suscipiat, sed insidiosam voluptatē, quasi lupum quendam latratu persequatur & continuò laniet. Huiusmodi equidem vtilitatem indignatio suppeditat his, qui rectè vti ea norunt: siquidem & alia potētia singula, vt ijs vsus fueris, ita vel prosunt vel nocent vtenti. Vt qui ea parte in qua irarum ardor existit, ad carnis
& for-

ORATIO VIII.

& foedarum voluptatum libidinem abutitur, odio dignus & intemperans habetur: qui verò ad Dei dilectionem æternorūq; bonorum cupiditatem eam conuertit, amore dignus est, & beatus. Rursum qui partem animæ rationalem rectè administrat, prudens est & intelligens: qui verò ad proximi detrimentum mentem acuit, improbè versutus est & maleficus. Non ergò debemus ea quæ nobis ad salutem conditoris munere concessa sunt, ad peccati occasionem transferre. Sic sanè ira quoq;, cum ita, vt decet, & quando decet, exardescit, fortitudinem, patientiam & moderationem importat. Cum verò modum rectæ rationis excedit, fit furor. Inde sanè Psalmus nos admonet: *Iraſcimini, & nolite peccare.* Et Dominus temere irascentem iudicij reum facit: verùm sic ira vti, vt medicamenti vice sit, non prohibet. Nam quod scriptum est, *a Ponam inimicitiam inter te & serpentem: item, b Odio habeto Madianitas:* verba sunt docentis, ira vtendum esse sicut armis. Quocirca Moyses omnium hominum mitissimus, idolatriam vindicaturus, manus Leuitarum in fratrum cædem armavit. Accingat, inquit vnusquisq; gladium super femur

femur suum, & transite à porta ad portam
& redite per castra, & occidat quisq; fra-
trem suum & propinquum. Et paulo post
additur: Dixit Moyses: Impleuistis ma-
nus vestras hodie Domino, vnusquisq;
pro filio suo & fratre suo, vt detur vobis
benedictio. Quæ verò res iustificauit Phi-
neas? Nonne iusta indignatio aduersus
fornicantes? Quanquã .n. alioqui vir fuit
æquus & lenis: tamen cùm videret forni-
cationem Zambri & Midianitidis ita pa-
lam & sine rubore fieri, vt ne turpitudinẽ
quidem tegerent, indignissimum facinus
sustinere non potuit, sed opportunè ira sua
vsus iusta, vtrũque confodit. Quid dicam
de Samuele, qui Agag Regem Amalek à
Saulo contra mandatum Dei in vita ser-
uatum, iusta commotus ira, in medium
produxit & occidit? Ita ira sæpè bonarum
actionum ministra est. Elias quoque zelo-
tes quadringentos & quinquaginta vates
turpitudinis, & vates lucrorum quadrin-
tos, qui de mensa Iesabel edebant, iusta sa-
pientiꝫ ira propter vtilitatẽ totius popu-
li Israël trucidauit. At tu irasceris fratri tuo
temere, cure enim non dicam temere, cùm
alius sitis qui ad iram incitat, & alius item
ille, cui tu succenses? imitarisq; in eo ca-
nes,

ORATIO VIII.

nes, qui lapides mordent, à iacente verb
abstinent. Qui iræ ardorem sustinet, mihi
rādus est: qui verò causam efficacem dat,
odio est dignus. Huc igitur iram conuerte,
nempe in homicidam istum, mendacij pa-
trem, peccati effectore. Fratris verò potius
miserere, quia si in peccato perseuerauerit,
vnà cum Diabolo proijcietur in ignem æ-
ternum. ¶ Vt autē nomina indignationis
& iræ diuersa sunt: ita res etiam quæ ijs si-
gnificantur, plurimùm inter se differunt.
Indignatio etenim siue ira est inflamma-
tio & ardor animi subitus: Iracundia verò
est ægritudo stabilis, & ad vlciscendū de-
linquentes durabilis, animo quasi cōcia-
to ad cupiditatem vindictæ. Sciendum est
igitur, homines utroq; affectu peccare, siue
cum furenter & inconsulto cōmouentur
aduersus eos à quibus prouocantur, siue
fraudulenter & insidiosè in eos irruunt, à
quib⁹ molestia sunt affecti. Quæ certè am-
bo cauere nos oportet. Quomodo autem
canebimus, ne iræ flammæ concipiamus
vbi non decet? Ita videlicet, si humilitatem
didiceris, quam Dominus in verbo præce-
pit, & re ipsa declarauit. Nunc enim ait:
Qui vult inter vos esse primus, sit postre-
mus omnium, nunc leni & æquabili animo

se percuti sinit. Nam cœli & terræ conditor
& Dominus, quem omnes spirituales &
corporeæ substantiæ adorât, quiq; omnia
fert verbo potentiæ suæ, non abiicit eum
vinum ad tartara, facto hiatu terræ ad ab-
sorbendum impium, sed amanter admo-
net & docet: Si malè sum locutus, testimo-
nium perhibe de malo: si verò bene, cur
mecædis? Si enim iuxta Dei mandatum
ultimus esse consueueris, nūquam excan-
desces, quasi immerito cõtumelia affectus
sis. Si tibi puer paruulus conuicia faciat, ri-
sueius maledicta diluis, eumq; miseratione
potius, quàm odio dignum putas, qui
mente motus præ phrenitide verba con-
tumeliosa dicit. Non itaq; verba sunt quæ
ægritudinem efficiunt, sed eius qui conui-
cia facit, contemptus, & sua cuiusque ima-
ginatio. Vtrumuis horū ex animo tuo sus-
tuleris, strepitus tibi vocem inanem fun-
dens videbitur, quicquid in hoc genere
obijcitur. Desine igitur irasci, & depone
indignationem, vt effugias eius iræ peri-
culum, quæ de cœlo reuelatur super omnē
impietatem & iniustitiam hominum. Si
neuellere ex animo radicem indignatio-
nis prudēti consilio poteris, multas pertur-
bationes, hoc demto principio sustuleris:

Q 2 quia

O T A T I O V I I I .

quia fraus, suspicio, infidelitas, inueterata
malitia, insidia, temeritas, & tota denique
horum malorum colluies, ex hoc viti
tanquam ex radice pullulat. Nō itaq; no-
bis ipsi accersamus tanta, mala, morborū
animæ, tenebras rationis, auulsionem
Deo, ignorationem familiaritatis, initium
belli, calamitatum abundantiam, Dæmo-
nem improbum, qui ingeneratus anima-
bus nostris, tanquam domesticus, impu-
dens, ea quæ intra nos sunt, occupat & Spi-
ritui sancto aditum intercludit. Vbi enim
sunt inimicitia, lites, indignationes, rixæ,
studia contentionum, quæ tumultus per-
petuos in animis pariunt, ibi spiritus leni-
tatis requiescere non potest. Obtemperan-
tes igitur ad monitioni sancti Pauli, *omne*
iram & indignationem clamoremq; cum
vniuersa malitia deponamus, simusq; in-
ter nos benigni & misericordes, expectan-
tes beatam spem, mitibus promissam.
Beati enim mites, quoniam terræ heredi-
tatem accipient in Christo IESU Domi-
no nostro, cui sit gloria & potentia vnà
cum aeterno ipsius patre, & sancto, bono
& viuifico vtriusque Spiritu, nunc &
in secula seculorum,

A M E N.

I N S I-

ORATIONIS VIII. 123
INSIGNIORVM QVO-
rundam locorum brevis ex-
plicatio.

Μιλία, concio ita temperata oratione, vs
cum populo conferri videatur, ἀπὸ τῶ ὁμι-
ν, quod est colloqui cum altero, seu conferre
sententias.

Οὕτω ἐπὶ τῶν : Ita spiritualium exhor-
tionum] Crux est πρᾶξις Christianorum
uberrima, per quam solam vim & dulcedinem
spiritualium consolationum sentimus & experi-
r. Nam tum demum intelligere incipimus
vi diuini efficacitatem, cum intempestatum vi
imitatumq; concursu illud ad vsum nostrum
transferimus, & vt ita dicam, in sanguinem &
cum nostrum conuertimus. Quare semper
Christiano, duce Dei verbo, comite verò cruce
tentatione opus est, sicut scriptum est: Qui
nō est tentatus, qualia scit? Item: Tantum
isq; scit, quantum experiendo didicit: vt Fran-
cum dixisse ferunt.

Qui irascitur temere] Hic discant Sta-
phi vsitatum argumentum refellere: Omnis
doctrina quæ congruit cum fundamento, aut
apertis scripture sanctæ dictis atq; testimo-
ijs, est approbanda.

EXPLICATIO

Stoicorum doctrina de affectibus ex natura tollendis congruit cum hoc Christi dicto: Qui irascitur fratri suo temerè, obnoxius est iudicio.

Ergo Stoicorum doctrina de affectibus est bona & amplectenda.

Respondeo: Nego Minorem: quia est fallacia à d. s. q. ad d. s. Nam filius Dei in hoc dicto eam tantum iram prohibet, quæ iniuste accenditur, non cogente vocatione: idq, addita vox εἰς ἡμᾶς disertè exprimit. Ordinatam iram seu νέμεσιν, quam ratio cuiusq, officij postulat, non damnat. Contra, Stoici furenter omnem iram ceterosq, affectus pariter viciosos esse, & ex natura extirpandos contendunt. Ex hac responsione & distinctione facile potest refutari altera obiectio, hoc modo:

Antilogia non sunt approbandæ.

In sacra Scriptura sunt antilogia.

Ergo quedam in sacra Scriptura non sunt approbanda.

Probatio Minoris: Dictum paulo ante citatum prohibet iram: sed alia extant scriptura dicta, quæ sanctos & Deum ipsum irasci affirmant.

Respondeo ad minorem: Nulla est in his contrarietas aut ἀντιλογία: quia non loquuntur de vna eademq, ira. Christi dictum damnat iram, quæ extra munus officij suscipitur. Cetera verò dicta

dicta de ordinata ira, quæ ad legem Dei congruit loquuntur.

Ipsam locum iræ damus] Iræ locum dare, est indulgere cupiditatibus vindictæ: vel ut appositè Theodoretus in octaua oratione de prouidentia inquit: Primam scintillam non opprimet, sed materia incendium alere & motu excitare.

Qui non in nobis] Manifestum quidem est, iram intus in corde accendi atque existere. Verum de obiecto externo loquitur Basilus, quo ira irritatur, perinde ut Herodotus etiam dixit in Polymnia: Probè nunc discite hoc, iram in hominum auribus habitare: qui benè audit, eius corpus voluptate perfunditur: qui verò malè, is exacerbatur. Ceterum est apud Galenum in 3 de placitis Hippocrat. disputatio, an irasci proprium sit animosæ facultati. Et respondet Galenus: Ob conuicia aut minas neq, irasci, neq, exardescere animosæ facultati proprium est, quæ cordi inhaeret: sed parere & obsequi rationi. Quod quidem intelligendum est de eo statu hominis, qui conueniens est naturæ. Etenim dum ea quæ in homine sunt, conuenienter administrantur, ratio quidem imperat, cor autem paret & obsecundat. Cicero quoq, in 4. Tuscul. disputat, iram non esse naturalem. An quicquam esse potest. inquit, secundum naturam, quod sit repugnante ratione?

EXPLICATIO

Si in quiete didicerimus] Quod de Poëtarum sententijs Aeschines contra Ctesiphontem dixit: Ideò pueri ediscimus Poëtarum sententias, vt viri facti ijs vtamur: id multò rectiùs de cœlestis scripturæ sententijs dici potest. Ideò enim legendum, audiendum & meditandum est verbum Dei in ocio, sicut hoc loco Basilus ait, vt irruente in nos tentatione, tanquam subitaprocella, in promptu habeamus Scripturæ sententias, quæ de voluntate Dei nos erudiant atq; confirmant. Colligenda igitur sunt ἐν ὁσμῇ, quam paraxysmo sunt necessaria.

Quàm conuenienter illud dicatur] Dicta scriptura omnia ad experientiam, sicut sagitta ad metam, directæ sunt. Quare tum demum veritas dictorum apparet, vbi experientie testimonium accedit.

Cum enim semel] Mira est vis ira, vbi præualuerit. Euertit enim naturam penitus, tanquam violentus tyrannus, & rationem, velut equus refractarius & contumax, vt Galeni vtar verbis, in sessorem excutit & precipitat, sitq; adeo quod in versu Virgiliano dicitur:

Fertur equis auriga, nec audit currus habenas.

Cum igitur semel effractis repagulis erumpit, nullo consilio, nullisq; monitis coërceri potest: sed furit & rationem, ceu nimbo quassante, rapit,

Pit, prosternit & aufert, & raptam secum somnia vana facit, ut in versiculus dicitur. Porro excussor rationis imperio homo brutescit, hoc est, omnes sensus humanos exuit, adeoque immutatur, ut non agnoscas eundem.

Mutos canes] Verba sunt in 56. capite Esaia: Etsi autem Propheta eo in loco de impijs doctoribus principaliter loquitur, qui doctrinae corruptelis, atrocibusque superiorum pariter & inferiorum delictis, metu offensionum & incommodorum priuatorum, conniunt, iniustoque silentio ea prateriunt atque obruunt: tamen apparet scriptiores Græcos in Ecclesia appellatione canum eos complecti & designare, qui insania, impudentia, atque immoderatione verborum nimium peccant, ut habet Apologia Pamphili pro Origine, quæ extat in 2. tomo Hieronymi. Paulus Philip. 3. iubet cauere canes, hoc est, impostores, qui audaces quidem sunt, & temerarij in lacescendo, sed parum fortes in dimicando. Cic. pro S. Roscio canes nominans accusatores intelligit.

Serpentes] Nomen serpentis in Scriptura sæpe occurrit. Estque serpens organum Diaboli, quo abusus est nefarie ad concipiendam & designandam fraudem inextinguibilem. Ita serpentes etiam appellari possunt omnes qui Diaboli instinctu ad nocendum instructi sunt atque parati. His

Quod

enim

EXPLICATIO

enim tanquam administris & instrumentis illi abutitur, ut animi sui libidinem expleat, & multis damnum exitiumq; afferat. Nec à natura serpentis hæc comparatio aliena est. Sunt enim serpentes, præsertim qui ἀχούτιχοι appellantur, adeo saui & truculenti, ut in obuios exerto prore-soq; corpore, velut iaculo insiliant, in sauciorumq; corpore aculeos relinquant: Non aliter ceriēnā in aduersarios inuolant, eosq; non ratione aut consilio, sed vi atq; impressione delere conantur.

Viperarum progenies] His coloribus Demosthenes Aristogitonem improbum ciuem depingit in priori oratione: Incedit per forum, inquit, ceu vipera seu scorpius, exerto aculeo, quem huc atq; illuc vibrat, & circumspēctat, cui malum machinetur.

Propter indignationem lingua effrenis] Quia ira furor quidam est, voces quoq; iratorum præcípites sunt, insanae, & ut Poeta ait, per iugulum reditura.

Insania quædam est] Quia ira mentem præcipitat, & de gradu, quod auiunt, deturbat, hominem prorsus insanum facit. Vbi enim non regnat ratio, ibi regnat furor. Galenus in libro de cognoscendis curandisq; animi morbis, ait irascentis impetum nihil differre ab insania & furore, idq; ex ijs quæ faciunt intelligere licere. Cicero in 4. Tuscul. Itaq; iratos propriè dicimus de potestate

potestate exisse, id est, de cōsilio, de ratione, de mēte: horum potestas in animum totum esse debet.

Palpitantes] Hæc palpitatio est immoderata cordis concussio & tremor, cum diastole seu dilatio eius nimis est vehemens, & arteria omnes vehementius pulsant: quod inde fit, quod in iratis cor partim tristitia percellitur, partim cupiditate vlciscendi aestuat.

Qui enim vindictæ cupiditatem] Hunc abitum furiosum iratorum Galenus describit quoque his verbis: Per iracundiam effervescent innotatus calor in corde, cuius ratione accidit, ut tota facies inflatur, uniuersum corpus rubescat incalascetque, & vehementer cor una cum animantis arterijs subsiliat. lib. 3. de placitis Hipp. & Platonis. Huc bellè quadrat descriptio iræ, quæ in libro primo Senecæ de ira extat: Flagrante & micante oculi, multos ore toto rubor, exaestuant ab imis præcordijs sanguine, labia quatiuntur, dentes comprimuntur, horrent & subriguntur capilli, spiritus coactus ac stridens, articulorum se ipsos torquentium sonus, gemitus mugitusque, & parum explanatis vocibus sermo præruptus, & complosæ sæpius manus, & pulsata humus pedibus, & totum concitum corpus, magnasque iræ minas agens, fœda visu & horrenda facies deprauantium se atque intumescantium. Nescias utrum magis detestabile viciū sit, an deforme.

Facies

EXPLICATIO

Facies liuida & suffusa sanguine] Colorum diuersitatem motus cordis dissimiles efficiunt. Nam tristitia pallorem gignit, vindicta cupiditas & ardor sanguinem inflammant. Hinc rectè dixit Ouidius:

*Oratument ira, nigrescunt sanguine venæ.
Et Cicero 3. Tuscul. Ex Homero:*

*Corq; meum penitus turgescit tristibus iris.
Non solum autem calescunt sanguis & spiritus
per iram, sed mirè etiam distenduntur & effunduntur,
Galeno teste 5. de Symptomatum causis.
Et hæc est causa, cur iratorum facies liuida appareat & ignea.*

Sermo confusaneus] Causa confusionis huius spirituum est conturbatio, quam sequitur confusio sensuum & actionum animalium.

Præmium iræ] Cicero Tuscul. 4. Alexander Rex cum per iram interemisset Clitum familiarem suum, vix à se manus abstinuit, tanta vis fuit pœnitendi.

Doloris sensus non percipitur] Causa est vehemens spirituum conturbatio in cerebro, seu principio nervorum sensitiuorum. Vt enim leprosi & epileptici, etiamsi vtantur aut secernantur in paroxysmo, tamen dolorem non sentiunt: quia impeditur animalis spiritus, quo minus deferatur

feratur in corpus, ut Galenus ait 3. de locis affecti: ita in aestu iracundia princeps animae potentia impeditur, ne vim sentiendi per nervos in corpus transmittat & diffundat. Quia igitur spiritus animalis in parte cognoscente impeditur, intercipitur etiā sensus, qui per nervos in corpus defertur. Accedit quoque, quod spiritus copiose ad cor, tanquam ad fontem recurrunt, ut ei opitulentur: unde minus spirituum in membra externa dispergi necesse est. Illud fortē miretur quispiam quo pacto fieri possit, ut, cum sensus in iratis diminuatur, non simul etiam labefactetur motus, quem tamen validiorem in illis esse cernimus, praesertim cum idem sensus & motus sit principium, eadem instrumenta, & ut Galenus in primo de locis affectis ait, ad motum maior requiratur vis animalis quam ad sensum. Citiùs igitur motum quam sensum deperdi & minui debere, verisimile videtur. Vesalius lib. 4. cap. 14. de fabrica corporis humani, rejicit Galeni sententiam, tanquam ridiculam, qui ad hanc quæstionem respondet, quosdam nervorum surculos motui tantum, alios autem sensui praesse. Contenti igitur sumus hac Vesali sententia, quod sensus illa so motu aliquando minui possit, aut aboleri, aliquando autem servato sensu corrumpi possit motus. Idem enim ex consideratione seriei nervorum & musculorum natura, manifestum

EXPLICATIO

festam esse ille affirmat. Verum de hac priuatione sensus doloris illud Cicer. in 3. Tuscul. reneatur: Illud nihil dolere, non sine magna mercede contingit immanitatis in animo, stuporis in corpore.

Ne igitur malæ collectæ] Sensus est: Ne vindices id malum quod velut collatis in conuiuio symbolis congestum est. Hortatur enim, ne ceneamus conuicijs cum aduersario. Dulcis est apud Herodotum in Polymnia vox Gelonis, atq; animis infigenda: Probra homini obiecta solent iram accendere: tu verò etsi contumelia me in sermone affecisti, non tamen persuadebis, vt indecora faciam compensando conuicia. ἐγγύθη, collecta, id est cœna collatitia. Cicer. 2. de Orat. Quinetiam collectam à conuiuia Crasse exigis. Item collatio 12. ad Attic.

Mali debiti] Sensus est: Noli tu vlcisci, aut in te deriuare ea mala, quæ cum graui fœnore tibi sunt dependenda atq; exoluenda.

Velut speculum] Vt speculum representat astantium atq; induentium formas, ita qui irato vicissim irascitur, refert eius in se imaginem.

Conuicium cum fœnore redit] Quem admodum ex parua scintilla sæpè ingens excitatur incendium, ita vnum conuicium plerunq; parit infinita. Qui igitur conuicium seminat, merito

merito conuicia metit, & quidem multo copiosius, quàm seminauit. Nam secunda mater est conuicium, procreans ex se immensam sobolem.

Quocirca ab initio statim] *προφυλακτικὸν* incendij ira valde efficax & vtile est primam scintillam mox restinguere, & secundum Poetam, principijs obstaré. Id quod dictum etiam monet: *Ἀρχὴν δ' ἰατρᾶν πολὺ λῶϊον ἢ ἐτελευτήν*: Initium sanare multò melius est, quàm finem. Præter cetera verò admodum conueniens est huic loco Theodori admonitio, quæ extat in octaua eius oratione de prouidentia: *ὁ λογισμὸς παρὰ τὴν φύσιν τὸν σφιντῆρα μὴ κατὰ σβέσας μέγιστην ὑπεροντὶς πυρρῆς νομῆν οὐκ ἐπὶ ἰσχυρὲ σβέσαι*: Qui primam scintillam non opprimit, sed incendium materia alit, & motu excidat, is postea rogi inflammatum & ardentem extinguere nulla ratione potest.

Conuicia fecit] De conuicijs, quatenus ferenda, & quatenus resutanda sint, prelixior est disputatio. Hic tantum de mansuetudine loquitur Basilii, quæ veras offensiones condonat, dissimulat & misceat. 1. Quia humanitas & vtilius est cedere conuicijs, quàm certare. 2. Qui nō necesse habemus omnia pro nostro iure agere, secundum Mutionem Terentianum. 3. Propter exempla laudatissimorum virorum. Alexander cum audisset
quen-

EXPLICATIO

quendam conuicium grande facientem dixit:
 βασιλικὸν ἔστι τὸν εὖ ποιοῦντα κακῶς
 ἀκούειν: Regium est bene agentem male audire.
 4. Quia laudabilius est & generosius, audire
 conuicia, quam dicere, sicut praeclare à Cypriano
 dictum est: Non cui maledicitur, miser est, sed
 qui maledicit. Mollis est animi & impotentis,
 facile se conuicijs expugnari pati. Et in Phile-
 monis versuulis dicitur: Conuiciatorem proprijs
 conuicijs obrui, si is cui conuicia fiunt nullum do-
 lorem praeseferat. At reclamare illud videtur,
 quòd plurimorum est tritum sermone. famam
 negligere, esse hominis prorsus dissoluti. Hic tenen-
 da est iuris regula: Conuitia enormia, quae quis
 calore iracundiae inductus facit, non prius vindi-
 cari debere quam cum apparuerit eū reuera ita
 sensisse, in eaq. sententia perseuere, cum .n. ira-
 cundia mentis quaedam sit alienatio: rata non
 prius esse possunt iratorum verba, quam si, postea
 quam sese collegerint, in sententia permaneant,
 ut docet Regula 48. tituli de regulis iuris.

Explorari te existima] Conuicia, contu-
 meliae, iniuria, sunt exploratio nostrae patientiae,
 num obedire Deo, eiq. vindictam committere, an
 verò contra Dei mandatum Diaboli ductum
 & auspicia sequi velimus, & nosmetipsos vin-
 dicare.

Male-

Maledici.] Querat aliquis, cur conuicium regnum Dei occludat, cum plerorumq; opinione & sermone mirifice extenuetur? Sed responsio est facilis. Primò enim conuicium est peccatum contra octauum preceptum Decalogi. 2. Est ex patre Diabolo, qui etiam conuiciator est. 3. Conuiciator indulget concupiscentijs carnis contra legem Dei. 4. Turbat pacem, & efficit horribiles distractiones. 5. Opprimit & interficit innocentes. 6. Vastat vrbes. Siracides cap. 28. Qui igitur conuicia facit aut maledicit, excutit Spiritum sanctum, effundit gratiam, amittit fidem, & accersit sibi iram Dei & aeternas pœnas.

Dum stat.] Ita Græca habet translatio. Sed in Hebræo ita legitur: Quando impius est in conspectu meo, vel coram me, quod sequitur, Silui à bonis: hunc habet sensum, vt Dominus Lutherus reddit: Obluiscor letitia. Nam dum impius coram mihi conuicia facit & insultat, recedit à me omnis voluptatis sensus.

Immo iustiore adhuc] Duabus de causis deterior est is, qui irati maledicis laceffitus vicissim per iram maledicit. Prior est, quia irritans non habet exemplum quod intueri possit, indeq; ad moderationem flecti: irritatus verò viuam irati effigiem coram cernit, nec tamen horribili deformitate deterretur. Secunda, quia irritatus in

E X P L I C A T I O

se deriuat omnem culpam irritantis, quod ei non cedit potius quàm reluctatur.

Si verò mentitur] Salomon Prouerb. 26. eleganti similitudine hunc locum illustrat: Quemadmodum, inquit, auis fugit, & hirundo auolat: ita maledictum falsum non adherescit. Comparat falsam calumniam volatui auis, quae celeriter transit, & è conspectu euanescit, nec vestigium vllum imprimit, vel post se relinquit. Quem enim culpa non arguit, eum verba non offendunt: quia verba sine re, sunt inanis tantum sonus, qui animum neque penetrare, neque mouere debet. Praclarè AEschines in oratione de falsa allegatione ait: Falsum probum ultra aures non penetrat: τὸ ψευδὲς ὀνειδος οὐ περὶ τῶν ὀφθῶν ἀφικνέται. Titus Vespasiani filius, cum audisset quosdam sibi maledixisse, respondit: Ego dum nihil faciam dignum, propter quod contumelia afficiar, mendacia nihil curo. Pericles conuicia adeo contempsit, ut vesperi cum Iychno eum deduci iusserit, à quo totum diem conuiuij proficissus erat.

Nonne des sagittas] Vt sagittae in corpore duro figuntur, in molliori verò eliduntur: ita quod acrius maledico firmitus, resistis eò firmitus impacta conuicia adherescunt, & animo altius insident. Est igitur utraque manu, vel potius toto pectore amplectenda humanissima Valerij senten-

ria : Speciosius iniuria beneficijs vincuntur, quam mutui odij pertinacia pensantur.

Nisi tibi ipse accommodaueris] Iniuria, conuicia, contumelia, tantum valent, quanti is qui patitur, aestimat.

Paratus sum, & non sum turbatus] Verba sunt ex Psal. 119. ex octonario octauo, pro quibus textus Hebraeus habet: Festinaui, & non moram feci, loquiturq; Propheta in eo loco de animi alacritate & promptitudine ad amplectendum verbum Dei. Non est igitur obscurum Græcorum interpretum σφάλμα: Sape. n. bonus dormit ait Hom.

In Deum transferens causam] Hic iunioribus explicandum est argumentum quod obijci poterat: David transtulit causam conuiciorum Semei in Deum. David iuste egit: Ergo iuste causa malorum transfertur in Deum. Respondeo ad Maiorem per distinctionem malorum: Aliud. n. est malum culpæ, aliud pænæ. Loquitur autem maior de malo tantum pænæ. Loquitur autem maior de malo tantum pænæ: quia David agnoscit, se iuste à Deo puniri propter peccata.

Aliud: Quæ Deus iubet, impunè fiunt. Deus iussit Semei maledicere Davidi Regi: Ergo Semei impunè maledixit suo Magistratui. Respondeo ad Maiorem per distinctionem, scilicet, si bona sint. Nam hanc regulam dicat verbum Dei, ut omnes sententias, quæ malas dictiones Deo

EXPLICATIO

attribuere videntur, permissiue semper intelligamus. Cum igitur hac actio Semei mala fuerit, non aliter quam de permissione diuina intelligi debet: sicut alia facinora permitti à Deo videmus, etiamsi ea nec approbet, neque velit. Hanc interpretationem veram esse, ipsum verbum Dei confirmat. Nam sequens narratio. 3. Regum 2 indicat, Semei propter has execrationes capitis supplicio affectum esse. Sic enim ait Rex Salomon ad Semei: Tu nosti omne malum, quod feci tuium, & quod fecisti Dauidi patri meo, reddam Dominus malum tuum in caput tuum. Ita 1. Reg. 22. Dominus dedit mendacem spiritum in os omnium istorum Prophetarum, quod simplicissimum de permissione diuina quoque intelligi debet.

Vir sanguinum] Id est, reus sanguinis. Nam sanguis plurali numero saepe poenam seu reum significat. Exodi 22. Si in professione deprehensus fuerit fur, & percussus mortuus fuerit, ne illi sanguines erunt: id est, non erit reus sanguinis.

Animi moderationem] Philosophia animi moderatio vocatur ab effectu, quod ad mansuetudinem & modestiam animos traducit.

Cor latrans] Homerus Odys. 5. ait, Iram latrasse in corde Ulysses, cum secum ipse disputaret, utrum mox impetu facto ignauum genus procorum vlcisci vellet, an verò expectare tempus opportunius.

Ἰσθι κύων ἀμαλῆσι τοῖς σκυλάκεσσι βέλῶσα:

*Utiq; canis catulos paruos sua pignora seruans:
Ignoto oblatrat, quicumq; accesserit, atq;
Vim facit, & morſu cunctis pugnaciter obſtat:
Sic indignati cor oblatrabat. —*

*Citat quoq; Galenus in 3. de placitis Hippocratis
& Platonis.*

Est enim ad multa] Ira quæ est impetus animi vehemētior ad honestas actiones & aduersus hostem, vel homines improbos laude digna & necessaria est. Quæ primūm cos est fortitudinis, quam oportet ira excandescere. 2. Omne imperium cum aliqua acerbitate iracundiæ gubernandum est. 3. Oratori non solūm ad accusandum, sed etiam ad defendendum necessarij sunt aculei, vt auditoris iram oratoris incendat actio. Postremò vir videri nequit, qui irasci nesciat. Plato 2. de Repub. An verò fortis erit & audax, qui iracundus non sit? An non animaduertisti inexpugnabile inuictamq; iram? quæ præſente anima omnis interpida est ad omnia, & inuicta. Valens Imperator dicere solitus fuit: Qui ab ira facile demouetur, etiam à iusticia facile dimouetur.

Iraſcemini & nolite] Quæ scriptura precipit sunt bona. Scriptura precipit iram. Ergo ira

EXPLICATIO


est bona. Respondeo ad Minore: Vox Psalmi, Irascimini, non est imperantis, sed permittentis, & quasi conniuentis infirmitati hominum. Monet enim, ut, si more carnis eueniat, ut iniurijs & furore hostium animus commoueatur, ita iracundiam reprimamus & moderemur, ne Deum offendamus: quod fit, dum vel vindictæ cupiditati indulgemus, vel inconcessa præsidia querimus, vel contra Deum fremimus. Basilus verò noster de ira bona interpretari videtur, quæ modum seruat, & actiones bonas iuuat.

Vates turpitudinis] In Hebræo est, Prophetas Baal, pro quo Græcus reddit, Prophetas αἰσχυρὸς. Significat autem Baal, dominum, quia fuit gentium Dominus, deducta q̃, est haud dubiè appellatio idoli à Belo, qui à filio suo Nino post mortem instar numinis coli cœptus est, ut alibi copiosius dicitur.

Cùm alius sit is] Disertè distinguit Basilus subiectum iræ, hoc est, eum qui iram sustinet, à causa efficiente, hoc est, ab illo qui ad iram concitat, videlicet Diabolo: ac irascentem vocat ἐπεργόμενον, id est, eum qui operationem Diaboli recipit ac sustinet: Diabolum verò ipsum vocat ἐπεργόντα καὶ ἐργάτην, id est, operantem seu effectorem: ut nimirum atrocitatem & magnitudinem huius mali quàm maximè decla-

declaret. Est igitur homo iratus Diaboli in quod effundit hostis ille suum venenum mendaciorum, conuiciorum & iniuriarum, ut ab irato euomantur, aspergantur & inurantur alijs hominibus. Quod igitur homine irato calamitosius? quid miserabilibus? utpote cuius cordi & ori Diabolus infidet, & spurcissima mendacia, plaustraq; conuiciorum euomit & iaculatur.

Contentus & sua cuiusq; imaginatio] Duos recitat quasi fontes doloris & indignationis, quæ ex aliorum calumnijs atq; conuicijs oritur. Prior est despicatio, vel superbia nostra aduersus alios. Nam aduersus illos facilimè omnium exardescimus, quos indigniores esse putamus multò, quàm ut ab ijs ludificari velimus. Alter fons est *ῥατὰ σία*, quæ peruerso iudicio opinionisq; errore fingit sibi iniuriam aliquam fieri ab irato & maledico.



R 4

Ora-

Oratio IX.

DE STATV ECCLESIAE & religionis in Aethiopia sub pretio- so Ioanne.

PARS est historiarum utilis imprimis & necessaria, circumspicere & nosse sedem Ecclesiae Dei in terris, ubi sonet vox doctrinae coelestis, & qua mente, pietate, religione, ritu, ceremonijsq; solennibus Deus colatur. Ita enim legendae sunt historiae, ut praecipua cura complectamur & intueamur cultum Dei in Ecclesia, posteriore loco disciplinae, iustitiae, fortitudinis, modestiae, & aliarum virtutum exempla in politijs percipiamus. Ita ergo duae existunt partes in historiarum lectione spectandae, quarum una pietatem erga Deum, altera iustitiam erga nos ipsos & alios comprehendit.

Ac de iusticia quidem politica extant narrationes copiosae, concionesque disertae in historijs Graecis & Latinis, unde monumenta rerum, temporum, locorum & hominum in florentissimis orbis terrarum partibus cognosci possunt. At de Ecclesia & religione quam pauca historijs mandata sunt? Etenim quae in historia biblica com-

commemorantur de sanctis Patriarchis
 Ducibus, Sacerdotibus, Regib. Prophetis,
 & denique ipsis etiam Apostolis, ita con-
 tracta sunt in angustūq; deducta, vt non
 nisi ad Palæstinā quæ exiguis admodum
 finibus circumscripta fuit, pertinere vide-
 antur. Nisi quòd de finitimis Ægyptijs,
 Syris, Assyrijs, Græcis, & de Romanis pau-
 cula aspergantur. Reliqui autem Ecclesi-
 asticarum rerum Scriptores an non iisdem
 ferè terminis descriptiones suas defi-
 niunt?

Iam verò dubium non est, Ecclesiam
 multò latius patere, gratiamq; diuinam
 ad omnes gentes in singulis orbis terræ
 partibus & angulis spectare. Asseuerat e-
 nim firmissimè vox cœlestis vsque ad fi-
 nes terræ regnum Christi diffusum & di-
 latatum iri. Amplius igitur spectare & ad
 omnes mundi plagas contueri necesse est:
 vt tam fusè lateque dispersæ doctrinæ de
 Deo vestigia cognoscamus. Nam & in o-
 mnes partes nos circumferre oculos Esai-
 as iubet, & ad fratres, qui passim easdem
 nobiscum afflictiones in mundo susti-
 nent, respiciendum esse, Diuus Petrus mo-
 net: vt non tam doctrinæ quàm patientiæ
 documenta ab ijs capiamus.

ORATIO IX.

Cùm itaq; tanti referat statum Eccle-
 siæ toto orbe terrarum vagantis explora-
 tum habere: magnus profectò cumulus
 ad cætera Dei beneficia in hoc extremo
 tempore accessit, quando tot florentia
 regna, exteræ nationes, ignotæ Insulæ,
 procul dissitæ oræ partesque terrarum pa-
 tefactæ sunt: vt beatum hoc nomine
 prædicare seculum nostrum iure omni
 conueniat, quo tam multa de distantium
 tanto interuallo populorum religione &
 moribus, fama & auditione accipimus.
 Quod sanè cùm consideramus paulò at-
 tentiùs, aliter existimare non possumus,
 quàm esse hanc vltimam scintillam, qua
 deflagrante interitura sit mundi machi-
 na. Quò magis ergo flamma illa hætenus
 micuit, & nunc ad interitum ruit: eò pro-
 piùs etiam à fine suo abesse mundum con-
 ijcimus. Nondum vnius seculi ætas exa-
 cta est, cum fama de Æthiopum religio-
 ne ad aures nostras primùm peruenit.
 Quæ quia in multis partibus cum Chri-
 stiana consentit & speciem pietatis hone-
 stam haber: cognitione nostra dignissima
 est habenda. De hac igitur quantum ora-
 tionis institutæ modus expostulat, expli-
 care aggrediar: vt & vbi & qualis sit, qui-
 bus.

busque initijs cœperit Æthiopica Christianorum Ecclesia constare possit.

Sita est Æthiopia hæc in Africa ad Meridiem, ex quo etiam Meridionalis appellatur, in Zona torrida, tropica Cancrī, & æquinoctiali circulo interclusa: quamvis magnam partem ipsum æquinoctialem versus Capricorni tropicum transcendat. Æstas ibi gemina est in animo, & ferme perpetua: ut vno corpore in alijs agris fiat sementis, in alijs verò messis. Alicubi singulis mensibus nouæ fruges, legumina præsertim seruntur. Homines Solis ardore aduruntur, ut nigrescant & nudi incedant. Nisi quod gossypio vel serico pudenda contegunt nonnulli. Ampla est valde, & regna ferme 40. cōplectitur, ut ppe Europā, vel totum orbem Christianorum magnitudine sua æquet. Initio quidem non amplius duo regna continuit. At progredientibus ætatibus, adiectis vicinis regnis, mirè aucta & ampliata est. Nam ex omni parte infidelibus Ethnicis & Mahumetanis Christianæ religionis hostibus est septa cum quibus bella assidua gerit, & omne studium curamq; ad hanc operam Christianus Æthiopiæ Rex conuertit, ut quàm plurimos

ab

ORATIO IX.

ab idolomania Ethnica ad Christianam fidem traducat. Ferunt tam acerbum et immane quorundam vicinorum Æthiopum in hos Christianos odium, ut nulli uxorem ducere liceat, nisi iusiurandum dederit, se duodecim Christianos occidisse.

Rex Æthiopiæ nominatur non Presbyter, ut quorundam fert opinio, sed preciosus Ioannes. Nam Æthiopica lingua Ioannes Belul, quod est preciosus seu alius, dicitur: ut pene cum Principum nostrorum titulis congruat, qui illustres & excelsi vocantur, ut euectos & elatos super alios mortales esse intelligamus. Estque hoc commune nomen omnib. Æthiopiæ Regibus: quemadmodum Egyptiacis Regibus Phrao, siue Baro, ut nos dicimus: Romanis Imperatoribus Augustus, hoc est $\sigma\epsilon\beta\alpha\varsigma\omicron\upsilon\pi$ seu reuerendus. Nec Sacerdos est professione hic preciosus Ioannes, sed politicus magistratus, nec tam religione & legibus armatus, quam armis decoratus Imperator.

Columnam tamen fidei se ipse vocat, idcirco quia custos est fidei Christianæ, & non solum potestati ditionique suæ subiectos populos ad fidei Christianæ professionem

sessionem adhibet, sed etiam hostes vi & armis ad eam suscipiendam, quo ad eius fieri potest, adigit.

Olim à Regina duntaxat gubernata Æthiopia fuit. Ex quo in historia veteris Testamenti legimus venisse ad Salomonē Regem, Austri Reginam de Sabba, audiendi causa admirandā eius sapientiam, circiter annum mundi 2954. Nomen Reginae huic fuit Maqueda, quæ per mare rubrum & Ægyptū venit Hierosolymam, ex regia vrbe Æthiopiae, Saba, quæ Nilo velut Insula vndique alluitur. Attulitque ad Salomonem talenta auri centum & viginti, quæ efficiunt septies centena millia & viginti millia aureorum Vngaricorum, vel tonnas auri septem, & insuper viginti millia Vngaricorum. Tanta summa auri cum alijs preciosis rebus Salomonem donauit, & ab eo vicissim muneribus amplissimis affecta est. Certauit etiam cum Rege illo propositis quæstionibus & ænigmatibus acutè sapienterque excogitatis.

Credunt Æthiopiae Reges ex Davidis stirpe & Salomonis familia sese procreatos esse. Idcirco se filios Davidis & Salomonis atque adeo sanctorum Patriarcharum appellare solent, quod eorum fatu
om

ORATIO IX.

orti sint. Nam ex Salomone filium suscepisse narrant Maquedam illam, quem Meilech nominarunt, posterius verò Davidem fuisse dictum aiunt. Is (ut ipsorum habet traditio) cum annum ætatis vigesimum attigisset, ad Salomonem patrem & præceptorem à matre remissus est, ut doctrina & sapientia utili ac salutari ab eo instrueretur. Quod simul ac assecutus fuit Meilech seu David, concessu Salomonis sacerdotes & comites nobiles multos de singulis duodecim tribubus sibi adiunxit, & in regnum Æthiopiæ reuersus, gubernationem eius suscepit. Ac una etiam legem Domini circumcisionemque eodem importauit.

Hæc primordia fuere religionis Iudæicæ in Æthiopia, & aiunt in hodiernum usque diem ad aulica ministeria & canonicatus nullos admitti, nisi de stirpibus ex Iudæa adductis oriundos. Ab his igitur propagata est doctrina de Deo in Æthiopia, & radices egit, ut ad omnes ætates consequenter permanarit. Nam & libros Propheticos retinuerunt Æthiopes & Hierosolymam adorandi causa verum Deum patefactum in regno Israël profecti sunt. Quod ex historia Eunuchi, cui

In-

Indich nomen fuit, Cantacis Regina, quæ
 Iudith proprio nomine dicta est, præfecti in-
 telligi potest. Is. n. circa annum à morte &
 resurrectione Iesu Christi decimum, Hie-
 rosolymam ducentorum & quadraginta
 miliarium itinere accessit. Cumque ibi
 officium & cultum Deo debitum tribu-
 isset, & iam domum rediret, in curru se-
 dens Prophetam Esaïam legir. Itaque ad
 eum diuino mandato missus fuit Philip-
 pus, Christi discipulus. Et cum processis-
 sent ambo ad urbem Bethzur, tribus mil-
 liaribus ab Hierosolymis : ibi in radice
 montis fontem conspexit Eunuchus, cu-
 ius aquis à Philippo baptisatus est. Reuer-
 sus verò in Æthiopiam Eunuchus bap-
 tisaui Reginam & magnam familiæ regiæ
 & populi partē. Ex quo Christiani cœpe-
 runt esse Æthiopes, fidemq; Christianam
 omni sequenti tempore professi sunt. Cre-
 dunt etiam à Philippo Æthiopiam mis-
 sum esse discipulum quem Lycanon ap-
 pellant, eumq; religionis Christianæ cul-
 tum vsumque omnem in Æthiopia con-
 stituisse arbitrantur.

Iam hisce primordijs Iudaicæ pariter
 & Christianæ religionis apud Æthiopes
 cognitis : de ipsa religione sine doctri-

O R A T I O I X.

na Ceremonijs & ritibus in Ecclesia Æthiopica vſitatis, quantū nobis ex legationib. vltro citroq; miſſis conſtat, explicandū eſt. Nihil autem neq; de religione, neq; de morib. inſtitutisq; horū Æthiopū monumentis & literis vſpiam mandatum eſt. Vt mirum ſit, adeo clauſam fuiſſe Æthiopiam, vt ne fama quidem ad noſ tot ſeculorum ætatibus emanarit. Donec ad Eugenium pontificem Romanum circa annum à Chriſto nato 1440. legati ex Æthiopia vſque miſſi literas Papæ cum benedictionis pontificiæ ordine ac poteſtate ad Regem ſuum retulerunt. Reliquæ ſunt iſtæ literæ in aula Æthiopici Regis, & cuſtodiantur ſanctè in grammatophylacio, vt ſempiternæ hominum memoriæ ſint commendatiſſimæ.

Ab hoc rurſum tempore tanquam clauſa eſſet Æthiopia noſtris hominibus, nemo neq; de Europæis ad Æthiopes in Africam, neque inde viciffim ad nos quiſquam cōmēauit, vſque ad annum Chriſti 1486. quo Luſitanorū Rex Ioannes ſecundus, Ioannem Petrum Luſitanum, cum alio quopiam Alphonſo, itineris comite ad explorandam Æthiopiam miſit. Fuit ille Petrus linguarum multarum peritus

itus, doctus, facundus, industrius, laboris
patiens, felix: & homines terrasque nouas
inquirendi percupidus. Missus igitur à Re-
ge Lusitaniæ, anno eo, quem dixi, mercato-
ris habitu, primùm per mare in Ægyptum,
inde ad mare rubrum, post pedestri in iti-
nere per Æthiopiam ad preciosum Ioan-
nem peruenit. Cui cum literas à Rege suo
cum tabula Cosmographica, quam map-
pam mundi vocant, reddidisset, perbeni-
gnè ab eo acceptus est, & muneribus affe-
ctus quamplurimis. Etsi autem reditum ad
suos seriò expetiuit, impetrare tamen haud
potuit: sed opibus, honore & vxore nobili
auctus est: vt desiderium patriæ & suorum
deponeret. Quamobrem inuentus fuit in
aula preciosi Ioannis ab oratoribus Lusi-
tanis, & relictus etiam ibi anno 1526.

Interea verò nonnulli de Lusitanis ex
India in aulam Æthiopicam, non tam sa-
lutandi quàm animi beneuolentiam Re-
gis Lusitaniæ nomine declarandi causa
venerunt. Vtergo suum vicissim in Regem
Lusitaniæ voluntatē ac studium ostende-
ret Helena, quæ tunc regnum admini-
strabat: misit vna cum Lusitanis illis ora-
torem suum, Matthæum, mercatorem, na-
S tione

ORATIO IX.

tione Armenium, qui linguarum rerumque plurimarum gnarus erat. Hunc non solum literis ad legationem necessarijs instruxit, sed ut coram etiam regi Lusitanie capita doctrinae seu fidei, morum, & totius Ecclesiae Aethiopicae statum explicaret, mandavit. Dono praeterea misit crucem ex frustro ligni illius factum, in quo Christus patiens & moriens pependit. Aliaque amoris & necessitudinis mutuae vereque Christianae documenta plurima addidit. Dimissus hoc modo Matthaeus cum Lusitanorum navibus, in Portugalam venit, anno Christi 1513. quaeque in mandatis habuit, Regi Immanueli exposuit.

Rex autem legatione ista, donisque ex Aethiopia usque ad se missis mirifice delectatus, non multo post legationem novam misit, cum literis & muneribus amplissimis: in qua praeter caetera excelluit pietas & virtus Francisci Aluaresi. Lusitanici sacerdotis. Is enim totos annos sex in Aethiopica aula commoratus, rem omnem probe percepit, atque cognovit. Nec solum cum Rege ipso, sed etiam cum Patriarcha de ordine Ecclesiastico, & tota religione crebros & familiares sermones habuit: tum singulorum etiam rituum inspector &

& explorator diligens extitit. Dimissus autem à preciso Ioanne , anno Christi 1526. alium legatum Aethiopicum secum in Lusitaniam ad Regem adduxit: & literas quoque ad Pontificem Romanum, Clementem septimum cum cruce & auro vnius pondo facta attulit. Apparet legatum istum preciosi Ioannis virum fuisse probum , integrum & pium, qui in Lusitania ad annum vsque Christi 1529. propter assiduos bellorum motus, detentus est.

Literæ autem preciosi Ioannis redditæ sunt Pontifici à Francisco Aluareso, Bononiæ , anno Christi 1533. Vbi præsentè Carolo V. Imperatore Romano frequentissimo theatro & plausu magno lectæ atque comprobatæ sunt. Vtræque verò literæ tam ad Pontificem, quàm ad Immanuem Regem scriptæ, pietatis Christianæ & officij plenæ erant: quibus primùm quidem Imperator ille potentissimus, Pontifici Romano fallaci tamen iudicio tanquam capiti Ecclesiæ cum reuerentia & obseruatiâ summa sese subiiciebat, debitâ obedientiâ illi, more aliorum Regum Christianorum, per Franciscum illum, policens. Deinde beneuolentiæ, charitatis & necessitudinis

O R A T I O I X.

dinis veræ officia ad vtrumque deferere
 consuetudinem & amicitiam cum illis iun-
 gere cogitans, regnumq; suum patere Chri-
 stianis omnibus ostendens, vt vltro citroq;
 nauigare tutò possint. Non obscurè etiam
 detestabatur Christianorum mutua *dissi-*
dia, & societatem belli aduersus Mahume-
 tanos hortabatur, suam fidem, operam &
 studium ardentissimum ad oppugnandos
 Christi hostes, ad fidemq; Christianam
 conuertendos promittens. Postremò viros
 eruditos, sacrarum literarum peritos, indu-
 strios typographos, & in omni genere arti-
 fices sibi mitti petebat, quorum operam
 ad ornandam Ecclesiam & politiam suam
 posset. Non se inuitum quenquam in suo
 regno retenturum ostendebat, sed auctos
 honore, præmijs & mercede liberaliter sin-
 gulos esse in patriam dimissurum. Vt de-
 nique monumento clarissimo suam in Re-
 gem Portugaliæ pietatē & fidem testare-
 tur coronam illi capitis sui, vt filius charissi-
 mo suo patri solet, misit.

Hac ergo Lusitanorum solertia & admi-
 rabili industria patefacta Christianis Æthi-
 opia pernosci à nobis nuper admodum cœ-
 pit, nec fere quicquam est tam reconditum
 aut abstrusum in Æthiopum religione.
 quod

quod non à Francisco Aluareſo perueſtigatum ſit, vel à legato Æthiopico plena manu expoſitum atque declaratum. His igitur autoribus vniuerſa commemoratio noſtra religionis Æthiopicæ nititur, & tanquam riuiulus ex eorum fonte profluet.

Caput religionis Æthiopicæ eſt profeſſio veri Dei, & filij eius Ieſu Chriſti, quæ Chriſtianorum eſt peculiaris & propria, ex qua omnia Chriſtiani nominantur. In hoc capite pura, integra & natiua eſt Æthiopum fides: utpote qui nobiſcum confitentur & adorant vnum Deum, & tres perſonas Diuinitatis, Deum Patrem, Deum Filium ex patre ab æterno genitum, pro nobis incarnatum, mortuum & reſuſcitatum: & Deum ſpiritum ſanctum à patre & filio procedentem. In hoc articulo fere ſacroſanctum ſymbolum Apoſtolicum & Nicenum ſequuntur. Niſi quòd deſcendiſſe Chriſtum ad inferos aiunt pro anima Adami, atque etiam pro ſua ipſius anima, quam ex matre Maria virgine acceperit. Hanc enim opinionem penitus inſitam habent, quam conſtare ex antiquiſſima traditione Apoſtolorum ab ipſo Chriſto accepta perhibent.

ORATIO IX.

Vetus Testamentum cum nouo sic cōiungunt, vtritus nonnullos Iudaicos & Christianos imitentur. Infantes omnes masculos pariter & fœmellas octauo die ætatis circumcidunt. Sed ad quadragesimum diem masculos, ad octogesimum verò fœmellas, nisi ægritudo aliqua festinationem desideret, baptisant. Circumcisionem quidem à Regina Maqueda, quæ ad Salomonem venerat, aiunt se accepisse. Baptismum verò à S. Philippo, & Eunuchò quẽ Philippus baptisauit. Non tamen ex circumcisione, sed ex fide Iesu Christi salutem veram sibi contingere dicunt. Baptismum singulis annis renouant, cum in die Magorum, quo Christus in Iordane est baptisatus, frequentia & multitudine maxima conueniunt, & nudi in aquam descendunt, vbi Sacerdos manum eis imponit, res immergit, & verba Baptismi pronunciat: Baptiso te in nomine Patris, Filij, & Spiritus sancti: addita benedictione per sanctæ crucis signum. Hunc morem à maioribus acceptum sanctè obseruant, non vt primum baptismum extenuent aut infirmant, sed vt à peccatis absolutionem singulis annis consequantur: Quin infantibus etiam eo ipso die quo

ba.

baptisantur, corpus Domini sub exigua panis specie impertiunt. Adulti verò ad coenam sanctam accessuri peccata prius confitentur, & à Sacerdote omnium peccatorum absolutionem consequuntur. Tum sacramentum integrum, verum corpus & verum sanguinem Iesu Christi, tam Clerici quàm Laici, matutino tempore, in templo accipiunt. Quo sumto, non fas est ulli expuere vsque ad occasum Solis, nisi poenam grauem subire velit,

Confirmationem & vnctionem pontificiam neque pro sacramento habent, neque vsurpare solent. Pontificem Romanum vel errore quodam opinionis, vel gratiæ aucupandæ causa, caput Ecclesiæ agnoscunt, & obedientiam erga Romanam Ecclesiam præferunt. Quanquam iuari à Pontifice Romano neque ante patefactam à Lusitanis in Indiam navigationem potuerunt, neque nunc quicquam ab eo propter interuallum penè quindecies mille milliarium, consequi possunt. Tot enim milliarium iter ait se confecisse ex Lusitania in Æthiopiam missus legatus. Cōsensum duntaxat Romanæ Ecclesiæ & coniunctionē aliquā cum

ORATIO IX.

Christianis Europeis quæsiuisse & expeti-
uisse videtur Helena Regina, & post eam
David Rex. Quo coniunctis opib. & armis
hostes Christiani nominis Mahumetani
possent deleri.

Ieiunant Æthiopes compluribus diebus
in hebdomade, & quidem ad occasum
vsque Solis. Mercurij quidem die, ut reno-
uent memoriam consilij Iudæorum, quo
occidendum esse Christum decreuerunt:
Veneris verò ut mentib. gratis meditentur
& recolant passionem & mortem Chri-
sti. Eisdem dies etiam sacros habent, præ-
sertim vespertino tempore, quo olim le-
sus Christus in cruce mortuus est. His ad-
dunt alios dies quadraginta, quos quadra-
gesimale ieiunium vocant, & aqua pane-
que solo victitant. Festa celebrant tum
Christi, tum Mariæ etiam, & nonnullo-
rum sanctorum quibus conueniunt in
templis, hora diei tertia à Solis ortu, libros-
que Propheticos legunt, & opera diuina
faciunt. Sabbatum quidem Iudæorum
imitatione sanctificant: diem verò domi-
nicam ex Apostolorum institutione ce-
lebrant. Vtroque die festo Deum colunt,
sancta faciendo & profana vitando. In
templum non nisi nudis pedibus ingredi-
untur,

untur: in eoque neque ridere, neque ob-
ambulare, neque de re vlla profana loqui,
nec spueri aut scire vlli licet.

Legis vsum illum esse maximum pu-
tant, vt peccata nobis ostendat: seruari ve-
rò à nullo mortalium posse, excepto Iesu
Christo, qui eam pro nobis impleuit.
credunt. Sanctos quidem amant & ve-
nerantur, sed non inuocant. Matri Chri-
sti, Mariæ virgini honorem magnum tri-
buunt, sed neque adorant, neque opem
eius implorant. Missam singulis diebus,
sacrificij loco, vnâ tantum, eamq; bre-
uem peragunt: sed quæstum in ea renul-
lum planè faciunt. Neque sacramen-
tum Eucharistiæ, vt Pontificij ostendunt,
neque ad redimendum animas mortuo-
rum ab inferni pœna applicant. Purgato-
rium tamen ignem non negant. Propter-
ea mortuos cum crucibus & orationibus,
in primis verò cum recitatione initij Eu-
angelij Ioannis sepeliunt. Tum sequen-
te die Eleëmofynas pro eis offerunt, &
postea etiam certis diebus epulas fune-
bres addunt. Diebus sacris Sabbati & Do-
minicis credunt animas eorum qui piè
mortui sunt, cruciatu omni in purgato-
rio vacare. Tandem verò expleto expia-

ORATIO IX.

tiois scelerum commissorum termino, in
coelum, ad quietem sempiternam euadere
arbitrantur. Ad eam verò rem non vllis
indulgentijs à Patriarcha datis sed sola Dei
misericordia & gratia opus esse iudi-
cant.

Coniugium Clericis & Presbyteris non
minùs quàm plicitis permiffum est. Sic
tamen vt mortua vxore prima ducere ali-
am non liceat, nisi Patriarcha dispensante.
Concubinam si quis alat, à sacris arcetur.
Qui verò Episcopus aut Clericus spurium
filium suscepisse deprehenditur, huic sa-
cris ordinibus planè interdicatur, omnia-
que beneficia eripiuntur. Spōsi cum spon-
sa copulatio alicubi extra templum fit, po-
sito toro ante domum, in quo sponsus
& sponsa collocantur. Tunc accedunt
Sacerdotes tres, qui voce contenta Allelu-
ia & alia canentes, lectum sponsi ter cir-
cumeunt. Postea cincinnum vnum de
sponsi, similiter & de Sponsæ capite ab-
scindunt, in vino & melle confecto lauant,
permutant & vtriusque capiti imponunt,
adpersa que lustrali aqua abeunt. Quibus
peractis nuptiale conuiuium incipit, quod
in multam noctem producit. Tan-
dem domum sponsa cum sponso dedu-
citur.

citur , vnde neutri exire per mensem vnum licet.

Alicubi in templo copulantur sponsus cum sponsa ab ipso Patriarcha. Vbi eodem modo stante toro, circumit Patriarcha cum acerra & crucibus, postea conuersus ad Sponsum , manum capiti eius imponit: Fac, inquit, quæ in Euangelio Deus præcipit , cogitaque non iam duas sed vnâ carnem vos esse. Hæc vbi dixit, missa & communicatione adhibita, benedicit illis. Polygamia à Rege quidem & politico magistratu conceditur Æthiopibus: sed in Ecclesia nulli plures vxores habenti locus relinquitur. Immo ne ingredi quidem templum vlli fas est, qui plures vxores habet, sed pro excommunicato habetur , nec prius recipitur, quàm repudiat cæteris, vnicam retineat.

Diuortia sunt frequentia , & sæpe leuibus de causis : Exceptis tamen Sacerdotibus, quibus discedere omnino à coniuge non licet. Ex quo apparet, non probari Sacerdotibus istam leuitatem, in re tam magna. Putant autem huic malo ita potissimū occurri posse, si sibi caueant, in sponsalibus certa pœna aut multa statuta in eam personam, quæ desertrix fiat.

ORATIO IX.

Solent quoque secundum Mosi legem fratres fratrum vxores ducere , vt sobolem eis procreent. Nec tamen ab omnibus , sed à potentioribus duntaxat iste coniugij abusus exercetur. Nam rustici & egentiores alij, sua quisq; contenti coniuge, operi faciendo & victum quærendo fatigantur, vt ab huius blandissimæ Dominae Veneris stimulis vacui sint. Infantes ante susceptum baptismum morientes semichristianos iccirco vocant, quòd parentum Christianorum fide sanctificati sint, sed nondum per baptismum penitus inserti Ecclesiæ. A cibis, quos lex Mosi immundos habet, ipsi quoque abstinent. Hæresin Arii, Macedonij, Nestorij, Eutychetis reijciunt & damnant.

Ecclesiam in Æthiopia gubernat Patriarcha, qui Abuna, quod est Pater, idiomate Æthiopico dicitur. Is Hierosolymis primum monachorum qui sepulchrum Christi custodiunt, suffragijs ritu solenni creatur. Postea à Patriarcha Alexandrino confirmatur & in Æthiopiam mittitur. Solet preciosus Ioânes, quoties Patriarcha nouo opus est, legatione um multis muneribus Hierosolymam mittere, & indò Patriarchum accersere, Adueniens ver-
Patri.

Patriarcha, ex veteri instituto, cum monacho ordinis Diui Antonij Eremitæ, magno ordinum omnium consensu, congratulatione, plausu & lætitia excipitur. Deligitur autem ad eiusmodi officij munus vir eximie pieratis, grauitatis & eruditionis laudibus præstans, & ætate cæteris antecellens. Huius partes præcipuæ sunt, sacros ordines conferre, & disciplinam Ecclesiasticam tueri, excommunicare contumaces, qui inedia ad mortem usque cœrceri solent. Ius autem tribuendi episcopatus & Ecclesiastica beneficia solus sibi vendicat preciosus Ioannes. Sacerdotum agmina ingentia sunt in Æthiopia, quemadmodum etiam monachorum: Vidit Franciscus Aluarezus semel à Patriarcha ordinari sacerdotes bis mille, trecentos quinquaginta sex. Alijs temporibus ad quinquies vel sexies mille semel ordinari solent. Fuitque ordinatio talis singulis annis his. Apparet esse homines, qui in eum ordinem cooptantur, neque literarum, neque artium doctrina aliqua perpolitos. In Presbyterorum verò collegium nemo ante trigessimum ætatis annum recipitur. Fit quoque, vt vacante Patriarchatus sede, inopia sacerdotum laboret

OTATIO IX.

ret Ecclesia. Idque fit propter bella assidue Christianorum contra Mahumatanos & vicinos Ethnicos: Vnde interdum aditus ad Hierosolymitanos monachos ex Aethiopia non patet. Hinc mira existit in Ecclesia vastitas. Monachorum verò plena sunt omnia in regno preciosi Ioannis. Hi non solum cœnobîa, quorum magna est copia, incolunt, sed aulica etiam munia obeunt, rei militari operam nauant, & emendis distrahendisque mercibus implicantur. Denique non est vllum genus hominum per vniuersum orientem, quod frequentius negotietur, quam monachi & sacerdotes. Vt omnium locorum & temporum experientia comprobari videas, id quod in versu dicitur: Quicquid agit mundus, monachus vult esse tẽcundus. Nec verò existimandum est decumis aut Eleëmofinis, vt in Europa, Presbyteros, monachos, & alios Ecclesiæ Aethiopicae ministros ali. Agros duntaxat habent aut hortos, quos colere monachos & clericos oportet, vt parent quæ ad cultum & ad victum suppeditant. Mendicare verò aut à plebe aliquid petere prorsus non licet, nisi sponte aliquid largiri quispiam in-

tem.

templo, vel pro mortuorum exequijs vel pro alijs rebus pijs velit.

Habent Aethiopes quendam librum, quem ab omnib. Apostolis, quando Hierosolymis congregati fuerunt, scriptum esse arbitantur. Hunc sua lingua vocant Manda & Abetylis : creduntque adeo omnia, quæ in eo continentur, pro Evangelio habenda esse. In hoc præter cætera comprehenduntur quædam præcepta, ut sacerdos in adulterio, homicidio, latrocinio deprehensus aut dati testimonij falsi reus, eadem pœna cum cæteris maleficijs afficiatur. Ut Ecclesiastici pariter & politici post matrimonialem congressum à templi ingressu abstineant, quatuor & viginti horis. Continentur etiam nonnullæ de repurgatione mulierum à menstruo fluxu & de partu leges, quas quod usum nobis nullum afferant, non libet commemorare. Illud verò non inutiliter cautum est, in eodem libro, ut singulis annis in Ecclesia Christi bis synodus cogatur, in qua de rebus Ecclesiasticis omnibus diligens exploratio & iudicium fiat.

Hæc ferè sunt quæ de religione ac fideritibusque Aethiopicæ Ecclesiæ, sub spe-

ORATIO IX.

precioso Ioanne, cognoscere hactenus nobis contingit. Quorum pars bona cum monumentis Testamenti veteris & noui consentit. Eiusmodi enim planè sunt ut Dei cognitionem, tum fidem etiam & cultum Christi vnici seruatoris nostri præseuerant. Ut autem nulla Ecclesia in terris absque nœuis vnquam extitit: sic nec Æthiopica maculis & erroribus penitus vacat. Idq; mirum minus est, cum scholæ ibi, literarum & doctrinæ semina-ria, nullæ reperiantur, præterquam quòd Sacerdotes liberos suos literarum doctrina, quo adfert facultas, erudiunt: quo & ipsi sacerdotio fungi post aliquanto queant. Nec qui adpersos nœuos eorum emendasset, hactenus inuentus fuit *vllus*. Narrat Franciscus Aluarezus Patriarcham Æthiopicæ Ecclesiæ in priuato quodam colloquio grauitè esse questum de talibus erratis, correctionemq; seu reformationem seriò expetiuisse. Quod sanè desiderium eius, ut pium est, ita votis omnium Christianorum comprobandum. Faxit modò Deus immortalis, ut huius sui voti aliquando compotes fiant Æthiopes, & emendationem Ecclesiæ suæ felicem salutaremq; adipiscantur. Quod quidem
opta-

Optare illis multò est vtilius atq; æquius, quàm vel verborum contumelijs eos lacerare, vel Christiani nominis honore spoliare velle. Quod sibi in Lusitania accidisse quæstus est legatus Æthiopicus, ubi à sacerdotibus pontificijs, velut Ethnicus & anathema est habitus, ab usuq; cœnæ sanctæ omnino prohibitus.

Error est profectò, vel certè infirmitas magna, quòd Iudæorum ritus nonnullos retinent atq; vsurpant. Sed ignorantia liberatis Christianæ peccatum esse videtur. Quod verò sacerdotibus coniugium permittitur, id neq; sancto Dei verbo repugnat, neq; ab Apostolica ordinatione alienum est. Quamobrem nec à Christianis ullis vituperari debet. Nisi si qui pontificis Romani decreta pluris facere velint, quàm ipsius Dei mandatum, autoritate Christi & Apostolorum eius stabilitum. Ex quo sanè intelligi facile potest, quàm impiè inhumaneq; fecerint Lusitanici sacerdotes, quòd isto nomine in Æthiopicum legatum tam acerbè inuecti sunt, tamq; asperè eum tractarunt.

Baptismi iteratio per annos singulos errore quodam initio introducta est, & vetustate sua consenuit. Est autem tanta

ORATIO IX.

vis vetustatis atq; consuetudinis, vt vbi semel insedit, euelli nō facile possit. Ac mirum est Æthiopes Baptismum toties renouare, cū non possint iterare circumcisionem. Verū de his omnibus quid facere melius possumus, quā vt mentem illis meliorem precemur, & fidei puritatē atq; integritatem eam quæ verbo Dei congruens est? Lætitiā profectō ac voluptatem magnam perceperant Æthiopes ex primo in regnum suum aduentu Lusitanorum? fore nimirum existimantes, vt eā notitiā atq; conuersatio perpetuam, vt animorū ac voluntatum, sic etiam religionis similitudinem atq; coniunctionē afferret. Sed vereor, ne contumeliosa & aspera tractatione ligatorum suorum per pontificios sacerdotes & monachos alieniores ab Europæis Christianis sint facti. Quemadmodum in India Occidentali magna pars iniquitate, auaritia, libidine & immanitate Christianorum à fide Christiana deterrita est: vel certè, vt eam maximè receperit, iterum tamen ad pristinum idolorum cultum defecit.

Probanda verò & laudibus summis decoranda est insignis cura & industria duorum Lusitaniz Regum. Ioannis secundi
& Im-

& Immanuelis, qui sumtibus & nauigationibus suis in Indiam Orientalem iter in Æthiopiam Meridionalē Christianis Europeis, & Æthiopibus vicissim ad Ecclesiam occidentalē aperuerunt. Quòd si absq; his ducibus fuisset, ipsum etiam nomen Christianæ Ecclesiæ in Æthiopia ignoraremus. Sic enim ab ea parte, qua Arabiam & Ægyptum spectat, hostibus Christianæ fidei, Arabibus & Mahumetanis infestum & periculosum habet aditum, vt clausa penitus esse videatur. Nisi igitur per mare Indicum & Magellanicum suis nauigationibus tutum transitum Lusitani præbeant: in Occidentē penetrare ex Æthiopia nemo facile potest.

Hoc igitur vnum est de præcipuis & maximis beneficijs, seu potius miraculis Dei, quibus suum in Ecclesiam amorem, benignitatem & clementiam, hac postrema mundi senecta, cumulatè contestatus est. Quod tanto interuallo locorum disiunctas Ecclesias Christianas, per nouam & ante inauditam nauigationem, quasi coniunxit: vel certè de fratribus Christianis procul ad Meridiem in Africa habitantibus nos certiores fecit: vt in illos intuētes, statu nostræ Ecclesiæ eò impēsi⁹ letemur, q̃

ORATIO IX.

Luce maiore nos diuinitus donatos intelligimus. Etsi enim Christum nobiscum cognoscit, inuocat & colit Æthiopica Ecclesia: multis tamen erroribus implicata hæret. Nec tanta est doctrinæ puritas atq; copia, quanta nos affluimus.

Monachos illa quidem & sacerdotes habet sat multos, nec templis etiam ad faciendam rem diuinam caret. At quid sunt monachi aliud, quàm indocti, inertes & profani ventres? In quibus quod optimū est, & speciem sanctitatis maximam habet, cultus est humana autoritate, vel potius audacia, nullo diuino mandato cōfictus & errore opinionis vetustæ corroboratus. Ab his quæso quid commodi capies? quidue salutis expetes? Non doctrina imperitos erudiunt, non concionibus plebem informant, non mœstas conscientia serigunt. Quantū quidem intelligo, etiam sacerdotes ipsi in Æthiopia conciones nullas ad populum habent. Quemadmodum in Pontificia Ecclesia multis in locis prædicatio Euangelij conticescit.

At vide in nostra Ecclesia quantò meliora & vberiora sint omnia. Non desunt scholæ, non professio artium & literarum, non explicatio doctrinæ cœlestis, non conciones

tionem, non usus sacramentorum: quibus omnibus sic abundamus, ut quotidie ijs circumsonent aures nostræ. Est igitur quod gratis mentibus tanta Dei beneficia agnoscamus & celebremus, demusq; operam, ne nostra ignavia vel impietate, vel petulantia intercidant. Alioquin id nobis euenturum est, quod minatur filius Dei, ut Regina Austri in extremo iudicio nos condemnet.

Est autem Austri Regina non alia, quemadmodum supra memini, quam quæ de Saba ex Æthiopia venit Hierosolymam. Ea enim Æthiopia Australis est maximè, & ad terræ terminos seu fines declinat, hoc est interuallo longissimo ab Hierosolymis distat, meridiem versus, ut extrema esse videatur in plaga Australi, & quasi finis terræ habitabilis: perinde ut Gallicia olim finis terræ versus Occidentem credita est, antequam tot Insulæ nouæ Occidentales à Lusitanis & Hispanis inuentæ sunt. Nunc verò posteaquam nauigatio in Oceano Magellanico per totum Meridiem, ad polum fermè Antarcticum usq; patefacta est: superati sunt limites isti terræ Australis, quos Æthiopia hæc, preciosi Ioannis regnum constituit. Narrat enim historia Æthio-

ORATIO IX.

pica recens supra viginti millia Insularum ad Austrum inueniri, quæ tamen nondum satis omnes exploratæ sunt & cognitæ. Vocat itaq; Filius Dei Æthiopiam terræ finē, vel secundum vulgi opinionem, quod tunc ultra Æthiopiam nulla terra firma fuerit perspecta & cognita: vel loquitur figuratè per Auxesin, vt sit terminus terræ, idem quod longo quodam intervallo distans aut remotum.

Quod si, vt supra attigimus, sedem tunc habuit Austri Regina in vrbe Saba, quæ & Meroë dicta est, hodie verò Elsaba appellatur: iter eius Hierosolymam versus, miliarium Germanicorum fuit fermè ducentorum quinquaginta. Est enim polielevationio ibi graduum sedecim, minorum viginti quinque. Quod considerare ac nosse nos vult filius Dei, cum languorem nobis exprobrat, & Regina Austri protectione de terræ terminis ad Salomonem, tanquam exemplo in illustri loco posito, ad curam & diligentiam audiendi amplectendiq; Euangelium acuit. Neq; verò intelligi hoc ipsum exemplū à nobis potest, nisi locum, vnde venerit Regina Austri, & itineris magnitudinem inuestigemus.

Causa verò cur iter tantum, via tam æstuosa & puluerulenta confecerit, Austri Regina fuit, vt audiret sapientiam Salomonis. Tã ardens, scilicet in ea erat amor & studium sapientiæ, vt nulli sumtui, nulli labori parceret, quò sitim quasi diuturnam explere posset. Quod ad nos excitandos in primis pertinet, vt cum Reginam tanta potentia, opibus, sapientiæq; laudibus florentem Salomonis sapientiæ causa, iter tam longinquum & arduum suscipere non piguerit: multò minús nos tædeat clamantem in plateis nostris veram illam & cœlestem sapientiam, hoc est Euangelium Iesu Christi, cuius vocibus personant omnia templa, scholæ & parietes nostri, audire & tanquam summi precij thesaurum colere atq; in oculis ferre. Illa Salomonis sapientiæ admiratione tanquam attonita obstupuit, quæ tamen riuulus tantum diuinæ illius sapientiæ fuit ad Salomonem translatus, vel certè cum eo communicatus. Nos verò ipsius filij Dei, fontis sapientiæ omnis, voces, conciones, oracula habemus, legimus & auribus percipimus, vnde veram salutē animæ & corporis æternæq; beatitudinē haurire & consequi possum⁹. Non Hierosolymā molesto itinere,

ORATIO IX.

non Romam, non compostellam procul
in Gallicia sitam accurrere cogimur, ut Re-
gina Austri, & ante accensam denuò Eu-
angelij lucem, maiores nostri factitarunt.
Sed obuia sunt omnia. Non aurum & gē-
mas, quales ad Salomonem Austri Regina
attulit, nos adportare necesse est, gratuito
& non grauatè offeruntur omnia.

Id ut cognoscamus & gratum acce-
ptumq; habeamus, præclarū hoc Reginae
Æthiopice exemplum nos monet. Quan-
tò enim hac Austri Regina beatiore sum?
Quantò melior etiam nostra est conditio,
quàm virorum & seruorum Salomonis,
assiduo eius conspectu & sapientia fruen-
tium? Ob quod beatos eos Regina ista præ-
dicabat. Quò autem plus lucis diuina no-
bis tributū atq; concessum est clementia:
eò pœna etiam grauior in nos constituta
est, si tantam bonorum affluentiam asper-
nemur. Quāti enim est quod ait filius Dei?
Regina Austri surget in iudicio extremo,
& condemnabit ingratos ac contumaces
Iudæos. An non eodem modo condemna-
bit etiam nos, si in tanta luce & copia Eu-
angelij segnes, duosq; nos præbuerimus?
At quàm turpe erit, ne dicam funestum
& exitiale, audire coram iudice Christo, in

cœtu Angelorum & hominū, vocē Reginæ huius, exemplo suo ita nos condēnauris, vt excusationis nulla relinquatur venia.

Quod dedecus cum sempiterno exitio coniunctum vt euitemus, oculos & mentes identidem ad hoc Æthiopicæ gēis exemplū quod ipsemet filius Dei in cōspectu nostro ponit, referamus. Tum ad alios etiam fratres & sorores nostras passim in vastis mundi angulis dispersas respiciamus: vt non solum quæ consensio dissensioq; in religione, fide & cultibus Dei sit, perspiciamus, sed ex aliorum etiam infelicitate, erroribus, cœcitate aut pertinacia nostras opes expendamus atq; æstimemus. Ita enim & magnitudinem Dei in nos amoris & beneficentiæ magis cognoscemus, & pietatis flammæ in pectoribus nostris accendentur, tum gratiorib⁹ animis Dei nomen persequemur. Quod hac oratione potissimum ego spectauī: nec fructus historiæ lectionis vberior ullus est, quàm vt ad curam cultumq; pietatis incendat, ad imitandum honesta, declinandumq; turpia inflammaret, & migrandi deniq; in cœlestē patriam ex hui⁹ mundi squalore desiderium exulcitant.

ORATIO X. DE ARTE MORIENDI.

CV M multæ res in mortalium vita ar-
duæ sunt, tum perdifficilis est quæstio
de morte, quonam modo obiri commo-
dissimè possit: ut ars artium, & scientia
scientiarum rectè dici videatur. Tria enim
sunt, quæ angere & sollicitos habere ani-
mos hominū maximè possunt in hoc ge-
nere, fatalis necessitas exeundi de vita, quæ
præmit omnes, parcit nemini, & ipse mor-
tis sensus, qui suapte natura acerbus est &
formidabilis, tum status conditioq; quæ
mortem vel discessum ex hac vita est secu-
tura. De necessitate quidem haud scio an
gravius quicquā dici possit, quàm Metro-
dori Philosophi præclara sententia habet:
*πρὸς μὲν τὰ ἄλλα πάντα ἀσφάλεια ἔστι
πορίσασθαι: χάριν δὲ θανάτου πάντες ἀν-
θρώποι ἀλείχουσιν πόλιν οἰκοῦντες.* Quod
Latinè exponam ut potero, inconditè for-
tasse, sed tamen ut res possit intelligi. Ad-
uersus alia quidem omnia præsidij aliquid
parari potest: sed aduersus mortem omnes
homines urbem mœnibus carentem in-
colimus. Etsi autem ea quæ necessitatem
habent, & communia omnibus sunt stul-
tum est metuerè: tamen natura formidi-

nem

nem & horrorem mortis ingeneravit nobis ut sine timore esse non possimus. De quo si dubitas fortè, ecce tibi qui id confirmat Philotophorum princeps πάντων, inquieris, τῶν δεινῶν φοβερώτατον ὁ θάνατος: Omnium malorum terribilissimum est mors. Si cui verò nondum id satis persuasum est, is animi sui complicatam notionem euoluat, iam seipse docebit, naturam asferre, ut tam violentam animæ & corporis distractionem reformidemus. Si enim humanum est, amici aut propinqui discessu dolere: quanto est naturæ convenientius, separatione corporis & animi tanto vinculo constrictorum, ut arctius nullum esse possit, grauissimè merere? Conatur quidem efficere Cicero, ut mortem ἀναγκαῖον asferre credamus, & ob id etiam ἀπρόβλεπτον præstare: Sed quotusquisque est Philotophorum, cuius non tanquam ratis in immenso mari fluctuet in doctrina de morte oratio? quod postea declarabitur commodius.

Status porro conditioq; post hanc vitam cui sapientum explorata satis esse nunquā potuit? Videas alios, ut metum iniiciant, fingere tartarum & horrèda supplicia manium

O R A T I O X.

nium, alios, ut spem addant, campum criminis Elysium, in quo beati vitam agant tranquillam & sempiternam. Sed quid quæso firmamenti aut roboris habent fabulæ? quis adeo amens est, ut fidem commenticijs rebus adiungat? Cum itaq; vel mortis te species cogitatioque perturbat, vel à vita emigrandum tibi esse intelligis, quæ reste cura leuabit, aut per fugiū portumq; in solitudine monstrabit? quonimo, qua spe, huius vitæ lucem, cœlique spiritum relinques? An non mente tota atq; omnibus artibus contremisces, nisi interitum cum corpore, animū in morte credas? At interire animus ex vniuersa mente diuina delibatus quo potest? Sic igitur, extincto corpore, alicubi superstes necesse est. At vbi? quaq; conditione? Hic implicata mens hominis hæret, nec quò se vertat aut quomodo expediat, inuenit. Sunt igitur veri fontes aperendi, & eiusmodi iter demonstrandum est, quod recta nos ex hac mortali vita in altera ducat? ut liberati formidine, & abiecta omni hæsitacione, mortem cum vita commutare possimus. Oportet enim utiq; iter tantū, tamq; arduum ingredienti de progressu & meta, ad quam contēdimus, certos esse.

Talem

Talem itaq; viam & artificium tradere in hac oratione conabor, quòd terrorem mortis adimat, animumq; iacentem excitet, & in cogitationem ac spem certam, absq; vlla exceptione inducat atq; dirigat. Prius autem in lucem prodeat Philosophia illa præclara, quæ artem vitæ, medicinam animi, commentationem moriis proficitur: cui qui pareat, omne ætatis tempus possit sine molestia degere: ut quid valeat illa, quantumq; possit in hoc genere, intelligi possit. Ex huius ergò præceptis cum multos bene vixisse, & placidè mortuos esse credamus, ecquid dubitare possumus, quin præstare tranquillitatem atq; salutem in vita pariter ac morte possit. Ad eundem modum cum viuere etiam & extinguere Turcos, & alios extra veram Ecclesiam comperiamus: an non fatendum est, tam ex natura ipsa, quàm ex commenticia religione viuendi, & moriendi artem peti? Age ergo quomodo sese res ea omnis habeat, paulo diligentius expendamus.

Si quia est sapientia, si doctrina, si grauitas, si constantia vlli mortalium tributa: certè ea ad Socratè translata esse cumulè videtur. At is quomodo Axiochum suum con-

ORATIO X.

consolatur, animo ita ægro & æstuante, ut crebris gemitibus, lacrymis, & manuum iactationibus angorem atq; mœrorē ingentem præferat? Premitur enim is sensu impendentis mortis acerbo in primis & acri. Quem ut ei eximat Socrates, solatia ea adhibet, quæ succum & medullam Philosophiæ pæne complectuntur, virum ut sese præstet, monet: vita honestè acta sese sustentet, necessitati pareat, & æquo animo mortē aduentantem expectet atq; subeat. His verò cum parum moueatur anxius Axiochi anim⁹, quòd ut mortis dolorē maximè conetur superare, non tamen evitare possit interitum: auertere illum à tali errore studet Socrates, & quòd in vitam alteram beatam, ex hac mortali transiturus sit, persuadere incipit: collectis omnibus, quæ & tædium huius vitæ solent parere, & suauitatem vitæ secuturæ possunt cōmendare. Ad quæ tandem Axiochus, erudita quidem, inquit, atq; exquisita sunt, quæ ex media tua Philosophia depromis Socrates: sed leuiora sunt multò & subtiliora, quàm ut angorem animi mei leniant, aut scrupulum qui me semper vrit, euellant. Perdit nihilominus Socrates, & de futura vitæ commodis concionatur: per mortem,

tem, inquiens, ex hoc carcere, hisq; vinculis euolabis, & eò peruenies, vbi nulla te attinget molestia, nulla sollicitudo, nulla senectus: sed tranquilla vita erit, omnium malorum expers, sempiterna quiete & contemplatione iucundissima affluens. His auditis ita incenditur Axiochus, vt nullo metu mortis teneatur, sed desiderio. At hæc duplex est animorum, inquit, Socrates, ex hac vita emigrantium via? vna eorum qui piè, castè, iustè, modestèque vixerunt. Hi in beatorum sedes perueniunt, vbi paradisus est vbertate & copia frugum omnis generi abundans, vbi scholæ Philosophorum sunt, vbi theatra & chori musici, conuiuia, dapes, & ætitalia immortalis. Qui verò fraude scelereque sese obstrinxerunt, ad inferos descendunt, à Furijs raptantur ad Erebum & chaos per tartarum, vt pœnas peccati sui quisque luat. Hic sermo tanquam cœleste oraculum addit Axiocho animum, vt ad moriendum sese paratum omni ex parte ostendat.

Præclaram verò Philosophiam & salutarem, siquidem hoc efficiat, vt mortē non modò non formides, sed eius etiam cupiditate incredibili ardeas. At quibus
in fun-

ORATIO X.

in fundamētis tantum præsidij ac roboris
positum est? Fundamento enim aliquo
certò, tam stabilem fiduciam niti necesse
est. Fundamentum aliud non video,
quàm virtutis & rectè factorum consci-
entiam. Fateor autem magnam esse vim
conscientiæ, vt nihil timeat qui nihil com-
misit. Sed vbi inuenies mentem nullius
sibi prorsus criminis consciam? Hoc qui-
dem Dei est solius, non hominis. Quid-
nim? an non omnium iudicio ac experi-
entia comprobatū est aureum hoc Æschy-
li poëtæ? ἀμαρτάνει καὶ σοφὸς σοφώτερος
Sa. Bernhaldi eximia erat sanctimonia vi-
tæ: & tamen ne is quidem conscientia
meritorum vllorum se satis potuit susten-
tare: sed operum gloriam omnem abie-
cit, & perditè se vixisse confessus est. Non
igitur esse vllus potest, qui culpa vacet, &
peccati omnis expers sit. Quod si purus
nemo inuenitur, nec integritate conscien-
tiæ consolari se vllus in iudicio Dei potest.
Melior est Ouidiana sententia:

Quamuis est igitur meritis indebita nostris:

Magna tamen spes est in bonitate Dei.

Desinat igitur de rectorum consilio-
rum & factorum conscientia gloriari So-
crates:

crates: cum etiam Ethnici nonnulli saniores spem salutis in Dei misericordia potius, quàm in sua virtute aut innocetia collocandam censuerint. Ac ut sceleribus fortè externis minùs se obstrinxerit aliquis, quomodo interna animi vitia coram Deo excusabit? Pleni sunt sapientum libri querelis de horribili dissidio appetitus & rationis. Quod qui negat, is sanè homo est turpiter seipsum ignorans, nec cum Terentiano fateatur humani à se alienū esse nihil. Ita autem se res habet, ut siue cognoscas & fatearis labe & vulnera tua, siue ignores atq; dissimules, cæca nihilominus & fallax sit omnis ratio cuius præsidio niteris. Cæco autem & fallaci duce qui utuntur, in errorem & fraudē impellantur necesse est. Quare neq; in virtute, neq; in conscientia, neq; in rationis iudicio tantum roboris & firmamenti situm est, ut ad eximendum mortis terrorem & excitandam spem vitæ æternæ satis valeant.

Sed conuertatur oratio ad rem & factū ipsum Socratis. Quomodo fert ille mortem qua ex inuidia & odio multatus est? Obiectæ enim impietatis & corruptæ adolescentiæ crimina adeo euidenter diluit, ut nulla culpa in vita eius hære amplius

O R A T I O X.

visa sit. Non paratum solum se ad excipie-
dam mortem sed lætum etiam & exci-
tatum spe plus quàm humana ostendit, qua-
si satis exploratum habeat, mortem veles-
se discessum ex hac turba & colluione ad
placatissimam quietem, tanquam ad so-
mnum, vel migrationem in beatorum oras,
diuinumq; consilium, vbi ex congressu col-
loquioq; præstantium virorum incredibi-
lis voluptas capiatur. Nec dubitat se inue-
turum illic sapientissimos & æquissimos iu-
dices, qui rectius multo de causa, ob quam
condenabatur, sint pronunciaturi. Mira p-
fectò hominis fiducia, rara patientia, in-
gens constantia. Id .n. penitus insitum atq;
defixum in animo suo habet, bono viro nihil
mali euenire posse, nec vnquam res eius à
Deo immortali negligi. Sed quod? num
recta hæc ad cælum & beatorum cætum via
est, quam verbis tam magnificè iactat So-
crates: Minimè verò. Quamuis .n. innocen-
tiæ testimonio sese tueri fortè apud homi-
nes potuerit Socrates: innocens tamè & pu-
rus corà Deo esse haud potuit. Vel seipsum
& natus suos nō agnouit, vel seueritatem
iudicij diuini ignorauit. Si seipsum nō no-
uit, cæcus fuit, & in magno errore versatus
est. Sin diuini iudicij ignarus fuit, quonam
ani-

animo, aut qua spe ad tantum Iudicem prouocare potuit? Esto: præsidij multum in virtute. At cuius virtus tanta est, vt perfecta atque absoluta dici possit? Quod si perfecta non est, quomodo afferri ad iudicium Dei potest?

Quid Cicero de Philosophis? Quotusquisq; inquit, Philosophorum inuenitur, qui sit ita moratus, ita animo ac vita cõstitutus, vt ratio postulat? Qui disciplinam suam non ostentationem scientiæ, sed legem vitæ putet, quiq; obtemperet ipse sibi, & decretis suis pareat? Sit igitur præclara Philosophia, medeatur animis, cupiditatibus liberet, pellat timores æquè tamen effectiones speciosè magis quàm verè de illa prædicantur. Verùm quòd ista omnia ad Philosophum, nisi ex præceptis Philosophiæ vitam agat, & quod docet profiteaturq; re & factò probet: In Philosophorum numerum aggregandum esse Socratem nemo opinor negat. Dubitabimus igitur magnificentiorẽ & splendidiorẽ eius fuisse orationem atque doctrinam, quàm fuerit vita atq; mores? Et enim si conatus maximè fuisset rationi parere, non siuisset tamen ὁρμη vel turbulenti affectus, & horribilis ἀταξία,

ORATIO X.

item cæcitas mentis, infirmitas iudicij & hostis veræ sanctitatis atque virtutis Satanas. Quid igitur fuit aliud ista eius speciosa pietas & constantia, quàm φλυαρολογία πὶς καὶ λεισχηνεία ἐπιπολάζουσα: ut Axioch⁹ verè appellat, vel σοφὸν φάρμακόν τι maligni spiritus: Confidentia enim signum est, non innocentia coram Deo seipso suisq; meritis, dignitate aut virtute niti, à Deo autem propitio veniam & opè petere nolle. Rectè igitur sese Augustini illud habet: Melior est in malefactis humilis confessio, quàm in bonis superba gloriatio.

Quod si sanctum aliquis isto nomine dicat Socratem, ego impium multò verius appellauero, ut qui à Spiritu maligno ad tantam confidentiam impulsus sit. Sunt enim speciosa quædam opera Satana, qui se in angulum lucis transformare solet, ut miseras hominū mentes in cæcitatem, errorem, & fraudem inducat. Quod si etiam perfecta fuisset Socratis virtus, cuiusmodi tamen minimè fuit: quo, quæso firmamento niti potuit, ut certò statueret, se propterea acceptum Deo esse oportere, & consortem cœlestis vitæ fore? Etenim vniuersa Philosophia non vnum habet apicum,

apicum, quo id confirmari possit. Ratio
 verò humanæ multò minùs illud dictat
 aut docet. Si itaq; neq; ex Philosophia,
 neq; ex ratione testimoniũ certum sume-
 re Socrati licuit: qua spe, aut fiducia bona
 ex hac turba ad cœleste concilium migra-
 re potuit? Ô technas Satanæ, Ô insidias? Ô
 fraudes admirandas, qui sanctitatis specie
 tanta hominum animos decipit: vt dum
 salutem æternam se consecuturos sperant,
 in exitium sempiternũ ruant. Desinãt er-
 go clamare nonnulli, sanctè Socrates, san-
 ctè Cicero. Nulla hîc est sanctitas, nulla ve-
 ra pietas, quæ ad pellendum mortis terro-
 rem, & ad promerendã vitam atq; salutẽ
 satis esse possit. Relinquitur ergo minimè
 veram illam ad cœlestem consuetudinem
 viam fuisse quam ingressus est Socrates, sed
 ad inferos rectà deduxisse. Idcirco nec mo-
 riendi ars vera & salutaris fuit, qua vsus est
 Socrates, sed ludibrium fuit Satanæ, cuius-
 modi etiam idem artifex adhibet in *αὐτοκτενία* cum homines in eam mentem
 impellit, vt causam se nactos esse iustam
 arbitrentur consciscendi sibi necem, cre-
 dantq; adeo se rectà ex his tenebris in lucẽ
 cœlestem excedere, si vincula illa carceris
 rumpant. Quod de Catone Vticensi Cicero

ORATIO X.

affirmare audet, quasi naturę ipsi⁹ grauitas atq; constātia postulauerit, vt mori poti⁹ quā aspiciere tyranni Cæsaris vultū debuerit. Quasi verò in suscepto cōsilio propositoq; permāsio pluris sit quā Dei & legū autoritas. Non ignorauit Cato, neq; latuit Ciceronem, nefas esse, iniussu Dei dominātis in nobis, hinc demigrare, aut illa carceris vincula rūpere. Cū igitur cōtra iussum Dei manus sibi attulerit Cato, & vitā, cuius ipse Domin⁹ nō erat, eripuerit, nefario crimine absq; vlla dubitatione sese poluit. Nec virtutis etiā vlla parte memor fuit. Non. n. constantia est quę inimica siue aduersa Deo est, sed rigor poti⁹, pertinacia, & desperatio extrema. Recti⁹ multò Ouid. *Fortiter ille sapit, qui miser esse potest.*

Qui itaq; miser esse aut ferre, quod fortuna vel Deus potius iubet, recusat, fortis dici nullo modo potest.

Themistocles insidias vitę apud Artaxerxē Persarum Regem, ad quem exul cōfugerat, metuens, rem sacram prius facit, quasi Deo sese cōmendans, quā venenū, quòd in calamo scriptorio gessisse scribitur, hauit. En sanctam mortē, vel formosum potius Satanā, qui tam melleum gustum mortis & acerbissimarum poenarū, quas

quas damnati sustinēt, præbere potest, nihil certius aut exploratius habuit Themistocles, quem per sacrificiū sese ita placari Deo, ut nihil mali pertimescendū sibi esset. At fraus fuit capitalis Satanæ, per quam in exitium æternū Themistocles præcipitatus est. Quare nec ista ars moriendi, cōmoda aut conueniens est, sed meliorem queramus necesse est.

Cyri porrò morte nihil ferè esse diuinius & optabilius homini videtur. Huic. n. dormienti visum fuit obiectum, per virumq; procera statura & vultu augustiore quam humano demūciatum: συσχευάζον Κύρε ὡς ἄπ' τεόν ἥδη σοι ἔς θεούς: quod est, parate Cyre, iam .n. ad Deos tibi abeundū est. An non satis tuta migratio est ei qui rectā ad Deos vocatur? Satis quidē tuta esset, si ad Deum, non ad Deos, si via & medijs à Deo ordinatis vocatus esset. Quomodo. n. ad Deum is recta p̄ficiscatur, qui Deum nō nouit, sed Deorum turbam commenticiam colit? Quanti verò interest qualis sit ille per quem vocaris? Bonus ne an malignus Spiritus? Etenim si malus est minister, ad malū abiq; vllō dubio vocat. Sin bonus, ad bonū. At bonū ille nūcius quomodo esse potuit, q̄ ad Deos nō ad Deum

O R A T I O X.

verum vocavit? nimirum talis fuit, qualis ille Mercurius, de quo sic lufit Homerus:

Ερμείου πεμφθέντος εἰς σκόπευ ἀργυροφόντου. Veleuam Angelus ille, quem fingunt inani Iudæi denunciāſſe mortē Moſi. Cui cum reſpondiſſet Moſes: egone moriar, cuius os Domino lueutum eſt? Oculi Dominum viderunt, aures loquētiē audierunt: victum ſeſe & conſtrictum Angelus iſta reſponſione ſentiens, pomum lethiferum tacitus admouit Moſi naribus, cuius odore extinctus eſt. Talibus mendacijs deluſit Satanas non Ethnicos ſolū ſed Iudæos etiam ipſos, vt eiufmodi Angelos finxerint Dei nuncios eſſe horribili audacia. Quod ſi fictum illud de Cyrominūſ videtur: certē Satanam fuiſſe Deorū ſuorum internuncium ad Cyrum concedendum eſt. Itaq; nec Cyrus recta via in æternam domum aut beatitudinem iſto pacto ingreſſus eſt.

Quid exiſtimabimus de Leonida Spartanorum ducis oratione, qua in acie ſtantes milites ad animi magnitudinem adhortatus eſt? Hodie, inquiens, apud inferos fortāſſe cœnabimus. Num ſatis præſidi eſſe ad mortem ſubeundam putas in ſpe cœnæ apud inferos ſumendæ? Ridiculum

lum est apud inferos solati; aliquid quærere, vbi nihil nisi tartareæ tenebræ, angores & cruciatus reperiuntur. Absit igitur, vt cuiusmodi mortē optemus aut obeamus. Sed quid Leonidē miramur Ethnica superstitione imbutū? Scimus ex Vngarica historia Christianum quendam ducem in bello Ludouici Regis cum Turcis anno 26. supra 1500. ante conflictum eodem modo hortatum esse milites, vt pugnarent fortiter, certo id sibi persuasum habentes, quod vel victuri essent gloriose, vel victi & cæsi apud inferos cœnaturi. Talem cœnam auersatus quidā miles subduxit sese clanculum: malo inquit, in cœnatus cubitum ire, quàm inferorū conuiuia esse. Quod omnes etiam pii faciunt, quorum aures & animi à tali morte ad inferorum cœnas ducente abhorrent. Quamuis non desint qui cum Machiauello infernū cœlo præferant, & malint apud inferos in maxima frequentia Pontificum, Cæsarium, Regum, Principum, militum, & mulierum formosarum, quàm in cœlis inter paucos seueros & vetulas degere. Qui lusus nulli nisi Satanæ & ministro eius Epicuro gratus est.

Quid de Cleobis & Bitonis morte dicā? An non beata illa in cœlum migratio no-

ORATIO X.

minanda est? Primum pietate erga Deos & matrem eximia fuerunt, dum, morantibus iumentis, ipsi currum in quo mater sacerdos vehebatur, ad sacrificium duxerunt. Quod opus Deo ac hominibus acceptos facit. Tum matre precante illis à Deo quod optimum esset, morte in somno affecti sunt. An placidiorem & beatiorum exitum ex hac vita optare possumus? Mortis quidem genus cuiusmodi sit facile intelligo: sed effectorem mortis tam subitæ & inopinatæ iudicare difficilius esse arbitror. Certè Deo tribuendum talem effectum haud puto, sed Satanæ potius, qui stabilire Idolomaniam & precationem Ethnicam illustri exemplo voluit. Ergo nec istud moriendi genus optandum, nec acquiescere in eo satis possumus.

Ciceronis me miseret, qui tantis donis ingenij, sapientiæ, eloquentiæ & virtutis ornatus fuit, ut ad summam autoritatem & fastigium patriæ euectus sit: quiq; tot utilibus & præclaris monumentis post se relictis in hodiernum usque diem nos omnes docet & instruit. Istamen indigna morte peremptus est, quam corui etiam quasi commiserati sunt, cum lecticam, in qua vehebatur, circum volarunt, & quasi prote-

protegere tam præstantem virum voluerunt. Sed quomodo is mortem tulit? cum in Græciam nauigaturus esset, fugiens Antonij tyrannidem, reflantibus ventis reiectus est, & passis velis ad Antonij sicarios peruenit. Quos ubi vidit, ultro iugulum illis porrexit, & sese trucidandum præbuit, ferendum esse quòd fortuna iniqua ferret dictitans.

Moriuntur porro etiam Turci, Iudæi & alij veræ ad salutem viæ ignari, sic, ut in multis nullum sensum mortis acerbum deprehendas. An non igitur hi artem moriendi tenent? Moriuntur certè, sed neq; piè neq; beatè. Turci enim, sprete viæ à Deo ordinata, Mahumetam quærunt ducem ad Paradisum, hominem impurum, sceleratum & nefarium. Iudæi verò repudiantes cælum à Principe vitæ credentibus peccatoribus patefactum & adornatum, in tartarum malunt abijci, quàm cum Domino gloriæ à se crucifixo lætitiæ æterna frui. Vtrique sanè Turci & Iudæi paradisum sibi ingenti opinionis errore fingunt, omnibus lætitijs & voluptatibus corporis affluentem, quo igitur animo, quaque spe aduentantē mortem excipere,
& ex

ORATIO X.

ex hac luce in Paradisum illū, quem neq;
cælum neq; terra capit, discedere possunt?
ô discesum æternis lacrymis deploran-
dum, ô exitum perpetuo squalore & ge-
mitibus lugendum, ô cæcitatem nunquā
finiendis supplicijs luendam, siue igitur
morte placida, (quemadmodū Augustus
Cæsar, & Vespasianus quasi ludibundi di-
cuntur esse mortui) siue tragica extingua-
tur Turci, Iudæi & alij veræ viæ in cælum
ignari: mortem profectò miserandam ob-
eunt, nec salutis æternæ participes vn-
quam fiunt. Non enim est alia via nisi vna
à Deo ipso proposita & ordinata, quæ est
Iesus Christus, via, veritas, iustitia, vita, re-
surrectio & salus, qui hunc ignorat, con-
temnit vel ab eo aberrat, rectà hinc in pro-
fundum tartarum, ad ignem & sempiter-
nos cruciatus Diabolo & Angelis eius pa-
ratos emigrat.

Quod verò ignari veræ religionis sæpè
numero securis animis moriuntur, inde
fieri existimandum est, quòd nullū iudici-
um Dei esse credunt, sed mortem ducta-
tæ naturalem hominis finem esse opinā-
tur. Quò pertinere videtur illud Mosonij
responsum, quod, vt scribit Maximus, de-
dit cuidam interroganti, quis optimè ex-

tremum diem claudere posset? Qui sibi, inquit, semper extremum vitæ diem impendere statuit. Si quæris igitur cur Socratem, Cyrum, Turcos, Iudæos & Ethnicos bene beateq; mori negem: à via ad beatitudinem eos aberrare respondeo. Si artē moriendi veram & salutarē scire expetis: eam esse dico, quam solum Dei sanctum verbū docet, per fidem scilicet Mediatoris Iesu Christi. Bene igitur feliciterq; ex his tenebris excedere in lucem vis? Christum viam & ducem ad veram felicitatē & cœlestem lætitiā amplectere, cum eoq; sic te coniunge, ut ab illo pēdeas totus, nec vi aut terrore vllō diuelli te patiaris. Non iste rejicit amplexantem, sed ad se inuitat: non deserit adhzrentem, sed fulcit, immo fratrem suum appellat, cohæredem bonorum suorum expetit, & ex hac vita exeuntem per ministros suos Angelos ad se in cœlestem consuetudinem transfert. Hoc scilicet moriendi est artificium, certum, firmum, ratum, tutum, & optatum. Hoc qui vititur, malè mori non potest.

Artifex huius summus & præstantissimus est ipsemet Christus, qui mortem pro peccatis nostris appetens in manus patris sui Spiritum suum commendauit. Iam
cogita

ORATIO X.

cogita, & vim pondusq; verborum accurate meditare. Spiritus equidē quid est nūc anima? Est autem tanta coniunctio atq; consortium animæ & corporis, vt etiam si separentur in morte, tamē copulari denuo oporteat. Non .n. ea conditione sunt condita, vt seiungantur, sed vt vinculo societateque æterna contineantur. Etsi igitur in morte anima domiciliū corporis ad tēpus deferit: tandem tamen ex pacto Dei in idem redit, & cum eo communem fortunā, vel in cœlesti consuetudine, vel in igne æterno experitur. Ante verò quā fit talis reconciliatio atq; copulatio animæ cū sociā corporis massa, Spiritum, putrescente in terra corpore alicubi morari atq; custodiri necesse est. Quis verò locus in cœli & terræ totius machina commodior, tutior, certior & optabilior est, quā manus Dei? Ea enim sola fidei potentia tanta est, vt depositum apud se spiritum probè custodiat, curet & beat. Vide verò emphasin & suauitatē Metaphoræ. Manus Deo patri tribuit Christus filius verus Deus & homo; vt illustri & familiari exemplo ab homine sumto demonstret atq; declaret locum, in quo anima corporis compage soluta, custoditur, qui est manus Dei. Sunt igitur
duz

duz in hoc actu personæ cōcurrentes. Vna commendantis seu deponentis Spiritum, altera amplectentis & custodientis. Commendat Spiritum suum Christus, suscipit verò eum Deus pater. Sic nos singuli etiam ad exitum vitæ vocati deponimus Spiritum in manu, hoc est, fide & religione Dei patris, reconciliati per filium, tanquam de manu nostra in manum Dei certæ exploratæq; fidei tradentes.

Iam etiam ipsum verbum cōmendandi quantum ponderis in se habet? Est enim in Græco textu *παρίσταναι*, quod significationem deponendi habet: Vt omnino idem sit quod ad custodiendum aliquid alicui do, & veluti totum alterius fidei cōmitto. Quod si hominum ordinatio & legum sanctio hoc postulat, vt cura, diligentia, fideq; bona depositum custodiatur: quid facere Deum ipsum Iuris omnis autorem existimabim⁹? An nō is multò studiosius & fidelius depositam apud se animā nostram tuebitur? Certi igitur sumus idq; exploratum omnino ducimus, hanc esse viam moriendi tutissimam, quā Christus ipse suo exemplo nobis cōmonstravit: vt excedentes è vita Spiritū in manus Dei cōmendemus, & sic recta ex hoc corporis domi-

O R A T I O X.

domicilio in cœlum ad Deum cœlestē patrem, ad filium Iesum Christum, fratrem, euolemus. Idem artificium moriendi tenuit etiam Propheta Dauid, qui in Psal. 31. verbis ijsdem animam suam apud Deum deponit, in manus tuas, inquieris, cōmendō Spiritum meum: redemisti me Domine, Deus veritatis. Vbi causam etiam exponit duplicem, cur ea conditione deponat, quarum prima est redemptio siue reconciliatio facta per filium Mediatorem. Altera verò fides Dei, cuius tanta vis est, & certitudo, vt fallere neminem possit. Idcirco *πίστος* appellatur à Paulo, quòd fidem datam certissimè seruet, nec promissum atq; receptum vnquam interuertat.

Familiariter etiam nota fuit eadē ars Simeoni sancto, cui oraculum à Spiritu sancto datum erat, nō visurum esse eum mortem, nisi Messiam in carne vidisset. Hunc ergo cum iam natū in templo conspexisset, Deus bone, quantam lætitiæ voluptatem cœpit? Neq; temere, vidit enim oculis suis patefactam ad cœlos viam, amplexus est brachijs suis dūcem ad vitam, & animo compræhendit promissam in eo iustitiam & salutem. Ita ergo sese penitus in illius consortium atq; societatem insinu-

insinuauit, ut acquiescere & mori etiam in ipsius salute cuperet. Vtitur autem ob eam rem verbo prorsus nouo & conueniente, cum ait: Nunc dimittis Domine seruum tuum. Quo declarat carceri opaco & tristi similem esse hanc ærumnosam vitam, in quo manendum nobis sit ad illud tempus usque, quod Dominus vitæ unicuique assignauit. Ex hoc, inquit Simeon, carcere nunc me dimittis Domine, quemadmodum captiuium è vinculis demittitis, qui potestatem vitæ & necis in eum habet. Addit autem, in pace, ut cuiusmodi genus mortis hoc sit ostendat, nempe placidum, tranquillum & tutum, non directum vlla dignitate aut virtute propria, sed totum in Dei misericordia, clementia, & bonitate per Christum conciliata ac parata fixum atque locatum. En dimissionem suauem, en mortem quietam, en discessum optatum, quam hic audis acerbiter? quem doloris sensum? quod luctus aut indignationis signum animaduertis? Composita sunt ad pacem omnia. Vbi autem pacis regnum est, ibi hostili insectationi, molestiæ, mœrori, squalori, diffidentia, aut dubitationi nullus relictus est locus. Ex quo sanè conuenienti admodum nomine somnus

X

appel-

ORATIO X.

appellatur mors à Christo & sancto Paulo
utpote quæ dulcem laborum atque miseri-
arum quietem afferat.

Addit verò causam tam lætæ placidæque
ex hac vita migrationis, quia inquiring, vi-
derunt oculi mei salutare tuum, quod pa-
rasti omnibus populis. Coram, ait, se iam
vidisse, quod iam diu expectarat credide-
ratque, in quo spem salutis omnem posue-
rat, videlicet Iesum Christum, saluatorem
mundi, qui peccata nostra suo sanguine de-
leturus sit, sua morte expiaturus, & salutem
æternam omnibus in se credentibus para-
turus. Vbi autem salus est aut saluator, ibi
peccati labes nulla nocere potest, nec crimen
vllum damnare. Vocat eundem etiam
lumen gentium. Qui autem in lumine ver-
satur, is errare in tenebris haud potest. Luce-
enim quid optabilius, quid gratius? Huius
igitur ductum quicumque sequitur, is rectè
in cœlestem consuetudinem, luce & vita
affluentem emigrat. Appellat quoque glo-
riam plebis Israëliticæ iccirco quia sortes
peccatorum nostrorum eluit, & vestem noua
nos ornat, qua induti venire in cōspectum
Dei possimus, & ritè ei placere. Si igitur a-
micti, cœlesti scilicet indumento, ecquid
ad Deum Patrem euolare in cœlum vere-
bimur?

bimur? Memini ad exitum vitæ vocatam
 adolescentulam mirificè delectari Esaiæ
 verbis, quibus hunc gloriosum ornatum,
 quo suos induit Christus, magnificè & splē-
 didè exponit. Induit me, inquit, vestimen-
 tis salutis, & indumentū iustitiæ circumde-
 dit mihi. Quod quidem vestimentum sic
 ad se applicabat illa, vt totam sese nouam
 factam iam tum crederet, & induta Christi
 veste rectā ad Christum sponsum, domi-
 num & fratrem proficisci in animo habe-
 ret. Quid inquit, moror in his terris? ve-
 ste Christi ornata sum, qua venire in con-
 spectum Dei gestio, stareq; in cœlitum cœtu
 lucidissimo. Iam satis parata sum, iam tota
 pulcra, iam me iter ingredi ad se sponsus
 Iesus Christus iubet. Video astantem eum
 tanta benignitate & humanitate, vt nihil
 mihi prius aut optatius sit, quàm in ample-
 xibus eius hærere semper. Adsunt Angeli
 eius ministri tāta comitate, vt lociā me suā
 vnicè expetant. Quid .n.? An non hoc in-
 gens ornamentū est, q̄ Christi vestimen-
 tum gero? Cuius .n. est salus? cuius est iusti-
 tia nisi Iesu mei solius? Hac veste regitur
 omnis deformitas mea, munita sum aduer-
 sus æstū & frigus, vt nihil pertimescā ampli-
 us, nihil horreā. Hac me Deo patri cōciliat,

ORATIO X.

Christo sponso adiungit, et vitæ salutisq;
sempiternæ hæredem facit. Toto igitur
quanta sunt, gaudio completa atque per-
fusa sum, in Domino meo Iesu Christo
tam benefico, tam comi, tam blando, ut
cum faciem videris, in cælo iam tum esse
te prorsus tibi persuadeas. Quid verò an
non hæc vera & recta tibi videtur esse mo-
riendi ars? num aliud artificium require-
mus? quod vel latius sit, vel certius & ex-
ploratius ex his tenebris in lucem cœle-
stem ducat? O diuinam mortem, omnibus
votis & desiderijs expetendam, quam san-
ctus Simeon demonstravit, & torpui Chri-
stiani sua morte confirmant & quasi ob-
signant.

Sed nihil impedit eiusdem artis testem
S: Stephanum verissimo præconio produ-
cere, quomodo is mortem oppetijt? quàm
plenus Spiritu, quàm ardens fide hinc de-
cessit? Oculis sublati cælum vidit aper-
tum, ipsumque adeo filium Dei stantem à
dextris Dei, forma omnium maximè pla-
cida & ad humanitatem composita. Quo
spectaculo sic incensus fuit, ut oblitus o-
mnium iniuriarum, et dolorem mortis in
cælum voce mentem & oculos retulerit,
ac in Christi numine atque suauitate se su-
aque

& que omnia deposuerit, & consecrarit. Sus-
 cipe, inquit, Domine Iesu, spiritum me-
 um. Hæc demum est vera dulcis & perpe-
 tuo desiderio expectanda mors : cum cœ-
 lum ipsum morientibus sese pandit, &
 Christus stans ad dexteram Patris tan-
 tum non extensis brachijs euolantem è
 corpore animam ad se vocat, excipit, & in
 cœlitum cœtu collocat. Hanc viam si no-
 uisset Socrates tum demum benè mortu-
 um esse dicerem. Veram igitur maximeq;
 salutarem artem moriendi eam esse liquet,
 quam sanctus martyr Stephanus in ago-
 ne suo professus est. Eandem tenent Chri-
 stiani, quotquot luce & Spiritu repleti in
 vera minimeque dubia fide Iesu Christi ex
 hac vita exeunt. Nam & his cœlum patet
 Christusque sese videndū præbet, dum dul-
 cem gustū suæ præsentis operis & lætitiæ cœ-
 lestis infundit, ut quamuis angore corpus
 afficiatur, animus tamen sese erigat, & in
 Christo saluatore suauiter acquiescat. Im-
 mo Christum sæpenumero præsentem,
 viuum, blandientem & amplexantem vi-
 dent Christiani, non minùs quàm Ste-
 phanus martyr in cœlis stantem eum apud
 Patrem conspexit.

Inclytus Saxonis dux & imperij Ro-

ORATIO X.

mani Septemuir Fridericus in agone mortis interrogatus, quomodo se habet? Respondit: Habeo cor tranquillum, sed in carne sentio dolorem acerbum, quē fero propter Christum. Audis cor tranquillū fuisse, hoc est pacatum in Christo Mediatore, etiam si corpus dolore non vacārit. Quanta verò vis est in verbo suscipiendi, quo Stephanus utitur? Profectò qui sese applicat ad Christum tam comem & humanum, dubitare nihi' quicquam debet, quin Spiritus eius verè à Christo suscipiatur. Verum est enim, & omnium piorum usu & experientia comprobatum symbolum, quod in animo & ore habent Christiani:

*Viuo tibi moriorq̃ tibi, dulcissime Iesu:
Mortuus & viuus sum maneoq̃ tuus.*

Vides igitur iter quod ingredi morientes decet. quorsum? In cœlum apertum, pectus, qui nos præcessit, iter & mansionem præparaturus in cœlis: & dixit, Pater volo, ut vbi ego sum, & hi sint quos dedisti mihi. Cum ergo in cœlis sit Christus noster, quo ire nisi in cœlum morientes in fide Christi possumus? Salua res est, plana, tuta, & certa sunt omnia. Verax est qui dixit, potens est adeo ut de officiendi facultate nihil

fida

sit quòd dubitemus. Accedit locuples testis
 Stephanus, qui viuus in terris ita rem pror-
 sus se habere cognouit. Et vt dubitandi oc-
 casio omnis amoueatur, instruimur, & con-
 firmamur ipso corpore & sanguine fratris
 nostri Iesu Christi, quo velut sigillo certo &
 perpetuo hanc in se fiduciam nostram,
 munit, alit & corroborat, vt ne fieri quidem
 posse statuamus, quin cum ipso vnum si-
 mus & maneamus. Ad quem verò itur?
 Ad eum cui nos nostrumque spiritum
 commendamus & consecramus: vtpote
 quem stare omni tempore certum est, ex-
 tentisque brachijs cum desiderio gaudio-
 que magno aduenientem spiritum no-
 strum suscipere atque fouere. Hoc quan-
 ti tandem est, spiritum è corpore disceden-
 tem tam benignè à Christo accipi, tanta-
 que fide & bonitate foueri? Sed non mino-
 ris æstimemus id quòd in corpore adhuc
 hærens animus tanta spe ac fiducia incen-
 ditur, vt gloriam Dei spectet cum Stepha-
 no, & suscipi sese à Christo penitus gestiat.
 Quod S. Paulo etiam accidisse credo, cum
 in tertium cœlum siue Paradisum abreptus
 dulcissimæ consuetudinis cœlestis gustum
 aliquem percepit. Ex quo tantum de-
 sideriū moriēdi cum tenuit, vt lucrū appel-

ORATIO X.

larit mortem, & cum Christo esse ex animo optarit.

Dicerem idem de Basilio, qui eadem voce vitam suam in his tetrīs clausit: Domine, inquit, in manus tuas commendo Spiritum meum, si propositum mihi esset longiorem facere orationem. In Martino autem sancto quanta fuerit animi verè Christianæ magnitudo, quantumque fidei robur, vel ex hoc saltem cognosci potest, quod ad vitæ exitum vocatus extrema minantem atque tentantem Sathanam his verbis à se propulsavit: quid tu hīc stas inquit, horrenda bestia, nihil habes in me. Profectò qui sic repellere hiantem & rugientem bestiam infernalem audet, huic viam ad salutem per mortem satis perspectam esse necesse est. Sed non hoc ago, ut testes colligam aut exempla plura persequar. Satis sit artem hanc verè diuinam & solis Christianis veris propriam in artifice summo, Iesu Christo, & eius membris sanctis Simeone Stephano, & paucis alijs demonstrasse. Non enim tam rara est hæc ars, neque inusitata, sed benè familiariterque pijs omnibus nota: quippe qui nulla realia in tanta ærumnarum & angorum molè solari sese possunt, quam spe & fidu-

fiducia placide moriendi, & ad Christum
 veniendi. Mortem igitur tantum abest ut
 reformident, ut quo propius ab ea absunt,
 eo impensius latentur. Quis enim piorum
 non gestiat ad eum venire, qui cum desi-
 derio tanto nos expectat, venientesque
 tanto gaudio suscipit, ut dum in corpore ad
 huc sumus, sensum & gustum dulcissimæ
 consuetudinis suæ impertiat? Quis non ex
 animo cupiat cum eo esse qui se absque
 nobis esse nolle affirmat? Quis non con-
 iungi sese cum eo coetu expetat, cuius ca-
 put ipse Christus est factus? quis non uti
 fruique tandem aliquando velit eorum
 bonorum copia, quæ Christus in cœlesti
 suo regno nobis paravit, & impertire con-
 stituit? Rectè ergo dixit Hugo mortem esse
 exitum de carcere, finem exilij, consum-
 mationem laboris, onerum omnium de-
 positionem, debiti naturalis solutionem,
 omnium periculorum euasione, redi-
 tum ad patriam, ianuam ad veram vitam,
 ingressum ad gloriam.

Verùm ut Ethnicis, sic & nobis fas non
 est & in iussu Domini vitæ nostræ de præ-
 sidio, stationeque vitæ ab ipso nobis assi-
 gnata decedere; sed manendum est in cor-
 poris custodia tantisper, donec pro sua be-

ORATIO XI.

signa & paterna voluntate nos reuocant
ad sese in coelestem patriam translaturus.
Vult enim nos Christus ductu & auspicijs
suis militare in Ecclesia sua, cum obedi-
entia & patientia laborum & ærumna-
rum, tum constantia etiam & præcla-
rè omnia mandata officij munera obeundi
studio, vt luceamus in hoc peruerso mun-
do tanquam luminaria, retinentes fidem
& bonam conscientiam. Tum vult nos co-
rona vitæ ornare, & bonis suis coelestibus
cumulare.

Hæc est sobria, & vt mihi quidem vide-
tur, admodum frugifera collatio Philoso-
phiæ & religionis Christianæ in hac grauif-
sima arte, quæ exitum è vita salutarem ma-
ximeque optatam explicat. Complecti au-
tem conatus sum in hac quamuis breui an-
tithesi succum & medullam Philosophiæ,
quæ tamen cum leuior multò sit, quam vt
medicinata morti asserat, res ipsa cogit ad
aliud artificium confugere, quòd aliud ad
cælum per viam certam doceat nempe
per filium Dei Iesum Christum, victorem
mortis, ducem verò vitæ & omnium coele-
stium bonorum largitorem. In hoc qui-
cunque animam suam moriens deponit &
consecrat, is bene moritur, & rectà in tem-
plum

plū cœleste penetrat, vbi xuo sempiterno
fruitur. Dixi.

Oratio XI.

*DE QVATVOR MONAR-
chijs, siue summis imperijs, à Daniele
Propheta expositis: contra veterem Iu-
daeorum errorem, hoc tempore à Ioan-
ne Bodino Gallo, in methodo hi-
storica renouatum.*

Petulantia est & libido ingenij, non sa-
pientia, conuellere & labefactare ea,
quæ veris fundamentis nixa magno con-
sensu multis seculorum ætatibus compro-
bata sunt. Etsi enim præclarum est, & libe-
rale, Socratis more, εἰς ἐκείτηρον, in vtram-
que partem differere, & collatis sententijs,
quid in quaque re verum sit, inquirere: ta-
men finis & modus cuiusque disputatio-
nis hic esse debet, vt tandem inuenta & co-
gnita veritate, mentes acquiescant.
Verum difficilis, & perardua quæ-
stio videtur, quidnam, verum, certum
& sequendum sit in vnoquoque doctri-
næ genere, in tam ancipiti præsertim
contentione, tantaq; opinionum varietate?
Quod

ORATIO XI.

Quod enim vni rectum, id alteri falsum videtur: quod præcedens ætas probauit, id sequens reprobandum censet. Hæc dissimilitudo iudiciorum plurimos adeo offendit atque turbat, vt quo se inclinent, vehementer dubitent. Agnosco autem & quidem iure omni deploro nostra vulnera, fateorque multa esse, quæ non satis peruestigari atq; cognosci à nobis possunt: sed tamen via est ad certitudinem perueniendi, in præcipuis dogmatibus atque disciplinis, expedita & recta: quam qui sequitur, animo certo & confirmato esse potest, vt labi per errorem non sit necesse. Tatis via in Theologicis dogmatibus est verbum Dei quod Psalmus vocat lucernam pedum & lumen semitæ. Et Petrus appellat firmum sermonem, cui qui attendit ceu lucernæ apparenti in loco obscuro, rectè facit, nec errare potest. Hoc itaque verbum in Theologia fundamentum & norma sit certitudinis, quæ nec hallucinari nec vagari huc & illuc mentem patitur. Neq; sanè medicina vlla ad salutem reduci possumus, nisi de Dei voluntate in nos certi aliquid habeamus, quo nixi ex hoc visibili mundo in alium inuisibilem migrare possimus.

In Philosophicis verò materijs via triplex est certitudinis consequenda: *διαθεσις, ἀγάληψις, καὶ γνῶσις*. Quis enim adeò vel stupidus est, vel demens, vt id certum esse neget, quod vniuersalis experientiae testimonium comprobat & stabilit? Quis nisi insanus contra principia disputare audeat? Quis denique iudicio aliquo praeditus rectae connexioni omnium partium in argumento non assentitur? Haec itaque viae siue faciles, siue difficiles, tritae sunt, & rectè nos ducere possunt ad veri in quaque sententia & arte cognitionem, vt vagari aut haerere in salebris minimè cogamur. Si qua etiam dubitatio de dogmate, aut quacunque alia materia inciderit, ad hanc *κριτήρια*. siue ad has certitudinis normas deliberatio & iudicium omne referendum est.

Ex eodem itaque fonte iudicari etiam per uulgata illa de quatuor summis imperijs sententia iure debet, & vt mihi quidem videtur, negotio non magno poterit. Hanc vocat Ioannes Bodinus inueteratum errorem. Ego verò vaticinium Propheticum reeuentique probatum appello. Et habet quidem Bodinus rationes praeclaras in specie atque plausibiles, sed exiles prorsus, &
ad

ORATIO XI.

ad tenue elimatas. His itaque ego fundamenta solida opponam, ex ipsis verbis Prophetiis expressa, & omnium consequentium ætatum historia confirmata. Quod nisi fecero, incepti me mei audacis, atque inanis pœnitere fatebor: Sin verò perfecero consilium atque cupiditatem temerariam corrigere Bodinus non grauabitur.

Primum omnium Monarchiæ definitionem quærit Bodinus, & meritò quidem, utpote à qua omnis disputatio proficisci tanquam ex fonte debet. Fatendum est autem vocem Monarchiæ, aut Imperij in Daniele, quem caput & autorem vaticinijs de Monarchijs constituo, non inueniri. Quid ergo? Non est quòd quisquam isto nomine laboret: salua res est. Daniel vniuersalia orbis terræ regna quatuor nominat, aureum, argenteum, æreum, & ferreum. Iam quid est regnum omnia complectens: nisi Monarchia? Si ergo planum ex ipsis verbis Danielis fecero, quatuor ista regna eiusmodi planè esse, ut omnia complexu suo cœrceant atque contineant, tunc neque de vocabulo neque de definitione querendum amplius videbitur.

Sic autem de primo regno disertè ait Propheta ad Nabodonosorem: Deus in
pote-

potestate tua omnia posuit. Est ergo primū regnum Assyriorum, siue Chaldæorū verè Monarchia, siue καθολικὸν imperium, quod totum terrarum orbem complexum est. De secundo regno idem inquit capite eodem: Postea aliud regnum argenteum, minus primo consurget, vbi minus, interprete Theodoretō, non imbecillius, sed secundum significat. Et ista si parum com-
moda fortè videtur interpretatio: in medio sunt verba Prophetica, cap. 5. Diuisum est regnum tuū, & datum Medis atq; Persis. Ex quo sanè intelligitur, Assyriorum regnū diuina potentia à Babylonicis Regibus ad Persas translatum esse, secundum regulam: Regnum à gente in gētem transfertur, propter iniusticiā. Cap. 8. idem Prophetā ait: Vidi arietem cornu ferientem Occasum, Septentrionem, & Meridiem, nec vlla bestia poterat resistere ei, aut liberari de manu eius. Hīc in omnes mundi plagas diffusum esse Persicum imperium expressè dicitur. Nam ex Oriente mouit castra & sceptrā ad Aquilonem, Austrum, & Occidentem, vsq; ad ipsum mare. Cumq; nulla bestia, id est, singulare regnum, vt Theodoretus interpreta-
tur

ORATIO XI.

tur, huic Persico imperio obsistere potuerit: ecquid illi ad Monarchiam defuit? De tertio autem regno æreo verba Prophetæ perspicua sunt, quæ asseuerant in vniuersa terra illud esse imperaturum. Nec de quarto dubium esse potest, quin καθολικόν omniure habeatur, cum clarè de eo affirmetur, quòd sit contritum & comminutum omnia. Quod si omnia comminuit aut conterit, non video cur vniuersalis imperij nomen illi denegetur.

At nondum fortasse satisfactum est Bodino, qui definiri Monarchiam certis regionibus atque terminis, tum Principis alicuius aut populi origine clara cupit. Cui respondeo. Monarchiam non regionum spacijs, aut populorum numero, nec vlla Principis origine, illustri metiendam esse, sed ex natio fonte, hoc est, Prophetæ ipsius verbis, & sententiæ æstimandam. Non enim in vaticinijs diuinis humanum adhibendum est iudicium, neque consulenda ratio, sed solius verbi ductum sequi oportet. Quod nisi fecerimus, labefactare facile poterimus Danielis prophetiam, & omnia eius regna euertere. Age enim si locorum aut regionum multitudine atque amplitudine metiri voluerimus Monarchiam:

ecquid stabit Assyriorum, Persarum, aut Græcorum Monarchia? quippe qui neque Europæ, neque Africæ, neque Orientis omnes partes complexi sunt. Quotus enim quisque eorum populis Septentrionalibus? quis Africanis? quis Indianis omnibus impavit? Ergo nihil efficies, si hoc modo argumentari voles: Monarchia dominatum totius terrarum orbis continet. Talem verò nemo ab initio mundi consecutus est aut tenuit. Non itaque ullus Monarcha interris fuit. Non, inquam, tolerari potest hæc consequentia, iccirco quia ex definitione vitiosa conficitur. Alia multò est lingua Prophetica, quæ in rationis ordinem non planè se patitur redigi. Hanc itaque noscum reuerentia & admiratione disce-re, ducente Spiritu cœlesti, non rationis iudicio prorsus ponderare conuenit.

Quid igitur nominat Propheta Monarchiam? Vocat regnum $\chi\alpha\tau' \epsilon\gamma\chi\omega$ quod Deus potentia, fortitudine, & gloria præter cætera regna armavit, & in omnes dominari vult. Hæc siue inepta, siue absurda videatur, est Monarchiæ definitio, contexta nimirum ex verbis Prophetæ, omni exceptione maioribus. Tale regnum qui tenet, Monarcha iure appellatur, voce à

ORATIO XI.

Græcis scriptoribus, Herodoto, Platone, Aristotele, Isocrate usurpata. Nec plura fingenda sunt, quàm quatuor hæc à Daniele expressa. Non enim decet nos recedere à vaticinij Prophetici verbis, aut affingere aliquid præter genuinam eius sententiam. Estque autor, fundator & gubernator talium regnorum Deus ipse, qui regna conferendi & transferendi potestatem solus habet. Etsi itaque multò plura sunt in orbe terrarum regna, tamen hæc quatuor sola appellantur à Daniele regna, excellenti nomine & titulo, tanquam capita, quibus reliqua ceu membra subiecta esse debent. Ex quo ipsi etiam Græci cum Βασιλέα nominant, alium regem nullum, nisi Persicum intelligunt, κατ' ἐξοχὴν Demost. Phil. 1. πρὲς βασιλέα πέπομφεν ὡς βασιλέα: Legatos mitit ad Regem.

Iudæi, quamvis populus Dei electus & charus, regnum tamen eiusmodi, quod Monarchia dicitur, consecuti non sunt. Quia Deus hoc decus & nomen ad eos non transtulit, sed sub Catholicis siue Cardinalibus hisce regnis semper latere illos voluit. Iccirco Assyrijs etiam, quando libuit, tanquàm flagello ad castigandū suum populum usus est, donec eum penitus ex Iudæa in Assy-

ly-

syriam traducendū curauit. Nec post Assy-
riorum imperium secreti ac liberi esse Iudæi
à Persarū, Græcorum, & Romanorū poten-
tia atq; imperio potuerunt : quo agnosce-
rent hanc Dei ordinationem in terris, & ad
peccandum tardiores essent. Hinc intelligit
Bodinus, non solum non regionis finibus,
& populi origine præclara, sed ne religione
quidem ipsa, qua sanctius tamen & precio-
sius in terris nihil est, Monarchiam definiri.
Etenim si religio Monarchiam constitue-
ret, ecqua gens aut natio anteponi Iudæis
posset? Verum non contigit hic honos ne
Salomoni quidem ipsi, quo nullus Rex sa-
pientior & florentior, ne dum tyranno Tur-
cico, aut Regi Æthiopum, Tartarorum, aut
Americarum regionum, quātumuis triplo
totā Europam superantium. Ratio alia non
est, nisi quòd Deus illis titulū tantæ dignita-
tis nō tribuit. Atq; hæc est prima differentia
sue nota, per quā quatuor Monarchiæ Da-
nielis, à reliquis orbis terræ regnis discer-
tur, nempe fundamentum certum, nomen
& testimonium in verbo Dei, quòd sint re-
gna regnorum vsq; ad filij Dei aduentum,
& nouum regnum spirituale in cœlis.

Altera nota est potentia, fortuna, & glo-
ria eximia, qua diuinitus circūdantur Mo-
narchiæ. Id quod verba Danielis aperte con-
Y a fir-

ORATIO XI.

firmant: tu Rex Regum es, & Deus cœli regnum potens, forte, & gloriosum tibi dedit. Quod autem de vna Monarchia dicitur, id de omnibus consequentibus in hoc officij munere intelligi debet: adeò vt de **Cyro**, de **Alexandro**, de **Augusto**. de **Carolo**, de **Maximiliano** æquè atque de **Nabogodonosore** dictum putemus. Quemadmodum verba ad Adamum & Euam semel facta à Deo in paradiso, ad omnes consequentes ætates atque homines sine ulla dubitatione pertinent. Neque verò potentia, autoritas, & gloria ista rationis iudicio prorsus ponderanda est, sed ex verbo Dei tota iudicanda. Non enim, si quod regnum fortè potentius, maius aut robustius in terris inueniretur, propterea Monarchiæ nomen merebitur. Nec id quod mundus admiratur & magnificat, semper coram Deo excelsum est, & gloriosum. Est igitur ab hisce spectaculis abducendus animus, & in solo Dei verbo acquiescendum, quod asseuerat, virtutem Dei etià in infirmitate perfici. Non statim omnes Reges terræ subigebat Nimrod, & tamen Rex Regum erat. Dominus erat terræ sanctæ Patriarcha Abraham ex pacto Dei: & in eius tamen possessionem vestigium nunquam fecit. Benedictio diuina pronun-

nunciata primis coniugibus: Crescite & multiplicamini, communis est omnibus posteris: & tamen multi in coniugio inveniuntur steriles. Hic si quis propter nonnullorum coniugum sterilitatem negare aut minuere velit diuinæ benedictionis vim, audiendus planè non erit. Manet enim Dei benedictio, tamen si non omnibus contingat indiuiduis. Ad eundem sanè modum sua est Monarchijs potentia, fortitudo & gloria, qua diuinitus ornata sunt: quamuis interim imbecillitas, aut debilitas atq; deformitas aliqua accedat. Mirabiliter. n. Deus suū imperiū administrat, & penè omnia eius opera sunt in cōtrarijs medijs. Quāobrem mirum non est, si ratio absq; verbo Dei iudicans, confusa & conturbata sepe erret, & velut ad vadum, scopulumq; appulsa, expedire se non satis possit.

Eadem est ratio postremæ particulae in definitione Monarchiae, quod scilicet in omnes dominetur. Hic enim si exiliter nimis ad calculum reuocare vocabulum fortè velles, facile efficeretur, nullam Monarchiam in terris vnquam exstitisse. Cuius enim imperij potestas tanta fuit, vt absque vlla exceptione omnib. hominibus in tam dissitis & latè diffusis regionibus domina-

ORATIO XI.

re non Græcorū Monarchia stabit aut nomen suum tuebitur. At nihilominus sic loquitur & affirmat scriptura. Quid ergo? Deficiendum ne propterea esse à verbo Dei existimabimus? Minimè, nō enim humano iudicio æstimandum est Dei verbū, sed contra verbo Dei confirmandum iudiciū humanum. Propheta ait, omnes de Saba venient, & laudes Domini annuntiabunt. Vbi de collectione Ecclesiæ ex gentib. vaticinatur. Sed num propterea credimus eius regionis trans Arabiā incolas omnes Christianos esse factos? Alibi Propheta ait: Omnes erunt docti à Deo. Hoc experientia certè reprobatur, & clamat res ipsa, prorsus exiguum esse cœtum eorum, qui Euangelio obtemperant, & à Deo se doceri atque regi patiuntur. Quare cedat hī ratio, valeat verò verbū eius, cuius inuicta est fides, & tremenda autoritas: maneatque Monarchiam esse posse, tametsi non cunctis, sine exceptione, imperat in terris. Sic enim scriptura solet sæpenumero omnia nominando præcipua complecti velex omnibus aliqua, per figurā in alijs etiam linguis vsitatam. Nam & Cicero de Romana Rep. loquens, Orbis terræ imperium appellat: cū tamen neq; Asiæ, neque, Africæ neq; Europæ vniuersa vnquam

vnquam imperârit. Nihilominus vniuersale totius orbis terrarum imperium nominavit etiam Ouidius 2. Fastorum, cùm ait:

Gentibus est alijs tellus data limite certo:

Romana spaciū est vrbis & orbis idem.

Et Alexander Magnus regnum suum orbis terrarū imperium complecti existimauit, cum Dario offerenti filiam suam vxorem, dimidium regni Persici, & decem millia talentorum, hoc est, sexagies centena millia coronatorum, respondit: Mundus non potest ferre duos roles, sic nec orbis terrarū duos Reges. Cyrus verò in sepulcro inscriptum habuit versum: ἐνθα δ' ἔχω κείμαι κῦρος βασιλεὺς βασιλῆων; autore Strabone. Satis igitur fuerit de præcipuis gentibus & nationibus tale orbis imperium intellexisse: quamuis interim plurimi populi terra marique excludantur.

Iam hisce notis Monarchiarum expositis, sequitur vt quænam illa quatuor regna vniuersalia in mundo sint, explanetur: tum vt quomodo ornamenta hæc, siue, vt ita

ORATIO XI.

picam, requisita singulis earum congruant, ostendatur. Nisi enim definitio ijs ex omni parte conuenerit, frustra nomine isto hactenus appellasse videbimur.

Primæ mundi Monarchiæ initium posuit Nimrodus Noami pronepos, anno 1788: cum iam post diluuium humana gens multifariam aucta esset, & in plures prouincias atque regiones dispersa. Con-sedit autem is in terra Chaldæorum, ex quo Chaldæorum Monarchia uel etiam Assyri-orum & Babyloniorum appellatur. Dura-uitque annis, Diodoro quidem teste, 1360. Hunc robustum venatorem coram Domino vocat Moyses, quod exercitus du-xerit, & armis homines ad legitimam ob-edientiam coegerit. Additur autem coram Domino, ut significetur, diuinitus illum fuisse armatum, atque donatum poten-tia, robore, successu & victoria; in consti-tuendo & retinendo imperio. De Nabog-donosore autem & successoribus eius Iere-mias Propheta cap. 27. Seruant Nabogdo-nosori, ait, omnes gentes, & filio eius, & fi-lio filij eius. Ac ne quid in obscuro aut du-bio relinquatur, disertè appellat Daniel Nabogdonosorem, cum inquit: Tu Rex Regum es. Item, tu caput aureum es. Cum itaque

itaque absque vlla controuersia Nabogdonosor Rex Assyriorum fuerit: quis de Assyriorum Monarchia dubitare potest, quin ea prima sit inter quatuor prædicta à Daniele regna?

Secunda Monarchia cepit anno mundi 3148. durauitq; annos 207. Huius ἐξάρχου siue caput fuit Darius, qui extincto propter superbiam & idolorum cultum Balthasare, Nabogdonosoris nepote, captaque Babylone, Assyriorum Regum ad Medos transtulit. Ex quo Medorum regnum siue Monarchia appellatur. Et quoniam Darius Cyrum Persam, sororis filium, belli socium contra Assyrios fecerat, factum est, vt vno anno post captam Babylonem, Cyrus summam imperij adeptus sit. Ex quo etiam Persarum Monarchia hæc ipsa nominata est. Ex quo bellè admodum Theodoretus: Medi etiam Persæ, inquit, simul nominantur, quòd Cyrus à Patre Medo, & matre Persa, originem duxerit & quia primus ipsorum Rex fuerit. At dixeris, secundum quidem regnum nominat Daniel argenteum, sed quomodo sciri potest, Persicum siue Medorum illud esse regnum cum nominatim nō exprimat Propheta? Hic audiatur optimus suorum verborum interpres ipse Da-

O R A T I O XI.

niel, qui cap. 5. ait de Balthasare: Diuisum est regnum tuum, & datum Medis atque Persis. Hic expressè poni intelligis Medorum atque Persarum nomen & regnum. Et cap. 8. disertè ait: Aries quem vidisti, Rex Medorum atque Persarum est. Vbi iterum expressè Medorum atq; Persarum regnum nominatur, vt de nomine secundæ Monarchiæ nullum dubium sit reliquum.

Sed rursum obijcies de successoribus Balthasari in regno Babylonico hæc verba esse accipienda, non de translatione siue vniuersali mutatione regni: præsertim cum ipse Daniel mox dicat: Eadem nocte interfectus est Balthasar, Rex Chaldæorum & Darius Medus successit in regno. Quod si de successione sola intelligi verba debet; haud sanè video, cur nouum regnum siue secundam Monarchiam introducamus. Sed est quod respondeam. Solutio enim præsto est. Daniel ipse interpretationē suggerit, cum ait ad Balthasarem: Deus regnum tuum cōpleuit. Quo verbo absq; vlla dubitatione circumactam esse periodum regni Babylonicum indicat, & fato iam distrahi illud, & aliò transferri. Id quod res etiam atque euentus declarauit. Capta est enim Babylon, quo finis eius Monarchiæ conspectior esset, &

ad gentem aliam imperij summa deuoluta est: Vt iam dubium nullum esse possit quin alia etiam Monarchia noua constituta sit. Nec aliud Esaias voluit, cum Persas & Medos vastatores Babylonis cap. 21. appellat inquit: Ascende Elam: obside Mede: nisi vt destructionem regni Babylonici, & constitutionem Persici nobis demonstraret. Cùmque Daniel aliud hoc regnum dicat, non fas est dubitare, quin diuersum à superiore intelligi velit.

Hæc autem cur argentea nominetur, non est quòd multis declarem, cùm manifestum sit omnibus, regna mundi æquè ac alias res omnes in mundo paulatim deficere, in deterius ruere, diminui, & quo propius à fine absunt, eò languidiora & asperiora fieri. Inde argentea hæc secunda ab aurea nominatur, quod nimirum vt aurum præstantius est argento, sic secundum regnum inferius est primo, robore, virtute, & durabilitate. Iccirco tamè non est existi mandū, non satis roboris huic regno fuisse ad Monarchiā, minus. n. à Propheta dicitur, vt quidè Theodor. interpretatur, non vt infirmū, sed vt secundū. Quod .n. potentia eius longè lateq; in omnes mūdi partes patuerit, supra ex Danielis cap. 7. ostensum est partim ex historia

ORATIO XL

Historia secundi libri Paralip. cap. 36. cognoscipotest: sic dicit Cyrus Rex Persarum Dominus Deus cœli dedit mihi omnia regna. Ex quibus sanè efficitur, & initium huius Monarchiæ certum & definitum esse in sacris Biblijs, & nomen expressum atque distinctum à superiori Monarchia, tum potentiam etiam tanto imperio dignam à Prophetis assignatam: ut qui iam dubitare de secunda Monarchia amplius velit, is manifestis atque illustribus Prophetarum consentientibus testimonijs contradicere videatur.

De tertia igitur Monarchia, ut deinceps eodem ordine & euidencia explicem, atq; in oculis conspectuque omnium ponam necesse est. Hæc itaque initium suum duxit à victoria ad Arbela, qua Alexander Magnus copias Darij ultimi Persarum Regis fudit, & Asiæ imperio potitus. Monarchiam à Persis ad Græcos transtulit, anno mundi, 3642. duravitque annos 282. donec Iulius Cæsar victo Pompeio, primus Monarcha & Imperator Romanus appellatus est. De hac Daniel Propheta inquit: Consurget regnum tertium aliud. Vbi iterum ordinem & diuersitatem audimus. Cùm enim tertium nominat de numero noscer-

tio.

tiores facit. Cùm aliud dicit, à præcedente discernit, vt iam tertiam Monarchiam mundi planè definierit. Sed inde inquires, Græcorum eam esse propriam cognosci potest? Hic iterum Prophetam propheticis verbis interpretabimur. Sic enim cap. 8. ait: Hircus caprarum, Rex Græcorum est, & cornu grande, quod erat, inter oculos eius est Rex primus. Vbi disertè nomen Græci Regis ponitur, vt dubium nullum esse possit, quin Monarchia Græcorum notetur. Quod autem hircus iste Danieli visus non aliò nisi ad Regem Græcorum referri possit aut debeat, confirmat etiam Iosephi testimonium, quo libro vndecimo, capite vltimo scribit, Sacerdotes Iudaicos narrasse Alexandro hoc Danielis vaticinium, quod ante annos ducentos ediderat, fore nimirum, vt Rex Græcorum Imperio Persico potiretur. Vnde haud dubiè motus Alexander, Pontificem summū reuerenter tractauit, & Hierosolymam ingressus Deo Israël supplex factus est, & sacrificium obtulit.

Et si autem Alexander nec totum terrarum orbem domuit, nec imperium diuturnum habuit: tamen verè factus est Monarcha, hoc est, dominus & victor orbis, & terror

ORATIO

error omnium gentium: Vel vt Daniel ait
imperauit vniuersæ terræ. Nec æreum
propterea nominatur à Propheta ipsius re-
gnum, quòd infirmius aut angustius fuerit
superioribus, sed siquidem Hieronymo cre-
dimus, quod vt æs inter omnia metalla vo-
calius est, & clariùs rinnit, sonitusq; eius
longè lateq; diffunditur: sic non tam fa-
ma, potentia, & celeritate, quàm eloquen-
tia sermonis Græci Alexandri Monarchia
antecellit. Ex quo aui comparatur ille cap.
7. Danielis, quod alis quasi quibusdam sub-
nixus ab Adriatico mari vsque ad Indicum
Oceanum & Gangem fluuium, non tam
prælijs, quàm victorijs percurrerit, & in sex
annis partem Europæ, & omnem Asiam
sibi subiugârit, vt idem Hieron. scribit.

Cæterùm, quòd mortuo Alexandro, re-
gnum eius in quatuor partes distinctum
est, nequaquam Monarchiam Græcam tol-
lit aut minuit. Retinet enim atque tuetur
nihilominus nomen suum, nec sedem aut
locum mutat. Estq; hæc distractio iam
ante prædicta à Daniele cap. 7. cùm Pardo
Alexandrum capita quatuor habenti simi-
lem facit: vt euentus cum vaticinio omni
è parte cōgruat. Non igitur nouū regnū in-
coarunt successores Alexandri, nec nomen
impe-

Imperij mutarunt, neq; sedem regni trans-
tulerunt, sed in vno eodemq; imperio du-
ci suo successerunt, Seleucus in Syria, Pro-
lomæus in Ægypto, Antigonus in Asia mi-
nori, Antipater in Macedonia. Idque ipsum
etiam in cap. 8. vaticinatus est Daniel, cùm
inquit: Hircus caprarum res maximas ges-
sit, cun̄ que creuisset, fractum est cornu in-
signe, & orta sunt quatuor cornua in loco
illius, versus quatuor ventos cœli. Vbi valde
conuenientia est Theodoretii interpretatio, qui
ait Alexandrum propter celeritatem agili-
tatem q; appellari hircum. Apertum est au-
tem manifestumq;, conuenientiam vati-
cinij & rei siue euentus firmam, fixam, &
in perpetuum ratam esse habendam. Non
igitur video, quomodo, aut cur de tertia
Monarchia Alexandri & successorum eius
quisquam dubitare possit.

Supereſt de quarta Monarchia Roma-
norum, & quæ nunc Germanorum est pro-
pria, difficilior magisq; operosa explicatio:
vt vadũ scopulum q; iam appulsa omnino
videatur oratio, vnde vix possit emergere.
Intelligo enim non nunc primũ hanc
à Ioanne Bodino in contentione poni,
sed iam olim quoque à Iudæis ipsis in con-
trouersiam disceputationemq; vocatam esse.
Sic

ORATIO XI.

Sic enim scribit Theodoretus oratione septima in Daniele: Ego, in presenti omiffa Iudæorum accusatione, vehementer admiror quosdam pietatis magistros quartam bestiam vocasse regnum Macedonicum. Oportuit enim ipsos primum considerare tertiam bestiam quatuor habuisse capita, quod aperte indicabat post Alexandri obitum quadripartitam regni diuisionem. Iccirco non tam Ioanni Bodino oculato, quàm cæcis & pertinacibus Iudæis satisfaciendum mihi hoc loco perspicio. Verùm benè se res habet: iacta sunt iam tum fundamenta confirmationis in Daniele, quæ si tenuero & explicauero, nihil erit quod desideretur amplius. Sic, ergo ait Daniel, regnum quartum erit forte sicut ferrum. Et in capite 7. Bestia quarta erat terribilis & horrenda. Vtrobique audis quidem de numero, sed nomen tamen nullum exprimitur. Quod si vel in hoc cōtextu, vel in alio quodā loco scripturæ extaret, minùs laborarē. Vnde igitur constat, quartū regnum esse Romanū? Hic in primis cū Theodoro respondeo, nomen Romanorum iccirco reticeri, quòd hæc Monarchia non ex vna, sed ex plurimis nationibus constituta est. Non enim Imperatores Romani, vt in superio-

perioribus Monarchijs, ex vna natione,
 gente aut familia orti sunt, sed augustum
 illud Imperij decus, ad homines dispari
 conditione, ex diuersissimis nationibus,
 admirabili commutatione atque vicissi-
 tudine translatum est. Cùm vix sexaginta
 nouem annos stetisset Romana Monar-
 chia, deficiebat Cæsarum progenies, & ex-
 tincto Nerone, successio Imperij in alias fa-
 milias transferebatur. Ac Traianus quidē
 primus ex peregrinis extra Italiam, in Hi-
 spania natus, Imperij dignitatem consecu-
 tus est. Post eum nunc ex Pannonia, nunc
 ex Dacia, nunc ex Dardania, nunc ex Dal-
 matia, nunc ex Gallia, nunc ex Thracia,
 nunc ex Cappadocia Imperatores delecti
 sunt, donec tandem ad Germanos hoc
 tantum Imperij fastigium peruenit. Non
 ergo nominis Romani neglectio, aut præ-
 termissio in Danielis vaticinio tantum
 obest, vt propterea res ipsa, hoc est, Imperi-
 um siue Monarchia Romana negari pos-
 sit. Solent enim Prophetæ sæpenumero
 vocabula rerum propria suppressere, &
 imaginibus quibusdam pingere, aut peri-
 phrasi ita describere aliquid, vt nihil omi-
 nus, quid velint, cognosci certò possit.

Videamus igitur, si placet, singulas
 Z huius

ORATIO XI.

huius *παραφύσεως* regni quarti partes, *ἢ* quam aptè ad imperium Romanum conueniant, liquidò iudicari possit.

Primùm ait, regnum quartum esse forte vt ferrum. Deinde pedes & digitos pedum esse mixtos siue conflatos ex luto & ferro. Tum venturum in hoc ipso regno Messiam in carnem ad incoandum spirituale regnum æternum, tandemque aduentu suo gloriolo ad iudicium in extremo die, deleturum esse omnia regna mundi.

Iam cùm ferro quonam modo Romanum Imperium congruit? Ferrum equidem robore & duricie omnia metalla superat. Sic Monarchiæ Romanæ robur & maiestas inuicta hæctenus, inde vsq; à Gregorum Imperio manet, superioraq; regna firmitudine & perpetuitate longè vincit. Anteuertit enim & anticipauit natiuitatē Christi, & nunc in senectā mundi ad ruinam inclinati eiusdē expectat ad iudicandum mortuos & viuos reditum. Nec profectò alia causa est, cur veteres Romani ferreos annulos in manibus gestārint, & in hodiernum vsque diem Cæsaribus ferrea corona imponatur, nisi vt ferrei regni prædicti, à Daniele, nomen decusque retineatur. Est igitur ferrea hæc Monarchia, quia

tanto

tanto tempore stetit, nec frangi aut tolli penitus ab vlllo haftenus potuit, nec abolebitur etiam in posterum. Id enim rectè ferreum dicimus, quod robustum, durum, solidum, inuictumq; est. Ex quo etiam ferreos & Adamantinos dicimus eos, quorum infractæ vires ad tempus longiùs perseverant.

Si cui verò inconueniens esse videtur, postremæ Monarchiæ longius tēporis aut durationis spaciū tribuere, quàm superioribus, aureæ, argentæ & æræ: Iccirco quia naturale est, vt quo quidque ab origine abest propius, eò sit melius, constantius & durabilius: is non tam quid ratio probet, quàm quid sanctum Dei verbum pronunciet, spectet. Sic est patefactum per Daniele D & I decretum, vt quarta Monarchia hospitium nascenti Messia præbeat, eumq; venientem in nubibus adiudicandum viuos & mortuos excipiat. Vtrumq; igitur cōpleri oportet, & cū initio huius Monarchiæ natus sit noster Messias, certū est stare eā vsq; ad reditum eius ad vniuersale iudiciū oportere.

Estque dulcis harmonia siue consensus vaticiniij Danielis & Epistolæ ad Hebræos. Quod enim de quarta Monarchia

ORATIO XI.

vaticinatus est Daniel, quòd in ea nasciturus esset Christus, & æternum regnum incoaturus: ideodem modo de his vltimis temporibus affirmat Epistola ad Hebræos, cum ait: In extremis diebus hisce locutus est nobis Deus per filium. Eandem phrasin imitatus est Gregorius Nazianzenus oratione secunda in Pascha, inquiens: In fine seculorum Christi passio contigit. Idem igitur sunt prorsus quartum Danielis regnum, & extrema tempora Epistolæ ad Ebræos. Nec possumus saltem fingere alia tēpora extrema, quàm quæ suppeditat hæc ipsa nobis quarta Monarchia, vtpote in qua verè locutus est Deus nobis per filium, hominem factum. Cumque hæc ipsa tempora adhuc durent, & duratura sint vsq; ad reditum Christi Iudicis gloriosum: dubium nullum est, quin etiam quarta Monarchia maneat, & mansura sit vsque ad destructionem vniuersalem omnium regnorum mundi per aduentum filij Dei ad iudicium.

Altera pars periphraseos Romanæ Monarchiæ de pedibus & digitis ex ferro & luto mixtis, etsi difficultatis aliquid habere videtur: tamē ex interpretatione ipsius Prophætæ, & collatione euentus, cognosci liqui-

Liquidò poterit. Interpretatur autem Da-
 niel diuersitatem pedum & digitorum de
 diuisione regni: & lutum quidem de im-
 becillitate, ferrum verò de robore seu po-
 tentia. Non igitur vniusmodi, aut eiusdem
 potentiæ perpetuò debuit esse quarta Mo-
 narchia, sed diuisa, ita vt aliàs plus, aliàs
 minus virium haberet. Idq; ipsa etiam fer-
 ri natura nos docet, vtpote quòd rubigine
 scabra alicubi eroditur, & exeditur. Lu-
 tum verò in primis fragile est & caducum.
 Quocirca minimè ex æquabilitate, aut
 constantia fortunæ, seu virium hoc quar-
 tum regnum est æstimandum: sed diui-
 sum est, distractum, & vix cohæret, sicut
 difficulter cohærent omnia, quæ ex diuer-
 sis rebus, & ἐκ εὐδιαρέτοις, secundum Ari-
 stotelem, miscentur. Perinde ac si ollam
 quis ex ferri & luti massa fingere velit, o-
 pus haud stabile aut firmum efficit.

Interim tamen hoc non est negligen-
 dum, quod Daniel addit: Regnum hoc,
 quantumuis diuisum, & ex ferro lutoque
 conflatum, de ferri robore oriri. Quod cum
 ita sit, satis manifestum est, fundamen-
 tum siue radicem, vt sic dicam, regni hu-
 ius esse firmam ac solidam, ita vt euelli aut ex-
 tirpare penitus nō possit, ante πανολεθείαν

ORATIO XI.

illam siue vniuersalem regnorum mundi deletionem. Ex hac Prophetæ ipsius interpretatione elucet in primis illud, quod gemina sit forma seu facies Imperij Romani, ferrea & lutea, siue potens, & contrita seu infirma. Id cum res euentusque clarissimè demonstret, nemo de veritate & conuenientia Imperij Romani & prædictionis Danielis dubitare potest. Ac nisi historiarum in medio essent, & notæ omnibus, longa narratione nunc planum hoc faciendum mihi putarem, quomodo diuisum siue distractum sit Imperium Romanum, & quomodo aliàs floruerit armatum potentia, & Maiestate magna, aliàs ita debilitatum sit, vt nisi à planta ferrea pependisset, vniuersum iam dudum concidisset & euauisset.

Estque admiratione omnium hominum dignissima vicissitudo ista in regno quarto, qualis non in vlla alia historia reperitur. Nam præterquam, quod Imperatores plurimi nefariè trucidati sunt, vt sanguine penè maduisse videatur Imperium Romanum: varijs etiam casibus siue telis fortunæ propositum fuit. Vix anni abierant à Christo nato 182. cum duos Augustos simul habere cœpit Imperium Romanum

manum, Antoninum Philosophum, & Lucium Aurelium Verum. Deinde interfecto Maximino, peste & horribili bestia Reipublicæ, duo Gordiani, pater & filius simul imperarunt, & post eos satis longo tempore duo identidem Imperij consortes exiterunt. Sub Gallo verò & Volusiano Imperatore exteris & barbaris gentibus, tributum etiam annuum populus Romanus pendere coactus est. Non multò post Valerianus à Sapore Persarum Rege victus, in servitutem perpetuam datus est, & scabelli locus habitus, quo nixus Sapo- res equum conscendit. Mox sub Gallieno inuenti sunt tyranni triginta, qui Imperium inuasert, & pro Imperatoribus sese gesserunt. Sic misere scissum & laceratum est Imperium, & de gradu fastigioq; Maiestatis deiectum: vt veritas vaticinii Danielis omninè parte comprobetur, & lutum cum ferro mixtum palam conspiciatur.

Ferreum erat verè Imperium Romanū, cum Augustus totius orbis censum ageret. Ex quo satis fuit perspicuū, esse illum orbis terrę dominum & Monarchā, cui omnes populi nationesq; parerent. Sed interuallo nō longo post cœpit esse luteū, dū vires eius paulatim fractæ sunt, & diminuta potētia.

ORATIO XI.

Ac si quis fortè ex Imperatorum hætenus
 enumeratorum historia minùs respicit,
 quàm miserè & crudeliter laceratum sit,
 siue vt verbo Prophetico vtar, diuisum Ro-
 manum regnum, is vel ex solius Constan-
 tini Magni rebus cognoscere poterit. Fuit
 enim ille potens quidem, felix, & augu-
 stus Imperator, victor & triumphator, vt
 tanquam lumen aliquod Imperij Roma-
 ni eluxerit, & tamen sub hoc ipso Imperi-
 um Romanum inter quatuor Principes
 diuisum est. Nec multò post extinctis col-
 legis atque hostibus, solus Constantinus
 Imperium obtinuit. Post eum tres filij re-
 rum summa potiti sunt, Constantinus,
 Constantius, & Constans: tandemq; ad
 vnum Constantium iterum imperatoria
 Maiestas delata est. Neq; id solum in hi-
 storia Constantini Magni admiratione
 dignum est, quod vnum idemq; imperi-
 um in Imperatores, tanquam in membra
 distractum est, sed admirabilius est mul-
 tò, quod sedem ipsam huius regni ab
 Occidente in Orientè ille transtulit: dum
 Roma relicta, Constantinopolim Imperij
 sedem & domicilium constituit, quam
 nouam Romam etiam vocauit. Hic si di-
 uisum regnū neges, haud sanè scio, quid-
 nam

nam diuisum esse dicas. Non solum inter ipsos Imperatores tot. vno tempore distra-
ctum est regnum, sed loci etiam ipsius mutatio facta, vt penè euauuisse præclarā illam orbis terræ dominam Romam, cum suo Imperio Romano existimes. A qua quidem opinione nec ipse prorsus alienum animum haberem, nisi prædictionis Propheticae autoritas me retraheret. Cum enim nominet diuisum regnum, non aliud fingere vllum nobis licet, præter vnicum illud, quod quartum appellauit: quantumuis etiam in partes multò plures scinderetur. Cohærent enim natura partes cum suo toto, & membra pendunt à corpore. Quapropter diuisio nulla tanta potest, vt Imperij Romani corpus penitus adimat.

Videaseiusdem diuisionis viua etiam exempla in consequentibus Imperatoribus, quorum alij Occidenti, alij verò Orienti præfuerunt, non obstante vllò propinquitatis aut cognationis iure. Sed mā-
fit nihilominus Imperij robur sub Theodosio, quod omnibus gentibus formidini atque terrori fuit. Post illum verò mox imperante Theodosio iuniore, debilitari eius potentia cepit, cum annis 400. totis

ORATIO XI.

Italia partim hostium metu perculsa est, partim armis externis oppressa: ac Roma ipsa victrix & domina orbis à Gothis, duce Alaricho, capta est. Steterat autem Monarchia Romana annos 456. cum in hostium potestatem vrbs redacta est, & servitutem miseram servire coacta. Hic iterum vides lutum ex altera Imperij Romani parte, dum nihilominus ex altera, nimirum in Oriente, ferrum eminuit.

Sed hæc ipsa facies imperij Occidentalis, quamvis squalida sit & lutosa siue lutuosa penitus, tamen deformior & tristior multò redditur sub sequentibus quibusdam Imperatoribus. Nam Maximo imperante, Gentericus Vandalorum Rex precibus & promissis multis inuitatus ab Eudoxia, Romam non solum opibus, sed etiam ornamentis Imperialibus omnibus spoliauit, eaq; secum in Africam abduxit. Hic siquidem Onuphrium audimus, parum absuit, quin Occidentis Imperij nomen & Maiestas omnis extincta sit, & tamen in hoc ipso luto de robore ferri aliquid reliquum Deus fecit. Quamvis tandem Occidentale Imperium prorsus defuerit, dum barbaris & peregrinis diiipiendum & inflammandum est relictum.

Quo

Quo sanè mirari magis fatum conuenit, quod nomen etiam ipsum Augusti quasi exaruerit, dum nō amplius Augustum sed Augustulum Imperatorem Occidens habuit, & nō solum in Italia, sed in Gallia etiam Romanum Imperium defecit, ut iam neq; rem, neq; nomen Imperij Occidentalis agnoscas. Verè igitur tūc in tuto adhæsisset hoc præclarum Imperium, & re euentuq; vaticinium Danielis comprobauit. Nectamen interea ferrum planè desijt, sed in Oriente clarè emicuit. Vnde etiam Imperante Iustiniano, annō 537. à Monarchiæ Romanæ initio, iterum erupit, & vim suam potentiam q; longè lateq; diffudit. Nam & Carthago Vandalis erepta in Romanorum potestatem redacta est. Et Roma ipsa depulsis Gothis recuperata, & Romanis denuò subiecta est. Quo facto respirare atque colligere sese Imperium Romanum insigniter cœpit, aded, ut ipsemet Iustinianus scribat, tertiā partem totius orbis tunc sibi accreuisse.

Et si autem verè ferreum tunc Imperium Romanum videri potuit, cum deuictis omnib⁹ exteris & peregrinis, suum decus & robur recuperauit: tamē nō longè post iterū Italia à Lōgobardis occupata est, excusso
 omni

O R A T I O X I.

omni Orientalis Imperij præsidio, mansitq; in eorum potestate annis 206. sed Roma tamen potiti non sunt Longobardi. Quo tempore iterum Occidentis Imperium luto quàm ferro fuit similis, donec anno Christi 800. Monarchiæ verò Romanæ 846. Carolus Magnus Rex Francicus, Imperator Romanus & augustus Romæ certis plausibus, & approbatione insigni totius populi salutatus est. Hoc enim duce & autore Romani imperij robur reparatum est; & lutum denuò in ferrum mutatum, ut hac ipsa vicissitudine veritas prædictionis Propheticæ palàm confirmaretur.

Quamquam autem à Germano Francorum sanguine, ut Meyerus ait, ortus est hic Carolus: tamen Imperator & augustus dicitur, non ob Francicum regnum, sed ob Romanum imperium, quod legitimo consensu Pontificis Romani, & Imperij Græci ad eum translatus est. Hic iterum fortunæ conuersio, vel potius vicissitudo magna conspicitur. Dum enim imperium Occidentis instauratur, & ferri vim recipit, ex altera parte, Orientis scilicet, inclinatio ingens fieri incipit: dum in Asia incredibili penè successu Sarraceno-
rum

tum aucta est potentia, adeò vt Palæstinā, Syriam, Arabiam, Mesopotamiam, & bonam Asiæ partem, tum Africam etiam ipsam littoralem ad montem Atlantē vsq; occupârunt, & duobus regnis constituis, vno in Ægypto, altero in Babylone, Monarchiam quasi quandam nouam introducere conati sunt. Quod sanè quid aliud est, quàm id ipsum quod Daniel ait, regnum quartum ex parte contritum fore? quid enim est conteri siue atteri, si hoc non est, quando de corpore tot membra auelluntur, atq; adeò in corpus ipsum scinditur?

Est etiam cap. 7. Danielis hoc ipsum vaticinium, quamuis commutatis verbis atque figuris repetitum. Cum enim dixisset Propheta, decem cornua esse quartæ bestię, hoc est, regna complecti multa, vt mos est scripturę sanctę, decimum numerum pro magno vsurpare: mox addit prophetiam de hoc Mahometico regno, quod sub Heraclio auspicijs non bonis cœptum est, & Romanum regnum, Ecclesiamq; affligit, donec ad iudiciũ venerit Christus.

Vt autem in Orientis imperio inclinatio ad lutum ingens facta est hoc tempore: sic contra in Occidente ferri instar inuietum fuit imperium. Nam Henricus & Otto-

ORATIO XI.

Ottones Imperatores atq; Augusti, trans-
latum à Francis ad se Imperij decus, nō so-
lum retinuerunt, sed strenuè etiam auxe-
runt, fueruntq; verè ferrei, hoc est, inuicti
custodes & propugnatores pacis, iustitiæ,
atq; etiam religionis. De Henrico .n. me-
morant Historici, quòd omnes gentes &
Reges illum venerati sint. Ottonum verò
virtutem & felicitatē diuinam quis igno-
rat? Quid dicam de Henrico quarto, q̄ ne-
mo cum hostē sæpius collatis signis confli-
xit, utpote qui bis & sexagies cum gentib⁹
ferocissimis dimicauit? Neq; verò transla-
tio ista Imperij à Francis ad Saxones digni-
tatem Imperii vllō modo mutauit aut mi-
nuit. Mansit .n. immota Imperij Maiestas,
nomen & sceptrum, quamuis ad alias fa-
miliās peruenerit. Cunradus Franconia
dux moriturus misit Henrico Saxoni o-
mnia Imperij insignia, sceptrū, coronā, &
cætera ornamenta, autorq; fuit Imperij p-
ceribus, ut per legitima sua suffragia illum
Imperatorē eligerent. Ottonē Magnum co-
ronauit Hildebertus Archiepis. Mogunt.
tradito illi gladio Imperiali & baltheo, ut
de natiuo & genuino Imp. Rom. dubitare
fas non sit, quin illud ipsum fuerit, quod
hi Imperatores heroici gesserunt.

Vt

Vt autem nulla felicitas humana est perpetua: sic nec ista Occidentis potentia fuit diuturna. Nam Vuenceslao imperante penè omnis eius gloria tanquã flos cecidit. Ex quo querelæ graues natæ sunt, quod de potente illo & venerando quondam gentibus & Regibus Rom. Imp. præfigurato in tibijs ferreis, cui olim nihil defuerit, nisi modicum Orientis, tunc nihil relictum sit, nisi modicum Occidentis.

Spero cognosci ex hac commune facti-
one vices illas regni quarti, quas imagine
ferri & luti Propheta prædicit: nec dubi-
to diuisionem regni huius, omnemque
eius fortunam florentem pariter atq; in-
clinatam sic esse demonstratam, vt vberi-
ore aut euidentiori declaratione minimè
sit opus. Cùm itaque & hæc secunda nota
quartæ Monarchiæ à Daniele posita, ad
Romanum Imperium omni ex parte con-
gruat: nemo negare potest, quin verè hoc
ipsum regnum, cuius reliquias miseras &
afflictas persequimur, quartum regnum
à Propheta nominetur.

Sed superest nota tertia, quæ clarissimè
omnium Romanū Imperium nobis cōfir-
mabit. Sic. n. inquit Daniel: In dieb⁹ illis,
scilicet quartæ Monarchiæ, suscitabit Deus
celi

ORATIO XI.

cœli regnum, quod in æternum non destruetur, & regnum hoc alteri populo non tradetur. Comminuet autem & consummet vniuersa regna hæc, & ipsum stabit in æternum. Quid aliud hæc verba volunt, quàm Christi æternum regnum innuere? Est autem duplex huius regni tempus notatum. Prius quidem in his terris, stante imperio mundi vltimo, quando scilicet Christus in carnem venit, & regnum suum per verbi ministerium ac donū Spiritus sancti palàm incoauit. Id enim iuecat Daniel suscitare regnum æternum. Posterius verò in finali iudicio incipiet, cū venerit filius Dei cum potestate magna, & omnia regna mundi abolebit, nouumq; regnum cœleste instituet. De hoc enim regno ait Propheta, quòd comminuturum sit & consumtutum vniuersa regna mundi. Itaq; aliter quàm de iudicio extremo filij Dei intelligi non potest. Iam in memoriam redi, & principium connecte cum fine: In diebus illis, inquit, istud regnum æternum suscitabitur: & sequi inde sine cuiusquā contradictione intelliges, quòd & vltima hæc sit Monarchia quarta, & quòd in nullum aliud regnum in terris, quàm in Romanum hæc prædictio con-

ueniat. In hoc enim æternum Christi regnū cepit, & in eodem etiam nunc finem mundi, per gloriosum Christi aduentum ad iudicium assiduis vobis expectamus. Fuit enim verè hoc consiliū Dei, vt per hæc quatuor regna tempus Messia nascituri, & eiusdem ad iudicium redituri nobis prædiceret. Vt igitur nascentem Christū monstrauit. Augusti census per totum terrarum orbem in initio Monarchiæ quartæ: ita aduentum Christi ad iudicium nunc ostendit vel potius portendit eiusdē imperij ad præcipitem ruinam inclinatio, vt dubium nobis esse nullum possit, quin breuī consumpturus sit Christus omnia mundana regna per illustrem & lætum suum ad nos in gloria & maiestate summa reditum. Est enim ita eneruatum, accisum, attritū, debilitatum, & in angustias tantas redactum hoc Imperium Romanū, vt vix modicum Occidentis retineat. Veni ergo IESV CHRISTE, & abolitis hisce mundanis omnibus ex hoc luto siue luctu & squalore in cœlestetuum & æternum regnum, luce, læticia & beatitudine affluens nos recipe.

HÆC ad euertendum interpolatum Ioannis Bodini errorem satis esse existimo,

ORATIO XI.

nec rationibus aut argumentis alijs opus
 esse. Non enim argumentis contendendum est, humano ingenio excogitatis, ubi
 diuina dominatur & sufficit autoritas, &
 rei ipsius siue euentus adstipulatur veritas. Possem quidem autoribus ad hoc confirmandum
 vti grauissimis, Hieronymo, Augustino, Theodoro, Lyra, atque adeo
 totius antiquitatis consensu, sed plus valeat apud nos Prophetæ non ambiguum
 neque obscurum, sed expressum & experientia ipsa stabilitum testimonium. Quod
 si secutus esset in sua methodo historica Ioannes Bodinus, minùs in dubitationem
 atque errorem raptus esset. Sed dum relictis vel certè non satis consideratis scripturæ
 verbis, ex eorum Magistrorum Iudæorum interpretationi assentiri mauult, fieri
 non potest, quin in easdem erroris tenebras cū illis incidat. Non. n. defuerunt ante
 Theodoretū etiam, qui regnum ferreū ad Alexandrum Macedonem accommodarunt
 & pedes pedumq; digitos ex ferro & testa compositos, ad eius successores. Sed hi inquit Theodor.
 ne numerū quidē regnorum & tēpora à Daniele mōstrata assecuti sunt, sed toto cœlo, quod aiunt, aberrarunt.

Vetus est hoc artificium Iudæorum, vel
 pou-

potius elusio, atq; deprauatio scripturæ, vt omnia quæ de Christo, aut eius spirituali regno dicuntur, in politicū sensum transforment: quia aliud sentire aut scribere de Christi regno æterno non possunt: dum conceptis opinionibus suis, & iam penitus inueterato errori indulgent, nullū alium Christum præter politicum fingentes. Idcirco malunt omnia testimonia de spirituali regno Messia eludere & pervertere, quàm vt hoc perniciosum somnium sibi patiantur eripi. Etiam Hieron. ait, Iudæi & impius Porphyrius, omnia hæc Danielis verba ad populū Israël malè referunt. Valeant igitur cū impio suo somnio Iudæi nec peruersa eorum & nubilosa contradictio, aut scripturæ interpretatio perspicuum doctrinæ Propheticæ sensum obscuraret, aut ambiguum reddat.


Absit etiam, vt vel leuitate vel petulantia ingenij, aut plures Monarchias fingamus, quā expressè ponit Dan. aut ppter infirmitatē Imperio Rom titulū 4. regni aut Monarchiæ denegemus: ne & Deo, auctori istius vaticinij, & experiētia ipsi reclamare videamur. Sit potētior Princeps Æthiop. sit Rex Regū & dñs dominantium Geog magnus Tartarus Chā, teneat Rex Hispan. Imperium

ORATIO XI.

rium maius aut amplius Romano siue Germanico: non tamen propterea est Imperator seu Monarcha Romanus à Daniele prædictus. Desinat ergo obijcere nobis Ioannes Bodinus, vel Tartari, vel Æthiops, vel Arabum, vel Galli etiam imperium, nec tam spectet quid amplum sit aut magnificum in mundo, quàm quid cum vaticinio Prophetico cōgruat. Non .n. fas est nobis, vlli Regi appellationē regni aut Monarchiæ quartē tribuere, nisi cui diuina assignat Autoritas. In alijs, quæ rationi aut intelligentiæ subiecta sunt, vti licet humano iudicio, quanto quisque potest: (quam ne id quidem extra præscriptas in quaque disciplina aut scientia regulas.) In vaticinio autem isto Prophetico verbum duntaxat valet, præsertim cū illud omni ē parte nunc comprobâr iteuentus.

Ita error est Ioannis Bodini verus & quidem detestabilis, si seriò, refellendus verò, si, vt quidam opinantur, ingenij, vel vt ego suspicor, Iudæorum causa simulatè contra Monarchias disputauit. Verùm mala & impia consuetudo est contra Deū aut diuinū ipsius verbū disputandi, siue ex animo id sit, siue simulatè. Et oportet nos Christianos non incerta spe duci, aut pen-
dere

dere animis, cū de diuino verbo agimus:
 Sed persuasum hoc penitus nobis habeamus. Christi nostri natiuitatem apud
 cum Danielis prophetia congruere, & in
 quartam Monarchiam incidisse. Cumque
 hæc pars vaticinij Danielis certò euenerit:
 certi sumus euenturum etiam alterum, ut
 in nubibus venientem filium Dei videa-
 mus, ad liberandum nos ab omni luto &
 cæno, in quo miserè hæremus atque lu-
 ctamur: stante adhuc eo ipso ordine im-
 periorum, quem prædixit Daniel, nempe
 in Monarchia quarta & vltima. Idque ut
 quàm primum fiat, votis, suspirijs & ge-
 mitibus assiduis te oramus, fili Dei Iesu
 Christe, quo in regnum illud tuum æter-
 num & perbeatum, lætitia, & luce ab-
 undans traducamur, & re factòq;
 summa vaticinij atque pro-
 missi tui comple-
 atur.



a

3

ORA-

Oratio XII.

DE PONTIFICIIS INSL DIIS PER GERMANIAM:

Anno Christi, 1584.

IN omnibus bene constitutis Rebus pub.
concessa fuit Oratoribus libertas dicen-
di de rebus ad patriæ usum salutemque
spectantibus : si quando commune ali-
quod impendere periculum est visum, aut
deliberatio grauis incidit. Tantumq; ab-
est, vt talis libertas Rerum pub. modera-
tores offenderit, vt etiam cuius pecuniæ
anteferendam esse cēsuerit Demosthenes
eorum copiam, qui sententias dicant, aut
de imminentibus incommodis vtiliter
admoneant.

Est autem ea dignitas atque præstantia
communis nostræ patriæ Germaniæ, vt
summa, ex omnibus in orbe terræ regnis,
Resp. iure & meritò omni possit nomina-
ri. Retinet enim ornamenta antiqua ho-
noris, monumenta gloriæ, insignia lau-
dis Romani Imperij. Quibus alia ac-
cesserunt decora inæstimabili beneficio
Dei tributa, legum sanctitas, religionis
puritas, artium omnium ac dicendi scribendiq;
La-

Latine, Græcè, Hebraicè vis atq; facultas. Quæ certè singula vix olim florentissimis Rebuspub. concessa, nunc vniuersa in Germaniam infusa atque diuinitus ei donata videntur. Talis ergo cùm patria nostra Germania sit: minimè committendum est, vt cum supeditata ea sint omnia, quæ iusta imperij, præclaraque Reipub. forma requirit, vna libertas Oratoribus conueniens adempta esse aut imminuta videatur.

Mihi verò, qui in Oratorum numero neque me pono, neque in eorum loco duci ab alijs possum, quæ tandem venia excusationis debetur? An non tacentibus tot vsu peritis, doctrina instructis & eloquentia, autoritateque excellentibus, audacissimus sum omnium? Minimè verò. Ingenuitatis enim laudem confector, audaciæ verò, temeritatis, & importunitatis crimen vito. Neque etiam Ciceroni credimus, audaciæ nomen habere potestis, sed fortitudinis potius, qui non sua cupiditate, sed communi vtilitate ad suscipiendum aliquid impellitur. Quod autē ego sentiens scribo, idē alij vel potius boni omnes, & communis salutis cupiditate ardentes, tacitè cogitantes sentiunt, ac si liceat, profiteri etiam & voce exprimere gestiunt.

ORATIO XII.

Quid igitur est, quod tantopere nos
urget & impellit, ut querelas iustas deplo-
remus. Absit ut Cæsaream Maiestatem su-
foiciosè arguamus, nec est quod Principes
Electores, aut ullos Imperij proceres infi-
mulemus. Per Cæsaream enim Maiesta-
tem, & Principum nostrorum clementi-
am, pace nobis cōmoda frui licet, nec in-
fidiarum, fraudis, & violentiæ metu ullo
angimur. Sed alius est qui procul à finibus
Germaniæ ad Tyberim dominatur, & au-
toritatem tamen, imperiumque aliquod
in nos, nescio quo iure, sibi arrogat. Etsi
enim hebescere in Germania retusam ex-
communicationis aciem, qua antea pro-
miscuè in Imperatores, Principes & opti-
mos quosque usus est, satis animaduertit:
identidem tamen pontificium suum ful-
men ostentat, gladiumque Apostolicum
vibrat, ut nonnullum in nos periculum ab
eo impendere experiamur. At ferre qui-
dem corporis aut fortunarum iacturam
graue est: sed grauius multò cœlestib. bo-
nis Christi sanguine & morte partis spo-
liari. Quomodo enim participes fieri bo-
norū Christi possumus, nisi lucem verbi
diuini hoc seculo oblatam amplectamur,
libereque profiteamur? Nec magistratus
etiam

etiam est noster Pontifex: dum nulla ad eum potestas à Deo translata est. Non enim caput aliud imperium hoc agnoscit, præter id cui se ipsum commisit, ipsius Dei concessu ac munere sibi tributum esse intelligit, nempe Maiestatem Cæsaream, in cuius salute omnia sua cōmoda, post Deum immortalem sita esse fatetur. Cum itaque ius potestatemque imperandi nobis nullā Pontifex habeat: quid est, quod vel promissionem Evangelij in aliena Reipub. impedire conetur, vel ab alijs vim religionis prætextu intentatam præbet.

Ac ut excusatum esse Pontificem Romanum maximè cupiamus, utpote qui nec sedibus nec fortunis querquam eijciat, nec dominatum etiam ullum in Germania occupet: tamen Ius pōtificium vehementer reclamationat, & vim excusationis omnem redarguit. In medio est impia vox & Sathanæ furore plena, quæ affirmat omnes Christianos de salutis necessitate Romano Pontifici subesse. Hic nullus magistratus excipitur, quin Papæ imperium agnoscat, & subiectum se illi fateatur. Nec veretur gloriari, utrumque sibi gladium deberi, adeo ut omnes iudicet, ipse verò iudicetur à nemine. An non hoc

ORATIO XII.

est extollere sese suprà omnem magistratum, & supremum dominatum sibi vindicare? Cohorresco pectore toto, quoties lego contumeliosissimam illam similitudinem, qua Cæsaream Maiestatem facit ferram, quæ per se sit iners & inutile instrumentum, nisi à Papa trahatur. Quæ, obsecro est contumelia magistratus, quem adeo euehit & ornat Deus, ut Deum vocet, si hæc non est? Si ullus hæreticorum unquam isto pacto Cæsaream Maiestatem extenuasset, & deformasset, an non iure omni explodendum omnes censeremus? Non utique ferram dici Cæsaream Maiestatem parimur, sed vicarium Dei agnoscimus, sanctum & inuiolabilem iudicamus Augustum, hoc est à Deo electum & coronatum putamus. Nec ferra simile hoc imperium facimus, sed caput orbis à Deo ordinatum, templum sanctitatis, sedem religionis, aram disciplinarum & artium, asylum iuris, portum nationum & gentium dicimus. Qui itaq; dominatum Pontificis Rom. negare volet, Pontificium ius neget oportet.

Quod verò talis dominatio, quàm ius pontificium ingenti errore fingit, re etiam dies & noctes quærat ac paretur: faces arden

ardentes quæ in Germaniam, & vicina regna iactantur, satis indicant. Quæ mala, quæ fulmina, quæ clades non struuntur his, qui decretis Pōtificijs parere recusant? Certe Reges Principes, Magistratus ad exequendum religionis pontificiæ dogmata inflammantur, saevientesq; in sua vi cera contra datam fidem, scelere omni & maleficio solvuntur. An non hoc est tyrannidem vsurpare & religionis sanctitatisque prætextu, veram religionem, sanctitatem, ius fas omne pervertere? Testis est Gallia quæ lanienam tot innocentium & benè meritorum virorum experta est. Hæc quibus alijs autoribus, atque impulsoribus, nisi furijs Pontificijs suscepta atque perfecta est? Testis est locuples inferior Germania: quæ tot annos bella, iniurias, cædes, direptiones, incendia, & omnē mali ideā, vt Thucydides vocat, sustinuit. Nuper verò etiā Antuerpia sæuitiā & immanitatē plus quàm Turcicā, sed frustra tamen tentatā à ceruicib. suis repulit, & vix ingenti Dei benignitate p̄tectā evasit. An nō ex eodē fonte perfidia tāta p̄fecta est? Nullū est scelus, nulla im̄pbitas, nullū periuriū, aut peccatū tantū, cui nō veniā & impunitatē pol̄lceatur ac det lus pontif. si in Christianos eos, quos

ORATIO XII.

quos hæreticus Pontifex Rom. appellat, suscipiatur.

Quanquam autem externa hæc sunt quæ attigi, nihilominus tamen quod ab-
unt à nobis propius, eò commouere nos
magis debent, ac flectere ad misericordi-
am: iccirco quia eadem in nos quotidie
impendent pericula, nisi Deus pro sua cle-
mentia auerterit. In imperio ipso quid ge-
ratur oculis nostris cernimus. Sparguntur
non oblicurè, ciuiliū defensionum atq;
intestinatorum bellorum semina in pluri-
bus Germaniæ locis: dum ciues propter
Euangelicæ religionis professionem vel
ledibus & fortunis pelluntur, vel in peri-
culo vitæ ac bonorum versantur. Testes
sunt ita positi in promptu, vt res disputa-
tione non egeat. Alios metus coërcet, &
amplecti lucem veritatis atque doctrinæ
religionis prohibet. Qui quidem metus
quàm sit impius, Deo iniuissus, & æterni sa-
luti animæ & corporis inimicus, facile o-
mnes intelligimus. An non verò tolerabi-
lius est corporis aut bonorum facere ia-
cturam, quàm æternæ salutis spe omni
frustrari? Hæc certè vis est & Tyrannis,
non Imperij modò Romani libertate in-
digna, sed Christianis etiam nimis acerba
atq; perniciosa.

At-

Atque hæc quidem vix tenuia sunt initia eorum consiliorum atque conatuum, quæ iam dudum in nostram perniciem concepta atque meditata sunt. Non enim in paucis tantum, & Pontifici Rom. subiectis diocesibus, ducatibus, & regionibus eiusmodi tyrannis exercetur, sed omni cura & cogitatione id agitur, ut per totum Christianum orbem Tridentini concilij decreta obseruentur, recusantesque ijs obsequi, non iure aut disceptatione, sed vi, impulsione, cæde, incendijs, bonorumque direptionibus euertantur atque deleantur. Ad quam quidem libidinem explendam via duplex initur. Nam & ad mutua arma Reges, Principes, Episcopi & quicunque autoritate aut opibus valent, incitantur, & obtruduntur Principibus & Episcopis emissarij Pontificij, leuitæ, hominum genus sanctitatis specie tumescens & miro artificio influendi in Magnatum animos, quasi quodam fucò pigmentisq; eruditum atque illitum. Quod enim aperte cædibus, vastationibus, exilijs atque supplicijs effici minus potest, id per hosce homines astute, tanquam per Cuniculos petitur. Et quò penetrare cruentus non potest gladius, eo peruadere pestes illæ libertatis

ORATIO XII.

tatis & religionis veræ conantur. Omnino si veritati vllus est relictus locus, affirmaverim, ex inferis esse emissam hanc Pandoram, ad stabiliendâ Idolomaniam pontificiam, & euertendam doctrinam Evangelij. Quemadmodum vir quispiam grauis aliquando, quid de noua illa Iesuitarum secta sentiret, interrogatus, respondit: Si licet ingenuè dicere mihi quod sentio, cartæ lusoriæ per similem illam esse dixerim, in qua Sathanas spem vincēdi extremam collocauit. Adeo celeriter disseminata est, tantoque successu in omnes oras, nationesque peruagata, vt nullum penè regnum, nullus Episcopatus ab eius contagione vacuus atque purus sit. Quin in Respub. ipsis etiam & plerorumq; potentum familiaritatem sese insinuauit. Sic ergo conceptum intra præcordia Pontificum venenum Germania in multis locis continet, & in sinu paratas sibi per tales emissarios insidias fouet. Nec ad perficiendum eadem & cladem Euangelicis iam dudum cogitatam, & tentatam, aliud quicquàm deest quàm facultas.

Quòd viuimus igitur, quòd spiramus,
quòd sedes, quòd tecta, quòd Ecclesiam,
quòd

quòd Euangelij professionem saluam & liberam in aliquibus partibus Germaniæ habemus, post Deum immortalem, vnice acceptum referimus Cæsariæ Maiestati, & Principibus Electoribus Imperij, qui cruenta eiusmodi consilia partim probare hætenus & exequi noluerunt, partim auctoritate, fortitudine, constantia, & diuina quadam felicitate obstiterunt, ne nos tela sicæ, & districti gladij iugularent. Inita sunt iamdudum contra nos fœdera, factæ con- spirationes, coniectæ faces. Nec desunt clausica & crebræ cohortationes, cruentæ- que conciones, quas non fama solùm & auditione accipimus, sed erumpere etiam in actum cernimus. Hic si patefacere aures, & adulari se passa fuisset Maiestas Cæsarea, quæ ora, quæ regio Imperij, à tumultibus, cæde & sanguine vacua esset? Hic profectò inuictam animi magnitudinem non minus, atque haud scio, an non multò magis, quàm in hostis externi insidijs declinandi, atque propulsandis iniurijs ostendere oportet. Talis enim hostis cum bellum minatur, commune est toti imperio periculum, & communis etiam cura de- fensionis. At pontificiæ fariæ non in Tur- cas, non in alios externos aut barbaros, sed
in

ORATIO XII.

in Imperij viscera suis cohortationibus incitant, & vt Principes, omnesque ordines imperij à pontificia religione abhorrentes, excindantur, & è medio tollantur, laborat.

Ingenis malum esse putabat Cicero Cōsul cum Respub. Romana Catilinam exitium intra moenia molientem continebat, nec quiescentem sibi ducebat, priusquam peltem illam ciuitas euouisset. Et rectè quidem. Quid enim hosti domestico, versuto præsertim & callido nocentius esse potest? Non minus malum est, quòd Germania tot Sirenibus vel furijs potius vexatur, quæ Ecclesias, Scholas, Academi-
as occupant, omnesque aditus ad Principes ciuitatesque comparant, vt cunctorum consiliorum & actorum spectatores sint: tum frigidam etiam aquam suffundant, & tanquam hæmorrhoides potentum iracundiam inflamment, vt in Trægia dicitur.

Nec nouum hoc est Pontificum Romanorum artificium, sed ex multorum annorum historia notum. Ac vt maximè comprimatur aliquantisper, tandem tamen in actum erumpit. Inde tot tamque graues sunt Historicorum querelæ de Pontifi-

tificum scelere, fraude, magia & crudelitate, ut faces penè omnium dissidiorum & bellorum ciuiliū in imperio iure haberantur. Mittamus longinqua, videamus tantū recentia. Testes sunt satis locupletēs tū alij complures, tum in primis Imperator Sigismundus, cui hortatores & impulsores erant tot Cardinales, Episcopi, Monachi, ut innocentem Hussum cum socio Hieronymo, ad ignis supplicium damnari pateretur. Passus est, ne schisma, quod tunc in ore erat cunctis fieret. Crematus est vterq; Sed ita ut pontificia quidem tyrannis stabiliretur, horrenda verò distractio, tumultus, & clades ingentes passim consequerentur.

Crudelius multò est quod Vladislao Vngariæ Regi accidit, cui mortem Iulianus Cardinalis & Eugenius Pontifex scientes volentes attulerunt, cladeq; omnibus posteris lugēda Christianos affecerunt: dum optimum Regem ad bellum Turcis inferendum crebris & importunis clamoribus, contra fidem iuris iurandi religione ab vtraq; parte firmatam impulerunt. Est enim hoc velut symbolum Pontificis Romani, quod in animo & ore habet perpetuò: nullam esse fidem hæreticis seruandam,

ORATIO XII.

dam, nec vllum fœdus cum hostibus religionis suæ, inconsulto se factum, esse ratū. Ex hoc igitur sacro augustoq; iuris Pontificij principio, rumpi etiam & violari decennij inducias cum Turcis tunc oportuit. Etsi enim iurisiurandi seruantissimus erat Rex Vladislaus: plus tamen valuit pontificia autoritas, quæ à iureiurando eū absoluit, & Turcos inuadere coëgit.

Ac si res vlla est, quæ mouere Cæsaream Maiestatem, aliosq; Imperij proceres potest, vt animis totis, tales Pontificium instigationes execrandas & fugiendas censeant: hæc est, quæ exitum tam tristem & lamentabilem habuit. Cum enim ad arma vtrinq; esset ventum, & ferocibus animis pugnaretur: inclinari & in fugam verti primū acies Turcica cœpit. Hic cum penè fractus desperatione Amurathes cōspicatus esset in Christianorum exercitu imaginem crucifixi IESV, alta voce exclamavit: Crucifixesi, Deus es, vindica perfidiam istam populi tui, qui iusiurandum nomine tuo datum, tam sceleratè violat. Mox commutata fortuna, exercitus Christianorū cæsus est, Rex ipse in pugna deiectus equo, obtruncatus, & Iulianus à latrunculis in fuga necatus est. Vt documentum

mētum statueretur omnibus posteris memorabile, quod velut è sublimi concionās, contra pontificium Canonem testaretur omnibus Regibus & Principibus, non domesticis solūm fidei, sed hostibus etiam fidem esse seruandam. Quorsum igitur detestandum illud pontificium euadet elogium quod hæreticis fidem omnem datam abnegat?

De Maximiliano I. Imperatore Augusto quid dicam? An nō is quoq; pontificijs artibus plus quàm Sinonijs vexatus atq; fatigatus, auersari toto animo impiam Papæ fraudem cœpit? Nec sanè alienum est à vero, quod ad consiliarium Principis Electoris Saxoniz Degenhartum Pseffingerū dixisse fertur: Se breuī etiam vsurum esse Lutheri opera, cupere igitur, vt studiosè custodiretur. Vidit nimirum fortissimus Imperator inexplebilem esse Pontificum cupiditatē turbandi Ecclesiam & Rempub. nec facile esse, insidias eorū à suo Imperij capite ppulsare. Iccircò lætatus est, donatū esse aliquādo diuinitus Imperio eiusmodi virū, qui ad detegendum refellendūq; Pōtificis artes satis animi & neruorum haberet.

Venio ad Carolum V. qui fama virtutis & rerum gestarum, totum penè ter-

ORATIO XII.

rarum orbem compleuit. Quoties ille & quàm acris scriptis concionibusque ad rumpendum fœdus, quo sanctissimè imperium constrictum tenetur, & ad profundendum Euangelicorum sanguinem incitatus est? An non Classico fuerunt similes illæ voces, quæ hortatæ sunt ad oppugnandum, & exirpandum pestiferum genus hominum, quod Euangelium profitetur? vtpote quos ne Solem quidem intueri diutius fas sit, sed quorū vmbra ipsa polluat terra. Nec aliò spectauit concio ea, qua ad Cæsarem conuersa oratione dixit concionator: Non posse Cæsaream Maiestatem sperare vllam salutē aut succellum in Imperij administratione nisi cubitum totum in sanguine Lutheranorum tinxisset. Quanquam autem inuitus Cæsar laudatissimus istam belli ciuilis turbam audiuit, nec arma facile contra innocentes sibi indui passus est: effodit tandem tamen moderatissimum illius pectus concionum & instigationum assiduitas, vt satisfacturum se officio suo promitteret. Veruntamen omnia prius experiri voluit, quàm ad arma veniret. Aliquoties enim colloquia, componendi causa religionis controuersias, instituit, & executionem
amplius

amplius 25. annis distulit. Nec ipse
tamen denique religionis gratia bellum se
suscipere ostendit, sed ad speciem & ad v-
surpationem legitimæ vindictæ rem totā
adumbravit, ad officium redigendos esse
armis, dictitans, nonnullos Principes &
fœderatas ciuitates, quæ edictis ipsius mi-
nus paruissent.

Quin etiam multò ante quàm bellum
est susceptum, id operam dedit, Carolus
V. ut nullo modo is videri aut haberi pos-
set, qui ob decreta in Comitibus Augustanis
aduersus Hæreticos facta, vastare Germa-
niam cuperet. Cum enim Heldo Vicecan-
cellario in responsione, D. Alberro Archie-
piscopo Munguntino & D. Palatino Lu-
douico data, hæc verba excidissent: Velle
Cæsarem exequi decreta religionis, etiam
cum Germaniæ exitio: interpellans Ca-
rolus dixit, nequaquā se velle vastare Ger-
maniam, quæ & patria esset, & honoris
summum gradum contulisset. Atq; vti-
nam, ut in alijs, sic in hoc ipso etiam nego-
tio inuictum sese ab incitationibus Pon-
tificiorum Cæsar ille magnus præstitisset.
Nihil illo laudabilius, nihil felicius absq;
dubio usq; ad finem vitæ fuisset. Verùm
cum tandē ad bellum illud ciuile traduci

ORATIO XII.

se passus esset, quamuis ex sententia confecerit, & victor euaserit: eiusmodi tamen fortuna consecuta est, ut satius fuisse videatur omnino non suscepisse. Adeo conuersis rebus post victoriam spes salutis & successus in rebus gerendis omnis euauit.

An non illustre hoc est exemplum, ex quo documentum nos capere Deus uoluit, ut & infelices esse conatus delendi ueram doctrinam credamus, & Christo ipso custode & propugnatore tutam esse Ecclesiam uerā, nobis persuadeamus, quantumuis ad euertendam illam omnem vim & potentiam conferant aduersarij? Quid quæso, aliud sperabant fore Pontificij? Quem alium exitum metuebant Euangelici, quàm ut victore Cæsare, victis uerò federatis Principibus atq; ciuitatibus, ex oppidis & Regionibus, immo ex finibus humanæ naturæ exterminaretur noua religio. Verum aliter multò uisum est Deo, qui in ipsa uictoria Cæsaris, & clade Euangelicorum, Euangelij doctrinam in maiorem lucem protulit, & planum hoc cunctis mortalibus fecit: non uelle se ut armis uel opprimatur, uel defendatur Ecclesia sua. Nec ab illo usq; tempore impediri uilla fraude aut

de aut arte cursus Euangelij satis potuit. Quēadmodum nec adhuc retardari eum possibile est: quantumuis conspiratio ad reprimendum illum magna conflata sit: Est enim velut ignis, qui aduersarij manu cohibitus, erumpit indies magis, & in plures regiones atq; vrbes diffunditur.

Quod benè intellexisse sacratissimum Imperatorem Ferdinandum inde apparet, quòd post semel tentatum bellum prætectu politico contra religionem, nihil moliri ampliùs aduersus eandem voluit, sed pacem, spretis clamoribus & incitationibus Pontificijs, coluit. Eadem moderatione & æquitate eximia vsus est Imperator Maximilianus II. & in nostram religionem nunquam durum aut iniquum sese præbuit. Quin absque vlla dubitatione nonnullis statibus & ciuitatibus liberum eius vsum tot precibus & supplicibus literis efflagitantibus concessisset, nisi omni contentione velis, vt ita dicam, remisq; Pontificij obstitissent.

Summam rerum nunc Augustus Cæsar, Rudolphus II. administrat, iisdem vocibus aures eius vndiq; circūsonant: Caue Cæsar, hæreticis fidem serues, caue bene fi-

O R A T I O XII.

tui gratiaq; causa quicquam illis cōcedas,
 caue obsecrantium pro religionis vera li-
 bertate te misereat, sed ōnes nervos in de-
 lendis illis contende. Nihil agere neque
 publicè neq; priuatim potes feliciter, non
 Turcam repellere, nec successum vllum
 sperare, nisi hæresin hanc inuisam omni-
 bus Pontificijs è medio tollas. Hic nisi vsu
 percaluisset diuinitus Maieitati Cæsareæ
 concessa atq; tributa patientiæ, quid præ-
 ter bella, cædes, lanienas, & funera reliquū
 haberemus? Ab his igitur quòd vacuis-
 mus, & tranquillitate aliqua fruimur, le-
 ges, pacta, conuenta integra habemus: is
 præstat solus, qui custos est Ecclesiæ suæ
 multò vigilatior ad propugnandū, quàm
 Pontificia cohors ad opprimendum. Is
 Cæsareæ Maiestatis mentem hætenus gu-
 bernauit, consilia moderatus est, & volun-
 tatem ad studium cultumque pacis flexit,
 ne ad impediendum cursum Euangelij,
 ad insectandum, spoliandum, trucidan-
 dūq; Lutheranos sese incitari sineret. Quòd
 igitur pacem aliquam trahimus, & dolos,
 insidias, virulentasq; machinationes Pon-
 tificiorum hætenus declinauimus, Cæsa-
 reæ Maiestatis Imperij Principum vigi-
 lantia atq; virtute post Deum immorta-
 lem

lem, perfici gratis animis profitemur. Pontifici verò Romano vlla ex parte nos subiectos esse, iure diuino aut humano negamus: Iccirco quia diuinitus accensam lucem doctrinæ odit, profitentes Euangelium infectatur, hæreticos vocat, & è medio sublato expetit. Quod si iure agendum cum Pontifice esset, næ planum fieri facile posset, virum ille an nos hæreseos crimine iustius damnari possemus. Est in medio confessio nostra, quæ cum inuicta hæctenus steterit, & in extremo iudicio coram Christo statura sit: non est quod hoc impio nomine notemur. Rebelles verò qui esse aut nominari possunt, qui Imperij legibus modestè parant, nec à suo magistratu deficiunt, sed eum sanctè colunt, & pro salute eius vitam, fortunas, & quicquid habent periculis obijcere atq; profunderè parati sunt? Habet Imperium hoc antiqua quadam decora, & retinet Germania aliquid roboris & virtutis pristinæ in hac postrema omnium rerum perturbatione atque confusione. Pontificia verò tyrannis inuidet nobis tanta bona, & labefactare ea omnibus viribus nititur, vt communi hosti Turco aditus ad nos discordia, bellicisque intestinis eneruatos, patefiat.

ORATIO XII.

Tales conatus omniconfentione comprimendi sunt, & pontificiæ infidiæ atque furores, tanquam pestes nefariæ libertatis Germaniæ à ceruicibus Imperij, velisequisque vt aiunt, depellendi. Sic enim placuit, itaque constitutum est in conuentu Imperiali, qui fuit Francoforti ad Mœnum, anno Christi supra millesimum trecentefimum trigesimo octauo: nihil accipere Imperatorem à Papa, nec Iurisdictionem vllam politicam in Imperio habere Pontificem Romanum: in Ecclesiasticis verò concilij generalis auctoritatem maiorem esse quàm Pontificis. Hoc decretum semel factum ab Imperatore Ludouico, approbatumque ab Episcopis & Antistitib⁹, firmus est murus, quo arceri possunt & repelli pontificiæ molitiones, quibus vel regnum aut tyrannis in Germania quæritur: vel ius potestasque tuendi aut exequendi pontificia dogmata in Imperio prætexitur. Quin hoc potius statutum ac deliberatum habeatur, tres esse præcipuos, maximeque firmos Imperij neruos, quibus fidere atque niti tutò illud possit, diuinitus Monarchiæ huic postremæ promissum patrocinium vsque ad finem mundi, coniunctionem Principum, & fidem

& fidem subditorum. Horum præsidio stare oportet Imperium, quoad volet Deus manere rerum humanarum memoriam, absque Pontificis Romani gladio, quem usurpare in nos, nescio qua cupiditate, & dominandi libidine, non veretur.

Quid in his turbulentissimis tempestatibus, tristi que hoc rerum statu, quo labascunt & ruinam minantur penè omnia, efficacius ad consolandum esse potest, quàm quod per Danielis vaticinium Cæsaream Maiestatem Deus nomine affatur? Caue putes, Cæsar, collapsurum esse penitus Imperium, quod curæ & fidei tuæ cōmisi. Diminutio quidem magna est facta, me ita ante annos 2084. per Danielelem prædicente, propter peccatum, quod ut mundum totum, sic omnes eius partes deformat, labefactat, & quò à fine suo abest propius hæc mundi machina, eò maiores cōfusiones habet, fragoresq; grauiores edit. Summa tamen rei certo mansura est, & habebit Imperium hoc aliquid roboris & dignitatis vsq; ad illum diem, quo, abolitò hoc corrupto rerum statu, nouum cælum & nouam terram conditurus sum, & Ecclesiam meam militan-tem coelesti hospitio excepturus.

Princi-

ORATIO XII.

Principum autem Imperij fide, magnitudine animi, potentia, opibus, populis & armis florentium coniunctio atq; societas, quantitandem æstimanda est? Sceptrum verè hi sunt & robur Imperij verissimum, maximeq; post Deum immortalem tutum. Quamobrem præsidio esse Imperio Romano multò firmiori possunt, quàm Romanus Pontifex. In primis conspicua est Principum Electorum & septem Virum necessitudo, sapientia, virtus, iustitia, magnitudo animi, fides, constantia, robur, cura & studium tuendi Imperij dignitatem, ius & libertatem: tum in præcipuis etiam defendendi religionis Evangelicæ veritatem atque professionem ardor tantus, ut eorum vnum cor, eademq; voluntas esse videatur. Hoc tam præstanti præsidio thronum Imperij sepsit & fulsit Deus, quod perumpere aut labefactare nemo hostium facile poterit, si ita ut est, manserit, & ab externis insidijs satis sibi cauerit.

Fides porrò multitudinis ea est in Imperio, ut in illa omnes curæ deponi possint. Quid enim fide Germanica est solidius? quid firmitus? quid tutius? Hæc igitur cum parata & expedita sit, non quidem vi
meruere

metuue extorta, sed ex amore in patriam
nata, quid est? quod firmamenta alia Im-
perij requirantur? Commodè ergo se res
habet, nec periculum impendet Imperio
vllum, nisi à Pontificia sede, ne illa scilicet
persuadeat aut efficiat, vt religionis cursus
impediatur. In quo verè sita est omnis no-
stra cura, cogitatio & sollicitudo. Quid e-
nim religione vera antiquius, quid carius
nobis esse debet? Hanc igitur cùm inte-
gram inuiolatamq; esse cupiamus, salutis
summæ cupidi sumus. Ac Magistratui qui-
dem quod debemus, damus, & ad dan-
dum omni tempore paratos facilesq; nos
esse ostendimus. Quod verò Deo debe-
mus, eidem nos tribuere ipsa verbi diuini
cogit auctoritas. Magistratui honorem, o-
bedientiam, amorem, fidē, tributum de-
bemus. Hæc absq; vlla recusatione & con-
tumacia præstamus. Deo autem cultum
debemus eum, vt verbo ipsius credamus,
& piè obtemperemus. Facere itaq; aliter
non possumus, quàm vt Idolatriam fugi-
amus, & non eam religionē profiteamur,
quam scimus, attestante nobis conscien-
tia veram esse, salutarem, efficacem, è pu-
ris fontibus Israël haustam: Non enim
hic quid Papa, quid homo præcipiat, sed
quid


ORATIO XII.

quid Dei verbum iubeat, nobis attendendum est. Quamobrem nisi scientes offendere Deum velimus, & salutis æternæ iacturam facere: horrendam Idolomaniam Ecclesiæ Romanæ fugiamus necesse est. Quid est enim Papa, homunculus, si se opponat tam potenti Deo? Et id quod iubet Deus, ipse prohibeat? Aut quod probat verbum Dei, id damnare & abolere Pontificius Canon audeat? Quæ esset impietas, relinquere sanctum Dei præceptum, & amplecti doctrinam Dæmonum, ut Apostolus vocat, quæ Euangelij professionem prohibet, & idolomaniam patrocinetur? Quo animo excusationem nostram in extremo iudicio accepturus est filius Dei iudex, si ita, ut vult Papa, Pontificis Romani decretis nos paruisse dicamus? An non ipsa verbi sui voce & sententia severissima nos redarguet, quæ Angelum de cælo nos audire vetat, si aliud, quam Paulus aut scriptura sancta, doceat?

Verum satis sit, ne extra modum prodeat oratio. Hæc autem quæ dixi, ad eam summam referri volo omnia, ut animum inuictum à pontificijs incitationibus & conuicijs Cæsarea Maiestas & Imperij Principes retineant: tum in D E O, Imperij
neruis

neruis, diuinitus sibi tributo robore, conjunctioneque, fide item subditorum satis se præsidij habere ad tuendam pacem, iustitiam, disciplinam & alia ornamenta Reipublicæ confidant. Religionis verò professionem atque propagationem nullo modo impediri sinant, sed adiuuent potius, studium suum & officium Christo, Ecclesiæ Domino debitum in ea repræstantes, tum identidem ad superiorum temporum exempla animos & oculos referant, quæ abundè declarant, inanem esse conatum & irritum laborem, cum infelicitate summa etiam coniunctum, quicumque in delenda Euangelij doctrina insumitur. Dixi.

Anno 1584.



Ora-

Oratio XIII.
DE BELLO SACRO IN
Asia recuperandi terram sanctam
suscepto: Anno Christi
1096.

Regula est iudicij humani, quam & naturalis atq; insita in animis nostris notio, & vsus frequens comprobatur: non ex euentu, sed ex proposito susceptoq; consilio facta æstimanda esse. Etsi enim natura fuit, vt ex effectu iudicium de causa fiat: tamen in humanis actionibus sæpe vsu venire videmus, vt quod bene consultum, cogitatumq; est, malè cedat. Quod si consilia euentu ponderare volumus, quod plerique faciunt, cui quidem bene quid processerit, hunc multum prouidisse, cui secus, nihil sensisse iuducabimus. Hoc verò cum iniquum sit: consequitur sanè, non ex euentu, sed ex voluntate consilia ponderanda esse. Nota sunt consilia summorum Oratorum, Ciceronis, & Demosthenis, quorum ille in Repub. Romana suaserit, vt interfecto Iulio Cæsare, Respub. exercitusq; Octauio crederetur. Idq; fecit retinendi causa patriæ libertatem. Hic verò in Repub. Attica ciuib; consuluit, vt

Armis defenderit socios ab insidijs atq; iniurijs Philip. Macedonis. Vtriusq; cōsilijs exitus fuit exitialis. Nam imperium capiente Octauio, Cicero miserabiliter occisus est, & Respub. libertatem perdidit. Demosthenes verò, arma Philippi irritauit, & in Atticam attraxit, communeque periculum patriæ creauit. Hic audimus dissimilium consiliorum consimilemeuentum.

Quid igitur? num æquè vituperandum vtrumque consilium censebimus? Minime verò. Ciceronis enim consilium ad necessariam pacem; Demosthenis verò ad non necessarium bellum fuit directum. Ciceronis igitur factum à sapientibus laudatur, Demosthenis autem vituperatur. Et meritò quidem. Magis enim spectare causas euentorū, quàm ipsa euēta cōuenit.

Quod ipsum ad sacrum etiam bellum, quod à Christianis militibus susceptum, & magna contentione in Asia gestum est, accommodari rectè poterit. Euentus enim is fuit, vt ex impetu hostium barbarorum ac faucibus blasphemix Mahometicæ erepta sit terra sancta: sed labore ingenti & sanguine Christianorum copioso ea res constitit, nec diu etiam partum ibi imperium durauit. Anno enim à

ORATIO XIII.

nato Salvatore 1096. duce Godefrido Billioneo, expeditio suscepta est, millesimo verò, ducētesimo, nonagesimo amissis reb. omnib. fugæ sese mādarunt, Christiani quōt fortuna & belli vis reliquos in terra sancta fecerat. Hic exitus, quāti æstimādus facilè intelligitur. Regnum quidem Christiani milites, expulsis Saracenis, in vrbe Hierosolyma constituerunt, & cultum etiam Christianum in eam reduxerunt: Sed sanguinis Christiani nimis magna profusa est copia. Iam vtrumque laudatum & præclarum esse videtur, ex Saracenorum faucibus Christianos liberare, & cultum Dei restituere, quamuis iactura innumerabilis multitudinis Christianorū facienda fuerit. Verūm exeuentu non decet de facto ipso sine bello iudicare. Sic enim Fridericum Barbarossam Imperatorem planè in consideratum ducere oporteret, qui contra Saracenos monens nauare atq; efficere id non potuit quod propositum sibi hahebat. Sed in amne quadam minoris Armeniæ miserè occubuit. Decius tamen proposito pio dubitare fas non est. Quid ergò? Causæ sunt ex quib. factum quodque æstimari debet. Hæ igitur, quales in hoc bello sacro fuerint, conspiciendum est.

est. Reperiamus autem, si accuratè cogita-
uerimus, duplicem belli istius causam ex-
stitisse: vnā quidem à Pontificibus Ro-
manis, alterā à militibus Christianis.
Primum enim Pontifex Romanus Urba-
nus secundus, consiliū apud clarum mon-
tem in Gallia habuit, in eoque decretum
fecit, de expeditione, ultra marina ad recu-
perandum terram sanctam suscipienda,
Anno Christi 1095. Nec deinde incitare
Christianos Principes ad illum bellum de-
stitit, donec quod in animo habuit conse-
cutus est.

Quid verò est, quod Papam impulit, vt
decretum eius modifaceret, & Christia-
nos tantopere, in Turcos & Saracenos in-
flammeret? Hic duas causas ex multis ex-
cerpimus, quæ præcipuæ maximeque me-
morabiles esse videntur. Vna est vindictæ
cupiditas, altera regni auiditas. Vtramque
rem monumenta rerū veterum compro-
bant. Is enim tunc fuit Reipub. Romanæ
status, vt nihil tam in optatis esset Pontifi-
cibus Romanis, quàm Principum Christi-
anorum opes labefactare, & ex domi-
nati Imperij in libertatem sese vindicare.
Aulus. n. erat tū Henricus 4. Imp. obliste-
re conatibus Pontificis Gregorij septimi,

ORATIO XIII.

ex quo schisma ortū est ingens, & misere concussa atque conturbata est Ecclesia atque Respub. Ibitum Pontifex diffidens rebus suis fulmen excommunicationis & Anathema Henrico denunciauit. Imperator vicissim Pontificem de gradu & dignitate deiecit, in comitijs Vvornatiæ, ad eamque rem conficiendam mox legationem cum diplomatis Romam misit. Cæsar verò in Italiam iter suscepit, nescio qua religione permotus, vt cum Papa reduci in gratiam posset. At exceptus fuit quidem Cæsar satis honorificè ab Italis, quod plerique sperabant eum iccirco Romam proficisci, vt fastum atque ferociam Papæ comprimeret. Sed longè aliter cedit. Cæsar enim deludi se à Pontifice passus, supplex ad eius pedes sese abiicit, & absolutionem petijt, nulla conditione reconciliationis repudiata. Interea Pontifex persuasit quibusdam Principibus Germaniæ, vt alium Cæsarem, Rudolphum Sueviæ Ducem designarent. Cui mox coronam misit cum hac inscriptione: Petra dedit Romam Petro, tibi Papa coronam: quemadmodum Helmoldus commemorat. Hic noui motus, nouum bellum in imperio exarsit. Reuersus enim ex Italia Henricus, con-

tinuò

tinuò in Rodolphum arma expediuit, spes tunc erat non exigua, futurum esse, ut per hanc facem ardoremq; flammæ Germania cōflagraret. Dimicatum certè est acriter, & in prima quidē pugna fugatus est Henricus; sequente verò & tertia victor euasit. Inde animus illi accessit, hosti verò timor iniectus est. Itaque consilium conuocauit Henricus in Bauaria, ad quod plurimi Episcopi ex Italia, Gallia & Germania venerunt, in eoque Papam Gregorium septimum damnauit, repudiauit, & loco eius Clementem tertium substituit. Pontifex contra Imperatorem excommunicauit & spiritu plenus ad fœderatos suos in Germania literas dedit, quibus nescio qua animi falsa diuinatione permotus, interitum isto anno prædixit Henrico Imperatori. Sed secus longè euenit, Nam eodem anno prælium quartum fuit cōmissum, in quo Rodolphus dextram amisit, & paulo post ad exitum vitæ vocatus, de Pontifice & Episcopis grauitè questus est, qui autores defectiones à Cæsare & claudistantæ extiterint. Post hanc victoriam Henricus exercitum duxit in Italiam contra Pontificem, obsedit Romam, partemq; eius diripuit, & terrorem magnum ciui-

ORATIO XIII.

bus iniecit. Papa Gregorius fugasse ad Normannos recepit. Civitas vero in fide Caesaris recepta est. Caesar continuo Pontificem deiecit sede & in eam collocavit Clementem tertium. Normanni autem alium Pontificem designarunt, quem Victorem tertium nominarunt. Nec multo post Urbanus secundus Papa factus est.

Quid verò? an dubitabimus satis magnam causam tunc fuisse Romano Pontifici omnes occasiones querendi, quibus hoc ab Imperatore impositum iugum à ceruicibus suis propulsaret? Quanti enim est, quod Caesar Romanus, Pontificem Romanum sede ac fortunis priuavit? Urbem Romam diripuit? & potestatem tantam creandi Pontifices sibi sumsit? Hæc scilicet iniuria est, quæ penitus insedit in animis atque memoria Pontificum. Quapropter de ea vindicanda dies & noctes cogitarunt. Cum autem alia via nulla procederet, quod sperabat, huc euasit tandem Urbanus secundus, ut quoniam intestinis bellis debilitari potentia Imperij non potuit, expeditionibus externis exhauriendam atque frangendam illam esse duceret. Quocirca bellum sacrum Principibus indixit, & innumerabilem hominum multitudinem ex
Eu.

Europa in Asiam ablegauit. Ac ut res tota magis adumbrata ad speciem & usurpationem sanctitatis esset: trecenta hominum milla cruce signauit, & milites crucifixi Christi omni iure haberentur. Hic siue fucus siue species hæc non dici potest quantum religionem hominibus iniecerit. Et enim tanto numero Christiani in Asiam ad hoc bellum profecti sunt, ut Occidens uniuersus demigrare in Orientem visus sit. Et alter hic modus fuit explendi cupiditatem vindictæ, satiandiq; odium Pontificis. Sic ergo via duplici rem aggtellus non parum eneruauit & afflixit Rempub. Nam foris ingentem multitudinem hominum telis hostium, dimicatione capitis & morti denique ipsi obiecit. Scribit Robertus Monachus tantum sanguinis humani in hoc bello effusum esse, ut caesorum corpora vnda sanguinis impellente, natarint atq; fluitarint.

Non autem sua for tantum huius expeditionis fuit Pontifex, sed impulsor etiam extitit. Nā Philippo Gallorum Regi mādant primū Bonifacius 8. deinde cōtanti & recusanti minatus est, nisi pareret & in Asiā p̄fisceretur regnū eum esse amissurū. Quod re etiā p̄bare Pontifex ille

ORATIO XIII.

conabatur, & deiecto Philippo alium Regem designari volebat: Sed Philippus contempsit Pontificis conatus insanos, negans se suumque regnum vlla ex parte Pontifici subiectum esse.

Domini verò quid Papa per suos Episcopos non est molitus? Equidem Paschalis secundus Henricum anathematis fulmine percussit ad filium eius Henricum quintum ad sumendum Spiritus & arma aduersus patrem excitauit atque acuit. Tantum enim per organa sua sanctissima Episcopos effecit, vt superbè Henricum quartum ab Imperio remouerint, omnibus insignibus atque ornamentis spoliârint, & filio eius autores fuerint, vt patrem tam de Imperio meritum in custodiam cōiecerit, vbi mœrore animi extinctus est, nec humari cadauer eius toto quinquennio potuit. Ne nunc quidem satis vllus esse videtur Pontifex Romani Imperatoris iniurias? Si modò iniuriæ sunt dicendæ cum Imperij dignitas atque libertas ab ambitione, auaritia, & tyrannide Pontificum Romanorum defenditur.

Sed quid? num ita expleta fuit libido, & satiatum odium Pontificis? Nequaquam. Secuta est non multò post laniena & strages

ges horrenda; cum Saxones Henrico sese opposuerunt, & prælio cum eo commisso, quadraginta quinque millia hominum occubuerunt. Tanta effusi sanguinis copia expleri sitis Papæ meritissimo debuit. Mox idem Pontifex Imperatorem eundem priuilegijs ante concessis de Episcopatibus per annulum & baculum conferendis, spoliatum excommunicauit. Ex quo auctoritas Imperatoris pene omnis concidit, & turbæ nouæ, procellæque perniciosissimæ Germaniâ obruerunt. Nam Imperator Pontificem à gubernaculis deiecit, Pontifex vicissim Imperatorem excommunicauit & execratus est. Denique nimis longum esset exponere omnes dolos, quibus ad turbandum Imperium & explendam animi sui libidinem Pontifices vsi sunt. Ex his autem quæ attigi stricte, si non penitus, tamen ex parte quadam intelligi potest, quæ causa tantæ cupiditatis vindictæ in Pontificibus fuerit, & quibus artibus vlcisci Imperatores atque adeo Christianos Principes conati sunt.

Sequitur vt quanta regnandi auiditate flagrârint, demonstrem: res erat valde laboriosa, Ecclesiæ primatum & politicum

O R A T I O X I I I .

dominatum simul acquirere atque comparare. Ideoque contendere omnes nervos in ea oportebat Pontifices. Nondum enim potestatem eligendi Episcopos, & tribuendi Prælaturas ut vocant, Pontifices habebant, sed cum Imperatoribus acriter de illo iure certabant. Satis autem intelligebant, nihil tam sibi obstare, quam Imperij opes atque potentiam. Quamobrem in eo evigilarunt omnes curæ & cogitationes eorum, ut Imperij nervos inciderent, & vires eius minuerent. Quod ita sese effecturos maximè sperabant, si primum Principibus persuaderent, ut relictis sedibus atque fortunis militatum in terram peregrinam abirent. Tum Imperatores, qui concedere de iure suo nollent, de gradu degerent, elui quod volebant, obtinerent. Quantum enim Imperio detrahebant, tantum sibi suoque regno accedere perspicebant. Hinc Henricum quartum excommunicarunt. Henricum quintum fulmine Anathematis percusserunt, & cum Lothario denique de iure conferendorum Episcopatum & Abbatiarum acerrimè contenderunt. Quin Cæsar etiam ipsum suæ potestati subijcere ausus fuit Adrianus Papa, cum ad Imp. Frider. misit legationem

nem

nē in Germaniā, cū diplomate, in quo cō-
tinebatur, Cæsarem habere insignia atque
ornamenta Imperij omnia à Pontifice ac-
cepta, tanquam beneficium siue fundum,
Quod tamen Cæsar & Principes Imperij
pernegarunt, & cum indignatione legā-
tos ex Germania discedere mox iusserunt.

Atq; hic dominatus est Papæ, quem in
Occidente sibi sumsit, sed eo non conten-
tus, etiam in Oriente primatum affectavit.
Caue enim putes religionis potius, quàm
dominationis causa bellum sacrum ab eo
indictum esse. Ambierat iam multis annis
Ecclesiæ Orientalis primatum, nec potiri
tamen eo ad illud vsq; tēpus potuit. Iam
ergo inuentam tandem esse viam sperauit,
qua dominari etiam Ecclesiæ Asiaticæ
posset. Immò non Ecclesiasticā solum iu-
risdictionē, sed terrā quoq; ipsam, appeti-
uit per hoc sacrū bellū, q, vel hinc cognosci
potest satis, q, Gregor. 9. Imp. Fridericum
2. excommunicatum per fratres prædica-
tores in Germania proclamauit, eiusq; ter-
ras, dum in Palæstinam exercitum is du-
xit, sibi subegit. Idem sese facturum Philip.
Gallorum Regi minatus fuit, Bonifacius 8.
nisi expeditionem in terram sanctā susci-
peret quēadmodū supra memorauimus.

Num

ORATIO XIII.

Num plura testimonia cupiditatis regnandi in Pontifice Romano desiderabimus? An non hæc satis superque eius sitim inextinguibilem dominandi declarant?

Sed pium tamen consilium fuisse Pontificis dices, cum ad recuperandum Domini templum, & restituendum Dei cultum in Palæstina Christianos induxit. Nullum hic pietatis documentum in Pontifice apparet. Fucata & plena superstitionis sunt omnia. Non enim fundamentum ex verbo Dei ullum proferri potest, quo suspicio atque conatus talis niti possit. Reiecerat Deus semel Hierosolymam, & deletam volebat, ut ne lapis quidem super lapide relinqueretur. Ideo non amplius benedicta erat terra, & iacere eam in ruinis perpetuis oportet. Superstitio igitur erat detestanda, ibi templum Dei, cultum aut regnum instaurare velle, unde Deus templum & cultum suum abstulerat. Erravit Pontifex vehementer: si spem aliquam in terrestri Hierosolyma positam habuit. Cum ideo eam destructam eversamque funditus velit Deus, ut ad coelestem Hierosolymam mentes & cogitationes suas omnes Christiani referant: idque reeventuque comprobatum videmus. Nam &
cru-

eventum fuit bellum sacrum & infelix
& calamitosum atque ærumnosum. Etsi
enim Hierosolymā recuperarunt milites
Christiani, & regnum ibi constituerunt:
tamen breue illud fuit, annorum scil. 88.
ac sanguine copioso Christianorum par-
tum est atque etiam amissum. Reliquæ
verò Christianorum, quæ remanserunt in
Syria & vicinis oppidis, Tyro, Sidone,
Tripoli, Berytho, incensis iam & compla-
natis omnibus à Sultano Ægypti, tandem
anno Christi 1093. à primo ingressu in Pa-
læstinam, fugere in Cretam coacti naufra-
gio miserè perierunt. Hic exitus fuit lacry-
mabilis planè & funestus belli eius, quod
tata specie sanctitatis suspici Pōtifex iussit.
Annisi hostes barbari, Turci ac Sarraceni,
q̃ parib. copijs auspicijsq̃; tunc cōtra Chri-
stianos gerebāt Christianos oppressissent
futurū fuisset, vt Papa ipse perniciem pe-
stemque illis machinaretur. Ceperat enim
iam tum per Templarios suos Friderico
Imperatori, qui auspicijs bonis Sultanum
Ægypti ad conditiones pacis adegerat, ve-
hementer molestus esse. Quanquam au-
tem ex eventu minimè de consilio iudi-
candum est: tamen cum causæ belli huius
omnes, quoad Romanum Pontificem, in-
sidio-

O R A T I O X I I I .

fidiosè, fraudulenter, & supersticiosè cogitatæ atq; susceptæ sint: minus mirū est, euentū ipsum quoq; exitiale Christianis fuisse.

Reliqua est altera causæ susceptæ expeditionis à militibus Christianis, quæ utriq; pia, honesta, & libris monumentisq; decoranda est. Hi enim non suo quodam consilio, neque impetu temerario ad hoc bellum lati sunt: Sed Deo pietatem suam, Papæ obedientiā & miserè vexatis Christianis officiū debitū iustumq; persolvere voluerunt. Itaq; laudatur eorū conatus multò iustius, quàm Argonautarū hoc est, Græciæ Principū, qui quondam in Colchidē ad rapiendū vellus aureū pfecti sunt. Multa equidē cōcurrerunt, quæ difficultatem tanti belli auxerunt, itineris lōginitas, periculū ab hoste, rei ipsius magnitudo. Verūm hæc tamen omnia despexerunt, & p nihilo putârunt magnanimi illi atq; milites, ac vltro sese in discrimen atq; certamētantū p salute nominis Christiani obiecerunt. Non patria, non domus, non fortunæ, non liberi, nō ppinqui eos à spe conatuq; tanto depulerunt. Quòd verò nihil aliud in hac expeditione spectarint, aut q̄sierint milites isti, quàm veri Dei cultus propagationem, & Christiani nominis à Barbarorū blasphemijs defensionē, multa sunt

sunt, q̄ documenta dant. Primū quidem Pontifex Rom. mandatū tantū ponderis tunc apud Christian. fuit, vt instar Oraculi diuino instinctu afflatuq; fusi haberetur. Quanquā autem totū illud Pontificiū editū ex reb. fictis atq; cōmenticijs, hoc est, Petri Erimix somnio quedā constitit, tamē militū Christian. nihilominus est laudandus zelus atq; in suscepto cōsilio ppositoq; p̄seuerantia. Non profectō hic spes opū, non voluptatū illecebra vlla apparuit, qua impelli ad tantū facinus illi potuerint. Itaq; nil nisi religionis amor, sepulcri domini cura, & Saracenorum Turcorumq; depulsio pia & iusta illis arma induit.

Dolendū est potius fundamentū huius belli, q̄ tanta cōtentione gestū, est nō satis solidū atq; firmū fuisse. Fieri. n. nō potest, vt bene feliciterq; eueuiat, id q̄ causa vera & iusta nō nititur. Perinde vt ædificiū diuturnū esse nō potest, aut stabile, nisi fundamentū & radices altas habeat. Fuerunt autem omnium penē quæ à Pontificibus constituta sunt principia somnijs & ineptijs fucata. Cuius modi sunt plæraque cōmenta diuinarū reuelationū aut admonitionū per homines mortuos. Vnde ordines Monachorū & aliæ superstitiones horredæ manarunt. Quod si causa belli huius

ORATIO XIII.

nō ita fuisset Pontificia superstitione contaminata: absque dubio euentum habuisset longè meliorem. Quicunq; tamen exitus fuit, fortuna sanè aliqua, ad res benè gerendas diuinitus adiuncta fuit. Quæ tota, quanta fuit, Christianorum militum pietati concessa atque donata est.

Incendit præterea optimos milites ad cupiditatem atque studium huius belli dulcissima seruitus Christianorum in terra sancta quierant oppressi à Sarracenis. Perinde vt hodie calamitas Christianorū in imperio Turcico nos omnes merito dolore & solitudine afficit. Ac habet laudem suam expeditio quæ pro Christiana libertate suscipitur: Sed abesse debet superstitio, quæ tanquam affuso veneno causam bonam corrumpit. Quæ ipsa hanc quoque pio Zelo susceptam militiam deprauauit, quemadmodum in Vngaria infeliciter pugnatum est, quoties Romani Pontifices vel Episcopi Christianis ardentibus faces belli aduersus Turcam ministrarunt. Non enim benè potest procedere bellum, quod impulsu aut ductu Pontificis geritur: cū longo interuallo disiuncta sint, nec inter se conueniant Ecclesiastica cura, & belli administratio. Iccirco
rectè

rectè dixit Luther⁹, se nolle esse in eo exercitu, si miles esset, cui Pontificius aliquis sacerdos præsint: quod in templo is, non in acie collocatus sit. Quod considerare cum animo suo etiam tunc debuit Romanus Pontifex, cum bellum sacrum indixit: ne inuito DEO, refragante muneris impositi officio, aduersante fortuna in discrimen atq; dimicationem capitis tot fortes & probè paratos milites adduceret, & hostibus barbaris diripiendos trucidandolq; obijceret. Sed non passus est eum perpendere rem tantam cæcus furor atq; cupiditas ulciscendi Principes Christianos, quos suis conaibus nefarijs obsistere videbat. Proinde ad internecionem eos cædendos, domi forisq; curauit, vt diuturnam sitim sanguine Christiano expleret.

Satis iam de causis belli sacri dixisse videor, quæ omnia ad eam summam referri volo, quam supra posui, non potuisse hoc bellum felix esse aut salutare Ecclesiæ Christi: Iccirco, quia Pontificis instinctu vel potius edicto susceptum est, non iudicio aliquo aut consilio pio sed vindictæ & regni cupiditate, non religionis propagandæ studio, sed superstitionis vanæ cōmento, non causa ornandi Christi gloriam, sed

d gratiæ

ORATIO XIII.

gratiæ amplificandi sedis Romanæ potentiam. Quod autem aliqua felicitate sine fortuna prospera gestum illud est, id pietati, virtuti & industriæ optimorum militum diuinitus tributum est: vt verus, iustus, & honestus eorum labor, honoribus, præmijs, atq; splendore aliquo decoraretur: Anno Christi 1584.

Oratio XIII.

DE NOVO ANNO OCTOGESIMO supra Millesimum quingentesimum, à nato Christo.

HODIE, ducente Deo, ingredimur annum octogesimum supra millesimū, quingentesimum à nato Christo, omnis salutis atq; boni in cælo nobis parati, & in terris reliqui autore. Etsi enim dies Decembris vigesimus quintus, qui natalitius est Saluatori nostro, idem etiam initium anni nostri affert: tamen deflectimus non nihil de spacio curriculoque, & ab hoc ipso die anni noui exordium ducimus. Est autem hic annus multis annis ante multorum

rum sermonibus atq; vaticinijs notatus, & nobilitatus, quasi is, qui seminarium pestis & famis in orbe terræ, tum dissensionum, dissipationum, confusionum, bellorum, & vastationum tristissimarum vsq; ad finem mundi, & latissimum filij DEI aduentum, futurus sit. Nec sine causa, aut temerè prorsus hæc plærorumque animos peruasit opinio. Nam & sanctum Dei verbum, & opificium eius cœleste, & terra denique ipsa, quocunque aspiciamus, ingredimur aut mouemus nos, minas iactat, pericula intendit, & terrores formidineq; graues opponit: vt dubium nullum sit, quin grauissima mala ex omni parte nobis pertimescenda sint.

Cùm verò impendentes calamitates contemnere extremæ sit dementiæ: quantus tandem furor, aut insania erit, his tot tamq; euidentibus comminationibus diuinis, cœlestibus & terrestribus non commoueri? Quamobrem sic ingrediendum nobis hunc annum putemus, vt nisi prouiderimus, Dei que opem, gratiam, atque misericordiam seria inuocatione, fide, & cultu diuini nominis, tum vitæ etiã ipsius diligenti & accurata correctione implorauerimus, atque impetrauerimus: mala

ORATIO XIII.

ea nobis omnia euentura certò sciamus, quæ ipsum Dei verbum, causæ æthereæ, & elementares nobis minitatur. Est etenim sine vlla exceptione vera hæc regula: Causis sufficientibus in actu positis, necessario sequitur effectus. Et contra: Remotis causis, cessare tandem effectum ipsum necesse est. Cura itaque pia & in primis necessaria est, perpendere atq; ponderare causas illas, quæ tantas calamitates in hoc ineunte & multis consequentibus annis portendunt: ut cuiusmodi sint & quo pacto vel auerti, vel mitigari, vel etiam retardari possint, cognoscat. De his igitur differere hac oratione aggrediar, & quid mali, boniue nobis impendeat, exponam.

Ita duxerunt orationis meæ partes, quarum prior malorum magnitudinem nobis pertimescendorum explicabit. Posterior verò ad spem rursus excitabit, propter plurima & solida bona, quæ expectare nos sanctum Dei verbum iubet.

Certum est autem tot tantasq; calamitates impendere nobis, aut inire planè, aut cerrè iam appropinquare, ut terrore quodam & metuentes nostras meritò percellant: Idq; ex causis minimè fallentibus. Primum enim patent atq; in promtu

lunt.

sunt omnibus comminationes diuinae, quouis fulmine terribiliores & contra benedictiones melle suauiores, Deutero. 28. Si praecepta mea obseruaueris, abundabis bonis, & aperiet tibi Dominus thesaurum suum bonum, coelum, ut det pluuiam tempestiuam terrae tuae, & benedicet omnibus operibus manuum tuarum. Si verò audire nolueris vocem Domini Dei tui, venient super te maledictiones, ut maledictus sis in ciuitate, maledictus in agro: & immit- tet Dominus in te infelicitatem, calamita- tem, & confusionem omnium negotiorum quae suscipies: apprehendet te pestilentia, tumor, febris, ardor, inflammatio, siccitas, aer venenatus, coelum quod supra caput tuum est erit æneum, & terra sub te erit ferrea: plantabis vineam, & non colliges fructus ex ea. Multum seminis sparges in terram, & parum congregabis. Vtrumque certè proponit nobis hæc vox DEI, bonum quidem si praeceptis diuinis obedie- rimus, malum verò, si repugnauerimus. Iam verò quomodo praeceptis Dei obtem- peremus. & quam bellè vita nostra cum sancto eius verbo congruat, age quanto possumus iudicio expendamus.

Verbum Dei iubet nos Deo soli seruire,

ORATIO XIII.

& eum colere. At quotusquisq; est nostrum, qui non pluris faciat opes, honores, voluptates & commoda cætera, blandissimas huius mundi dominas? Videas alios sic inhiare diuitijs, vt satis appareat eos numen aliud nullum venerari. Nōnulli gloriæ adeò sunt appetentes, vt Deum malint, quàm hominem, quem sibi nocere posse existimant, offendere.

Multò maxima pars emolumenta sectatur corporis, & victum temporalem, vt præterea nihil requirendū esse in vita putet. Sanctum Dei verbum iubet piè reuerenterque vti nomine diuino. At quàm horrēdi sunt inter nos diuini nominis abusus? Quàm execrabiles, abominandæ & contumeliosæ in Deum voces audiuntur? Quis sancta Saluatoris nostri vulnera, passionem aut vltimissima Dei elemēta, ad pestem perniciemque aliorum deuouendo conuertere veretur? Quis fide studioque tanto Deum inuocat, vt oratio eius nubes penetret, ardensque ad Deum perueniat? Verbum Dei iubet nos seruire Domino cum quodam gaudio, & lætitia cordis, audiendo, meditando, docendo, discendo verbum diuinitus traditum. Sed quanta oscitantia sit in plerisque, contemptus &

satie-

fatietas, apertum & manifestum est. Alij
 negligunt, languidè alij curant, rarò acce-
 dunt, Ecclesiam sanctam vel deformant
 exemplo suo malo, vel contaminant certè
 & alios deterrent. Idq; hi potissimum faci-
 unt, quos præter cæteros cura & studio ad
 ornandâ Ecclesiam incumbere conuenit.
 Cæteros quasi quidam veteranus occupa-
 uit, vt quodam fastidio alienari ab omni
 cogitatione & amore verbi videantur. Re-
 liqua est promixi cura atq; dilectio, quam
 verbum Dei non minùs atq; ipsum diui-
 num cultum à nobis exigit. Hic quaeso,
 quàm foedè, horribiliterque primùm à
 pietate fideque in parentes, magistratus,
 præceptores deflectitur? Quis superio-
 rum in se imperium æquo animo patitur?
 Inuenias non paucos, qui odio immanè
 legum ardent. Reperias alios qui perfrin-
 gere omnia repagula iuris, pudoris & offi-
 cij conantur: dūmodo cupiditatibus suis
 indulgent, & proiectam effrenatamq; ani-
 mi libidinem expleant. In vita communi
 & priuata, quanta est luxuries? in moribus
 quàm turpis à maiorum virtute declina-
 tio? in vestitu quanta deformitas, quam-
 que profusi sumtus? non vmbra, non ima-
 go aut effigies vlla antiquæ virtutis &

ORATIO XIII.

fidei reliqua est. Dolorum verò, fraudum, insidiarum, quibus & corpori & famæ atque etiam fortunis aliorum detrahitur, infinita multitudo. Exulat candor, recessit simplicitas, abest rectitudo, concidit fides. His igitur causis antegressis, & ut cum Poëta loquar, in præcipiti stantibus, quem tandem effectum secuturum putabimus? Non est difficile iudicium. Quia verbo Dei contumaciter, scientesque resistimus, evenire nobis maledictiones Dei necesse est. At quas maledictiones? Horrendas certè & multas. Nam si hominis interdum maledictio aut benedictio tantam vim habet, ut mala bonaque afferat, in hac & altera vita percipienda: quantum ponderis habere necesse est Dei ipsius maledictiones, quas suo ipsius ore expressit atque pronunciauit? Pertimescenda igitur nobis sunt omnia ista mala, quæcunq; verbum Dei non obedientibus comminatur, non tam vitæ corporiq; huic mortali, quàm animæ etiam ipsi, & salutis æternæ, nisi prouiderimus, obfutura. Nempè primùm infelicitas, calamitas, & confusio in consilijs, studijs, & actionibus, ut frustra laboremus, ludemus, & inani contentione frangamur, quæ nec nobis, nec alijs profit. Secundò

cundò pestilentia, & morbi cæteri quibus corpus affligitur, & miserè consumitur. Tertiò aëris malignitas, homines & pecudes inficiens atq; conficiens. Quartò cœli inclementia, & terræ sterilitas, vt Sol lucem caloremq; & vim viuificam rebus nascentibus, terra verò fruges denegat, frustra q; noster labor in arando, seminâdo, & plantando insumatur. Quintò amentia & cæcitas, vt temerè furenterq; in clades nostras ruamus, vel miseras calamitatesq; priuatas & publicas nobis accersamus. Sextò rapinæ, impressiones hostium, bella & iniuriæ palam & fraude factæ: vt neq; uxorem, neq; liberos, neq; fortunas à prædonibus liberas tenere possis: sed circumuentus calumnia & vi manifesta, omnia quæ possides, hostibus diripienda, deuoranda & abducenda relinquere cogaris. Septimò tristis abductio in terram ignotam ad gentem peregrinam, cuius linguâ non noueris, cuius mores oderis, cuius religionem abominandam duxeris. Iam cogita quàm tristia & luctuosa hæc sint in usu & experiundo, quæ cogitando tam sunt acerba & horribilia, vt penè ea refugiat. Ingens profectò est miseria operæ curæque multum in rebus, ponere, & frustra

ORATIO XIII.

niti, nihilque proficere. Id quod usu iam ipso docti intelligere ferè incipimus, in tanta asperitate temporum, & difficultate victus, ubi laborant, operam nauant & sudant tot homines pro parandis vitæ commodis, sibi suisque necessarijs, & tamen egestate & penuria perpetua conflantur.

Vnde sæpius cum suspirijs & gemitibus fateri necesse est, non inane terriculamentum esse has de infelicitate laborum, & conatuum comminationes Dei, sed abundè in nobis re euentuq; comprobari. Hinc tot tamq; graues sunt querelæ de victus penuria & difficultate: vt multi quomodo sese aut suos alere diutius velint aut possint, vehementer solitici sint & animis angantur. Nec paruum certè malum est, peste & morbis cæteris vexari. Et tamen ne hæc quidem abesse à nobis longè possunt: quia præceptis Domini nō obedimus. Non minùs graue est aëre infesto vti, cælum æneū, terram ferream, totamque adeò naturam aduersam inimicamq; habere. At talem tamen cœli faciem, aëris intemperiem, terræq; rigorem, palam ante oculos omnium esse negare non possumus, tum quanta amentia, furorq; hominum animos concit-

tet ad concipiendas fraudes inexpiabiles, odia, inuidiam, vindictæ cupiditates, dissensiones, lites, in omnibus vitæ partibus quotidie experimur. Atqui hæc omnia eueniunt nobis nostro merito: quòd vocē Domini Dei nostri non audimus, neque præcepta eius atque statuta seruamus; nec cum benè nobis est, omniaq; liberaliter à Deo suppeditantur, cum quodam gaudio & cordis lætitia Deo seruimus. Idcirco metuendum est nobis, ne id quoque nobis accidat, quod velut extremum minatur nobis verbum Dei, vt videlicet concitetur in nos gens immanitate barbara, quæ non personam veretur senis, non parcat infanti, sed deuorat omnem fructum terræ, omnesq; thesauros diripit & aufert.

Cum his diuinis comminationibus ritè congruunt atq; cohærēt prædictiones filij Dei, in Matthæo & Luca, de signis extremi diei, & statu miserrimo illius tēporis, quod finem mundi antecessurum est. Proponit enim quadruplicia signa. primū in natura, vt eclipses, cometas, ostenta, prodigia, mōstrosos partus, terræ motus. Secundò in terris, luem, famem, anxietatem. Tertiò in politijs dissensiones, bella, ruinas regnorum & mutationes imperiorum. Quarto
in Ec-

ORATIO XIII.

In Ecclesia dissidia & hæreses. Ex quibus non est difficile coniecturâ capere de miserijs, quæ ineunte hoc anno & sequentibus nos excepturæ sunt. Quo enim à fine mundi absumus propius, eò turbulentiora erunt omnia, & magis cumulabuntur calamitates. Scire igitur si vis, quæ bona, malaue nos maneant: ordine singulas naturæ partes oculis & animo lustra: reperiēs primum in cœlo defectus luminum, Solis & Lunæ, aspectu ipso horrēdos & terribiles: cum toties tetra ferrugine obducuntur, ut luminis sui vim vsumq; quasi impetire non amplius velle videantur. Inuenies illa ipsa luminaria in tot tamque varias species transformari sæpius, ut minari nobis & pingere futuros casus non obscure videantur. Quin Solē illum omnium reliquorum luminum moderatorem & principem inuenias adeò se demittere, ut quasi delabi, nescio quo defectu & remissione virium videatur. Tantum enim de altitudine eius decessit, ut miliaribus Germanicis nouem millibus, non gentis, septuaginta sex tam æstate, quàm hyeme, propior sit factus terris quàm ante annos mille, quadringentos, quinquaginta, cum Ptolemæus viuebat, fuit.

Inuenies

Inuenies porrò idem cœlum tam stellis
quàm cometis prodigiosis terrorem nobis
inijcere, & pericula horrenda portende-
re. Nondum obliuisci debemus inusitatæ
illius stellæ, quæ anno septuagesimo secū-
do supra omnia elementa in ætheream vs-
que regionem euecta, intra Veneris sphæ-
ram loco prorsus celso & illustri se conspi-
ciendam præbebat: quasi de sublimi con-
cionatura, & admonitura omnes homi-
nes, vt se ad futuras calamitates in fine
mundi pararent, & ad filium Dei nō mul-
tò post, ad iudicium venturum totis ani-
mis spectarent. Nec ex animis nostris ex-
cidat conspectus Cometa ille, *πρωγωνίας*,
inusitatæ penè magnitudinis & horrendi
aspectus cuius corp⁹ Occasum, barba verò
Ortum hybernū spectabat, anno septua-
gesimo septimo, vndecimo Nouembris,
qui quidem à principio Capricorni sub
lactea via in dies singulos, gradus duos, se-
cundum longitudinem, ab Occasu in Or-
tum procedens, septimo Decembris, ad
postremos quinque gradus Aquarij, propè
Aquilam & Delphinum perueniebat. Via
tamen obliqua ad Septentrionem decli-
nans versus Pegasus, Antromedam &
Perseum, viginti duobus gradibus ad po-
lum.

ORATIO XIII.

Ium propius accedebat, tandemque per a-
grato iam Capricorno, Aquario toto, &
sedecim in super gradibus Piscium paula-
tim in fine Decembris evanuit. Sed perse-
qui talia opportunum non est: satis sit hæc
paucula attigisse.

Paulus non dubitat toti naturæ rerum
tribuere gemitum, vt ostendat, eā nobis-
cum metuere & deplorare communes
miserias, quæ sub finem præsertim mundi
indies fient acerbiores. Quod si natura no-
biscum congemiscit: calamitates profectò
graues & ingentes nos vrgere necesse est.
Sic igitur naturam & singulas eius partes
intueamur, vt gemitus illius audire nos
putemus, & ad similia suspiria & vota ex-
citemur, signa luctus in animis & corpo-
ribus nostris gerentes.

A natura rerum parumper animum a-
uerte, & quid in ipsis terris futurum sit, vel
potius iam fiat, considera. Erunt pestilen-
tiæ & fames, inquit filius Dei. At quanta
hæc mala sunt, quando premere nos & vr-
gere incipiunt? & hæc tamen ipsa, nisi iam
tum instant planè, nosq; vexant, certè non
diu aut longè abesse à nobis possunt: Quo-
niam filius Dei, qui est ipsa Veritas, prædi-
xit. Et profectò si vllò vnquam tempore
grassata

grassata hæc sunt, nunc scuitura sunt ma-
 ximè propter appropinquantem finem
 mundi, quo, crescentibus indies delictis,
 poenas cumulari oportet. Addit filius Dei:
 In terris erit anxietas gentium per despe-
 rationem, extabescantibus hominibus præ
 timore & expectatione eorum, quæ super-
 uenient orbi terrarum. Plura hîc congerit
 mala, anxietatem, desperationem, tabem
 ex mœrore & timore futurarum calami-
 tatum, vt doceat tantam temporum horû
 angustiam fore, omniumq; rerum asperi-
 tatè, vt multi non alia de causa, nisi animi
 mœrore extinguantur. Nōnulli etiam in-
 tuentes in tantam rerum omnium confu-
 sionem, vehementer animis angentur, du-
 bitantes, quorsum tandè ista eruptura &
 euasura sint. Atque hæc priuata ferè mala
 sunt, quæ domi suæ, vel certè in suo quisq;
 animo sentiet atq; experietur. Foris verò
 publicæ calamitates grassabūtur, dissensio-
 nibus, discordijs, & bellis ardebit terrarū
 orbis. Et quidem in Ecclesia ipsa aliæ atq;
 aliæ opiniones de religione disseminabū-
 tur: vt labefactato fundamento, à simpli-
 citate fidei auertātur homines, & in dubi-
 tationē exitialem adducantur, quasi certi
 nihil sit reliquum, quo nisi cōscientia satis
 possit

ORATIO XIII.

possit. Huius mali quanta sit magnitudo, non verbis explicari satis potest. Equidem cum ad superiores misérias, quibus corpus potissimum affligitur, etiam hæc accedit opinionum de religione varietas atq; cōfusio: haud scio an maior acerbitas possit vlla inueniri. Et hanc tamen futuram esse, & esse iam, ex prædictione filij Dei & experientia ipsa scimus.

Adiungamus nunc ad has diuinas comminationes & illustres filij Dei prædictiones, Astrologorū vaticinia ex legibus immotis corporum cœlestium sumta. Eclipsin pariet hic annus, vnā Lunæ: cōgressus verò Planetarum complures, vnum Saturni & Martis, coeuntium in decimo quinto gradu Aquarij, 21. die Martij. Alterum Iouis & Martis oppositorū semel 11. Septembris, & iterum 17. Octobris. Consequentes anni multò plures & terribiliores afferent. Etsi autem astris non diuinā, sed naturalem vim effectiōnemq; tribuo: tamen bellè ea cū prædictionibus diuinis conuenire videmus. Quid enim obstat, quo minùs creaturis suis vtatur Deus, velut præconibus, post sanctum verbum, ad denunciandum & declarandum suam iram, aut gratiam? Sic profectò, cum
verbum

verbum Dei extrema mala nobis hoc tē-
pore minetur: quidni astra etiam talia no-
bis portendere credamus? Dicimus ergo
Eclipsi huius anni malignisq; configura-
tionibus superiorum Planetarum denun-
ciari nobis calamitates, angores, miserias,
caritatem, famem, pestem, sanguinis pro-
fusionem, cædes, inde rythmi sunt facti
Germanici, qui sic Latinè habent:

*Quem non peste sua rapit octogesimus annus,
Atq; sequens cuius non necat ora fames:
Tertius horrenti Maiors non ense trucidat:
Hic mala multa bonis mixta referre sciet.*

Etsi enim iniens annus octogesimus
gravis est futurus vehementer, pestilens &
aduersus: tamen illi qui hunc excipient,
multò tristiora minantur, vt penè initium
calamitatum ingentium hunc præsentem
dixerim. Adeò cum ipsis annis augebun-
tur miseriæ, vt sequens semper præceden-
tem exuperet, donec tandē octogesimus
octauus vel *πανολεθείαν*, vel mutatio-
nem tantam afferet, vt concussa, labefa-
ctata & euersa videantur esse omnia. Is e-
nim, si quid modo celeritatem aduentus
filij Dei tam diu retardabit. Prorius fatalis
est, propter coniunctionem omnium Pla-
netarum

ORATIO XIII.

netarum, quæ anno octogesimo quarto in Arietis signo, trigono igneo futura est, cōgruens omni ex parte cum paucis illis Planetarum synodis, quæ certis interuallis in cœlo factæ sunt. Prima quidem in ipsa creatione mundi, à qua cœlum conuersionis suæ initium duxit. Secunda circa diluuium. Tertia circa Mosi natiuitatē. Quarta circa illud tempus, quo natus & in lucem editus est Elias. Quinta circa natiuitatem Messia & initium Monarchiæ Romanæ. Sexta sub Carolo Magno, cum Imperium Romanum ad Germanos translatum est. Septima erit illa ipsa, quam annus octogessimus quartus dabit. Nec tam diu duratura est hæc mundi machina, vt confecta tot annorum periodo, octaua eiusmodi Planetarum congressio contingat. Postrema igitur illa erit, & fatalem huic mundo absque dubitatione portendit interitum. Cuius rei coniecturam vel hinc capere possumus, quòd semper antegressis, vel non multo post secutis talibus Planetarum Synodis, ingens mutatio in orbe terræ accidit. Et septenarius numerus perfectus habetur. Tum Deus etiam ipse, consummato iam creationis opere, septimo die quiescendum putauit. Postremo naturæ quadam

vi & efficacitate crisis septimo diei, & anno septimo ætatis cuiusq; hominis inest. Vt ergo mutationes singulas, singulæ superiores coniunctiones pepererunt, & septimodie quieuit Deus, eodemq; die & anno in morbis & ætatibus hominis insignis mutatio fieri solet: sic sperabimus septimū illum & vltimum Planetarum omnium in ariete congressum, finem hisce miserijs vniuersalem esse allaturum. Hunc consensum diuinarum prædictionū cum Astrologicis considerare, non solum vtile est, sed vehementer etiam necessarium. Ac vt maxime aliquis Astrologica hæc fastidire velit: non potest tamen propter diuinarum comminationum & prædictionum cum hisce conuenientiam: tum propter ipsius etiam filij Dei mandatum, qui iubet nos talia signa in cælo & in terris attentè notare atque cogitare.

Sed quid? an non res euentusque iam tum prædictiones tam sacras, quam astrologicas satis comprobat? quis aded est ferreus, aut rerum humanarum imperitus, quin sentiat in sese nimis vera esse, quæ expresse verbum Dei & præcones operum diuinorum, stellæ, iam pridem denunciant? Quæ mali species, vel vt Thucididea

ORATIO XIII.

utar voce. Idea procul à nobis abest? an nō
 fames pleno gradu ingressa, vbiq̃ue ferē
 iam nos urgere incipit? quanta omnium
 rerum penuria? quanta victus tenuitas?
 quā acerbæ sunt querelæ de peruersi-
 tate, superbia, asperitate, inhumanitate,
 perfidia & fraude hominum? Pigere pro-
 fecto tædereq̃ue incipit multos vitæ huius
 tam ærumnosæ & turbulentæ. Videas mi-
 ris modis diminui omnia, languescere na-
 turam ipsam, defatigari terram, exhauriri
 opes & facultates hominum, deficere vi-
 res & intercipi omnes ferē aditus ad pa-
 randum necessarium victum, & propte-
 rea ad inopiam redigi plurimos. Contra
 verò crescere luxum, augeri superbiam,
 cumulari sumtus vestium & ornamento-
 rum supra omnem modum: ut vix anni
 sex aut octo abeant, quin forma noua ve-
 stimentorum introducatur, explosa ve-
 teri. Interim friget omnis honesta libera-
 lisq̃; officiorum communicatio, non fides,
 non candor, non sinceritas, non constan-
 tia in dictis aut pactis reliqua est. Cessat
 coniunctio, familiaritasq̃ue illa, quæ ma-
 iores nostros maximè oblectauit, & quasi
 quoddam pabulum aluit atque recreauit.
 Euauit omnis libertas aut *παρρησία*
com.

communicandi sententias de politicis pariter & Ecclesiasticis negocijs aut contro-
uersijs. Nemo ferè est qui audeat amplius
sele, consilia, curas aut cogitationes suas al-
teri committere, vel in sinum eius effun-
dere. In religione quàm immane sit dissi-
dium, omnes sani experiuntur. Quid igitur?
an non usu ipso edocti tandem fate-
bimur omninò id accidere nobis, quod
postremo tempore mundi euenturum esse
filius Dei vaticinatus est? cum dixit, in ter-
ris erit anxietas gentium. Quæ est anxietas
nisi hæc est? cum adeò anguntur animi, ut
rebus desperatis præter mortem nihil o-
perandum sibi putent.

Etsi autem multos hic sensus commu-
nium malorum non attingit, utpote qui
vel commodis huius mundi affluunt, vel
nescio, quomodo usu obduruerunt & per-
calluerunt: tamen maxima pars vel taci-
tum in animo mœrorem circumfert, vel
querelis, lamentisque dolorem suum de-
clarat. Nec aliter prædixit filius Dei, quàm
fore, ut quo propius ad finem hic mundus
accedit, eò securiores sint homines impij,
præsentibus scilicet commodis frui, libidi-
nèq; animi explere cupientes, antequam
vel morte, vel ipso filij Dei aduentu oppri-

ORATIO XIII.

mantur. Ergò illi tantùm misérias & calamitates huius postremi temporis potissimum sentiunt, quos filius Dei ex turba & colluione huius mundi excerpfit, quiq; verbum Dei ad se pertinere arbitrantur. Hi sunt quos filius Dei alloquitur, & admonet, cum inquit: Erit anxietas in terris. Nisi enim angore doloreque crucientur, cum secura impiaque turba in diē viuunt. nec liberationem à malo expetunt.

Vt autem natura fit, cum ex vase feces cum liquore exeunt, vt fundum necessario attingatur: sic ruente iam mundo ad finem suum, turbulenta esse omnia necesse est. Est ergò hæc quoq; causa haud prætereunda, cur maiore calamitatum mole, hoc postremo tempore premamur, quod exhaurire nos oportet omnem sentinam mundi, quæ in nos, tanquam in fundum confluxit, extremumq; furorem Diaboli & organorum eius perferre.

At quæ tandem in his tot tamq; acerbis malis spes nobis miseris relicta est? ecqua consolatio nos manet? equidem si eadem fors piorum & impiorum futura est, præstat hic cum cœtu impio lætari, quàm cum pijs tam duriter exerceri. Hic audite dulcissimam vocem filij Dei, qui sic nos mœstos

stos & consternatos compellat: Hæc cum fieri incipiunt: suspicite & attollite capita vestra. Iam qui suspicit, caputq; erigit, ex luctu squaloreq; emergit, & perfugium solatiumq; certum nouit. Cùm ergo suspicere iubet nos filius Dei, & erectos inter tantas confusiones atq; angustias stare, ad spem melioris sortis certè nos prouocat, & magno inuictoq; animo ut simus, monet. Quemadmodum Cyprianus in sermone de immortalitate ait: Quanta pectoris magnitudo est, quanta sublimitas inter ruinas generis humani stare erectum? Etsi igitur mala horrèda hoc ineunte anno nobis pertimescenda sunt: tamè aspersa sunt etiam bona maxima & saluberrima, quæ lenire mœsticiam & allicere ad lætitiā nos omni iure debent. Quæ verò? In primis sanctum & viuificum Dei verbum, quod sonat, Dei beneficiò, in templis, scholis & ædibus nostris, quodque nobis ad bene de omni salute animæ & corporis sperandum, quasi signum aliquod tollit. Vbi enim DEI verbum est, ibi certissimè est DEVS. Vbi sonat hæc vox CHRISTI: suspicite, erigite capita vestra: ibi absque vlla dubitatione præsto est ipse Christus viuaque consolatione cor perfundit & reficit.

ORATIO XIII.

Vbi porrò Deus est, & filius eius cum Spiritu sancto ibi bonorum vbertatem & copiam esse necesse est. Iccirco per bono loco res nostra est, dum verbum Dei genuinum & incorruptum habemus, dum Sacramentorum vsum integrum inuiolatumque retinemus. Idenim boni habitura esse hæc postrema tempora, ipse Christus vaticinatus est, cum inquit: Prædicabitur Euangelium hoc regni in vniuerso orbe, in testimonium omnibus gentibus. Sint igitur temporis huius tempestates maximè turbulentæ procellis, fluctibus, ventis & turbinibus vndique refertæ: non tamen malè nobis esse prorsus potest, quia Euangelium purum habemus, & cum eo thesaurum cœlestium bonorum tenemus.

Vtrumque prædixit CHRISTVS, & ingentes fore in mundi fine confusiones, anxietates & afflictiones, cum ait: Tunc plangent omnes tribus terræ: & solatia etiam nobis non defutura, dum in his acerbissimis malis iubet nos benè sperare, & animum excelsum inuictumque gere-re, quod Euangelium sonat passim in ciuitatibus, templis, scholis, & priuatis ædibus. Id enim tantam vim habet, vt mœstos solari,

solari, iacentes erigere, & desperabundos
recreare, viuificareque possit. Hoc igitur
amplectamur, hoc nostras misérias lenia-
mus, hoc molestias, & gritudinem, metum-
que omnem abstergamus. Non cadere
hoc aut succumbere dolori, curis & ango-
ribus nos patietur, sed ex ipsis etiam fatis
mortisq; faucibus nos eripiet.

Habet autem filius Dei causam, cur nos
bono animo esse iubeat: quia, inquit, ista
extrema mala & colluies illa calamita-
tum, in postremo mundi tempore, certis-
simum sunt signum appropinquantis re-
demtionis vestræ. Iam verò quid est re-
demtio hæc, nisi liberatio ab omnibus ma-
lis? Affligi itaque nos, premi, vrgeri, & im-
mergi calamitatibus oportet, vt inde tan-
quam ex fluctibus emergentes læti tan-
dem extrahamur, & portum quietemque
optatam iuueniamus. Quantum verò bo-
num est, quod liberatio nobis tam pro-
pinqua & certa offertur? quis non iure o-
mni lætetur? cùm in calamitatum con-
cursu liberationis certam spem prospicit?
quoties igitur cælum hoc vel aspectus
malignos, vel coniunctiones diras, vel ter-
ras luminis Solaris aut Lunaris obscura-
tionis exhibet: quoties aër vel cometas vel

ORATIO XIII.

impressiones horrendas ante oculos proponit: quoties terra vel sterilitatem minatur vel fruges denegat: quoties vel cura victus nos sollicitat, vel hominum improbitas & malicia summa offendit: quoties aduersa alia suggeruntur: toties signum nos videre putemus aduentantis redemptionis nostræ. Sunt enim ista omnia quasi quidam nuncij & præcursores iam aduenturi ad liberandum nos filij Dei. Estq; argumentum firmissimum hoc à signis adsignatum: Signa appropinquantis redemptionis nostræ in conspectu nostro posita sunt. Mox igitur redimi nos, vel certe non longo post interuallo oportet. Non enim ludere nos cupit filius Dei, sed talia signa vult esse sui aduentus indicia: ut cum ista cernimus, de aduentu ipsius spem certam concipiamus. Quamuis igitur tristitia habeat hic annus præsens multa & magna: tamen tristitia sunt illis qui spem redemptionis non habent. Nobis vero læta sunt, qui de appropinquante aduentu nostri liberatoris per ea admonemur & confirmamur.

Sic igitur statuamus, ingredi quidem nos annum luctuosum atq; funestum: sed appropinquare regnum per beatū in cælo nobis

nobis paratum, & signis quamplurimis, tanquã argumentis, demonstratum. Cum qua quidem vita conferre si volumus, quæ hîc nobis accidunt mala & aduersa: vix ymbra esse videbuntur. Quæ est enim finiti ad infinitum proportio, comparatio-
ne? Præclare Macari⁹ homilia 15. Si quis ab eo tempore, quo conditus est Adam, vsque ad finem mundi militasset contra Diabolum, & omnes acerbitates, omnes dolores cruciatusq; pertulisset: nihil tamen magnum fecillet, respectu gloriæ, quam consecuturus est, in qua infinitis seculis cum Christo regnabit. Ex quo etiam Paulus discernit afflictiones huius tēporis nullo modo pares esse gloriæ venturæ. Quamobrem parati simus ad suscipiendas atq; tolerandas hæc breues calamitates, & læuia hæc incommoda: magno excelsoq; feramus animo quòd dum respicimus, & quod adiunt, vertimus nos, redemptio aderit.

Non est quòd dum in hac carne, & in hoc maligno Diaboli hospitio hæremus, immunitatem nobis à metu, cruce, solitudine, periculis, angoribus polliceamur. Certa hæc sunt & vel iam nos prement, vel ceruicibus nostris impendent, mox interruptura. Quemadmodũ dulcissimè inquit
Augu-

ORATIO XIII.

Augustinus Psalm 39. Quantum accedunt dies, augentur tribulationes. Nemo sibi promittat, quod Euangelium non promittit. Non nobis promittunt scripturæ nostræ in hoc seculo, nisi tribulationes, pressuras, angustias, augmenta dolorum, abundantiam tentationum. Ad ista nos præcipuè paremus, ne imparati deficiamus.

Hæc nos meditari in anni huius noui ingressu pium & iustum est: vt mala quidem plurima nos manere sciamus: sed eadem tamen hæc consolatione verbi diuini, quasi quodam succu dulci aspergi atq; leniri meminerimus. Si itaque quis dixerit infaustum, infelicem, calamitosumq; fore hunc ineuntem annum: huic respondeamus: at bona tamen ingentia his malis commixta esse, & quidem tam solida & magna, vt præsentēs ærumnas vel obscurare vel certè attenuare atque imminuere possint. Doleat, inquires, hoc anno omnis homo. At ego contra: Gaudeat hoc anno omnis Christianus: quia quò magis accumulantur mala temporis, eò propior est & certior nostra redemptio. Patientia interim nobis opus est, vt in hoc peruerso mûdo integrè casteque versemur, ne capi nos,

COR-

corrumpi aut seduci vllis illecebris, commodis aut voluptatibus patiamur. Tum patientia etiam altrice opus est precatione diligenti & seria, quæ fide firma tanquam radicibus nixa, in cœlum ipsum penetrat, & nos in cœtum beatorum collocat. Fremat igitur mundus, sæuiat Diabolus, grassentur hostes, vrgeat egestas, vexet morbus, & mala plurima concurrant: non tamen auellere nos à spe liberationis & cœlestis gaudij poterunt. Quia pendemus à Deo qui cadere nos non finit, nec in se cōfidentes vllō vnquam tempore deserit. Hæc spes vt altè in mentibus nostris posita atque infixata sit, assiduis votis à Deo contendamus, sic orantes:

Ingensest iratua, ô DEVS, aduersus peccata nostra, quibus, heu nimium, te offendimus, & quocunque aspiciamus, nihil nisi pericula & pœnas nobis impendere cernimus. Nam & lex tua quasi quædam fulmina comminationum in nos iactat, & cœlum infaustis suis aspectibus, caritatem annonæ, pestem, bellum, & angores horrendos portendit. Tum Sol quoque ipse tanquam refugiens scelera nostra, lumen & calorem retrahit, terra horridior facta sterilitatem minatur, homines inter
se se

ORATIO XIII.

fese ipsi sceleribus & mutuis conuicijs, iniurijs, odijs & insectationibus grassantur, nec quicquā ferè mali reliquum est, quod hoc præsens tempus non secum trahat.

Fatemur autem, has calamitates iure omni euenire nobis, & multò grauiora nos promeritos esse: quia verbum tuum habemus; & tamen illi neque credimus, neq; obtemperare studemus, sed in diem viuimus, & pluris mundana hæc, quàm cœlestia bona facimus. At tu noli spectare nostra malefacta, quæ horrenda sunt, sed recordare immensæ tuæ bonitatis & misericordiæ, quam in verbo tuo promisti, & omnibus patribus nostris cumulatè præstitisti.


Ecce enim abijcimus nos ad pedes tuos, & supplices gratiam tuam misericordiamque imploramus. quæ utique maior, & vberior est, quàm tota peccatorū nostrorum moles. Propter hanc itaque auerte à nobis iram tuam, & noli obliuisci te Patrem esse nostrum, ad quem aditus nobis per CHRISTVM mediatorem patefactus est, & cuius aures querelis liberorum patere semper debent. Mitiga ærumnas temporis huius formidolosissimi, & annum hunc ineuntem benè, prosperè, feliciterq; ue

citerque euenire sine. Custodi Principem nostrum, patrem Ecclesiæ & scholæ huius. Serua & auge studia artium & literarum, & tuere disciplinam inter nos. Effice, vt in mandati officij munere castè integreque versemur, & arbores simus iustitiæ, & plantatio Domini ad glorificationem. Ne abicias nos in hac vltima & delira senectâ nostra: sed gesta nos, foue, & animum viresque adde, ne in tanta vi tempestatum, & concursu calamitatum, quas cœlum & tota ferè naturæ facies nobis minatur, frangamur, aut succumbamus: sed læti identidem oculos & animum in cœlum referamus, & redemptionem nostram peroptabilem filij tui aduentum totis animis expetamus. Nihil enim miseris nobis, in his ceruinis & confusionibus postremi temporis, reliquum est solatij aut spei, præter hanc vnicam redemptionis, & aduentus tui

IESV CHRISTE. Quare veni, ac-

celera, propera, noli tarda-

re, AMEN.



Ora-

Oratio XV.

*DE IOACHIMO CAMERARIO
habita iu Academia Erphor-
diana, Anno Christi*

5 7 4.

SI qua est in me pietas, quam mihi omni
ætatis meæ tempore confiteor curæ ma-
gnæ fuisse: Aut si qua dicendi facultas,
quam perexilem in me esse non inficior:
Viramq; rem decet me in deploranda gra-
uissimi viri IOACHIMI CAMERARII
morte declarare. Nam & priuata eius
in me merita sunt multa: Et extant tot
ingenij illius monumenta publica, vt
nulla sit regio, nulla ciuitas, nulla schola,
nulla penè priuata domus, quæ non labo-
rum ipsius fructus vberes diuturnosq; ca-
piat. Quod si benemeritis laus tribuenda,
& debita gratia referenda est: Non sanè
video, cui officiosa mea pietas, & vox hæc,
quamuis inclinata, & mœrore nimium
interclusa, iustiùs seruire debeat, quàm
huic ipsi Camerario, à quo tot bona tam
cumulatè accepimus. Fateor autem vltro,
& ingenuè, me de tanto viro dicere aggre-
dientem onus ac munus suscipere, quod
neq; sustinere ingenio, neq; exequi dicēdo
pos-

possim : facere tamen periculoso malo,
 quam hoc sanctum gratitudinis officium
 manibus Præceptoris nostri communis
 denegare. Ac ut de me dicam parcius, mul-
 tum interest huius scholæ, memoriam gra-
 tam, & prædicationem huius viri extare.
 Nam & Græcas literas in hac Academia,
 ante annos quinquaginta quinque do-
 cuit, & tempore toto vitæ suæ adeò Acade-
 miam nostram dilexit, ut & viros doctos
 quibus familiariter, dum hîc versatus est,
 usus fuerat, mirificè scriptis suis celebrârit,
 & mihi sæpe, ne hanc cõtabescentem ege-
 stare, & squalore deferem, sua sor fuerit. Sic
 igitur statuamus, bonam magnamque
 partem luctus tristis, & acerbi, quem mors
 tanti viri peperit, ad nos quoque pertine-
 re, nisi prorsus ingrati in tam benè meri-
 tum virum esse volumus. Ego quidem ex
 innumeris, quæ dici possunt, ea tantũ ex-
 cerpã, quæ nobis vsui esse maximè viden-
 tur: Primum dicturus quanto studio, atq;
 animi impetu, inde ab annis primis, vsq;
 ad senectam ultimam in eas literas, qui-
 bus nihil est, neque specie ornatus, neque
usu vberius, incubuerit: Deinde quantum
 utilitatis ad Ecclesiam, atque adeò vniuer-
 sam rempublicam Christianam attulerit:

artes liberales.

ORATIO XV.

Tum quam cladem, atque interitum studiorum, ac disciplinarum in his regionibus morse eius portendat. De his igitur ut me breuiter verecundeque loquentem, a quibus animis attendatis, modis omnibus oro. Ab alijs verò, quibus plus est concessum ingenij, maiorque dicendi vis, atque copia suppetit, cætera, quæ sunt amplissima omnia de hoc viro expectate.

Est quoddam genus studiorum, quod φιλολογία appellatur, & in colendis, perpoliendisque literis, & artibus bonis totum versatur. Hoc qui consecretur, φιλόλογος nominatur, qui est studiosus literarum, & artium ingenuarum. Complectitur autem hoc studium vniuersam doctrinam literarum, vtriusque linguæ, Latinæ & Græcæ tantam, quantam mens humana studio & industria assequi potest. Artificem in hoc genere fuisse Adrianum Imperatorem accipimus, in quem tale extat elogium, apud Dionem:

{

φύσει φιλόλογος ἦν ἐν ἑκατέρᾳ τῇ γλώσσῃ, καὶ πινὰ πεζὰ, καὶ ἐν ἑπέσι ποιήματα παντοδαπὰ κατὰ λέλογκε: Natura amans erat literarum vtriusque linguæ, & multa

scri-

scripta, partim soluta oratione, partim carmina composita reliquit. Hoc eodem modo de nostro Camerario prædicare omni iure possumus. Fuit enim à teneris, ut Græci dicunt, vnguiculis, penitus huic studio deditus, quod artium omnium, & disciplinarum fundamenta peruestigat; & splendorem, firmamentumque illis conciliat. Nihil vspiam est scriptorum Latinorum, aut Græcorum, nihil habet Oratores, nihil Poëtæ, nihil Theologi Græci, nihil Latini, quod ille non accurate, *plurimè vñ lib.* cogitateque euoluerit, prospexerit, & enodaret. *in illis.* Nihil est in omni genere doctrinæ eruditæ tam abstrusum, tam reconditum, tamque obscurum, quod ille non diligenter meditatione eruerit, aut sua explicatione illustrarit. Neque ad tempus operam huic studio dedit, sed vsque immoratus est: nec quod primis ætatis annis delegerat, in senectute summa deseruit. Non enim vigiliæ, non labores, non contentiones, non difficultates vllæ fregerunt, aut deterruerunt. Quin eadem, quæ iuuenis præceperat, ætate senili docebat, nisi quæ ætatis, iudicijque maturitas alium quasi habitum, atque colorem orationi eius conciliauit. Mirum fuit eius studiū, incredibilis indu-

ORATIO XV.

stria, rara legendi & scribendi solertia, &
 assiduitas. Constantia verò in suscepto vi-
 tæ atque studiorum cursu tanta, ut ab eo
 nullis illecebris, nullisque honoribus, aut
 commodis proprijs, quantumvis spes eo-
 rum magna ostenderetur, dimoueri sese
 passus sit. Inuitabatur enim sæpenumero
ad ea officiorum munera, quæ & autorita-
tis pondere, & emolumentorum copia
scholasticam militiam longè superabant.
Verùm is tamen Philosophico planè ani-
mo has non quidem corruptelarum, sed
honorum illecebras repudiabat, & Spar-
tam suam, quamuis in vmbra delitescen-
tem, nullis opibus, nullo splendore homi-
num perstringentem oculos vnicè ornare,
sancta faciendo, & utilia docendo, scriben-
doque pergebat. Est hoc exemplum ra-
rum & præclarum, ita contemnere posse
ea, ad quæ totus mundus, tanto rapi-
tur impetu, ut ad illa consequenda o-
mnes suos conatus à primis vsque annis
unicè referat. Quotus enim quisq; est, qui
non eum sibi studiorum finem statuerit,
ut per ea honores, autoritatem, & diuitias
adipiscatur? Immo tanta est in plerisque
harum rerum cupiditas, & ardor, & ut ci-
tius hos, quos sibi proposuerunt studio-
rum

um fructus appetant, quam probè quic-
quam, aut solidè in discendis literis pro-
fecerint. Quo certè maior est huius viri laus
maiorque admiratio, qui ex infinitis pe-
nè vnus est inuentus, qui in his studijs co-
lendis ita vixerit, vt eum neque spes com-
modorum, neque honoris nitor abstraxe-
rit, neque voluptas auocârit, neque deniq;
somnia retardârit. Facerè haud absurdè,
si requiem nullam, neque animi, neque
corporis concessam, atque relictam illi di-
cerem, propter incredibile istud studium,
quod euoluendis, scribendisq; tot, tanta-
que cura, ac meditatione libris tribuit. Sed
par fortasse studium in paucis illis, & præ-
claris Philosophis fuit. Aristotele, quem
ἀναγνώστην eo nomine appellauit Plato;
Demost. q plus olei, quàm vini cōsumsisse
perhibetur: Nec minùs etiam curæ, atque
diligentiæ in D. Philippo fuit, & aliquan-
to plus etiam, nisi quid me fallit, naturæ
siue ingenij ad perpolienda hæc studia,
quibus operam tantam nauauit Camera-
rius: sed alia negotia, & occupationes illum
abstraxerunt, Ecclesiastica scilicet, q̄ adeò
eum tenuerunt districtum, vt vix respira-
re, & interuallo interdum lōgo regustare
has literas ei licuerit. Camerario igiturno-

ORATIO XV.

stro penè soli admirando Dei beneficio atque concessu tributum est, ut in hoc seculo literas illustraret, & omni cura, cogitationeque in id incumberet, ut genus sermonis in autoribus Græcis & Latinis sic declararet, ut fructum ingentem Ecclesiæ, & Scholæ inde perciperent. Hoc beneficium Dei, non solum magni est faciendum, sed exemplum ipsum etiam intueri debemus, ut admiratione eius incendamur ad similis diligentia, & industria curam atque imitationem.

Sic enim habete Studiosi optimi, ducem esse gregis Scholastici egregium καὶ ἀξίον ἡλόν hunc nostrum Camerarium, à quo etiam exempla studij, & industriae eximia sumere conveniat. Etsi enim non omnibus conceditur in his studijs ætatem consumere, quod huic nostro Coryphæo, καὶ δαδέχω contingit: omnibus tamen par diligentia in cultu bonarum artium atque disciplinarum necessaria est. Id quod præcepto Hesiodico docemur, cui hæc addita est clausula: ἀγαθὴ δ' ἐπισὴν δὲ βροτοῖσι. Oportet enim utique initium doctrinae omnis liberalis, atque salutaris

ab his literis fieri, quæ disciplinarum omnium fontes continent, & subsidia necessaria cæteris artibus afferunt. His nisi instructus satis ad superiores disciplinas accedas, aut nihil aut parum proficies. Sed ad ducem nostri chori reuertor, qui & exemplū est industriæ in legendis, discendis, & perpoliendis literis & artibus ingenuis, & monumenta ingenij & diligentiae suæ tot nobis post se reliquit, ut scriptis & commentationibus ipsius non minus, quàm voce viua omnis posteritas eruditior sit euasura. Nisi fortè (quod omen tamen Deus clementissimus procul auertat) ea secutura sunt tempora, & ij mores futuri, ut nihil loci bonis artibus, aut disciplinis sit reliquum: aut ingratitude tanta hominum animos occupatura est, ut nihil tam eruditè vtiliterque scriptum ab antecessoribus reperiatur, quòd non detestiuudo morosi scilioli arrodant, temeritate conuellant, ambitione in odium adducant, & ita extenuent, aut cauillentur, quasi nihil ad Ecclesiæ doctrinam, vel ad alias doctrinas intelligendas, explicandasque faciat, vel his potius officiat. Quod quidem de

Camerarij οἰκείῃς φίλου, καὶ συμφιλοσόφου

ORATIO XV.

Philippi Melanchtonis scriptis multi facere hactenus conati sunt, & adhuc facere in animo habent, quibus tamen nihil melius, nihil desertius, nihil vtilius hic Sol magnus, hoc nostro seculo editum vidit. Verum de talibus fucis dico parcius, ne carbonem, quod aiunt irriterem. Vos tantum Studiosi amantissime cohortor & oro, ut scripta horum duorum Luminum Germaniae magnificiatis, & sedulo, accurateque legatis: Reperietis, mihi credite, thesaurum eruditionis verae, non ambitiosae, non fucatae, non contentiosae, tantum, quantum vix in ullis alijs autoribus licet inuenire. Hos scitote esse apes Articas, ex his mel salubre petite, & doctrinam nativam, & utilem sumite. Fucos vero animo magno, & celso contemnite, quorum iudicia non viciosae nuci adaequanda sunt. Quid enim habent, quod ostentent, aut quo glorientur? legerunt aliqua. Camerarius vero noster euoluit, & scrutatus est omnia. Scribunt libros, at quomodo? Verbis quomodocunque confutis, barbaris, sordidis, siue delectu, siue discrimine coaceruatis. Hic vero noster oratione utitur pura, & antiquitatem redolente. Docent illi sic, ut aures compleant sonitu, & animos feriant plau-

plausibilitate. At hic noster simpliciter, planeque verborum rerumque momenta explicat, & digitum semper ad fontes intendit. Vt autem simplex veritatis sermo fucata omnia, quantumvis maximè splendentia, & turgentia facile vincit: Ita nolite dubitare, Studiosi Deo & Musis cari, quin Domini Camerarij doctrina, quam partim viua voce tradidit, partim literis prodidit omnium sciorum speciosæ scientiæ, atq; loquentiæ longè præferenda sit. Sed satis fortasse multa de Camer. studijs, vel plura & iâ, quàm patitur instituta breuitas, quibus hoc vnum si adiunxero, abunde me dixisse putabo: Tot scripta nostrum Camerarium euoluisse tantos labores, curas, vigilias, lucubrationes sustinuisse, quot & quâtas nemo nostrum ne tacitus quidem ausit optare, nedum perferre & exhaurire.

Quid verò putabimus: ipse Camera-rio nostro soli, aut nonnullis tantum eius tam præclari, tamque admirabiles profuerunt labores? Hic quorsum quidque pertineat, quæso diligenter attendite: efficiam profectò, vt intelligatis, thesaurum eruditionis saluberrimæ, & nunquam intermorituræ ab hoc viro Scholis, Ecclesiæ & toti adeo Reipublicæ Christianæ partum

ORATIO XV.

atque relictum esse. Ea est enim animi ingenuis artibus atque disciplinis excultura, atque vis, ut se ipso contentus non sit, sed largè liberaliterque cum plurimis sua communicare gestiat, communemque fructum suum, honorem, commodumque ducat. Id quod Græca etiam nos facere iubet sententia: *χρὴ μισῶν φερῶντας, ὃ φθονερὸς τελέθειν, ἀλλὰ τὰ μὴ μῶλόν, τὰ δὲ δεικνόναι.* Sic igitur Camerarius noster studia sua instituit atque moderatus est, ut altera quasi manu plurima comprehenderet, ac conquireret, altera verò ad usum communem, quæ legerat & meditatus erat, conferret. Nihil est quod ille magno labore partum, non benignè nobis, & posteris omnibus imperitus sit. Testes sunt tot ingenij monumenta, tot libri editi, tot erudita scripta, quæ post se reliquit, tot item consilia salutaria studiorum & actionum, quæ ex doctissimo & sanctissimo illius pectore, velut ex fonte sacro manarunt. Habemus Grammaticæ bellum in utraque lingua à Domino Philippo conscriptum, à Camerario verò elaboratum, & numeris penè omnibus absolutum. Habemus Orthographiam

phiam expolitam, & ad antiquitatis castæ,
puræq; consuetudinem reuocatam. Hinc
quantum referat, quibus quæque dictio
literis rectè scribatur, didicimus. Per hunc
non monumenta tantum & pondera,
verumque sermonis vsum in autoribus
Latinis, sed natiuam faciem antiquæ
& integræ linguæ Romanæ cognoscimus.
Ab hoc Plautum à mendis repurgatum, &
scholijs illustratum accepimus. Huic ma-
gnam partem restituti Ciceronis acce-
ptam referimus: per hanc aditus ad intel-
ligendum Herodotum & Thucydidem
nobis patefactus est. Huius ductu Ho-
meri & Sophoclis verba, phrasæ, diale-
ctos, figuras, inuolucra, somnia, artifici-
um, & dogmata penè omnia intelligimus.
Huius opera & beneficio multos Autores
Latinè legimus, quos nisi Græcè eruditus
antea intelligere potuit nemo: Huius in-
dustria multi vtilissimi Autores partim
in lucem è tenebris prolati sunt, partim
à mendis vindicati. Quare ex illius labori-
bus sempiternū fructū pceptura est omnis
posteritas in Scholis & Academijs, quæ
liberalia studia & artes bonas fouent atq;
propagant. Iccirco etiam memoria huius
viri nunquā abolebitur, neq; conticescet
laus

ORATIO XV.

laude eius, quam diu superstites erunt literæ, & stabunt Scholæ. Non puer, non adolescens, non discipulus, non professor erit, qui non hoc duce, atque præceptore sentiat se in percipienda, aut tradenda doctrina plurimum iuuari. Neque verò scholæ tantum, sed ipsa etiam Ecclesia Christiana fructum studiorum, atque scriptorum Camerarij vberem, diuturnumque perceptura est. Extant enim illius interpretationes luculentæ complurium Orationum sanctorum in Ecclesia Græca patrū: extat historia Ecclesiastica Theodoritj ab hoc in sermonem Latinū conuersa. In medio est Chronologia Nicephori ab ipso versa, & edita cum appendicibus totam fere *ἡγεμονικὴν ὑπογραμμάτων* complectentibus atque illustrantibus. Sed omnes eius lucubrationes, quantumvis præclarissimas superat, & vtilitatis magnitudine, & laboris diligentia opus illud eximium in quo figuras sermonis, verborumque significationes, & sententiam orationis in libris noui Testamenti exposuit. In eo enim omnē verborum vsum, & rerum ipsarum pondera ex verbis rectè collatis, atque consideratis petita, sic explicare studuit, vt omnis vis atque Emphasis sermonis Christi & Apo-

Apostolorum inde æstimari atque intelligi possit. Hinc discimus, quæ verba propriè, quæ figuratè intelligi à nobis diuini illi autores velint: vbi more, exemploq; Græcorum, Demosthenis, Herodoti, Sophoclis & aliorum loquantur, vbi verò contra consuetudinem illorum phrasès Propheticas & ῥητορικὰς vsurpent atque inculcent Ecclesiæ discipulis. Hanc curam atque animaduersionem in libris Euangelicis & Apostolicis, si quis tanquam infrugiferam, aut non admodum necessariam, opinione vel verbis attenuat, nihil is de intelligentia, aut interpretatione sacrarum literarum tenere iudicandus est. Oportet enim de rerum sententia & veritate non aliundè, nisi ex verbis ipsis rectè ponderatis, & inter se collatis, iudicium fieri. Nec certus esse de sententia quisquam potest, neque dogma tueri illum, qui vim verborum, sermonisque naturam & vsum ignorat. Vera est enim, & omnium temporum atq; doctorum testimonio comprobata vox, quæ affirmat: τὸς μὴ μανθάνοντας ὁρθῶς ἀκροῦν ὀνομάτων, κακῶς χρῆσθαι καὶ τοῖς πράγμασι, eos qui non tenent rerum vocabula, aberrare in rerum scientia & usu.

Et

ORATIO XV.

Et Aristotelis dignissimum est memoria dictum, de his qui vocum vim ignorant, quòd perinde decipiantur, siue differant ipsi, siue alios audiant, ut falluntur in computando imperiti Arithmetices. Utinam igitur persuaderi hoc discantibus posset, ut sensum concionum Christi & Apostolorum ex his fontibus hauriendum esse ducerent. Ita profectò fieret, ut in vno verbo Christi, aut Pauli plus ponderis situm esse intelligerent, quàm in commentatione proluxa, quæ ab his fontibus aberrat. Cum igitur hos fontes veræ cognitionis verborum Christi & Apostolorum nobis aperuerit Camerarius noster: quæ laus, quæ gratia par tanto beneficio inueniri potest? Nequeo verbis exprimere quod sentio, neque fidem etiam merebitur fortassis oratio mea: attamen hoc nihil dubitans confirmo, plus esse veræ eruditionis atque lucis in hoc Camerarij nostri commentario, quàm in multorum verbosis & speciosis expositionibus. In eadem laude pono præclarum eius vtriusque linguæ commentarium, in quo partes humani corporis, cum functionum nomenclaturis exposuit. Quid dicam de Catechesi? quam sermone Græco sic exaravit, ut & rerum

terum & verborum bonitate omnes in hoc genere conscriptos libellos, post paruum illum & aureum Catechismum, quem Lutherus edidit, superet. Res profecto tanta luce, tamque commoda breuitate exposuit, nihil ut dici aptius, nihilque eruditius possit, sermonis autem generis tali usus est, ut admirationi etiam Græcis ipsis esse possit. Eodem sermone etiam contra hostes religionis nostræ pugnavit, ac Latini impiam assertionem de sanctorum inuocatione ita oppugnavit, ut facile se victum ille sentiret. Cum vero Antonius, Eparchus Corcyreus, vir doctrina cœlesti & humana omni politissimus, natione Græcus, ad Philippum literas Venetijs misisset, quibus eum ad componenda Ecclesiæ & Reipublicæ Germanicæ dissidia hortabamur: Camerarius absente & contante Philippo in Vbijs, capita quædam eruditæ & piæ disputationis & responsionis sermone Græco conscripsit, adeo disertè, ut vix inter ipsum Germanum & Antonium Græcum discrimen agnoscas. Res miranda est, hunc hominem tantum in literis Græcis cōsecutum esse, ut cum quibusvis Græcis doctissimis cōparari iure omni possit. De hoc quod fuerit D. Phi-

ORATIO XV.

Philippi iudicium, velex epistola quadam
cognosci potest, qua sic scribit ad nostrum
Camerarium: Hoc verè affirmare possum,
cùm ab Atticis discessi, nullius orationem
mihi magis, quàm tuam placere. Credo-
que adeò, quemuis mediocri saltem peri-
tia linguæ Græcæ & iudicio præditum fa-
teri, cum antiquitate sapiente & erudita
Camerarium certare. Quæ laus sanè viri,
atque adeò totius Germaniæ longè præ-
clarissima est, vnum sic excellere Græca-
rum literarum peritia, vt Græcorum arti-
fices attingat & adæquet: Accùm de Phi-
losopho tam eximio in cœtu Philosophico
verba faciam, & æquum est etiam de mo-
ribus eius nonnihil huic orationis asper-
gere. Peruulgata est enim, & nemini igno-
ta Ciceronis querela: Quotusquisque
Philosophorum inuenitur, qui ita sit mo-
ratus, ita animo ac vita constitutus, vt ra-
tio postulat: Qui disciplinam suam non
ostentationem scientiæ, sed legem vitæ pu-
tet: quique obtemperet ipse sibi, & decre-
tis suis pareat? videre licet alios tanta leui-
tate, & iactatione, ijs vt fuerit non dedi-
cisse melius: Alios pecuniæ cupidos, gloriæ
nonnullos, multos libidinum seruos, vt
cum eorum vita mirabiliter pugnet ora-
tio:

tio. Quò igitur pauciores inuenti sunt omnibus ætatibus, qui ita vixerint, vt alios docuerunt ipsi, & vt Nazianzeni vtar verbis: οἷς βίος ἐστὶν ὁ λόγος: eò admirabilior est Camerarij nostri virtus, qui cum doctrina & professione vitam omnem adæquauit. Fuit enim in eo tanta in omni conuersatione, consultatione & actione, moderatio, vt si quisqua m est qui ἠθικὸς verè appellari possit, is noster Camerarius sit: Apud magnos summissum, apud minores verò æqualem sese præbuit, & haberi etiam se voluit: erga omnes beneuolum atque liberalem sese præstitit: operam nemini suam denegabat, sed iuuare omnes si fieri posset, re, consilio, opera cupiebat. Gratiā verò & auctoritatem, qua multos alios anteire poterat, nunquam neque ostentabat, neque de se policebatur. Fœdus coniunctionis & amicitiae semel factum, sanctè inuiolateq; seruabant, quem complexus erat, eum sic volebat secum viuere, & agere vt patrem. Delectabatur autem eorum coniunctione maximè, quos vel studiorum socios, vel à Musis non auersos esse intelligebat. Ingenuitatem amabat, ambitionem, simulationem, & fucum omnem oderat, syncerus ipse, & apertus

ORATIO XV.

erga omnes. Cōsilia dabat nō insidiosa sed
 συμβασιμα, ad eum finem directa, vt
 concordia & tranquillitas aleretur, distra-
 ctæ verò voluntates consociarentur. Fuit
 enim mirificè studiosus pacis, & artifex
 conciliationis. Cumque videret illam a-
 pud Poëtam scissa gaudentem palla plus
 satis infestam esse scholis præsertim & A-
 cademijs: quos poterat hortabatur, vt fer-
 re, dissimulare, & quasi musitare aliqua
 mallent, quàm distractionis, aut dissipa-
 tionis causam aliquam præbere. Memini
 eum idem consilium ad me etiam perscri-
 bere, cum dissentionem aliquam incidisse
 in hac Academia auditione accepisset, su-
 um ipsius adducentem exemplum, quod
 & ipse plurima solitus esset dissimulare
 tranquillitatis causa. Hanc virtutem in
 isto viro si quis aut parui facit, aut depre-
 hendendam ducit, vehementer errat. Et si
 non ignoro esse multos, quibus pro mo-
 deratione rigor placet, & pro philoso-
 phica lenitate, Stoica asperitas proba-
 tur. Itaque hoc studium conciliandæ
 pacis, & concordix, indignum viro
 magno & docto, præsertim in Eccle-
 sia iudicant. Sed hi errore opinionis suæ
 intollerabili falluntur. Non enim mode-
 ratio,

ratio, non lenitas, non remissio animi, non æquitas, sed religionis & conscientię violatio vituperatur. Scimus quantum moderatis consilijs profecerit D. Philippus. Quantum verò boni attulerint nostri Camerarij consilia temperatissima si nunc parum intelligimus, at post cognoscere nostro malo cogemur. Beatos prædicat ipse filius Dei εἰρηνοποιῶς, id est pacis & compositionis autores. Et iubet Paulus ad Colossenses scribens, Christianos συμβαδύντας ἐν ἀγάπῃ compactos caritate esse, in omnes occasiones intentos, quibus vera animorum coniunctio in dilectione seruetur, eaque amissa, vel dissipata redintegretur. Magister & artifex huius præclarissimæ virtutis extitit hic noster Camer. quod ei vsura huius lucis frui licuit. Nunc verò tanto moderatore studiorū & consiliorū orbati, quo gemitu, quib. lacrymis, calamitatē nostrā deplorabimus? quo pacto iacturā, aut damnum tantū resarciemus? causæ pfectò multæ, & graues luctus, ac squaloris concurrunt. Iactura ipsa quāta sit, pspicitis: Ereptus est nobis chori nostri dux, & studiorū moderator: orbati sum⁹ patre, & cōui pceptore, quē & admiranda eruditio, & singularis integritas vitæ,

ORATIO XV.

& moderatio, prope diuina nobis sic commendat, & certatim à nobis diligi, audiri, & coli debuerit. Quod si hæc, cum adfunt, ampla esse ducimus, vt reuera sunt, ijs nunc amissis, iacturam nos ingentem fuisse profectò fateri necesse est. Quæ tamen ipsa minoris æstimari posset, si spes refarciendi aliqua superesset. Vt enim cum frigore vires læduntur. Veris initio, aut medio etiam tempore, spes est mox alias gemmas enascituras esse: Cum verò in Autumno calamitatem vinea accipit, spes fructus omnis præciditur: ita cum superioribus annis viri eruditi è vita discesserunt, leuari .damnum illud potuit superstiti- bus, vel certè succedentibus alijs, qui mortuis pares ingenio, doctrina, & industria esse potuerunt. At nunc in ista effœta seculi huius ætate, cum ruinam atque interitum literæ atque disciplinæ minantur, quæ spes, quòd solatium nobis est reliquum? Audite quæso atque obsecro vos, querelam, vel vaticinium potius ipsius Camerarij, quod perscripsit ad me, epistola quadam ante paucos annos, cum in mentionem iucundam incidisset eorum, quibus cum aliquando in hac Academia coniuncta, familiariterque vixerat. Sic inter alia habet
Epi-

Epistola illa è Græco conuersa: At beatas iudicio, & vrbes, quæ talium virorum præstantia cohonestatæ sunt, & tempus quod tantum bonum in lucem protulit. Contra verò deploro non ipsos quidem tunc ex gloriosa vita ad vitam beatam translatos, sed eos quos reliquerunt post se destitutos ad disciplina, quò meliores efficit illos, qui Regi se se atque erudiri patiantur. Præsertim cum in paucis deinceps tanquam in arbore folijs & fructibus carente, spes bona eluceat iucundæ consuetudinis, atque familiaritatis. Arbori comparat hanc ætatem folijs, fructuq; nudatæ, vt in Autumno fieri videmus, cum iam fruges omnes decerpit hyemem sterilem portendunt. Neque profectò iniuria. Quales enim amittimus, tales nullos recuperamus; vt sterilescere nunc literæ videantur, sublati verò illis, viris, qui præsidio & ornamento illis erant Longinqua nihil attinet recensere, videamus, p̄p̄inqua. Fuit eo tempore, quo hic literas didicit & docuit Camerarius, dulcissimus Doctorum conuictus, & habuit hæc Schola Doctores, & Magistros cum eruditione, tum humanitate, moderatione, & candore præstantes. Sed nunc quotusquisque reperitur, qui doctrinam eruditam

ORATIO XV.

curet; aut congressibus, colloquijsque Philosophicis delectetur? An non iacent studia? friget gymnasium? spernuntur literæ, & infida est omnis penè societas atque collocutio? Hæc quid sunt, nisi certissima argumenta, atque indicia sterilis *ἡ ἀμύσθη* ætatis? Ex quo sanè venit in mentem vereri sæpius, ne opinione nostra citius re, euentuque comprobetur Camerarij diuinationo, quam non ita pridem ad me perscripsit: fore paulo post, vt magis etiam ista merces vilescat, hoc est, minoris adhuc literæ nostræ fiant, & vnusquisque ad artificium quæstuosius perdiscendum, properet. Quæ autem causa est tanta labis huius sæculi, & omnium cōsequentium fortasse, nisi Deus prouiderit, vel celeri aduentu Filij sui attinuatum, & vndique accisum mundi filum abruperit? Difficile est iudicare, vtrum hominum id culpa, an facto accidat: sed tamen vtrumque in causa esse nihil dubitans affirmarim. Etsi enim fato literæ, quæ suo floruerunt tempore, nunc magno motu ad occasum declinant & ruunt suum: tamen *ἢ ὅτι μόνον* etiam cladem vltro nobis sceleribus proprijs accersimus, *ἡμέτερον κακὸν ἀμφάγαπῶντες* secundum Hesiodum. Quid enim

enim loci relinquimus sapientia? quem honorem habemus eruditioni? quis non fastu, ambitione, arrogantia, loquacitate, opibus, gratia, omnem hodie, metitur eruditionem? quis magnifit nisi qui, vel superba inscitia tumet vel qui magnificè se iactat atque ostentat. Cùm igitur vitia ipsi eligamus, & vera bona fastidiamus: quid mirum est, si mala amissis bonis, reliqua habeamus? sed omissa quamuis iusta querela, in acerbo dolore, ad Camerarium redeo. Is ita à nobis discessit, ut sui similem post se non reliquerit, nec spes etiam vlla sit, similem habiturum esse hoc seculum. Quis enim eorum, qui nunc viuunt tot laboribus sese frangat? tot vigilijs maceret? tantum curæ & operæ in discendis & illustrandis bonis literis ponat? cùm fructus, gloria, aut merces nulla expectari ab hoc seculo possit. Quod si in tale tempus primas Camerarij incidisset, quale nunc est, fortasse nec ipse cursum studiorum istorum tenuisset. Sed habuit ille tunc studiorum suorum autores præclaros, & præmia maiora eruditibus tribui vidit. Erat etiam illo tempore incitata plurimorum cupiditas cognoscendarum renascentium literarum, quæ nunc restincta est & euauire

ORATIO XV.

penè tota. Ex quo minus etiam spei de do-
ctorum virorum copia superest. Itaque
cum Camerarij obitu iacturam tantam
honestæ fecerint disciplinæ atq; literæ, vt
resarciri vix queat: grauissimè nos hoc casu
mœrere conuenit, non aliter ac si eucem
chori Musici extinctum esse audiremus.
Neque tam communem deploremus ca-
sum, quàm priuatum damnum, quod fe-
cimus, amisso ciue Academia nostre tam
celebri, tamque nostri amante, & studio-
so. Est enim hic adscriptus anno decimo
septimo, cum Lipsia huc profectus esset,
Baculaurij gradu ornatus: & receptus est
à communitate Philosophica, cum fidem
iureiurando astrinxisset, & aureum dedis-
set, quem tamen mox illi communitas
nostra reddidit, quòd elementa literarum
Græcarum in collegio docuisset. Dein-
de vicesimo primo anno cum septende-
cim viris Magisterij titulum in hoc colle-
gio adeptus est. Cuius beneficij memor
per omnem vitam Academiam nostram
amauit & coluit, meque etiam ad eam
colendam sedulo, fideliterque hortatus
est. Si qua igitur ciui bono, literato, fido,
& constanti beneuolentia, si qua gratia,
si quis honor debetur, ea nunc vniuersa in
mor-

morte Camerarij nostri exhibere affatim nos decet. Quod si per fata liceret, te, Ioachime, viuum complecti, & omnibus humanitatis, gratitudinisque officijs prosequi, nihil nobis ista in te pietate iucundius & promptius esset. Verum cum hoc denegatum, sit illud, quod datur, quodq; licet, præstare volumus, & te mortuum, vt ciuem, vt patrem, vt præceptorem amabimus, colemus, & gemitibus, suspirijs, lacrymis, & desiderio perpetuo requiremus, Vale.

Oratio XVI.
DE MAXIMILIANO I I.
ROM. IMPERATORE
Anno Christi,
1576.

HUMANVM est, humanis casibus ingemiscere. Fert enim natura, vt grauius commoueamur eorum hominum iactura, quos vel propinquitatis, vel iusti amoris vinculum nobiscum coniunxit. Quod si communiter in cuiusque cari hominis morte fieri & rectum est & æquum: quo tandem animo ferre nos decet Cæsa-

ORATIO XVI.

ris nostri, Maximiliani secundi obitum? qui caput imperij, pater patriæ, & magistratus noster summus, æquus tamen & beneficus in omnes extitit. An non voce lugubri, cū magno illo pioq; viro clamabimus? cecidit caput Imperij, ereptus est is, qui vnus, post Deum immortalem, nostras aras, focosque Ecclesiam & Rempub. priuatas domos, fortunas, coniuges & liberos fouit, protexit & seruauit: cuius præsidio tuti ab hostibus fuimus, cuius benignitate immunes ab iniurijs, expilationibus, bellis & seditionibus viximus: cuius denique indulgentia, cursus doctrinæ cœlestis repurgatæ minus impeditus est. Talem igitur Imperij moderatorem cū amiserimus: nonne satis magnam causam legendi adepti sumus? Et si autem commune hoc fuit Cæsari nostro cum alijs mortalibus, vt si non hoc tempore suum diem obijssset: paucis post diebus tamen annis aut horis ei moriendum fuisset, vt in Epistola sua Seruius consolatur Tullium: tamen vel hoc nomine eius mortem moerere grauius oportet, quòd verendum ne suo à nobis discessu, bona multa secum abstulerit. Non .n. hoc temerè dicitur atq; creditur: in magnorum & piorū Principum
atque

atq; Gubernatorū obitu omnem fati inesse, Ezechiaē pietas pacē impetrabat, quoad in vita ipse manebat: id quod votis etiam suis vnicē optabat & precabatur, idē-
tēdem hanc vocem haud dubiē ingemi-
nans & repetens: sit modò pax & veritas
temporibus meis. At moriens ille parum
abfuit, quin ira Dei exardescēte, pacis cō-
ditionē & spem omnē secum asportauerit.

Etsi autem non eundem pietatis ze-
lum nostro Imperatori mortuo tribuo,
quo Ezechias religionem & cultus diui-
nos in suo populo restituit: tamen similia
vota eum fecisse, non temerē iudicauerim,
vt pax & tranquillitas aliqua suis tempo-
ribus seruaretur, quotiescunq; nefarium
Turcorum impetum in templa & sedes
Christianas vidit, aut in animo cogitauit:
cum videlicet tanta immunitate atque sa-
uitia in Pannoniam illi effusi sunt, vt diri-
pere & inflammare vna impressione o-
mnia velle viderentur. Nec parum profe-
ctò pium eius pectus commouerunt tanti
successus Turcorum, quos verē continuos
in ista parte Christiani orbis, & nostra, &
patrū memoria habuerunt. Quo sanē stu-
diosius magisq; ex animo vota pacis fecit,
& furorem Turcicum non tam vi atq; ar-
mis

ORATIO XVI.

mis, quàm precum assiduitate & ardore
sustinuit. Hæc pietas & virtus Impera-
toris mortui, vt salutaris fuit imperio, ita
gratis etiam animis à nobis celebrari de-
bet: quippe qua vna & beatus fuit Cæsar
noster, & Imperij incolumitas conuersata
est, id ergo hac funebri oratione planum
facere conabor. Non enim verior laus vlla
tribui huic Imperatori nostro potest, quàm
si id prædicemus, quod pro rerum &
temporum conditione atque statu facere
studuit.

Est enim præclarum illud, quod in ore
habuit inclitus Saxoniz Princeps, Elector
Imperij Fridericus, cognomento sapiens:
tantum quantum possumus.

In statua Danielis de quatuor mundi
Monarchijs clarè dicitur: Imperium Ro-
manum partim potens, partim contritum
fore. Vt igitur suo tempore floruit & inui-
ctum illud fuit: sic fato tandem ad tenuita-
tem reductum est & modo velut exangue
corpusculum vix hæret ossibus: Suntque
in illa imagine accurata diligentia notan-
di gradus Imperij quarti in hoc terrarum
orbe. Nam vt de superioribus Imperijs
primo, secundo & tertio, quæ capiti, pe-
ctori & ventri in corpore humano com-
paran-

parantur, nihil dicam: in hac ipsa Monarchia quarta mirè sic distincti sunt gradus, ut cōsequentes præcedentibus ferè semper imbecilliores existunt.

Primus gradus collocatur in tibijs: qui hunc sequitur, in pedes recidit. Postremus in digitos desinit, ut dissolui corporis conpages videatur. Pes enim solidus adhuc membrum est, magisque continuum. At pedum digiti dispersi minus valent. Quid est quæso vspiam, quod miseram lacerationem, distractionem atque dissolutionem imperij Romani dilucidius exprimere possit: cui si illud etiam adiunxerimus quod in eadem statua depingitur, digitorum eorundem partem ex luto constare: minus adhuc mirabimur, ad tantam infirmitatem imperium hoc redactum esse. Quid enim fragilius est vase, aut quocunque alio corpusculo ex luto cōfecto? En hæc causa est debilitatis imperij in hoc tempore. Hinc nimirum fit, ut crescente potentia Turcica imminuantur & attenuentur vires Imperij Germanici. Fato incidimus in digitos, atque adeo in extremos articulos ultimæ Monarchiæ. Nec eos tamen ferreos, sed luteos, hoc est fragiles, & iam ad finem præcipitem inclinatos ac properantes. Age
ita-

ORATIO XVI.

itaque in tanta inclinatione fatali , quid
tentandum suscipiendum Imperatori no-
stro Maximiliano fuisse putabimus?

Absit ut in consilia politica & militaria
inquirant, quippe quæ non magis intelli-
go in hac scholastica prouincia quàm Phor-
mio ille Philosophus, qui audiente Han-
nibale, de re militari audebat concionari.
Videamus tantùm id, quod fatale esse hu-
ic Imperio manifesta Danielis prophetia
confirmat. Si ergo ita fert Imperij fatum,
quo nam modo fatalem casum euentum-
que vitabimus? omitte pugnam absque
Deo, inquit vates Echnicus, & Historicus
multa conari nihilq; efficere, molestissi-
mus est mortaliũ labor. Quod si ita accidi
hactenus voluit Deus Germanicũ Impe-
rium, & Turcarum tyrannide atque sæui-
tia velut flagello nostram castigari atque
coërceri petulantiam atq; improbitatem:
quis est qui armis posse repelli iram Dei aut
placari existimet? hoc ipsum serio in ani-
mo suo cogitasse optimum nostrum Im-
peratorem nihil dubito, & iccirco omissis
exercitibus militaribus, pacem studiosè
expetiuisse: quæ quidem ipsa quamuis ini-
qua multis videatur, bello tamen iusto
sepe anteferenda fuit.

Nihil

Nihil fere est quod magis promoueat humanas mentes, quàm fortunæ florentis successuumque spectacula. At quanto iam tempore in continuis successibus se iactauit immanitas Turcica ? parum abest, quin, quæ aggressus est Turca in Pannonia, ceperit, & in potestatem suam redegerit omnia. Nec ex faucibus eius eripi hactenus pars vlla potuit. Quis inde vsque à Matthiæ Regis Vngarici tempore inuentus est qui furorem illius compescerit aut metu Vngariam liberarit ? cuius tamen morte iam anni amplius octoginta præterierunt. In hoc triste & funestum spectaculum Imperator noster crebrò intuens, absque dubio ira commotus fuit, vt ferendum extremum Reipub. Rom. fatum existimarit, & pacem cum iactura & detrimento, quæcunque tandem contingere posset, amplectendam. Agnouit enim necessitatem fati quam etiam nos agnoscere, & gemitibus assiduis deplorare ac deprecari decet. Est. n. insanus conatus, & summis furor, in pœna fato reluctari, & more Cœciæ venti nubes attrahētis, calamitates nouas maioresq; accersere & cumulare. Vtilius est multò quiescere, & Dei irati pœnā precib. auertere, aut certè lenire studere. Huiusmodi multa perficere oportet

Chri

ORATIO XVI.

Christianos, & veras grauesque iniurias
musitare, Deoq; sese subijcere, donec trās-
eat ira eius.

Ac ne quis iute me reprehendat, quasi
Turcicam tyrannidem omnem ferre
Christianum Imperatorem oportere, dis-
seram: etiam hoc adiungam, quod in Da-
nielis prophetia extat: non vniusmodi esse
digitos pedum in statua, sed mixtos ex lu-
to & ferro. Ita cum vult Deus punire pec-
cata nostra, augeri potentiam hostium, &
diminui vires Imperij finit. Contra verò
cum præbere successum aliquem contra
hostes ipsi visum fuerit: animos & robur
imperio addet, vt maculam superioribus
annis susceptam, si non omnino, ex parte
tamen aliqua delere, & colligere sese ali-
quo modo possit. Est igitur aliud tempus
cladis, aliud victoriæ: & quando volet De-
us Turcicam blasphemiam & immunita-
tem à nobis propulsare: excitabit ducem,
armabitque cum robore & præsidio, vt na-
uare aliquid & efficere queat. Quemad-
modum cum populo suo Israëlítico sem-
per ferè agere consuevit, & omnibus tem-
poribus cum suis agit. Adueniet aliquan-
do tempus & elucescet ille dies, quo Deus
sanguinem Ecclesiæ suæ vlturus est, & pœ-
nas

nas iustas grauesq; gens Turcica persoluet.
 Non enim perpetuò grassabitur, nec sem-
 per in ruinas Ecclesiæ Christi corpusculum
 scruet: sed illi ipsi meta etiam constituta
 est, quam non excedet, & frenum in labijs
 eius positum, ne ultra, quàm à Deo conces-
 sum est, progrediatur & crudelitatem in
 Christianos exercent. Tam erant infesti
 nomini & politiæ Iudæorum Reges Assy-
 riæ, quàm Christianorum Reipub. inimi-
 cus est Turca. Et quidem propter Iudæo-
 rum peccata, patiebatur Deus affligi illos
 satis duriter ab Assyrijs: sed propterea ta-
 men non prorsus vacui à malis erant Assy-
 rij, sed suos etiam sustinebant pœnas. Ac
 tunc quidem adducebantur, cum punire
 Deus suam gentem volebat, abduceban-
 tur verò iterum cum dedecore & iactura
 sua, cum consolari iterum suum populum
 Deus constituerat. Ita nec Turcorum con-
 ditio & fors ab omni parte felix est, sed dis-
 sensionibus intestinis, tumultibus, bellis,
 conflictibus horribiliter conuulsum est il-
 lorum regnum, & lanienam insuper, par-
 ricia & crudelitatem tam immanem in-
 ter se exercuerunt patres, filij, fratres &
 propinqui, vt eam refugiat animus, & ve-
 hementer reformidet oratio. Nec est quod
 h vel

ORATIO XVI.

vel hoc ipso, vel conſequentē etiam tempore Turca ſibi de Chriſtianis perpetuā victoriam polliceatur. Etenim ſauire illū Deus in multa Eccleſiæ ſuæ membra patitur, vt nunc hoc, nunc illud à corpore Imperij auellat: tamen toto Imperio Germanico nunquam potietur, ſed manebit corpusculum hoc quantumuis debile & ægrè ſe ſuſtentans, vſq; ad illud tempus, quo veniet filius Dei, princeps ille magnus, & ferociam Turcorum omnem vno momento confringet, atq; igne ſempiterno exuret. Eccleſiam verò ægram, & ex imopectore mœrorem & dolorem anhelantem, ex faucibus Satanæ & adminiſtrorum eius Turcorum, omniumq; aliorum hoſtium ereptam, in beatam illam ſedem in cœlis iam dudum paratam & adornatam collocabit. Interea verò nidulū aliquem in ipſo Imperio Germanico tuebitur & certiffimè ſeruabit. Nō enim conſentaneum eſt prophetiam Danielis in hac ſolū parte falſam eſſe, & euentu ſuo frustrari: cū in alijs omnibus tam præciſè cum prædictionibus euentus congruat. Deſinit in pedū digitos hæc vltima Monarchia. Vt ergo poſtremum membrum ſunt digiti in pedibus: ſic poſt Germanicum Imperium Monarchia

narchia nulla efficietur. Itaq; quamuis bonam magnamq; partem orbis terrarum Imperio suo subiecerit Turca: Monarchiam tamen, post vel supra hanc Romanam, non constituet. Tum ne hoc quidem consequeretur, ut digitos à pedibus statuarum penitus auellat, quia pendent à corpore. Manebunt igitur hæ quantulacunque reliquæ Imperij, quo Prophetia Danielis fidem mereatur & re euentuq; comprobetur.

Venio nunc ad iustitiarum, religionisq; cultum, cuius cura & administratio post armorum belliq; præsidia, maxime bono & salutari Principi ac Imperatori à Deo commendata est. Usus est sub hoc Imperatore Germania iure prorsus æquo moderato & commodo. Non vis ulli ab eo illata est: non tyrannicè quicquam gestum: non bona, facultates aut fortunæ cuiquam ereptæ sunt: nullius sanguis innocenter effusus est: non vlla in parte libertas Imperij diminuta est. Hanc moderatam lenitatem omnes sani omnibus temporibus rigori & asperitati antetulērunt, & absq; vlla dubitatione adhuc anteferendam censent omnes sapientes. Nō necesse habeo omnia pro meo iure agere, inquit apud Comicum Mitio. Quod si in causa & familia privata,

h 2 & qui-

ORATIO XVI

& quidem non magna necessarium est: quanto magis in publica gubernatione grauisimorum negociorū nonnulla dissimulare silentio, quædam etiam cum dolore oportet: vbi nimirum maioris incommodi metus, incommodi minoris periculum obscurat. Exemplis ad hanc rem illustrandam & vetustis & recentibus vti licet. Patriarcha Iacob ferebat, quamuis dolenter, crudele facinus filiorum suorum, Simeonis & Leui, qui Sichimitas contra fidem & pactum interfecerant. Dauid ferebat Ioabum, quoad in vita manebat, sanguine & ex defectum & innocentum virorum cruentum, quem interimere tanquam homicidam multò iustius esse videbatur. Scilicet ita res habet in omni Imperio paruo & magno, vt si lippum habeas oculum, quem inuitus quidem retines, nec tamen abijcere potes, nisi acerbiores dolorem & incommodum grauius tibi accersere velis. Vt autem flumen extra ripam effusum cumulatè in arua furens fertur, nec cohiberi facile potest: ita perfractis labe seculi, legum & iuris repagulis, reprimere omnem furorem atq; impetum hominum, non solum arduum sed etiam impossibile esse videtur. Vnde sanè permoti

moti sapientes in politica gubernatione, crebro illud in animo & ore habent, quod in Græco prouerbio est: ἵτω κατὰ ῥῆν, eat sanè secundum decursum, quando, vt volumus, non quimus, secundum sapiens Comici dictum. Hæc siue indulgentia siue dissimulatio, tametsi probanda iure non est: necessaria tamen est, hac præsertim effata & delira mundi senectæ: perinde vt in corpusculo debilitato morbos & næuos quosdam necessariò ferimus, quamuis dolentes, vt ille apud Poëtam Græcū inquit, Quod si minùs intelligitur, quanta commoditas moderati iuris æquitatisq; sit, ex stricti iuris, bellorumq; incommodis percipi potest. Quando enim Germania, cum ad disceptationes, dimicationesue ventū est, bona conditione fuit? Non longè abierimus, id quòd proximum est, videamus. Vt armisq; semel hoc Imperatore, ius exequi oportuit, cum in arcis & vrbis Götanzæ obsidione nonnullos Imperij proscriptos punire necesse esset. At hæc ipsa iuris executio quanto sumtu & labore constitit? Quanto fuisset meliùs, si modo fata non obstitissent sapientibus Imperij conatibus, lenitate, moderatione & æquitate rem causamq; componere? Vidimus len-

ORATIO XVI.

tiſſimo gradu ad hanc publicam vindictam procedi, vt ſatis appareret, Imperatorem noſtrum, atque adeò Imperium totum, in primis verò Principis Electoris Saxoniz Auguſtū, ad quem executio Imperij nomine pertinebat, plagam mediocrem accipere malle, quàm bellum gerere. Ac ſi intelligere nolumus, quantum hæc moderatio & lenitas Imperatoris Reipublicæ Germanicæ profuerit: cū incommodo noſtro, quod Deus tamen auertat, quantum mali det aſperitas, & ad bella procliuitas, aliquando diſcere cogemur. Porro habuerunt ſuos n̄uos omnia etiam florentia imperia. Quanto magis hoc noſtrum tam aridum & eneruatum, ad finemque ſuum magno motu atq; impetu ruens. Quid florentius erat regno Salomonis? Quippe quo in bona pace & tranquillitate, ſub vite & ficu ſua quiſque ſedebat: & hoc tamen ipſum oneri fuit ſubditis. Vnde mortuo Salomone ad ſucceſſorem eius Rehabeam mittunt legationem Iſraëlitæ, petentes leuationem. Nec exemplis pluribus in re tam manifeſta opus eſt. Itaque minùs mirum nobis videri debet, ſi in hac delira ætate mundi onera nonnulla duriora imponantur ſubditis.

Dedit

Dedit Deus sub hoc Imperatore nostro mediocria commoda, ut nullum Imperij membrum iure possit queri. Et adhuc tranquilla est Germaniæ Respublica, & in suis quisq; laribus tutus. Hæc ergo bona agnoscamus, & pijs mentibus Deo gratias agamus, identidem vota facientes, ut ista in tempus reliquum conseruet, neque patiatur deteriora nobis euenire, quàm ad hoc vsq; tempus experti sumus.

Amavit hic Imperat. noster ingenia, coluit literas & egregio exemplo ad omnem posteritatem relicto testatus est literarum doctrinam à Princip. & magnis viris magnificiendam esse atq; ornandam. Quod idem facit Saxonix Princeps, Septemuir Imperij D. Augustus: dignusq; adeò est, ut eius sapientiam & auctoritatem spectent & imitentur omnes Imperij procures. Nō libet hîc maiorū exempla adducere, Antonini Philosophi, Caroli Magni, Sigismūdi, & aliorū qui literarum scientia sic imbuti fuerūt, ut perpetuū nomē decusq; inde reportarint. Sed ad Imperatorē nostrū redeo.

Religionis veræ & puræ amans fuit à primis vsque annis. Nec obscurum esse, quid sentiret, voluit. Nam missas idolatricas maturè cœpit odisse atque vitare.

ORATIO XVI.

Posteaquā verò ad Imperij & gubernationis fastigium euectus est; non quidem religionem repurgatam damnauit aut repudiavit, sed iuxta Imperij decretum, vtramque doctrinam Pontificiam & reformatam suam tenere cursum passus est. Quod etsi aliquibus durum videtur, tamē fides Imperio data exegit. At dixeris opus tamen fuit aperta & ingenua fidei confessione coram hominibus. Fatendum est imbecillitatem hanc fuisse, qualem fuisse accepimus etiam in aliquibus clandestinis Christi discipulis, & adhuc in plurimis esse, nullum dubium est, in Pontificia Ecclesia, vbi libri repurgatæ doctrinæ amantur, & studiose cognoscuntur: ex quibus etiam vera salutis ratio petitur & odium Idolomania Pontificiæ concipitur: sed metu tamen tyrannidis professio publica cohibetur. Neq; est par in omnibus zelus, sed in alijs plus, in alijs minùs roboris. Nec pij Reges Iudaici eodem Spiritu & ardore fidei idola aboleuerunt, & cultum verum Dei ab interitu & labe vindicarunt. Sed alius lucos & sacrificia in excelsis abrogauit, alius tolerauit: de quibus tamen diuina pronunciat scriptura, quòd Domino placuerint. Equidem hoc nihil dubitans

de Im-

de Imperatore nostro ausim affirmare, de doctrina reformata honestè ac rectè eum sensisse, verèq; Ecclesiæ membrum fuisse, etiamsi id quod sentiret, non satis apertè, sub iugo pontificio profiteri ausus fortè fuerit. Id quod exitus eius ex hac vita satis euidenter comprobauit.

Cum enim appropinquare mortis aduentum, vel exoptatam potius salutis horam aduenisse intellexisset, Ecclesiastem aulicum Lambertum Gruterum, & Neapolitatum Episcopum admisit, eumq; vt nulla alia de re quàm de Christi seruatoris vnici merito loqueretur, monuit. Quod cum ille fecisset, & Imperatorem, an in ista fide nitente Iesu Christi meritò ad extremum vsque spiritum perseuerare veller, interrogasset: clara voce respondit Imperator, non faciam aliter. Quod simul atq; enunciauit, velut in somnum versus, placidè, pieq; vitam cum morte commutauit. Sic igitur nulla re, nulla dignitate, nullo præsidio, nullo proprio opere nixus, in solo & vnico Christi Saluatoris merito, tanquam in sacra ancora, & salutis portu conquiescens, ex hac turba & colluione mortalium, in cœtum beatorum migravit, videlicet hora nona, die duode-

ORATIO XVI.

cima Octob. qui D. Maximiliano inscriptus est in Calendario, Anno 76.

Nobis verò hoc gratum fecit, quod Euangelij cursum minus impediuit, nec sese ad odium aut insectationem eorum, qui reformatam doctrinam Euangelij profitentur, exacui passus est. Fuerunt enim, & sunt hodie, qui adeò oderunt & insectantur, reformatam Ecclesiam, ut placari diuinum numen non posse existiment, nisi vniuersum robur, omnesq; Imperij nerui in ea delenda contendantur. Id quod palam fassus est Franciscanus quidam in cōcione ad Cæsarem Carolum V. & Ferdinandum Regem, Vvormatix, Anno 45. non fas esse, inquiens. Solem intueri eos, qui repurgatam religionem profitentur, sed mox nulla interposita mora è medio tollendos esse. Eiusmodi voces absq; dubio multas audire noster etiam Imperator Maximilianus fuit coactus. Quo sanè maior & admirabilior habenda est eius pietas, qua potuit sermones istos tanquam facces ad incendendam Germaniam comparatos, contemnere. Sed satis sit hæc pauca de multis Imperatoris nostri ornamentis attigisse.

Gratias Deo agamus, quòd commoda
medi-

mediocria, & haud contemnenda, sub illius gubernatione nobis concessit & tribuit, in hac præsertim ætate mundi tam squalida & delirante: & quidem in fesso pede, digitisq; luteis, quibus hoc vltimum Imperij Romani tempus Propheta comparat. Habemus adhuc ingenti Dei beneficio sanctum Dei verbum sine impetu; habemus ius sine violentia: habemus pacem sine seditione & tumultu bellico: habemus victum sine annonæ difficultate: habemus reliquam Ecclesiam, scholas, curias, iudicia, libertatem, pudorem, coniugium. Quæ omnia nisi tam magna bona esse agnoscamus, vt ea nullius nostrum mens aut cogitatio comprehendere possit, nedum gratias pro ijs dignas agere: impij in Deum & sceleratè ingrati simus.

Te igitur veris gemitibus, suspirijs & votis oramus, æterne Deus, æterne pater Domini nostri Iesu Christi, conditor & defensor Ecclesiæ & politiæ nostræ, vt nostri miseraris, nec in iusta ira proijcias nos à facie tua, neue deseras in hac vltima senectâ, sed morbos, languores, næuos & vulnera nostra sanes, Ecclesiamque tuam & hanc politiam Germanicam vltimâ à te ipso constitutam, & hæctenus admiranda bonitate
& cle-

ORATIO XVII.

& clementia seruata, deinceps etiam custodias, foueas & defendas à furore Turcico & alijs hostibus, omnibusq; Satanæ insidijs: donec veniat filius tuus liberator noster vnicus, nosq; in conspectum tuum, lucem & beatitudinem sempiternam secum traducat.

ORATIO XVII. DE HIERONYMO VVOLFFIO.

IN prima Tusculana Ciceronis contentio est de duobus Epitaphijs Ennij & Solonis, quorum ille in suo vetuit mortē suā deplorari, hic verò vt pro se mortuo amici lugerent, etiam depoposcit. Etsi autem Cicero Ennij orationem Solonis antefert, quòd magni animi & sapientis esse putet, luctum contemnere, nec de eo quid post mortem in his terris de nobis fiat, sollicitum esse: plenior tamen est humanitatis & pietatis sententia Solonis, quæ φιλοπονήαν exprimit naturæ hominis maxime conuenientem & necessariam. Non enim mollities animi est, amici aut propinqui calamitatem, casum aut mortem mœrere atq; lamentari; vt fortasse Ennio visum est, & placuit Stoicis: Sed sensus humani

humani specimen, affectionisq; naturalis insigne est indicium. Negat vir fortis & magnanimus apud Homerum, sibi cor inelle ferreum, sed ad misericordiam propensum. Et ille ipse virtutis & humanitatis Magister Homerus heroas suos non facit ἀπαθείς καὶ ἀδάκρυας, sed συμπαθείς καὶ ἀδάκρυας. Neq; enim decet hominē humanis spoliare affectibus, nec aliorum amore dignus est, qui nullum ipse amoris sensum in suos habet. Melior itaq; absq; dubio est Solonis oratio: quod pace Ciceronis dixerim: Idcirco quia naturæ, quia pietati, quia humanitati magis congruit, quàm Ennij, quæ nescio quam immanitatem inducit.

Quod cū ita sit, & nos non sensus solum noster, sed pietas etiam ipsa cogat eorum, quos in vita charos habuimus, morte mœrere: non dissimulo ego, sed præ me fero animi mei dolorem, quem ex decessu ex hac vita cœpi duorum egregiorum & amicissimorum hominum, Hieronymi Vuolfij, & Ludouici Camerarij: quorum ille anno octogesimo supra millesimum quingentesimum à nato Salvatore, mense Octobri, hic verò hoc ipso octogesimo secundo

ORATIO XVII.

eundo, mense Iunio vita excessit. In utroque ingenij motus erant ardentes, ad excogitandum acuti, ad explicandum apti, & ad memoriam firmi: ut nati omnino mihi ad cognoscendam tractandamq; liberalem doctrinam viderentur. In Ludouico plurimæ literæ, nec æ vulgares, sed interiores, & reconditæ. In Hieronymo docendi dexteritas, industria, exercitatio & vsus tantus, quantus in hominē potest cadere. In Ludouico iudicij rectitudo & antiquæ virtutis atq; integritatis tantum, ut æquare patrem Ioachimum sermone & moribus videretur. Hieronymum verecundia, pudor & eximia modestia cōmendabat, ut qui & splendorem fucatum oderat, & ab ambitione penitus abhorrebat. In utroq; veritatis simplicis amor lucebat, & odiū sophistices ardebat. Nisi igitur his amissis grauit̃ me commoueri, & opinionione omnium, dolore maiore affici fatear: mei ipsius oblitus sim.

Sed de Ludouico alius erit forte dicendi locus. Iccirco nunc eum in præsentia, quāuis cum luctu, vel ut Homericō vtar verbo, ἀχνύμεντο ἔν τευ χόμεντο missum facio. De Hieronymo autem Vuolffio agere instituta atque suscepta cogit oratio.

Huius

Huius quidem mortis opportunitatē benevolentia potius quam misericordia prosequi me debere agnosco, felicitatemque eam, quam per migrationem ex hac vita adeptus est, grato animo interpretari. Verum quomodo possum dolorē meum iustum omnino tacitum ferre? Etenim si natura hoc affert, ut æqualium, vel ut Græci vocant, ὁμοτέχων interitum doleamus: quo tandem animo me ferre decet Hieronymi mortem, qui studiorum meorum socius & Professionis huiusce literarū consors extitit? Qui denique eadem mecum corporis & fortunæ conditione penè confectatus est. Quamobrem ut eum dilexi vivum, sic prosequi amore mortuum animus meus expetit. Ac utinam pietatis & amoris vim tantam, quantam animo concepi, profundere in hac oratione possem: efficerem profecto, ut intelligere possent omnes, nos & officij cōmunitate coniunctos, & omni mente etiam & voluntatē consentientes fuisse. Nec tamen vitæ eius historiam pertexam, sed ea tantum ad explicandum excerpam, quæ erudire, consolarique literarum Studiosos atq; Professores non nihil posse videbuntur. Cū enim ita in literarum professione Vuolffius vixerit,

ORATIO XVII.

xerit, vt multa bonis imitanda reliquerit: necesse est illa pferri, & sub aspectu poni, quò ad vsus coniungere sibi quiuis possit.

Parentibus natus est Hieronymus honestis & bonis, in veteri Comitatu Oetingensi, in Rhetia antiqua. Et quanquam gloriari de familiæ suæ virtute & laude verè potuit, Pindarico præcepto obsecutus: tamen industria & virtute propria emergere, ac nominis celebritatem adipisci gloriosus sibi duxit. Cùm autem nulla re magis delectaretur, quàm literarum scientia: totum sese cognoscendis tractandisq; artibus dedidit. Itaque auelli sese à Musis non est passus, etiam si pater aliud vitæ genus sæpe suaserit. Fuit autem ingenio satis acuto quidem, & ad percipiendas literas apto: sed animo humili, demisso & plus satis sollicito. Solet autem euenire plerumque, vt animo fortuna respondeat: & abiectum quidem, anxiumque animum fortuna excipiat miserabilis: erectum verò & alacrem amplectatur & euehat fors altiùs. Hinc adeò cum tristis & querulus naturæ existeret Hieronymus, etiam fortunam minùs propitiam sibi esse querebatur. Studia enim ipsius in ipso limine vel ingressu statim aliud ex alio impediuit, vt

vix

vix adhæresceret. Modo obstitit valetudo adeò afflicta, vt incoatum studiorum cursum penitus interrumperet. Modo pater vt eum abstraheret, argumentis compluribus obtinere conatus est. Nam & corporis infirmitatem illi obiecit, quæ ferre tantas contentiones, vigilias & labores, quantas literarum studia desiderant, haud posset. Et animi tristitiam ei exprobrauit, quæ actuosum magis vitæ genus, quam literis dediti sequuntur, requireret. Tum sumtibus impendendis grauari se non obscure significauit. Iccirco dubium esse studiorum illius cursum oportuit: dum sæpius ad alia reuocatus, serò tandem ad literas redijt. Aliquando quotidianis conuicijs quorundam eò adduci se passus erat, vt deserere prorsus literarum studia constituerit. Quamobrem Norlingam profectus pugionem & alia, quæ aulica fert consuetudo, emere voluit. Sed serius eò cum venisset, nundinis finitis, nihil eiusmodi venale in foro inuenit: pudoreq; prohibitus tabernam ingredi, in bibliopoliū fortè incidit, vbi libros nōnullos emit, quibus cōtentus domum est reuersus. Hos verò cum auide legisset, tantum voluptatis inde cœpit, vt quasi diuturnā sitim explere cupiēs

ORATIO XVII.

de reditu in Academiam sedulo cogitavit. Nec fortuna optimæ eius voluntati defuit. Venit enim Tubingam, & audiuit Ioachimū Camerarium docentem, item Iacobum Scheckium, & alios. At cum vix animū ad studia rectè cōposuisset, pater quasi in medio sumtus se suppeditaturum amplius negavit. Idcirco nisi relinquere Academiam Hieonymus voluit, publicè famulatu victum quærere coactus est. Sed nec in illo officij munere diu perseverare cum siuerunt molestissimæ expostulationes studioforū inquietorum, qui nocturno tempore ad suum arbitrium Libidinēq; fores Collegij ab illo cupiebant sibi aperiri. Quocirca iterum necessitate coactus ex Academia domum redijt. Nec multo post, spe in studijs progrediendi abiecta, in aula Episcopi Vvurcepurgēsis scriba factus est. Sed verissimum est, quod apud Herodotum Mardonius ait: ὅτι δὲ ἡ γένεα καὶ ἐκ δούλου ἀμύχανον ἀποτέλλεται. Itaq; cum de liberatum hoc constitutumq; haberet DEVS, ex Hieronymo efficere doctorem salutarē scholis: fieri aliter impossibile fuit, quam ut ad intermissa doctrinæ studia ille aliquando reuerteretur, eaq; quæcunq; tandem impedimenta inciderent, aut difficultates

cultates obijcerentur, continuaret. Fit autem nescio quomodo, ut intermissæ & desideratæ rei bonæ vsus gravior sit interdum, quam assidue retentus atq; perceptus. Id quod Hieronymo huius accidisse planè mihi persuadeo. Quod enim sæpius for unæ iniquitas à literis cognoscendis eum abstraxit, eò ardentius eas desideravit, & complexus est.

Habetis hîc. Studiosi, quod & documêto vobis & solatio esse insigniter possit. Cognoscitis enim, Hieronymo quid acciderit: non omnia ad voluntatem eius fluxerunt, nec cuncta quasi divina virgula, ut ajiunt, illi suppeditata sunt. Sed aduersa multa acciderunt, impedimenta valida inciderunt, & difficultates molestiæq; graues obstreperunt. Et tandem tamen, ducente Deo, ex istis quasi tempestatibus & scopulis coribus emerfit atq; enauigauit. Ita nec vos propterea spem faciendi progressus in studijs abijcite, quod nō omnia, quæ cogitastis, ita procedant, ut sperastis.

Quin obest plus quàm prodest adolescēti prospera ppetuæq; fortuna, secundo vitæ, absq; vlla offensione, cursu. Et ut virtutem excitat & acuit afflictio: ita penuria, ege-

ORATIO XVII.

stas & calamitas sæpè magistra est artium,
& homines reddit industrios, probeque e-
xercitados. Oportet enim perpetuò cum
artium doctrina fortunam coniungi, non
illam quidem florentem & blandientem,
sed asperam & refragantem: quam nisi à
primis annis tolerare didiceris, animo an-
geris, & nec tibi nec alijs proderis. Verè vir
est, quem fortunæ varietas paratum ad o-
mnem casum euentumque in vita effecit.
Contra verò mollis est, & abiecto animo
in rebus aduersis, quicunq; ab initio æta-
tis suæ nullum asperum fortunæ flatum
expertus est. Non est igitur, quòd despere-
tis studiosi, de omni studiorum successu,
cum impedimèta & difficultates, vel ino-
pia etiam obrepit. Habetis exemplum for-
tunæ eiusmodi in Hieronymo, ex quo di-
scite statim ab incunabulis ferre aduersa &
deuorare molestias. Non enim est, quòd
propitiam & auream fortunam per omnia
vobis polliceamini. Non fert hæc vita, non
concedunt mores huius seculi vllam feli-
citatem ex omni parte, vt nuspiam offen-
das aut impingas. Alterius hæc est vitæ
fors atque conditio, quam hîc desiderare
quidem licet, adipisci non licet.

Ferte igitur & vos inopiam, ferte mise-
riam

niam, ferte difficultates, ærumnas, & quæcunq; fert huius vitæ conditio. Et interim animis alacribus inuictisque in proposito perseuerate, & in hæc studia, in quibus estis, incumbite. Euentus DEO curæ erit. Non, mihi credite, vllam particulam veræ & vtilis doctrinæ percipietis, cuius non aliquando fructus & vtilitas certa sit appatura. Verè in studijs literarum præstat penuria affluentia, & plerunque egentes pecunia locupletantur doctrina. Hæc vos, studiosi, consolatio sustentet, hæc animum vobis addat, vt strenuè pergatis, nec vllis impedimentis à cursu studiorum vos auerti patiamini.

Contra verò, quibus facultates sunt maiores, & sumtus suppeditant necessarij, hi gratias agant Deo, & putent, cum omnia sibi suppeditata sint ad studia, etiam atq; etiam prouidendum esse, ne sibi defuisse ipsi videantur. Graue enim est, graue inquam abuti fortunis ad ignauiam, ad luxum, ad inertiam; ingenium vorò ad vtilitatem priuatam & publicam tributum, conuertere ad perniciem. Quam rationem reddetis Deo, qui munus hoc discendi literas vobis adsignauit? & tantum non edita voce sic vnumquemq; appellat. Tibi

ORATIO XVII.

bona dedi tanta, quanta ad bene beateque
viuendum homini satis esse possunt, inge-
nium, sumtus, sanitatem, Præceptores, &
opportunitatem deniq; tantam, quantam
homini opare fas est. Hi tu donis, quo-
modo vsus es? qua mente, qua fide, qua cu-
ra pietatis & literarum studia amplexus es,
& coluisti? Viden' alios, quibus dona tan-
ta fortunæ denegata fuerunt, te probitate,
modestia & doctrinæ literarum scientia
longe superare? Te anteferre volui: sed tu
te ipse proiecisti, nec naturæ ac fortunæ be-
neficia rectè collocasti. Iccirco pauperes,
egenos, inopes, humili genere natos ex lo-
co obscurò, vel, vt Plalmus ait, ex puluere
erigo, & ex stercore eueho atq; ex alto, cõ-
mittens illis & concedens meos summi
precij thesauros, & ad eos potestatem me-
am diuinam transfero, vel certè cum ijs
communico, vt sint & habeantur eo loco,
quo ipse in terris sum & haberi debeo: vt
sint vicarij mei, sint Angeli, sint ministri,
sint precones, sonent verbũ meum, remit-
tant peccata, & retineant eadem: vt doce-
ant ac tueantur iustitiam, leges, & omnia
ciuilia officia: vt tradant ac propagent ar-
tes bonas, & diuina mea ope medeantur
morbis, liberent à peste, & morte denique
ipsa

ipsa eripiant nonnullos, quibus lucis huius vsuram diuturniorem ego concedere volo.

Hæc omnia quanta sunt? quàm diuina opera? quam salutare in terris labores? pascere, erudire & regere verbo diuino & Sacramentis Christianos, consolari afflitos, erigere iacentes, animû addere mortuis, & ex orci deniq; faucibus eripere, & ad celestem paradysum adducere conterritos, & metu iræ DEI, & mortis & æternæ damnationis exanimatos? Quanti æstimanda est opera dicendi ius in aulis, curijs, iudicijs? dandi consilia, explicandi controversias, flectendi homines oratione, vt deposito odio, simultate & libidine in gratiam redeant, placari se sinant, & ab iniuria nocendiq; cupiditate desistant? Quantum vsus habet in scholis, Academijs & reliquis cœtibus doctrinæ artium & literarum liberalis communicatio atque propagatio? Sed hæc quanta, quanta sunt, non nisi per studiosos efficio.

Sic Deum vnusquisq; vestrûm loqui secum putet, & has voces eius in auribus suis assiduo sonare existimet. Verè .n. talè tantumq; honorem ad vos, studiosi, transfert Deus. Vos suos ministros, vos suos vicarios

ORATIO XVII.

vocat, deligit, expetit. Nam ex hoc ipso coetu præfente Deus aliquos excerpit & destinabit ad sacrosanctas in Ecclesia suas functiones, alios adhibebit ad aulica munera, alios ad politica, alios ad scholastica, alios ad medica opera facienda & exercenda ordinabit. Nec est alia officina Domini Septemviri nostri clementissimi, in qua præparentur & instruantur homines ad publica in Ecclesia, aula, scholis & politijs officia, quàm Academia talis, cuius membra & ciues vos etiam estis.

Sed longiùs euagatur ratio: redeo ad Hieronymum, cuius exemplo vos incitare ad amorem studiorum conatus sum: ut siue suppetant sumtus studiorum, siue non suppetant: nihilominus de successu studiorum speretis. Et si quidem tenui & afflictà fortuna aliqui sunt, Dei promissa, & huic Hieronymo bona fide præstita ope sustentent: fore confidentes, ut quemadmodum DEVS Hieronymo, sic sibi etiam in honesto, pio & utili proposito discendi literas, & seruiendi Deo atque hominibus subueniat. Si qui verò in lautiori fortuna positi sunt, hi rationem sibi reddendà esse Deo certò sciant, quomodo facultatibus suis vsi sint, & quomodo suo muneri diuinitus

nitus adsignato satisfecerint. Væ enim illis, ait diuinum oraculum, qui opus diuinum negligenter fecerint.

Accipite deinceps, quomodo fortuna cum Hieronymo egerit, & quouique tandem progressus sit. Ad scholasticum vitæ genus & natus fuit, & maximè etiam aptus. Iccircò cùm Vuitebergæ non solum didicisset literas à D. Philippo & alijs, sed vertendo etiam de græco quædam in latinum, ingenij & industriæ suæ specimen dedisset: missus est Mylhusiam Thuringorum à D. Philippo, ad gubernandam scholam, nempè anno 1543. Vbi biennio commoratus, Norimbergam deinde venit, & ad erudiendum duodecim selectos adolescentes à senatu stipendio honesto conductus est. Inde Argentinam profectus à Sebaldò Hauenreutero, Medico, receptus hospitio, liberaliterque tractatus est, quò Isocrati vertendo, vacare commodè posset. En iterum Mæcenatem Hieronymo diuinitus absq; dubio tributum, vt quòd cogitabat, exequi posset.

Huiusmodi Mæcenates siue patronos solet dare Deus his, quorum operam vult prodesse rebus communibus, qui quasi hospites communes sese præbent Musis, &

i 5 earum

ORATIO XVII.

earum sectatoribus. Qualem Erfurdia aliquando se præstitit Eobano Hesso Georgius Sturcius Medicus, immortalis laude, non minùs quam Sebalduſ Hauenreuterus, dignus. Cùm enim Sturcius ille lætari, & vt ita dicam excitari videret Eobanum bono vino ad fundendum carmen: vino liberaliter communicato illū inuitauit, vt Psalmos eo carminis genere, quo hæctenus Ecclesia & vniuerſa ſtudioſorum cohors cū fructu magno uſa eſt, ediderit. Quoties enim Psalmum vnum à ſe redditum & illuſtratum verſibus attulit, bono vino, ſuaui colloquio, & alijs humanitatis officijs à Sturcio exceptus eſt.

Post aliquantò Hieronymus Lutetiam Pariſiorum cum Auguſtanis quibuſdam diſcipulis proſectus eſt. Sed inde altero anno reuerſus Baſileam eſt, & Demotheſteni operam iterum dedit. Eſſi autem poſtea in Galliam denuò venit: tamẽ com- morandi illic locum ſibi relictum planè nullum intellexit. Redijt itaque breui Baſileam, & Auguſtæ à D. Antonio Fuggero benignè receptus atq; habitus eſt: tum illuſtri Bibliotheçæ D. Ioannis Iacobi Fuggeri præfectus. Ibi tum Iſocratem & Demotheſthenem græcolatinos politius & li-
matius

matius edidit, tum Zonaram & Chonia-
 tem historicos conuertit. Donec ab am-
 plissimo Augustanæ Reipub. Senatu scho-
 læ reparatio & gubernatio illi commissa
 est. In quo quidem officij munere singu-
 lari fide & diligentia eximia versatus est
 usq; ad finem vitæ. A senatu verò honestè
 liberaliterq; tractatus, ornauit Rempub.
 illam antiqua virtute & laude celebrem
 docendo, scribendo, & propagando litera-
 rum scientiam, quoad facultas viri Deo
 pariter & Musis cari tulit. Nō enim est de-
 cus Reipub. Christianæ maius, non orna-
 mentum præstantius, quam liberalis do-
 ctrinæ, politiorisq; humanitatis, pietatis,
 iustitiæ atq; virtutis professio. Hæc Chri-
 stianam Rempub. maximè à Turcica bar-
 barie, immanitate & colluuiione separat.
 Hæc Deo acceptos reddit, & plurimum ad
 communem societatis humanæ fructum
 affert. Ex Musis enim, vt Poëta ait, eximi-
 um decus ad homines redundat. Vicissim
 verò nullū à Rep. ista amoris, nullū hono-
 ris, nullum studij, nullum pietatis, nullū li-
 beralitatis officium Hieron. defuit. O bea-
 tā ciuitatem, quæ nominis sui celebritatē
 Musarum & virorum doctorum cōmercio
 atq; conuictu retinere atq; augere studet.
 Quod

ORATIO XVII.

Quod Augustam inclytam omniq; laude cumulatam abundè arbitror declarasse, dum huic Musarum angelo, Hieronymo non hospitium solùm, verumetiam victũ, stipendium, cæteraque ad vitæ vsum cultumq; necessaria præbuit. DEVS omnium disciplinarum, artiũ & doctrinæ salutaris fons, autor, custos & conseruator laudes & honores immortales illi pro diuinis & immortalibus suis meritis tribuat.

Præclarè autem Hieronymus vixit, quia non solùm profuit viuus omnibus, qui literas Latinas & Græcas amant, sed etiam nunc prodest mortuus. Reliquit enim ingenij sui monimenta literis mandata, quæ erudire poterunt etiam posteros. In medio est Demosthenes, cum primis luculentè, ornatè, & ad rerum dignitatem aptè, & quasi decorè in sermonem Latinum conuersus, & scholijs vtilibus illustratus. Quo vno opere contenti ab Hieronymo esse potuissemus, etiam si aliud nullum edidisset. Effecit enim, vt ante ignotus plærisque Demosthenes, nunc familiariter nobiscũ versetur in scholis & Acaemijs.

Questus est Hieronymus, cum Lutetiam Parisiorum denuò venisset, professorem Regium Strazelum, qui Demosthe-
nicas

nicas orationes tunc interpretatus est, canina rabie, pro suggesto versionem suam exagitalle, & per calumniam mirè deformasse. At cum ille bonus vir isto nomine appellatus à Vuolffio rationem sibi reddendam esse intelligeret calumniæ suæ, ocium sibi deesse ad eam rem finxit, nec admittere postea Vuolffium ausus est. Qua tergiuersatione non obscure significauit Gallus iste, alienę laudis inuidia magis, quàm vera aliqua causa impulsus sese Vuolffij interpretationem dente maledico carpisse. Doluit scilicet ab homine Germano præripi Gallis tantam laudem, quæ terè magna est, Demosthenem scilicet in Germania ab homine Germano Latine loqui cum Germanis, Gallis, Italis didicisse: quod ante id tempus discere ita potuit à nemine.

Sed non contentus Demosthene Hieronymus etiam Isocratem græcolatinum, scholijsq; explicatum nobis suppeditauit. Cum autem reuera his duobus luminibus Oratorum nihil olim florentissima Græcia, nihil illæ ipsæ Athenæ habuerint præstabilius aut gloriosius: est sanè quod gratulemur Germaniæ nostræ, quod per Vuolffium tantorum fluminū eloquentiæ

ORATIO XVII.

tia particeps facta est. Utinam verò persuaderi hoc nostris hominibus, vel vobis, studiosi carissimi, possit, ut hosce quantivis precij thesauros magni faciatis, & cum Demosthene, Isocrateq; colloqui Latine & Græcè cupiatis.

Est hoc decus Germaniæ ingens est adiumentum Ecclesiæ, est ornamentum Rerum pub. sonare Atticam eloquentiam in scholis, atq; adeò omnem vim Oratoriæ facultatis ex Græcia in Germaniã esse effusam. Nihil nobis deesse video ad solidam eloquentiam, nisi studium, operam & industriam in amplexando, discendo, colendo, tuendo. Fatentur ipsi Græci, qui reliqui sunt hodiè Constantinopoli, præ ceteris eruditi, & Christianæ religionis amantes, totum Musarum chorum, relicto Helicone, in Germaniam migrasse. Nec dubium est, Eloquentiam Atticam, patria vastata, in Germanica gymnasia auolasse.

O suaves hospites Musas, ô gratum commercium Eloquentiæ Græcæ, quo exhilarantur Academia, locupletatur Ecclesia, ornatur forum, lætantur curiæ, gloriantur aulæ. Quod si Demosthenem & Isocratem hodie remitteret Orcus, non profecto sedem Eloquentiæ suæ illi in patria collocarent,

rent, sed procul trans alpes in Germaniam abirent, & Augustæ Vindelicorum paratum sibi à Vvolffio domicilium deligerent: vbi scilicet renati sunt, vbi D. Fuggeri & Senatus liberalitate alti & egregie remunerati sunt. Hanc laudem pro tua sibi vindicat Augustana Respublica, iccirco quia Vvolffium fouit, Demosthenis & Isocratis *ὁ ἀεικλής* & interpretem.

Laus est etiam Septemviri nostri, D. Augusti Principis Clementissimi, quod in his ipsius Academijs sonat Eloquentia Demosthenica & Isocratica, nec contice-
 scit Ciceroniana. Quod si qua ex Latinis & Græcis literis gloria, si qua utilitas percipi potest: magna utique hinc ad terram Saxoniam, atque adeò ad totam Germaniam redundatura est. Modo vos vigilantes sitis, & serio hæc diuinæ Eloquentiæ studia colatis: quo paulò post ex hoc ipso discipulorum cætu vocari atq; eligi possint, qui Eloquentiæ suæ riuulis hortos Ecclesiæ, aulæ & omnium partium Reipub. rigari possint.

Præter Oratores Atticos Suidam etiam Latinum fecit Vvolffius, & historiam Byzantinam transtulit à Zonara, Niceta. Nicephoro Gregora, & Laonico Chalcòdyle conscri-

ORATIO XVII.

conscriptam. Quam alioqui tota fortasse adhuc ignoraret non solum Germania, verum etiam Italia & Gallia. E Ciceronis etiam scriptis nonnulla commentarij & annotationibus suis explicauit, quorum in numero sunt tres de Officijs libri, Dialogi duo, & libri quinque Tuscularum quaestionum. Si qua praeterea scripsit aut interpretatus est in manus meas non peruenierunt. Haec autem quae recensui, an non satis praclare eum in literis vixisse declarant.

Cognouistis labores Hieronymi salutare, percepistis monimenta, quibus memoriam nominis sui consecrauit, & nobis omnibusque posteris commodauit. Accipite deinceps etiam praemia, honores & fructus, quibus labores eius honesti sunt decorati. Si enim laborasset solum Hieronymus, nec laboris mercedem consecutus esset: inique admodum cum eo actum esse haud negarem, & deterreret etiam alios a simili studio atque conatu talis praemiorum inopia. Fateor autem, grauiter de fortunae iniquitate multa questum esse Vuolffium. Nec dissimulo eius voces nimis molles de asperitate conditionis suae, de hominum iniurijs, dolo, fraude, perfidia

fidia atque violentia. Scio quoque egestatem suam sæpe illum deplorasse, mortemque sibi optasse. Quæ quia ex parte quadam à Philosophia aliena sunt, non laudo, sed eo loco habenda duco, quo digna sunt. Quod enim benè factum ab eo est, id debita laude ornare cupio. Quod verò ex animo molli & abiecto profectum est, repudio, vel potius, *ὡς ἐπιεικὲς ἐστὶ*, candidè interpretor, tanquam vnus, qui & ipse hominem se esse fatetur, & humani à se nihil alienum putat.

Fraudes, imposturas, inuidiam atque perfidiam hominum experimur omnes, quamuis alius alio magis grauetur atque percellatur. Sed num propterea queri perpetuò volumus? Illiteratos contemnere talia sæpe, vel certè eleganter ferre posse videmus. Quid igitur facere conuenit literatos? An nihil est reliquum præsidij in literis, quo roborari animus in tali calu possit? An statim obliuiscemur omnium præceptorum & exemplorum, quæ legimus, vidimus, didicimus vel docuimus etiam alios ipsi? Eijcienda est ista animi mollities, & deuorandæ hominum iniuriæ, vel deglutiendæ potius, secundum prouerbum *ut pilulæ*. Erat natura querulus Hieronymus.

ORATIO XVII.

mus, vel vt Græci dicunt *μεμψίμοιρ* Θ
 suam fortunam deterrimam ducens a-
 liorum verò beatam existimans: haud
 perpendens interim, se sua tantum mala
 suo loco sentire, alium alia loco suo: &
 nihil esse ex omni parte beatum in hisce
 rebus humanis.

Sunt onera, sunt molestiæ, quæ nos pre-
 munt in hac scholastica professione. Ve-
 rum non minores fortasse sunt, quæ gra-
 uant alios. Etsi nos solos esse, quibus non
 omnia ex sententia succedant, arbitramur
 in turpi errore, & rerum humanarum igno-
 ratione versabimur. Has molestias non nisi
 cum supremo halitu vitæ deponimus.
 Nec est quod vllum tranquillum spiritum
 vacuum ab omni cura & ægritudine spe-
 remus, in hoc curarum, sollicitudinum, &
 anxietatum æstu atq; ergastulo. Non nasci te
 oportuit Vvolffi, si vacare his communibus
 & necessarijs malis voluisti. Sed hoc ne o-
 ptare quidē licuit: cū viueres te cum cōmo-
 do tanto Reip. Deus voluerit. Non perpen-
 disti satis mundi morem, non queri statim
 conuenit, cū moles aliqua durior etiam
 nos premit. Gemere quidem licet, & Dei
 opem implorare: querelas verò ingemina-
 re mulierum more, non est viri, ne dum
Phi-

Philosophi. Sic enim comparatum est: ut cum rari sint, qui querelis nostris moueantur satius sit tacere; ut verus mihi videatur in vtramq; partem versus iste: Et

Qui sapit, in tacito gaudeat ille sinu.

Qui sapit, in tacito mereat ille sinu.

Plurique incommoda quidem multa sentiunt, sed dissimulant, obsequentes Pindarico præcepto, ut pulchra foras vertantur, deformia verò occultentur.

At quorsum hæc studiosi? Huc videlicet ut moderatè discatis fortunam, quamcunque Deus dederit, ferre. Non absq; incommodo, nō absq; grauib; molestijs viuere possumus, & ut se in cauernā aliquis abdat, non tamen vitare omnes misérias poterit. Habet inuidiā, odiū, perfidiam etiam noster ordo, cogimur inimicitias suscipere multorū, obijcere periculis corpus & vitā, ferre sæpe calumnias, obtrectiones, conuicia, inopiam, contemptum, iniuriam. Verū interea animis neque frangi, neque queri nimium debemus. Non enim ij nos sumus, quibus prospera euenire omnia, aduersi accidere nihil oporteat. Vsu venerunt eadem & quidem atrociora multò alijs, qui nos sapientia & dignitate antecunt.

ORATIO XVII.

Cum Socrate quomodo actū sit, igno-
tum puto esse nemini. Quid quæso illi ad
solidam sapientiam & eruditionem de-
fuit? An non pietate in Deum, & inflam-
mato studio in homines benè meriti de
cunctis conatus est? quin in paupertate et-
iam diuini cultus causa fuit. Et tamen à
maleuolis & iniquis obrectatoribus atq;
aduersarijs suis impietatis & corruptæ
adolescentiæ accusatus & capite damna-
tus est: non nisi ex mera inuidia & odio,
quòd multos inscientiæ conuicisset. Hoc
si tanto viro accidit, quid tu tibi vis, aut
quā præcipuā fortunam tibi postulas, qui
cum Socrate haudquaquam conferendus
es? Suppeditat exēpla illustriora & veriora
cœlestis scriptura, Noami, Iosephi, Mosi,
Eliæ, Dauidis, Esaïæ, Ieremiæ, Danielis, Io-
annis Baptistæ, Pauli, & id genus aliorum,
quorum nullus est, quin in suo officij mu-
nere multò acerbiora pertulerit, quàm no-
strūm aliquis hodie potest perferre.

Fugiamus itaque temeritatem istam,
præstemusque nos in professione nostra
sancta eos, qui esse debemus, hoc est, non
recta solum, iusta, bona, vtilia & salutaria
facere studeamus, sed quæ fert secū, p̄fessio
firmis etiam animis, toleremus. Mortem
verò

verò optare in calamitatum concursu humana quzdam est infirmitas, quæ cadere in vnumquemque potest. Quocirca minus isto nomine reprehendendus videtur Hieronymus, quod & ipse maluerit in primis annis ætatis se extinctum esse, quàm tot malis conflictari: Nec dubito idẽ in mentem sæpius venisse sanctis quibusdã hominibus. Ex quo magis miror stolidũ & ineptum Iudxorũ de Mose cõmentum, quod ad vitæ exitum vocatus obsequi recusarit: cum contra mortem absque dubio sæpius optarẽt in tanta mole ærumnarum, quas sustinuit, si per Deum modo licuisset. Verumtamen nec huic nimium est indulgendam opinioni aut cupiditati, ne munus à DEO adsignatum defugere velle videamur, & seruire DEO in statione commissa recusare. Quod & impium est in DEVM, & perniciosum proximo. Tantum igitur abest, vt mortem precari debeamus, vt gratias etiam agere Deo pro concessa vitæ vlura deceat, & si quidem inseruire ipsius honori, communique commodo amplius possimus, prorogatio etiam vitæ petenda est.

Nec illud etiã in Hieronymo laudo, quòd coniugiũ vitarit, & felicitatis partẽ

ORATIO XVII.

præcipuam esse putarit ἀγαθόν τε καὶ ἀγα-
 ρον εἶναι. Quæ enim potest in hoc esse fœli-
 citas, quod Deus ipse malum dicit? cum
 ait: Non bonum est homini esse solum.
 Deceptus est igitur opinionis errore, quod
 id in bonis numeravit, quod Deus malum
 pronunciat. Quin commodi, voluptatis
 & solatij plurimū ex eo cepisset, si manda-
 to Dei obsecutus, sociā vitæ fidam sibi ad-
 iunxisset, in cuius sinu effundere querelas
 potuisset, quæque molestias lenire, & fa-
 stidia vitæ, laborumque vocationis excu-
 tere sciuiſſet. Tanto igitur bono cum se
 priuarit ipse, acerbioſiorem illi esse omnem
 vitam oportuit. Nec potuit iure queri Hie-
 ronymus, occasiones sibi defuisse, cum
 non semel diuinitus oblata fuerint non
 contemnendæ. Quemadmodum nec de
 præmijs laborum & operum suorum edi-
 torum querelam vllam fere iustam satis
 habuit.

Nam vt de reliquis nihil dicam, an non
 Isocratis vertendi labor amplo satis mune-
 re centum Ioachimicorum ab Inclyto Se-
 natu Augustanæ Reipub. est remuneratus?
 Suidæ verò conuersionem ducentis flore-
 nis generosus & magnificus Dominus
 Carolus Villingerus, Baro à Schonenber-

ga, muneratus est, Quid dicam de commentario Officiorum Ciceronis, quod quinquaginta aureis eadem Respub. Augustana honorauit? Vnde satis apparet, honestos, officiosos & vtilēs Vvolffij labores honoribus præmijsque satis amplis decoratos esse. Quod ipsum solatio etiam Studiosis esse potest, vt de mercede laborum, præmijsque studiorum suorum minus sint solliciti. Deo enim curæ est, ne literarum & artium Studiosis atque Professoribus debitus honos & subsidia necessaria desint. Discite modò strenuè, & eruditione solida mentes vestras complere studete, vt vsui esse Deo & hominibus possitis.

Sunt in hoc Ducatu, Studiosi, tot aulica officia, tot Ecclesiasticæ functiones, tot scholasticæ administrationes, tot in singulis curijs, prouincijs & quæsturis munera, quæ vestrâ operam expectant atq; requirunt, vt bona spes sit, vnumquemque vestrum, tempore suo, locum, victû & honorem suum esse inuenturum. Quod si nō in omnib. vestris optatis fortuna respondeat, nec eo tempore & modo, qui vobis videtur commodus & opportunus, honos & præmia fortè tribuantur: recordamini nec Hieronymo nostro, nec vlli alij omnia ex

ORATIO XVII.

sententia successisse. Non enim tam expetenda nobis est fortunæ copia & facultas, quam discenda in carento patientia, & in utendo ratio. Serò quidem Hieronymum fortunæ respexit, non penitus tamen neglexit, sed suo tempore euexit, & ad sempiternam nominis gloriam erexit.

Habemus igitur in Hieronymo vtriusque fortunæ exemplum, miseræ scilicet multumq; iactatæ, & secundæ florentisq;: cū & labores asperitatesq; multas sustinuerit, & præmia etiam tantæ suæ industriæ adeptus sit, quanta consequitur nemo, nisi cui ad efficiendum aliquid salutare diuinitus adiuncta fortuna est. Ducimus enim illum iure omni in eorum numero, qui nati sunt, non quidem ad summa illa, quæ heroicis & Principibus viris in mundo commissa sunt, sed ad docendum & propagandum bonas literas in scholis. Ac si qua debetur docentibus gratia, si quis honos tribuendus est bene meritis: iure etiā à nobis debetur atq; tribuitur huic Hieronymo, ut videlicet non memoriā tantum illius in Academia hac retineamus, sed gratiam etiam illi pro tantis in Rempub. literariam meritis perpetuam & immortalem habeamus. Errat enim tota re, si quis
putat,

putat, doctrinæ liberalis interpretem ac propagatorem exiguum aut cōtemnendum esse Dei donum.

Habeat suam laudem scientia rei militaris, quam semper in mundo obtinuit: sed relinquatur etiam suus locus disciplinæ artium & literarum. Eodem tempore florebant in Græcia Philippus Rex Macedonum, & Plato, Aristoteles, Demosthenes, Isocrates: Ac Philippus quidem bella gerebat, Plato verò, Aristoteles, Demosthenes, Isocrates Philosophiā & Oratoriam exercebant. Iam Philippi gesta obliteravit penè temporis vetustas. At Platonis, Demosthenis opera nulla vnquam delere potest obliuio: quippe qui hodie nobiscum loquuntur, nos erudiunt & instruunt mortui non minus, quam olim fecerunt viui. Sic nostra hæc ætas milites tulit & duces belli solertes, industrios, felices & salutares, quibus suus manet honos. Sed tribuenda etiam laus est nostro Vuolfio, qui exercitatus peritus, & sedulus fuit docendi & interpretandi literas latinas & Græcas artifex. Ex cuius monumentis, tanquam ex fontibus, haurire poterunt omnes Eloquentiæ Latinæ & Græcæ Studiosi. Ac sic diligenter circumspicere volumus,


ORATIO XV II.

hoc vno bono, post sanctum Dei verbum, excellit Christianus orbis, quod artium & doctrinarum habet Professores, iusticiæq; Sacerdotes atque custodes. Cætera ornamenta atque insignia cum Turcis fermè nobis sunt communia.

Nos ergo, nostro loco, gratiam tibi habemus, Vuolffi, ac memori mète persolvemus perpetuò. Vtinam vos etià, Studiosi, id vobis persuaderi à me sinatis, vt rectis studijs ad veram, vtilem, & solidam eruditionem contendere neminem posse credatis, nisi cum Tullianæ eloquentiæ cultu Demosthenicæ & Isocraticæ Eloquentiæ studium coniungat. Quid enim nauare & efficere potestis, si Iurisperiti, si Theologi, si Consiliarij, si Consules, si Iudices futuri estis, si alios vicissim docere aliquando literas vultis, nisi hoc genus exercitationum Latini & Græci sermonis degustaueritis? Quicumq; autè Latinæ & Græcæ orationis amore tenetur, is Vuolffium interpretem non aspernabitur, sed gratias illi pro interpretationibus & declarationibus tam perspicuis, tam disertis Demosthenis & Isocratis aget. Sic interire memoria tua Vuolffi, non poterit, dum studia hæc eloquentiæ & literarum reliqua erunt. Et
semper

semper tibi gratiam aliquam habebunt,
qui legendis tuis lucubrationibus in La-
tina & Græca oratione proficient.

Plura, quæ vel de Vuolffio prædicē, vel
illi optem, non habeo, nisi vt pro ipsius la-
boribus & meritis in omnes scholas &
Academias reddat ei æterna & augusta
præmia æternus & omnipotens Dei filius,
λόγος, omnis Eloquentiæ veræ & salutaris
fons & dator vnicus. Quem vnà cum æ-
terno patre & Spiritu sancto oro, vt studia
literarum & Eloquentiæ in hac Academia
incendat, foueat, augeat & seruet: quò pro-
dire non ita multò post inde, tanquam ex
Isocratis ludo, possint iuuenes & viri in-
structi literis & eloquentia ad omnia
Ecclesiæ & Reipub. sub Illustriss. & cle-
mentiss. nostro Septemuiro, officia
& partes administrandas atq;
tuendas. Dixi.



Oratio XVIII.

*DE CAUSIS, QUAE CLA-
DEM GRAECAE LINGVAE
afferant, in hisce regionibus, Erphordia
habita: Anno 1567. cum vicina vrbs Go-
tha & cōtigua illi arx Grimmenstein ob-
sidione cinctæ esset, & deditio eius
flagitaretur.*

MIRETUR fortasse quispiam, cur in his
temporum difficultatibus, quibus
Martis furor armorumque fragor undiq;
ingruit, pavidasque hominum mentes mi-
rificè perturbat, Musis tamen eum hono-
rem habeamus, ut cultum ipsarum non
omittamus, & actus scholasticos non
penitus negligamus. Solent enim tene-
ræ; & in ocio magis quàm in cruentis
certaminibus natæ Musæ, abhorrere à
Martis conflictibus, armorumque soni-
tu: adeò ut grassantem Martem non mi-
nus fugiant, quàm hostilem accipitris im-
petum trepidæ formidare solent colum-
bæ. Exsi autè fatemur, nos hisce horribilib.
bellorum tumultibus non parum conter-
reri, neque metum nostrum ob Martis
furorem, qui subitò in vicinia exarsit, dissi-
mulamus: tamen si quis à nobis quærat,
qua

qua causa impulsī, operas nostras schola-
 sticas, & hos actus conferendorum hono-
 rum non prætermittamus, respondere
 non difficulter possumus. Vt enim fortes
 & magnanimi illi Hierosolymorum in-
 stauratores, qui ex captiuitate Babyloni-
 ca ad restituendum Dei cultum, reparan-
 dasque sedes patrias reuerserant, nullis
 minis, nullisque hostium violentis incur-
 sionibus atq; conflictibus moueri potue-
 runt, vt ab opere, quod pio consilio, iusto-
 que zelo susceperant, desisterent: sed vna
 manu ædificarunt, altera gladium ad ar-
 tendum hostem accurrentem tenuerunt:
 ita nobis quoq; recens ac vix dum incoa-
 tum studiorum ac doctrinarum mellifi-
 cium nullus metus, neque vllus terror bel-
 licus excutere debet. Parum enim est, ibi
 fortem esse, vbi veræ fortitudinis ac tole-
 rantiaæ documenta placidus rerum status
 nulla requirit, nisi in aduersis quoque
 constantes inuictosque nos præbeamus.
 Neque etiam finit professionis nostræ di-
 gnitas, nos metu periculorum ita frangi,
 vt officium virtutis turpiter deseramus.
 Etsi autem in hoc mellificio nostro, non
 Hierosolymitanorum more strictis gladijs
 pugnare possumus: tamen alia habemus
 arma

ORATIO XVIII.

armis his non inferiora, & ἀμυντήρια fir-
 missima, quibus uti debemus, quibusque
 confidere ac tuti esse possumus, vota scili-
 cet & precationem. His ergo utamur, his in
 tribulentissimis tempestatibus nos munia-
 mus & defendamus. Non enim potest esse
 incertum, quod verbum Dei nobis pollicetur:
 neque eventum nostrarum precationum dubium
 esse possibile est. Cum igitur affirmet Deus,
 se in alio sua gestare nos, & gestaturum esse
 etiam in senectate: certum est, cadere nos non
 posse: cum is, qui gestat nos, calus omnis sit
 expers. Cuius enim potentia potest esse
 tanta, quæ Deum expugnet, cuius alio
 contenti protegimur? Quis hunc mu-
 rum perforabit, aut confringet? Hoc igi-
 tur divino præsidio tecti, officium no-
 strum faciamus magno infractoque ani-
 mo, obijcientes precum nostrarum assidui-
 tatem omnibus terroribus, minis atque pe-
 riculis tanquam clypeum, quæ perumpere
 comminere nulla vis, nullum tormen-
 tum poterit. Qui promisit se servaturum
 inter nos semen aliquod sanctum, non si-
 nit Ecclesiam suam deleri, neque pias scholas
 extinguere: sed benignè potius fo-
 uebit, atque tuebitur aliquas plantulas, in
 horto suo cœlesti consitas. Hac de causa
 præ-

prælectionum operas in hac Academia non prætermittimus, & hos actus Scholasticos celebramus, & deinceps, Deo iuvante, celebrare non desistemus.

Porrò cum in hoc Philosophico congressu & Actu Scholastico, aliquid vel de artium nostrarum dignitate dici à Decano soleat, vel de virtute aliqua concio institui: ego quoque huic consuetudini obtemperaturus Scholasticum argumentum delegi: & de mea professione Græcæ linguæ, quàm in hac schola sustineo, pauca differere decreui: idque ut faciam, multa me hortari videntur. Primum enim, video huius linguæ studium paulatim elanguescere, & indies ferè diminui: deinde quantam cladem Ecclesiæ & Reipub. interitus illius allaturus sit, aliquo modo prospicere mihi video: illud etiam accedit tum, ut cognitis causis eius interitus, non candidatos solum præsentis, sed totum Studiosorum cœtum exhorter, ut suo quisque loco det operam sedulo, ne notitia huius utilissimæ linguæ internosc extinguatur. Recensebo autem aliquas saltem causas, quæ cladem huic linguæ brevi allaturæ mihi videantur: quas ut animis æquis & attentis audiat, etiā atque etiam oro. Sunt profectò hæc tempora nostra huiusmodi.

ORATIO XVIII.

iufmodi, vt querelis consumendam eſſe orationem totam exiſtimem. Quocirca perpendite quaſo mecum tristem ac lugubrem Græcæ linguæ caſum, quæ non ita pridem in his regionibus recepta, præmaturum iterum minatur abitum. Quem verò non moueat tam celer Muſarū Græcarum transitus? Quis non deploret diſciplinarum, atque etiam cœleſtis doctrinæ ruinam, quam hæc feſtiuiſſima lingua à nobis diſceſſura ſecum trahet? Nec verò diſputabo in præſenti, de fatali neceſſitate, ſicut Stoici furenter diſſeruerunt, quaſi Deus inuidia quadam in genus humanum, tam præclarū huius linguæ theſaurum nobis eripere in animo habeat: ſed de talibus cauſis dicam, quæ noſtæ culpa ac ſcelere proprio nunc attractæ & cumulatæ, vitari potuiſſent & debuifſent. Non enim Deus, qui ſonſeſt & author omnium bonorum, ſapientiæ, doctrinæ, omniſque ſalutis, tanquam latro ſiue tyrannus nos exuit & ſpoliat: ſed ipſe nos omnibus bonis priuamus, & exitium videntes ſcientes accerſimus.

*Non urbem ſuperi cupiunt euertere noſtram,
Et nobis, niſi ſunt numina laſa, ſauent:*

inquit

inquit Solon deplorans causas quæ afferunt exitium Rebuspub.

Ipsi sed patriam sceleratis mentibus vltro

Conantur ciues dilacerare suam.

Sic rectissimè de nobis quoque conqueri possumus, atque etiam debemus. Nos, nos inquam in causa sumus, vt doctrinæ literarum ruinam minentur aut interituræ iterum videantur. Facit enim atque efficit horribilis nostræ ingratitude, ignauia, libido, & extremus furor; vt erroribus implicetur Ecclesia, labefactentur regna, confundantur Respub. peruertantur leges, diminuantur scholæ: & Deus denique ipse *ceu* properans viator, à nobis discessurus esse videatur. Pace frui possemus, studia literarum colere, legum patrocinio tuti esse, & vera religione beari, verùm nos pacem profligamus, lites serimus, direptiones atque inflammationes vrbium & populorum vltro accersimus, legibus sanctissimis pro animi libidine abutimur, & salutiferam doctrinæ cœlestis lucem & veritatem conculcamus, & profligatam volumus. O miseros nos, & peruersos, qui bona tanta cæco impetu abiicimus, & exterminamus. Scatet alioqui vita nostra ærumnis, calamitatibus, & miserijs quamplurimis,

I

quæ

ORATIO XVIII.

quæ communes sunt omnium. Cur igitur non medicinam potius quærimus, quàm mala malis cumulamus? Quàm horribilis est illa de genere humano querela, quæ ex-
tat in Tragœdia.

Enses parat, cedesq; mutuas struit.

Hæc cum quotidie, & quidem obstinatis animis, deditaque opera à nobis patren-
tur: quis non videt iure omni nos tandem plecti, & pro iustitia iniurias, pro veritate mendacia, pro luce tenebras, & pro ele-
ganti politaque literatura barbariem fœ-
dam ac terram accipere? Verissima enim est, & sine omni dubitatione amplectenda Euripidis sententia: μῶρ' ὃ δὲ θνητῶν, ὅστις ἐκ πόρθαι πόλεις, νάεστε, τυμβεύσθ' ἱερὰ τῶν κεκμηκότων ἐρημία δ' ἔς, αὐτὸς ὤλεθ' ὑπερον.

Verum item est oraculum, re euentuque omnibus seculis comprobatum:

οἱ δ' αὖτ' ἀνὴρ ῥέζη, τοῖον τέλ' αὐτὸν ἰχάνει.

Ita ergo fit, ut vnacū cæteris bonis, quæ Deus immensa ineffabiliq; bonitate nobis in hac boreali ora, hac delira mundi sene-
cta largitus est, & cumulatè in nos effudit, etiam Græcæ linguæ notitia auolutura à

no-

nobis videatur. Nec coniectura nostra falsa aut inanis esse potest. Nam donum linguarum Deus arctissimo quodam fœdere, cum dono cœlestis Scripturę coniungit. Ruere ergo alterum absque alterius detrimento atque interitu non potest. Ac considerate quæso consilium Dei, quantum in hac caligine & stupiditate ingeniorum nostrorū fieri potest. Cū haberet in animo Deus corruptā ac depravatā inscitia & barbarie hominum Christianā religionem, in veterem dignitatem atque puritatem vindicare: paulò antè prænunciā lucis Euangelij misit linguā Græcam. Nam ex Græcia, quæ tunc à Turcis populabatur atque vexabatur, euocavit viros doctos, Emanuelem Chrysoloram, Gregorium Trapezuntium, Bessarionem, Theodorum Gazam, Ioannem Argyropilum, Demetrium Chalcondylem, Marcum Musurum, Ioannem Lascarem: & alios complures, quorum opera atque industria literæ Græcæ in Italia, quasi renatæ sunt. Ex Emanuelis Chrysoloræ disciplina profectus in Galliam Gregorius Tiphernas, operam suam in explicanda Græcarum literarum doctrina senatui Academiæ Parisiensis ultro obtulit, stipendium sibi

l a de-

ORATIO XVIII.

decerni postulans. Cùm autem à nemine ad docendum accersitus esset, neque etiam literas Græcas profiteri in Gallia tunc usitatum esset, inepta hæc postulatio haud dubiè multis visa fuit. Interrogatus igitur Gregorius, quo consilio quaque spe id faceret? allegavit decretum in iure Pontificio, quod expressè iubet Magistros & Doctores constitui, qui literarum, liberaliumque artium & linguarum doctrinam profiteantur. Hoc audito, senatus deliberatione habita, non solum consilium eius approbavit: sed stipendium etiam honorificum, consentientibus suffragiis illi decrevit, ut Græca doceret. Egregium verò utriusque & Tiphernatis & Academiae factum, omniq; laude dignum. Quòd enim studium suum in explicandis literis Græcis florentissimæ Academiae detulit Gregorius, non solum animum suum propagandæ huius linguæ cupidum declaravit: sed necessariam etiam esse illius cognitionem omnibus, qui literarum doctrinæ dediti sunt, testatum fecit. Quod verò senatus Academiae oblata tam ultro professionem linguæ Græcæ, magno consensu & voluntate summa amplexus est, ex eo liquet, eum non solum honorificè de lingua

gua

gua Græca sensisse: sed necessarium quo-
 que eius vsum sibi esse iudicasse. Ita ergo
 latis initijs literæ Græcæ in Galliam redu-
 ctæ sunt, & velut ex morte resuscitatæ.
 Cùm autem feliciter ibi per hunc Grego-
 rium tradi cepissent, auidè expetitæ sunt
 à multis, & studiosè cultæ: paulatimque
 progressæ longius, alijs etiam nationibus
 passim innotuerunt. Huic enim Tipher-
 nati successit in docendi munere Hiero-
 nymus Spartiata, homo Græcus: à quo ru-
 dimenta Græcæ linguæ, Anno Christi
 1473 didicit Ioannes Capnio Germanus,
 & alij, per quos ad Germanos tandem et-
 iam ea propagata est, & in hodiernum vs-
 que diem in omnibus Germaniæ Acade-
 mijs & scholis sonuit. Verè autem ad Ca-
 pnionem dixit aliquando Ioannes Argy-
 ropilus: Cùm enim Romam legatus ve-
 nisset Capnio, intrauit auditorium Argy-
 ropili, vbi Thucydidem interpretabatur:
 cumque illum salutasset reuerenter, & alia
 quæ hospites solent, cum eo communi-
 casset, iussus est ab Argyropilo partem hi-
 storix Thucydidis legere atque interpre-
 tari. Quod cùm egregiè prestitisset Capnio,
 gemens exclamauit Argyropilus: Græcia
 nostro exilio transuolauit Alpes. Certum

ORATIO XVIII.

est enim, per exules Græcos linguam hanc in Italiam primùm, mox in Galliã & tandem in Germaniam esse sparsam. Quis autem non fateatur, admirabili Dei beneficio tam latè ad nos vsque Græcas literas esse propagatas? Quis non iure omni gratias Deo agendas esse agnoscat pro tanta luce, quàm hæc festiuissima lingua omnibus artibus disciplinisque attulit? Nullum etenim puto instrumentum potuisse inueniri cõmodius vel ad repurgandam doctrinam artium à barbarie, vel ad instaurandam veritatem & sinceritatem religionis nostræ Christianæ, quàm linguæ Græcæ cognitionem. Quis autem hoc consilium Dei tunc intellexit? Quis credidit, idcirco euersa Græcia eruditos exules in Italiam diuinitus mitti, vt Deo instauratione & propagatione Ecclesiæ in his regionibus, ministros se præberent? Nihil certè aliud tunc Deus voluit, sicut ex euentu nunc iudicare non difficulter possumus. Vt igitur tunc renascituræ doctrinæ veræ in Ecclesia, prænuncia fuit lingua Græca: ita vicissim nunc ruinam eius suo à nobis discessu minari non dubiè videtur. Quia enim coniuncta hæc sunt, & operas mutuas tradunt (quanquã famula tantum modo

modo sacrosanctæ Scripturæ, & capsula diuinorum oraculorum in nouo testamento nominanda sit lingua Græca) non dubitare possumus, quin vnâ cū puritate cœlestis doctrinæ, hæc ipsa lingua paulatim à nobis sit abitura. At cœlestis doctrinæ cultus quàm sit languidus, obscurum non est. Quis enim non videt, & ingenti dolore animi deplorat, horribilē deprauationē veræ religionis, in tot hæreses discerptæ, & ad tam paucos redactæ? Vbi est ardor ille amoris veritatis, qui fuit, & esse nunc etiam debebat? Quotus quisq; est, qui de eo, an puram doctrinam habeat, vel corruptam magnoperè est sollicitus? Nonne satietas veræ doctrinæ cœpit plerosque? Quot veritatis corruptelæ excogitantur? Quàm perniciosi errores approbantur, & tanquam flumen extra ripas effusus, in Ecclesiam & scholas redundant? Terrena quærimus omnes: vt in hoc mundo victum & amictum habeamus, vnica nobis cura est: religionem pietatemq; tanquam *ἐπίσχυμα* vel secundariū bonū, vbilibet & expedit, adiungimus. Et vt externis bonis maximè incumbamus, & adhærescamus; non tamen egestatem, exilium, nu-

ORATIO XVIII.

ditatem & inopiam satis euitare possumus Repletur enim orbis terrarum malis vndique, fame, fraude, imposturis, sediti-
nibus, iniurijs, bellis funestis, & alijs infi-
nitis calamitatibus, ac plus satis verum est
quod Poëta dixit,

πλείν μὲν γὰρ γαῖα κακῶν, πλείν δὲ θα-
λάσσης.

Ac profectò prorsus hoc nobis vsuueni-
re videmus, vt quod maximo studio, la-
bore improbo, & conatu infano, posthabi-
to veræ doctrinæ cultu quærimus & affe-
ctamus, ne minima quidem ex parte asse-
quamur. Amittimus igitur vnà cum ver-
bo Dei quod negligimus, eam etiam quam
maximè & vnicè desideramus, bonorum
terrenorum necessariam copiam. Quid er-
gò aliud nobis polliceamur in tanta men-
tium & conatuum nostrorum peruersita-
te, quàm breui secuturum interitum &
occasum pariter religionis veræ, & litera-
rum Græcarum, in his regionibus? Ac si
quis fortè Poëtica quadam Hyperbole ista
à me dici existimat, is profectò experientiæ
testi verissimæ arpertè reclamationat: vel ita vo-
luptatibus immersus est, vt humanarum
miseriarum nullo sensu afficiatur.

Est & hæc non exigua literarum Græ-
carum

carum interitus causa, quòd plarique eas non admodum necessarias esse ad comparandam veram eruditionem, & ad tuenda doctrinarum studia existimant. Inse- dit enim hæc perniciosissima persuasio multo- rum animis & inhæret tenacissimè, quod absque huius linguæ cognitione æquè ho- nores, titulosque eruditionis summos ac- quirere, ac cum dignitate tueri possint. Hinc sanè fit, vt quodam fastu hanc lin- guam, vel prorsus despiciant, vel tanquam puerilem lusum ad scholas reijciant. Quin eos etiam qui Græcæ eruditi sunt, & Græ- ca citare, commodèque etiam vsurpare norunt, oderunt: & Græcanicam sapienti- am, tanquam inanem & friuolam quan- dam subtilitatem derident. Hæc quantam cladem huic linguæ afferat, non facile di- xerim. Contemptum equidè, vt alia omit- tam, omnis elegantioris & politioris lite- raturæ, apud magnates pariter & imperi- tum vulgus intolerabilè parit. Et mirificè præterea efficit moribus, & ingenijs di- scientium: illudq; tandem efficit, vt disce- re nemo curet, quod non magnoperè pro- bari atque dotari perspicit. Videmus adeò vtrumq; genus hominum, tum quod al- tius fortuna ad summos honorum gradu;

ORATIO XVIII.

extulit: tum illud etiā, quod propter igno-
 bilitatem & obscuritatē inferius est, egre-
 giè artificiū hoc scholasticū & vmbatile,
 quod in cognitione linguarū & artium hu-
 maniorum occupatū est, cōtemnere, & de-
 ridere: Philosophosque vel grammatistas
 potius talibus deditos studijs appellitare,
 quasi dicas doctorum fecem & obscuram
 turbam: cū tamen veræ sapientiæ ope-
 ram nauent, & fontes omnium disciplina-
 rum aperi ant. His ergo moribus fœdè
 prosternitur & succumbit studium litera-
 rum Græcarum: quia mundus nihil ma-
 gnificat, nisi quod ad plausum, lucrum-
 que captandum directum est: & qui se ma-
 gnificè iactare & ostentare nequit, cōtem-
 tui habetur. Porro quod apud plerosq; im-
 probatur, iacet semper: cū verissimū sit,
 quod Cicero inquit: honorem alere artes,
 omnesq; incendi ad studia gloria: vel quod
 ante Ciceronē Græcis verbis expressit Pla-
 to, ἀσπείτα δὴ τὸ αἰὲ πρῶτον, ἀμα-
 λείτα δὲ τὸ ἀπμαζόμενον. Quod igitur
 hæc persuasio præsentem perniciem studijs
 græcis afferat, hinc non obscurè intelligi
 potest. Ut enim superiori seculo, quo
 coli & propagari cœperunt literæ, omnes
 summi & docti viri magnificerunt Græcæ
 lin-

linguæ thesaurum, & ipsi etiam eius per-
studiosi fuerunt: ita hoc præfenti feculo,
cum pleriq; inutilem linguæ Græcæ peri-
tiam, vel certè non admodum necessariam
effe putent, fatis eft argumenti eius studi-
um elanguere, & breui occafurum effe.
Aldus Manutius Romanus, ampliffimè
de literis humanioribus meritis, fcribit,
fuotempore non inuenes modò, fed fenes
quoq; literas Græcas auidè didiciffe: nec
minorem fuiſſe numerum difcentiũ Græ-
cè, quàm Latinè. O felix feculum, quo ma-
iorum exemplo adoleſcentulis & inueni-
bus Græcis intumbere literis licuit. O ve-
rò infelix hoc noſtrum ſeculũ, quo ſenio-
rum peruerſa iudicia à ſtudio literaturæ
Græcæ ſtudioſos deterrent & abſtrahunt,
Solet magna effe exemplorum vis, in v-
tramque partem: fitque adeò non rarò vt
quæ rectè etiam à ſuperioribus fiunt, praua
imitatione in abuſum conuertantur.
Quantam igitur hæc peruerſa ſeniorum de
literis Græcis iudicia perniciem huic lin-
guæ afferant, facile quiuis intelligere po-
teſt: Occinuntur & obſtrepunt vbique
voces iſtæ diſcentibus, ſanè putidiſſimæ:
non eſt de pane lucrando: item, Non lin-
guis curantur morbi, neque ex philoſo-
phia

O R A T I O XVIII.

phia deciduntur cōtrouersia. Hæ voces di-
 rx, lōrdidæ, & execrabiles penè exanimant
 me. quoties eas audire cogor, quia sunt,
 pestes discētiū. Ita enim fit, vt talibus
 dictis imbuti iuniorū animi, velut in her-
 ba vel flore intercepti, ad nullam certam &
 solidā frugem studiorū peruenire queant.
 Sed quid tandem merentur tales pelles ge-
 neris humani, Ecclesiæ & literarū, quibus
 nihil habet hic orbis Christianus sanctius
 & vtilius? Dignī equidem sunt, non seue-
 rissima tantū obiurgatione: sed diuina
 vindicta tandem pestilens eorum futilitas
 & furor in nostris linguis & artibus bac-
 chans coërcebitur. Qui enim linguas con-
 temnit, & quidem Græci sermonis ele-
 gantiam: is dona Dei contumelia afficit,
 nec in doctorum virorum numero est ha-
 bendus: sed potius

Dignus is, vt sudans multa vibrachia tollat,

Quà iacet ignitos Sicelis Aetna globos.

Ac satis quidem euidenter huius peruer-
 sitatis pœnas hodie miserum genus hu-
 manum luere incipit. Cū enim dona
 Dei tam vtilia & necessaria plærique fastu
 quodam & persuasione doctrinæ & sapi-
 entix extenuent: vicissim donis Dei
 exuti, pestes fiunt generis humani, & vasa
 iræ

iræ DBI, vt Scriptura vocat, id quod
 perspicuè comprabat omnium artium &
 facultatum, vt vocant, fœdissima confusio,
 & abusus teterrimus, qui in Ecclesiam &
 Respub. inuectus est, & oculis nostris
 quotidie non sine lachrymis cernitur. Etli
 autem hæ, quas recensui, satis magnæ cau-
 sæ esse videntur, quare interitura m̃ lin-
 guam Græcam breui augurari opinione
 possimus: tamen multa adhuc sunt alia,
 quæ huius linguæ studium & cultum im-
 pediunt, & discentibus excutiunt. Nam
 præterquam, quod à plærisque contemni-
 tur: præmijs etiam, quod deplorandum est,
 penè omnibus destituitur: fitq; aded, vt
 multi quidem studij & operæ aliquid in ea
 perdiscenda ponere cupiant, verum quia
 neque in scholis, neque alibi vsquam sti-
 pendia etiam ad vitæ sustentationem ne-
 cessaria Græcè discentibus & docentibus
 numerari vident, ab incepto honestissimo
 desistunt, & parare ea, quæ suppeditent ad
 cultum & ad victum coguntur. Ita ergo
 turpiter deseritur cultus Musarum Græ-
 carum, non sine ingenti detrimento Ec-
 clesiæ & Reipub. Quid enim tandem
 fiet, amissa sermonis proprietate, quam
 certè ex Græcis fontibus petere oportet?

Quanto

ORATIO XVIII.

Quanto ornamento & subsidio Ecclesia &
 hæc Christiana societas spoliabitur? Parci-
 us iam de hac iactura dico, quòd peculia-
 ris tractationis argumento potius expo-
 nenda videatur. Hoc tantum dico: Cur
 alimenta Græcis Musis denegamus? Cur
 nō amanter eos cōplectimur, & fouemus,
 qui decus & fontem omnis honestæ lite-
 raturæ propagare student? O ingratitude,
 ô peruersitas, ô miserū genus mortalium,
 qui sua violenter repellunt cōmoda. Non
 iam impendentes tenebras perhorresci-
 mus, non barbariem foedam reformida-
 mus: sed furenter, vt Cæcias nubes, sic nos
 caliginis pœnam nobis attrahimus. De-
 testamur omnes, & non immeritò, plus-
 quam inhumanum Xysti Pontificis deli-
 teris Græcis iudicium. Audite enim quid
 fecerit. Non fingam quicquam: sed ex Io-
 uio, cui quantum tribuendum sit, intelli-
 gitis omnes, bona fide recitabo. Cū huic
 Xysto, Theodorus Gaza, Deus bone,
 quantus vir libros Aristotelis de Anima-
 lium historia à se translatos, & in mēbra-
 nis pulchrè perscriptos, auroque & holose-
 rico ornatos obtulisset, & dedicasset: qua-
 siuit nihil aliud Pontifex, nisi ornatus
 quanti constaret? cumque ei esset respon-
 sum.

sum, quadraginta coronatis: tot illi coronato's reddi Pōtifex iussit, & nihil amplius. Quomodo hoc iudicium doctissimo viro Theodoro placuerit, luculentè Iouius indicat, cū, aufugere hinc libet, dixisse Gazam scribit: postquam optimæ segetes in olfactu præpinguibus asinis sordescunt. Sed quid aliud hodie de literis Græcis iudicant præpingues & inertes, quàm tunc iudicauit Pontifex? Nonne hodiè etiā auditur ista cantilena, quæ verbis indignissimis recitatur à Theocrito, θεοὶ τιμῶσιν ἀοιδούς
 Multa quidem de hac quoque causa dici possent, & deberent: sed parcendum est aurbus consuetudiniq̃ue. Illud autem magnum in primis esse mihi videtur argumentum occasus linguæ Græcæ, quòd languidius iam in plerisque Academijs Græca audiuntur & discantur. Non enim est amplius vllus ardor in studiosis, qui fuit superioribus annis: sed languor & veternus non obscurus plerosque occupauit. Scribit D. Martinus Lutherus, sua ætate totum mundum Græcarum cœpisse. Idem testatur in suis editis libris Aldus Manutius. Sed nunc ardor iste extinctus est, paucissimiq̃; seriò Græcantur. Fitq̃ue adeò in hac lingua, quod in corporis humani opificio vsuueni-

re vi-

ORATIO XVIII.

re videmus. Vt enim in animante, obnatiui caloris robur atque copiam, primum sensus motusq; sunt vegetiores & ardentiores: postea verò decursu ætatum, decrescenque calore, languidiores omnes actiones redduntur: quoque debiliores illæ sunt, eò à fine suo animal propius abest. Ita languor iste, qui plerosq; studiosos velut tabes quædam inuasit, signum est expressum Græcæ linguæ ruinæ atq; interitus.

Accedit insuper hoc quoque incommodum non leue, quòd omnes penè doctores atque propagatores huius linguæ amittimus, nullis alijs in eorum locum succedentibus. Quanta enim nunc est verè doctorem virorum paucitas, qui literas Græcas probè fideliterque ad posteritatem propagare studeant? Ac ut maximè sint qui hodie literas in Scholis doceant, quàm pauci supersunt in Græca lingua artifices? Vix vnum atque alterum habent florentissimæ apud nos Academiæ. Superest Dei beneficio decus & ornamentum Germaniæ eximium, D. Ioachimus Camerarius, qui Græcæ linguæ ita peritus est, ut si florent Athenæ, cuius Atticus meritò haberi posset. Reperiuntur quoq; nōnulli alij, qui & linguā hanc apprime callent, & docere
etiam

etiam rectè possunt : sed quid de posteris fiet, in tanto discentium languore, & fatali quasi declinatione studiorum? Nimis profecto exiguum & breue est Musarum Græcorum in scholis Germaniæ curriculum. Nam & nostrum & patrum memoria in his regionibus primum cognosci & colitæ sunt. Anno Christi supra millesimum quingentesimum decimo octauo, primum Græca in Vvitebergensi Academia D. PHILIPPVS MELANCHTON docere cœpit : & initio Philippicas Demosthenis quatuor tantum auditoribus ibi enarrauit. Paulo autem citius Lipsiæ RICHARDVS CROCVS Britannus, MEZELERVS ac PETRVS MOSELLANVS explicare Græcarum literarum doctrinam instituerant. Verum non hoc ago, vt initia huius linguæ in his regionibus persequar : tantum id dico, deplorandum esse tam immaturum eius, quem minatur, occasum. Quis autem non beatum illud seculum prædicet, quo Academiae floruerunt, & doctis viris liberalissimisque studiis affluerunt? Quis contra, non infelices nos & posteris iudicet, qui tristem diminutionem scholarum ob oculos cernimus? Quid contagium luis in aliquibus Academicis effecerit,

ORATIO XVIII.

cerit, notum est omnibus. Quantum verò damni datura sit Martis illa vis, quæ commota est, exploratum est nemini mortali-um omnium. Denique quò euasura sunt perniciosissima dissidia, quibus iam Ecclesie & Scholæ horribiliter lacerantur & dissipantur? Ambitionis æmulationumque caeca studia, quantas calamitates quotidie attrahunt? odia occulta, quæ nunc tacitis discordijs continentur, quorū tandem erumpent? Deus bone, quam immoderata est, & effusa maledicendi & calumniandi cupiditas atque licentia? Quis à moribus Sycophantarum potest esse tutus? Odiosa est exemplorum commemoratio, quæ ubique obuia sunt, & ruinam scholarum non obscure prænunciant.

Quid ergo tandem fieri? Quomodo conseruabuntur Scholæ, aut propagabuntur doctrinarum studia, tot tantisque obstaculis impeditis? Hic, ut ab initio dixi, remedium aliud suppetere nullum video, præter votorum & precationum piarum studium, assiduitatemque: tum nostrā simul etiam qualemcunque diligentiam, in faciendis nostræ vocationis operibus. Hæc duo coniungere oportet, & euentum Deo plena fiducia committere.

Hoc

Hoc igitur faciamus certatim, quibus doctrinarum, artium & linguarum professio in hac Schola mandata est, hoc vos etiam ut faciatis, serio Candidati propter gloriam Dei, quam omnibus rebus anteferre debemus, etiam atq; etiam moneo & obtestor. Implorate, inquā, nobiscum Dei promissum, & euidentibus testimonijs confirmatum auxilium in his tumultibus, & summa omnium rerum perturbatione, extremoque Sathanæ furore, ut scholam hanc & nos omnes regat, ac tueatur, tum vestrum quoque officium strenuè facite: incumbite, sicut piè præclareq; cœpistis, in bonas literas, toto animi impetu: & studete pro vili quisque laboranti & occasuræ Græcarum literarum doctrinæ opem ferre, ut illius cultus utilitasque etiam ad posteros nostros perueniat. Certate cum inuidis & calumniatoribus nostrarum artium, non ambitione, nec iniurijs: sed precatione potius, virtute, doctrina, & industria. Resistite, quantum cōiti ingenio & animi viribus potestis, recrudescenti barbariei: nec ad ostentationem aut quæstum hoc honoris gradu, quem affectatis, abutimini: sed potius ad salutem Ecclesiæ & Scholarum conuertite. Nolite etiam esse immemores

ORATIO XVIII.

beneficiorum matris vestræ Academiæ Philosophicæ: nec talem ei gratiam referre, qualem, proh dolor, aliqui cuculi verius quàm homines, nunc pessimo ad omnem studiosam iuventutem exemplo referunt. Verum in hos neque acerbè invehì, neq; vehementer eos insectari mihi propositum est.

Quod superest, te rogo Reuerende clarissimeque Domine Vicecancellarie Vniuersitatis, vt Philosophicam hanc conscendas cathedram: & vt paulo antè priuatam, sic nunc publicam licentiam in hoc Doctorum, studiosorumq; cœtu his candidatis, in Philosophia concedas atq; tribuas: quò studij sedulitatisque suæ, quam in discendis bonis artibus & lingnis ab ineunte ætate impenderunt, fructum atq; testimonium hodierno die per te consequantur. Rogo autem te Deum æternum patrem Domini nostri IESV Christi, autorem & conseruatorem Ecclesiæ tuæ, & Scholarū piarum, vt in his horribilibus tumultibus, quibus Martis furor apertè in nos sæuit, feruntur hæreses, crescunt bonorum odia, & Sathanas totam regni sui vim & extremum conatum in nostrā perniciem meditatur, & conuertit, solita tua clementia nos

nos protegas, foueas, gubernes, & tuearis: neque sinas, propter ingentia nostra peccata summamq; ingratitude, deleri inter nos notitiam verbi tui, artium & linguarum: sed serues potius Ecclesiam tuam, quam plantauit dextra tua, quamque vnigeniti tui filij sanguine redemisti: & regas nos omnes Spiritu sancto tuo, vt tibi verè credamus & grata tibi faciamus. Gubernas etiam scholam hanc nostram, & fac eam seminarium Ecclesiæ & Reipub. vt multi in ea erudiantur vtili & salutari doctrina verbi tui, & cæterarum artium necessariarum: & fac nos omnes vasa misericordiæ. Auerte bella, pestem, & alia mala, quæ exitium pijs scholis minantur. Defende etiam nos à sycophantarum moribus, & propulsa à nobis odia omnesq; iniurias eorum, qui sine causa nos inlestantur, & fac deniq; vt vnum simus in te omnes, & consentientibus animis veraq; fiducia te Deum verum, & quem misisti Iesum Christum cognoscamus, adoremus & celebremus, cum in hac mortali

vita, tum verò in æterna Academia pleno ore,

A M E N.

Oratio XIX.

DE DICTO XENOPHON-
TIS, EX SEPTIMO LIBRO Κύρ-
ου δειάζ, *Artes sunt fontes bonorum;*
recitata in Academia Erphordiana,
cum gradus Magisterij confer-
retur, V. idus Februarij,
Anno 1569.

PRIMUM & iustum initium huius actus,
quod & Deo gratum, & nobis omni-
bus utile sit, faciam. Precor enim Deum
toto pectore, ut clementer hunc actum
gubernet & fortunet: ut ipsi debitus à no-
bis tribuatur honos, & vos, candidati a-
mantissimi, debitum doctrinæ & virtuti
testimonium in hoc conuentu publico,
consentientibus & applaudentibus audi-
toribus omnibus, in communem totius
Academiæ utilitatem & incrementum
per me consequamini. Ac quoniam de Dei
præsentia & implorato eius auxilio dubi-
tare nefas est, vos, candidati optimi, mo-
neo, ut quæ vestræ partes in hoc actu sunt,
eas strenuè agatis: & cum specimen erudi-
tionis publicum in hoc loco à vobis expe-
ctetur; facite quæso, ut appareat, vos non
ambi-

ambitione quadam, aut ausu temerario hunc honoris titulum petere atq; ambire, sed iure omni, καὶ κατ' ἀξίαν eum vobis deberi.

Recitate orationes.

Auditis viri magnifici, & præstantes, vosq; studiosi amantissimi, ordine singulorum Licentiatorum orationes, ex quibus de ingenio, doctrina & moribus eorum iudicare, non erit vobis difficile. Est enim oratio vera, ex verbis & rebus ornatis & bonis constans, animi honesti & eruditi indicium minimè fallax. Cum autè à me quoq; expectetur oratio, non tam splendida quàm utilis, & ad exhortandos præsentēs Licentiatos, exornandumq; hunc actū Philosophicum accommodata: quanquam vehementer animo angor, difficultatem dicendi pertimescens, & ingenij viriumq; inbecillitatem præmetiens: conandum tamen esse pro viribus existimo, ut studij mei diligentiam Academia probem, ne tam voluntas, quàm facultas, mihi deesse videatur. Euoluam igitur breuiter dulcissimum Xenocrontis dictum, quod in 7. τὸ Κύρῳ παρὰ εἰς, recitatur: Artes sunt fontes bonorum, quo elogio vix quicquā sanctius & honestius cogitari potest. Ac cum pluri-

ORATIO XIX.

num referat causas & autores dictorum rectè intelligere: initio qua occasione, & à quo viro hæc honestissima sententia prolata sit, commemorabo. Quæ fuerit Cyri Regis sapientia, moderatio, successus & victoria, vel ex solis Xenophontis aureis libris notissimum esse potest. Huic cum in cursu fortunæ ipsius prosperrimo bellum intulisset Lydiæ Rex Cræsus, potentia, opibus, & rebus omnibus ad vitæ usum cultumq; necessarijs abundans, falsa scilicet adulatorum interpretatione Oraculi deceptus: vincitur ab eo in Cappadocia, & mox Sardibus obsessus capitur, & regno potentiaque omni exuitur. Cum autem Cyrus victor urbem ingressus esset, iussit hunc Cræsum ad se captivum adduci, cum eoq; de diripienda vrbe deliberat. Ac iustum quidem esse Cyrus existimat, militibus qui tam strenuè laborassent, diripiendi potestatem facere, quo obsequentiores in posterum eos habeat: sed nolle tamen se ait, eam diripi. Tum Cræsus dirptionem dissuasurus, rationes adfert æquissimas, quare parcendum esse Sardibus existimet: ac inter cæteras hæc longè pulcherrima & sapientissima est, ne simul cum reliquis bonis corrumpantur artes, quæ bono-

bonorum fontes esse dicuntur. Erat autem tunc Ionia referta artibus & liberalissimis studijs, doctissimisq; hominibus affluebat. Et Sardes ipsa, nobilissima Vrbs Lydiæ, Ioniæ vicina, præterquam quod opibus & omni copiarum genere cæteras longè anteibat, literarum quoq; & artium cultui dedita erat. Cuius quidem rei, si testimonium aliud non extaret, tamen vel hæc vnica Xenophontis narratio satis demonstrat, fuisse hanc urbem sedem & domicilium Musarum, cultaq; in ea esse Philosophiæ studia in magno docentium & discipulorum coetu. Quare vt parcatur vrbi propter artes meritò petit Croesus, non tam de vita & fortunis sollicitus, quam de artium bonarum incolumitate. Sed quid victor Cyrus? Assentitur victo per omnia, & facturum se esse, quæ petijisset, liberaliter pollicetur. Ita hæc Vrbs, quæ post Babylonem opulentissima erat in Asia, à direptione hostili seruator. Cur enim artibus non parceret, qui & ipse artium doctrina & sapientia admirabili præditus erat? Cur fontes bonorum corrumpere non vereretur, quem importare bona orbi terræ decebat?

Sed cur bonorum fontes vocat artes? Hic etiam si non ignorem *πηγῆς*, seu fon-

ORATIO XIX.

tis appellatione copiam seu largita-
 tem quandam significari: magis tamen
 me ipsius fontis, quam vbertatis appella-
 tio delectat. Est enim fontis non solum v-
 bertas quædam, sed etiam perpetuitas,
 unde aqua copiosa perennisq; in loca vici-
 na longè lateq; pro manat, perinde ut de
 A'cinoi fonte Homerus scribit: ἡ μὲν ἀνὰ
 χῆπον ἅπαντα σκίδναται, qui per hor-
 tum vniuersum spargitur. Et de altero
 fonte inquit: ὅθεν ὑδρεύοντα πολῖται,
 unde aquam hauriūt ciues. Sic igitur fon-
 tis nomine origo & copia significatur, ita
 diffusa & sparsa, ut tanquam commune
 bonum quamplurimis vtiui esse possit. Ne-
 que hæc solum, sed liberalis etiam & gra-
 tuita communicatio rei optimæ & salu-
 berrima, hac ipsa fontis appellatione ad-
 umbratur, utpote qui gratis καὶ ἀφθόως
 omnibus adeuntibus aquam indefessè
 impertit, communemq; sui usum præ-
 bet. Iam hæc ad artes confer, & videbis
 quantum rebus humanis profint literæ,
 Ἄριστον μὲν ὕδωρ, Aquares optima, ait
 Pyndarus. Sed multo meliores tibi vide-
 buntur artes, si commoda earum rectè
 pensitaueris. Nam natura quidem neces-
 sarium est adminiculum aqua: sed verè
bono-

bonorum, hoc est honestatis, pulcritudinis, humanitatis, æquitatis & reliquorum ornamentorum in vita ciuili nequaquam est origo & causa appellanda. Multo certè minùs res naturales cæteræ cum artibus, neq; dignitate, neq; vtilitatis vbertate sunt comparandæ. Age enim primùm, vnde est hic augustus & sacer bonorum fons, cuius riuulis omnes Respublicæ in gente humana tam largè persperguntur & irrigantur? Autorem certè alium, præter Deum, omnis boni causam in naturæ quærere, impium est. Ex huius enim sanctissimo & sapientissimo pectore artes istæ, quæ bonorum fontes dicuntur, & iam olim dimanarunt, & nunc hodie quicquid est humanitatis & boni reliquum, vnicè dimanat. Ac vt fluminibus & fontibus qui terras rigant, & animantibus potum præbent, sapientes Ethnici numina attribuerunt, vt diuinæ prouidentia perennitatem eorum ascriberent: ita artiũ quoq; originem & donũ Deo acceptum omni iure referimus. Sed quorsum hæc de artium autore? Huc videlicet, vt dignitatem earum nobis omnibus commendent. Parum enim est, magnam artium vtilitatem prædicare, nisi à Deo ipso traditas, & tanquam diuinissimũ thesau-

ORATIO XIX.

thesaurum mortalibus commendatas esse
 scias. Quisquis igitur artes tenet, eximium
 Dei bonum possidet, & è diuerso, quicun-
 que artes, aut artium cultores aut professo-
 res odit, aut contemnit, Dei ipsius hostis
 iudicandus est. Iam quorum bonorum
 fontes sint artes, porro videndum est. Cùm
 fontes bonorum appellantur, commune
 bonum Reipub. quod omnibus per æquè
 liberaliter & absq; inuidia impertitur, ar-
 tes esse indicatur. Est enim hoc quasi pecu-
 liare harum artium, quæ ab humanitate
 nomen acceperunt, vt bona sua longè la-
 teq; spargant atque diffundant, commu-
 niaq; his, quibus cùm commercium ha-
 bent, reddant. Hinc non dici potest, quan-
 ta ad ciues singulos, & vniuersam Rem-
 publicam emolumenta redundent. Sunt
 autem officinæ artium, quæ tantorum
 bonorum fontes appellantur, scholæ seu
 Academia, *παιδευτήρια καὶ διδασκαλεῖα*
 à Græcis appellatæ, quod artium vocem
 sonent, & doctrina liberali animos erudi-
 ant. Ex scholis igitur quasi per quosdam
 canales seu riuulos propagantur hæc bo-
 na, quæ artes vitæ ciuili important. Ac v-
 nus quidem, atq; adeo præcipuus riuulus
 ducitur ad Ecclesiam, secundis ad politicū
 Impe-

Imperium, tertius latissimè in ciues singulos spargitur. Etsi enim Ecclesiam cœlesti rore, qui est verbum Dei, perspergi & viuificari oportet: tamen ex scholis ministros liberali artium doctrina excultos atque instructos prodire necesse est, qui intelligere & iudicare sermonem atque sensum Propheticum & Apostolicum rectè queant. Nec carere potest Ecclesia his artibus, quas adminicula & instrumenta esse ad explicationem doctrinæ cœlestis, Deus ipse voluit: cùm neq; ad rectè perspicueq; docendum, neq; ad arguendum contradicentes sine illis quisquam satis instructus esse possit. Quid multa? Artes earumque officinas adeò Ecclesiæ necessarias Deus esse iudicauit, vt cùm Ecclesiam in his regionibus instaurare vellet, prius literarum doctrinam, plurimis passim per Germaniam scholis & Academijs institutis, suscitarit: ne fonte tam necessario Ecclesia destitueretur. Si igitur Ecclesiam saluam & incolumem esse optamus, si doctores verbi diuini seruari vtile ducimus: artes in scholis sonare atq; disci oportere fateamur necesse est, vt inde ad Ecclesiam viri docti prodire possint. Simul atq; enim hic sacer & augustus fons corruptus fuerit, actum

ORATIO XIX.

actum quoque de incolumitate Ecclesiæ
erit, utpote quæ ministros idoneos ampli-
us non sit habitura. In his enim artium of-
ficinis præparari doctores verbi oportet: &
qui hæc media contemnit, aut non admo-
dum necessaria ducit, is in Deum contu-
meliosus est, & sibi alijsq; nocet. Rectè e-
nim scholæ διδασκαλεῖα τῆς θεογνωσίας
appellantur, quòd ad agnoscendum De-
um viam monstrent, & artes doceant, quæ
quasi quidam duces sunt ad cultum opifi-
cis. Quàm fecunda mater doctorum Ec-
clesiæ, iam per annos fermè quinquaginta
fuit Academia Vvitebergensis? ut reliquas
taceam, quot quantosq; viros genuit, &
toti Germaniæ exterisque etiam nationi-
bus impertiuit? Quanta, Deus bone, copia
bonorum inde promanauit? Fuit & est
verè officina & propagatrix artium istarū,
quæ fons sunt bonorum, cuius riuuli per
omnes Germaniæ angulos deducti largè
suauiterq; Ecclesiam rigarūt. Ex quo qui-
dem facile iudicari potest, quantum noce-
ant Ecclesiæ hi, qui parum aut nihil cu-
rant, sint scholæ, nec ne: Theologine, an
alij in ijs educentur atq; præparentur. Se-
cundus riuulus ex scholis in politicum
Imperiū deducitur, bonaq; artium quam-
plurima

plurima illi impertit. Sunt enim scholæ etiam τῆς δικαιοσύνης διδασκαλεία, hoc est, iustitæ officinæ, in quibus iusta ab iniustis discernere, & se politis priuatis affectibus atq; opinionibus id tantum ratum habere discimus, quod leges rectum iustumq; esse pronunciant. Nec facile quisquam satis ornatus ad Reipub. administrationem accedet, nisi prius artium fonte sua labra & animum totum persperferit. De hoc si fortè dubitas, audi Cyrum, qui apud Xenophontem ait, se de Præceptore suo hoc didicisse in schola, quod id iustum non sit habendum, quod opinione propria iustum esse videtur: sed quod lex iusta præcipit, id demum ab omnib⁹ approbari debere. Cumq; aliud secundum Arithmetica, aliud secundum Geometria proportionem siue æqualitatem conueniat, nec omnes causæ personæq; idem ius postulent: ex scholis discrimen iusti & æqui ad iudicandum adferendum est, æquitasque Philosophica in multis negocijs usurpanda est. Cùm igitur non κατὰ τὴν ψυχὴν siue δόξαν, hoc est, secundum innatam opinionem seu libidinem, quæ, vt Aristoteles ait, optimos etiam viros transuersos agit, sed secundum legem scri-

ORATIO XIX.

scriptam causas cognoscere & dirimere controuersias, æquo iudicio conueniat: in iustitiæ scholis prius præparare & erudire eos necesse est, quos Reipub. utiliter præesse volumus, ut in iudicando non suos affectus, sed leges consulant atq; sequantur. Cumq; in consultando è præteritis exempla petere rerum futurarum utilissimum sit, secundum Isocratem: præcipuarum rerum publicarum historiæ notæ esse debent, in quas intuentes melius de præsentibus negocijs iudicemus. Facilius enim quæ obscura sunt, è manifestis cognoscuntur. Ideoq; in scholis libri Xenophontis, Plutarchi, Ciceronis, Demosthenis, & aliorum autorum, qui exempla consiliorum & euentuum, variosque rerum humanarum casus describunt, legendi & cognoscendi sunt, ut ijs postea in magnarum rerum deliberationibus uti possimus. Est præterea ex scholis vel in primis humanitas, siue lenitas atq; moderatio ad Reipub. administrationem adferenda, ut & placidè audiantur, qui consilium expetunt, & sine morositate ijsdem detur responsio. Estq; hæc virtus aded gubernatori necessaria, ut Plato neget eam Rempublicam esse beatam, cui non Philosophi; hoc est, ho-

mines

mines modesti & docti præficientur. Huc accidit nobilis illa dicendi vis atque facultas, qua & hominum coetus tenemus, & mentes allicimus, voluntatesq; mirificè quò volumus impellimus atque deducimus. Hanc vnde quæso, nisi ex artium & eloquentiæ officinis, scholis, hauries? Hæc igitur & alia commoda quamplurima ex sacro augustoq; fonte artium, quæ in scholis traduntur, in politicum Imperium redundant, vt & ius habeamus omnibus pariter æquum, ad omnesq; circumstantias accommodatum, tum vt de futuris euentibus ex præteritorum factorum collatione prudentius deliberemus, & deniq; in omni procuratione modestiores simus, & dicendo insuper flectere hominum animos possimus. Sic itaq; oportet politias quoq; ex artium fontibus suos rigare hortulos. Estq; opera danda his qui Reipub. præsunt sedulò, vt cursu largo grateq; susurro hic fons effluat, quo exiccato debet iuari ipsam quoq; Rempub. oportebit. Nisi enim ex scholis prodeant viri, artium doctrina & iudicio instructi, non salus ipsa, si velit, seruare Respublicas possit. Atq; hæc ferè publica sunt bona, quæ ex artibus ad Ecclesiam & Rempub. dimanare ostensum est.

ORATIO XIX.

est. Sunt verò alia etiam penè innumera-
bilia commoda, quæ priuatim ad nos sin-
gulos ex artibus proficiscuntur. Primum
enim scholæ priuatim etiam ciuïs cuiusq;
sunt bonum, vt ad eas liberos suos mittat,
& liberaliter artibus imbuendos curet.
Deinde nemo est, qui nō incredibiles sen-
tiat fructus artium, etiam in priuata vita,
cum nihil sit, si Ciceroni credimus, quòd
tam adolescentiam alat, senecturem oble-
ctet, & secundas pariter & aduersas res mo-
deretur atq; ornet, quàm literæ. Tum si in
casus aliquos vita nostra incidat, vt patria
bonisq; fortunæ omnibus spoliatus peri-
clitari nos necesse sit, tunc solatium & per-
fugium artes præbent optatissimum. Est
enim ars portus miseræ, nullaq; est terra,
quæ artem non alat. Aristippus olim ex vr-
be Cyrenenauigans, bona externa omnia
amisit, sed quia artem perpetuò inhaeren-
tem animo circumferebat satis ad vitam
præsidij suppetebat. Cùm enim fracta sca-
pha in litus Syracusarum eiectus esset,
conspexit illic in arena figuras quasdam
Geometricas, vnde facile coniecturam ce-
pit, se reperturum ibi homines doctos &
sapientes. Quocirca lato animo ad Syra-
cusarum gymnasium accessit: cumq; eius
doctrina

doctrina illic innotuisset, exceptus est & tractatus honorifice, omnibusq; rebus necessarijs cumulatus. Ideoq; re ipsa iam expertus, artem vbiq; sufficiens esse viaticū, iussit renunciari patriæ suæ ciuibus, vt eas sibi pararent possessiones, quæ non interirent, sed naui etiam fracta, simul cum possessore enatarent. Apelli quid acciderit, in medio est. Hunc enim ferunt aliquando, cum ex Græcia in Ægyptum nauigare vellent, naufragium primum, vnde vix emergerit, fecisse: tum à piratis etiam in litore vestibus spoliatum esse. Quamobrem pauper & mendicus tandem in Regiam Ægypti urbem profectus, illic in aulæ quodam angulo sese abditit, comedens de micis, quas passim emendicauerat. Sed forte risus ibi à quodam Satrapa superbo, ad Regis conuiuium ab eo inuitatur. Quod Appelles, quamuis per illusionem dictum, nihil ominis sibi faciendum putans, ad dictam horam Regis cœnaculum adit, panis, ita vt erat, obsitus: interrogatusq; quid sibi vellet, respondit, se cum Rege esse cœnaturum, quemadmodū esset rogatus. Hic quamuis acerbè iterum derideatur & exagitetur: tamen propositum non mutat, sed se ab aulico quodam inuitatum esse

ORATIO XIX.

esse constanter affirmat. Cumq; quis esset ille qui ipsum inuitasset, interrogaretur: dixit se nomen quidem ignorare, sed formam hominis pingere velle, unde agnosci posset. Id cum egregie præstitisset, delata est pictura illa ad Regem, qui admiratus illius præstantiam, mox hominem accersitum coenare secum iussit: cumq; quid ei accidisset in itinere: cognouisset, amanter eo usus est in pingendo, & tandem magno donatum auro dimisit. Ita ipsi ars sua in summa egestate ornamento & præsidio fuit. Sciens hic multa prætereo commoda, quæ ex Medicina & Astronomia in totam vitam civilem largissimè profluunt, ut & quæ salubria, & quæ noxia sint, sciamus, & sanitatem præsentem tueamur, amissam verò recuperemus: tum annorum etiam, mensium & dierum descriptionem habeamus, & aëris varias vices alterationesque ex Solis, Lunæ, aliarumq; stellarum influxu & efficacitate multo ante utcunq; prospiciamus & æstimemus. Ex his vero, quæ dixi breuius, patet, ad priuatam etiam vitam ingentia bona ex artibus peruenire. Quod cum ita sit, quis dubitabit rectè bonorum fontes eas appellari? cum & publicè & priuatim ita profint, ut Ecclesiam & Respub.

& Respub. atq; priuatam etiam vitam ex illis rigari oporteat. Cumq; officinæ earū sint scholæ, quis non immensam vtilitatem scholarum perspicit? Magna igitur cura scholæ fouendæ sunt, alendiq; Professores, qui velut dispensatores, tot tantaq; artium bona in Ecclesiam, Rempub. & priuatam vitam diligenter fideliterq; distribuunt. Neq; existimandum est, parum, aut nihil referre, Professores in scholis sint, nec ne: sed ita potius sibi persuasum habeant singuli, nefariè & impiè defraudari Ecclesiam, Rempub. & ciues singulos, nisi in scholis sint, qui artes propagent. Nec inutilia Reipub. pondera, qui literas doceant, censi debent: sed dispensatores potius habendi sunt communium ciuitatis bonorum, deducentes riuulos talium bonorum, quibus Ecclesia, politia, & priuatim ciues singuli indigent, nec carere vllomodo possunt. Quocirca nemo eos floccipendat, qui & priuatorum, & publicorum bonorum fontes custodiunt & propagāt, sed agnoscat quisque quantum beneficiorum cumulum per viros doctos orbi terræ Deus largiatur. Ita fiet, vt Ecclesia doctores habeat idoneos, & Respub. consiliarijs nunquam destituatur: tum priuatim

ORATIO XIX.

etiam necessaria solatia atque præsidia in
prospera pariter & aduersa fortuna singu-
lis suppetant. Si verò hos, tanquam non
admodum necessarios, neglexeris, quid
ages aliud, nisi ut spretis, obturatisq; fon-
tibus, necessarijs præsijs omnibus te
ipsum nefariè spolies? O beatam Rempub.
quæ artes fouet, vnde tanquam ex fonte
perenni in omnes partes longè lateq; dif-
funduntur bona. O verè infelicem politiã,
quæ fontibus bonorum destituitur. Ac si
quem fortè hæc bona nō permouent, is sal-
tem decus literarum ingens, quod ad o-
mnē posteritatem durat, animo consideret.
Quis non vehementer nunc hodiè laudã-
dos Athenienses censeat, qui artes virosq;
doctos egregiè præter cæteros amarunt &
fouerunt? Quis contrà suos Bæotios non
detestetur, & vituperandos existimet,
quoties nomen eorum tam fœdum audit?
Sic profectò prædicata est aliquando hæc
Vrbs magnificè, propterea quod artes, bo-
norum fontes, fouit: vnde in Ecclesiam,
aulas principum, ciuitates; scholas viri
eruditi prodierunt, & latè sparsi sunt. Im-
mo celebratur hodiè, quod non ita pri-
dem aliquos insigniter eruditos complexa
est, quorum doctrina & virtus non sine
ingenti

ingenti laude Erphordix à Ioachimo Camerario publicis scriptis illustratur. Ac sanè magna laus est, à viri tantis in hac Repub. artes, bonorum fontes, esse propagatas. Nauata est à viris istis opera strenuè præstiti, quæ in sua quisq; professione, quantum conniti animo & contendere labore poruit. Eobanus politioris literaturæ quasi ἑξάρχος quidam in hac Academia exstitit. Camerarius verò doctrinæ literarum Græcarum fundamenta quædam iecit: & post eum mox, anno videlicet supra millesimum quingentesimum decimonono, Græca docere publicè cœpit doctor Langus. Interim suam professionem egregiè exornauit Doctor Georgius Sturcius, cuius domus tanquam commune hospitium omnibus doctis patuit: fuitque tantus in illo viro amor renascentis literaturæ Græcæ & Latinæ, omniumque aliarum artium, vt nihil prætermitteret, quod ad augendam ornandamq; rem literariam pertinere videretur. Huius sui studij socios habuit, Eberbachium, lumen Academiæ Erphordianæ, doctorem Ionam, Ioannem Groningum, & alios, quos omnes, mentes simus, nisi veneratione & immortalis honore dignos existime-

ORATIO XIX.

stimemus. Hos tunc habuit hæc Respúb.
 artium propagatores, qui bona quam plu-
 rima in totam ciuitatem liberalissimè cō-
 tulerunt, & Ecclesiam, Rempub. & priua-
 tim singulos ditarunt, nomenq; in super
 etiam toti Reipub. celebre pepererunt, &
 post se reliquerunt. Qui nostrum non o-
 pteret sibi cum talibus viris commercium,
 si per fata liceat? Quis non seculum illud
 felix iudicet, quo tantos suorum bonorum
 œconomos hæc Academia habuit? Quo-
 usq; tandem stertemus? An non hæc ali-
 quando nos commouebunt, vt toto ani-
 mi impetu in propagationem tam saluta-
 rium fontium incumbamus? Sed repri-
 mo me, & ad vos me conuerto, Licentiati
 optimi: vos adistere mihi in hac cathedra
 iubeo, vt coram quæ volo communicare
 vobiscum possim. In primis autem ea au-
 toritate, quæ mihi à spectabili viro, facul-
 tatis nostræ Decano, concessa atq; tributa
 est, vos moneo, vt Academiam hanc Phi-
 losophicam, communem nostram ma-
 trem, verò amore complectamini, eamq;
 pijs officijs certatim iuuetis & ornetis. Ita
 enim habetote, curam atq; propagatio-
 nem fontium huius Academiæ, hoc est,
 artium bonarum, ad vos quoque transla-
 tam

ram esse. Quare videte diligenter etiam atq; etiam, vt boni fidelesq; œconomi sitis, & bona hæc ad Ecclesiam, Rem publicam, & ad priuatos vsus deriuare & transmittere studeatis. Cumq; in dispensatore in primis requiratur fidelitas, quæ peritiam, naturæ bonitatem, & sedulitatem complectitur: seriò vos hortor, vt literarum solidam cognitionem expetatis, quo appareat vos eius rei, quã profitemini, non umbram, sed scientiam mediocrem habere. Deinde luceat in vobis *ἐνφύωα*, id est, indoles virtutis, vt alacri animo & iudicio recto officium vobis mandatum efficiatis. Tum assiduitatem & diligentiam in administratione dignam præstare, nec ullis determini conuicijs, contemptu, inopia, & incommodis alijs, quæ nobis obijci solent. Idq; accuratè caute, ne vel inscitia forte, vel malis moribus professionem ipsi deformeris: quod perinde mihi videri solet, ac si ypupa, quod aiunt, proprium contaminet nidum, in quo postea volutari ipsam oportet. Deinde libros clausos vobis exhibeo, vt significetur, vos non nunc primum incipere has artes, quas profitemini, ex libris discere, sed ab ineunte ætate ita in eos incubuisse, vt memoria etiam

ORATIO XIX.

præcipua earum capita teneatis. Eosdem
rursus apertos vobis cōnendo. vt sciatis ad
lectionem Philosophiæ nullo nō tempore
vos impelli. Insuper vetus docentium in-
signe, p̄leum vobis impono, quo honos &
dignitas vetri muneris maxima adum-
bratur: estq; non solum capitis ornamen-
tum, sed etiam tegumentum aduersus in-
uidiam, obrectationem, calumniam, &
incommoda cætera, quæ docentibus Phi-
losophiam occurrunt. Tandem aureum
annulū adicio, qui & dignitatē auget, &
vt in professione integrè casteq; veriēmini,
efflagitar. His ornamentis & insignibus o-
mnibus, p̄ more Academiæ vobis concessis
& tributis, superesse nihil video, nisi vt api-
cē seu colophonem addā. Accipite igitur ti-
tulum & gradū Magisterij, quem vobis ius-
su Præsidis atque Decani Philosophicæ fa-
cultatis cū omnibus adherentibus, iuribus
priuilegijs, dignitatibus, emolumentis &
immunitatibus, plena voce & autoritate
cōfero, do& assigno, vosq; creatos Philoso-
phiæ Magistratos reuocio in honorē Dei
omnipotentis, vtilitatem Ecclesiæ, incre-
mentum Reip. & ornamentum patriæ, pa-
rētum. & aliorum hominū complurium.

Proponite ordine questiones vobis cōmendatas.

Græ-

Gratiarum actio.

Postremò ad te ora, vultus & mentes totas conuertimus, omnipotens & viue Deus, æterne & vnice pater Domini nostri Iesu Christi, autor & conseruator cœli & terræ, conditor generis humani & Ecclesiæ, vnà cum filio tuo, Domino nostro Iesu Christo, ὁμοσσίῳ καὶ συναιδίῳ, & Spiritu sancto tuo, paraclete & viuificatore, gratias tibi agentes, quantas animi nostri angusti capere possunt maximas, quòd præter alia tua beneficia, quibus quotidie nos afficis & cumulas, hodiernum etiam confrendorum honorum actum Philosophicum clementer gubernasti, & ad lætam hanc optatamq; catastrophem perduxisti. Agnoscimus tuam ineffabilem bonitatē, quòd Ecclesiam, scholas & politias in tanta tamq; acerba Diabolorum rabie, & inter tam horredos tumultus, bella, odia, insectationes, & sæuas hostium minas protegis & defendis: eamq; vt indies magis atque magis agnoscamus & prædicemus, tu effuso in mentes nostras Spiritu sancto tuo effice. Rege scholam hanc & artes, quæ bonorum Ecclesiæ & Reipublicæ fontes sunt, nec deleri eas vnquam penitus finito.

Da

ORATIO XIX.

Da doctores pios & fideles, quorum ministerio longè lateque artium bona deriuentur, & ad posteritatem etiam propagentur. O beatus quibus tu mentis oculos aperis, ut bona ista perspiciant & magnificent. O cæcos vero & miseros, qui bonis istis quotidie magno suo commodo fruenter, impiè tamen & superbè illa contemnunt Dixi,

ORATIO XX. DE EO quentia bene recitanda, An- no 1574.

Video multorum ora, oculosque in me conuersos esse, expectariq; à me Orationem non tam verborum floribus conspersam, quàm rerum, sententiarumq; copia, ac varietate affluentem, tum singulorum etiam sensibus atq; mentibus accommodatam. Hanc enim de me expectationem mouet plerisque amplitudo, atq; dignitas muneris, siue professionis, ad quam in hanc Academiam vocatus sum. Nec parum augeret etiam eandem ipsa nouitas, aut insolentia personæ meæ in hoc suggesto, quæ facit, ut noua etiam, non quotidiana,
rara,

rara, non vulgaria, singularia, non communia, & peruulgata à me requirantur. Mihi verò nihil tam inoptatis est, quàm ve huic amplissimæ opinioni, expectationiq; vestræ de me satisfacere possim: Et eiusmodi afferre orationem, quæ & professionem meam exornet, & ad audiendum, discendumq; plurimos literarum studiosos exciter. Hoc enim si possem, profectò nihil ex hac prouincia, quod iucundius sit, aut laudabilius, deportare possem: & audientiam mihi expectatio studiosorum de me faceret. Sed auocatæ quæso, & oro, mentes & opiniones à spe tanta & ad moderationem, æquitatemq; erga hospitem, non magnæ eloquentiæ, & sapientiæ, sed multi officij & studij in vos omnes & singulos conuertite. Nouit enim Senatus Academicæ huius, me præter operam, diligentiam, laborem, & fidem, nihil esse pollicitum: Nouit Academia Erphordiana, cui ad annos sedecim inseruiui, me ingenij vi, doctrinæq; copia, & dicendi facultate certasse cum nemine: studio vero, industria, & sedulitate faciendi muneris impositi operas æquare bonos omnes cupiuisse. Talem igitur me esse vobis persuadete, qui ad ostentationem nihil, ad communem
verò

ORATIO XIX.

Verò utilitatem Academiae omnes suos con-
natus, curas, vigilias, atque labores confer-
re paratus sit: Quiq; laedere neminem, ce-
dere verò, & commodare cunctis in ani-
mo habeat. Talem vos me accipite, & ha-
bete, clarissimi & ornatissimi viri, præs-
des, atque doctores huius Academiae, do-
mini, atque collegæ reuerentia, obseruan-
tia, pietateque omni colendi, qui ingenij,
sapientiae, eruditionis, & facundiae laudem
omnem vobis relicturus sit: operam verò,
& laborem partem eam, quam ipsi consi-
lio iusto, & voluntatibus consentientibus
ad me transtulistis, animo æquo susceptu-
rus sit, & quantum vires sinunt, studiosè,
diligenterq; obiturus. Cumq; sciam, pe-
stes Ecclesiae, & scholarum funestissimas
esse ambitionem, & coeca æmulationum,
contentionumque studia, ex quibus dissi-
dia, & distractiones penè omnes inde vs-
que ab initio extiterunt, & etiam nunc
existunt: vitare has furias ex inferis ad ex-
citandum turbas emissas, omni cura stu-
debo: Neque committam, vt occasio
vllius dissensionis, aut dissipationis vlla
in parte à me data, vel admissa esse videa-
tur. Vos vicissim, collegæ reuerendi, &
& necessitudine, officioque mecum con-
iunctis

iunctissimi, in metales fore sperabo, vt
appareat, vobis nihil consensione animo-
rum, & copulatione voluntatum inter
nos esse carius, nihilque antiquius. Hæc
consensio, atq; coniunctio internos non
solum vinculum erit concordia, sed dulce
etiam laborum communium leuamen,
& remedium vel potius murus adamanti-
nus aduersus omnium maleuolorum,
& contentiosorum hominum, insidias,
fraudes & molitiones nefarias, ad turban-
das scholas, ac dissipanda doctrinæ, lite-
rarum que studia comparatas. Non odij
acerbitas, non liuoris ardor, non hostilis
impetus nocere nobis poterit, si hunc a-
micitiæ nodum tuebimur, & sacrum, te-
ctumque conseruabimus. Neque hæc co-
pertinent, quasi monitoris vocem, aut
potestatem in vos, viri ornatissimi, sume-
re mihi velim: Ad me ista omnia referri
volo: ego ignotus, & peregrinus declara-
tione, & rectificatione animi & voluntatis
in vos vestramque Academiam opus mihi
esse perspicio: vestra virtus, eruditio, fi-
des, atque industria iam ante cognita,
atque perspecta est omnibus in hac Aca-
demia versantibus. Ad me igitur solum,
quicquid in hoc genere attingi spectat:
ut quæ

ORATIO XX.

Ut quæ spes de hospite nouo sit, scire possi-
 tis. Vobis autem studiosi hoc de me pro-
 mitto, atque spondeo, mihi neque curam
 in meditando, neque assiduitatem in do-
 cendo, neque fidem in explicando, neque
 studium in inculcando, neque cando-
 rem deniq; in communicando, quæ scio,
 quæque habeo omnia, de futurum esse: sed
 erga minores patris, erga superiores verò
 subditi personam me suscepturum. Arque
 adeò nihil esse, vobis persuadeatis velim,
 tam reconditum in pectore meo, quod
 non benignè, liberaliterq; vobiscum com-
 municare cupiam. Vos modo excitate cu-
 ram, ut de latum ad vos tantum studium,
 tamq; bonam voluntatem minimè asper-
 nemini, sed animis gratis amplectamini:
 gratias agentes Academiæ tam prouidis
 curatoribus, qui cōsultum vobis, vestrisq;
 studijs per meam qualemcunque operam
 enixè cupiunt. Quos nisi tanquam patres,
 Præceptoresq; colueritis, atq; observaue-
 ritis, tum studio audiendi, & discendi gra-
 titudinem, obedientiamq; erga illos de-
 claraueritis: vehementer reprehendendi,
 & in Deum ipsum ingrati eritis. Nam si
 animaduvertere volueritis, reperietis lanè,
 eos omnes tacitis animis, & tantum non
edita

edita voce vos cohortari, obtestari, atque monere, ut cum vestrae utilitatis causa hæc omnis suscepta sit professio curæ etiam sit vobis, ut fructum vberem, & præfuturum etiam aliquando posteris inde capiatis. Sed de me satis: de re copiosior nunc instituenta est oratio.

Cum enim initium professionis eius, ad quam vocatus sum, hodierno die facere Academiae Philosophicæ autoritas, & officij munus expostulet: parendum est scilicet necessitati, & suscipienda provincia. Faxit modo Deus, ut benè, prosperè, feliciterque eueniat. Commendata est mihi professio eloquentiæ, & historiarum in hac Academia: De hac me agere in hoc instituto exordio oportet, hanc me tueri, & ornare, quantum conniti ingenio, & contendere labore possum, necesse est. Etsi autem eloquentiæ, ut taceam de historia, nomen tam amplum est, tamque magnificum & splendidum, ut aditus mihi ad eam nullus pateat, nedum dux esse alijs ad sanctissimam illius, penetralia possim: Tamen proferor, me de ea tantum facultate dicendi acturum esse, quæ ad explicationem, & propugnationem, dogmatum in Ecclesia, eruditæ doctrinæ in schois, tractationem
o causa-

ORATIO XX.

causarum civilium in administratione Reipublicæ vitæque communis, atque priuatæ ita necessaria est, ut ea carere absque detrimento intolerabili non possimus. Hæc siue eloquentia appelletur, siue facundia, siue copia, aut facultas disertè, perspicueque, & utiliter interpretandi, & declarandi sensum, vim, & pondera, in quacunque re, negotio, doctrina, aut controuersia, parum interesse ad rem causamque nostram arbitror. Satis sit magnæ rei, quantulumcunq; cœperimus, participes fieri, quæ laus nō est in postremis numeranda. Et pauca de magnis dicere satis est sapienti auditori, secundum Pindarum.

Caput autem, princeps, fons, autor, & dator huius facultatis est ipse æternus, æterni Dei filius, λόγος, orator, concionator, interpretes, & enarrator mentis, ac voluntatis paternæ erga gentem humanam. Hic prodijt ex arcano diuinitatis consilio, & decretum salutare de remedio, atque allevamento pestifero morfui serpentis adhibendo nobis patefecit, exposuit atque enarrauit: quod hæc sit constans, perpetua & immutabilis Dei voluntas ut quicunque intuetur, & credit in filium, habeat vitam æternam. Hanc enim ipsam concio-

cionem filius Dei primus in Paradiso statim post lapsum habuit ad parentes nostros cuius ea vis fuit, ut iacentes erexerit, mæstos consolata sit, & dolori, desperationique succumbentes, ex mortis, infernique faucibus eripuerit, & in pristinam vitam & salutis spem, possessionemque restituerit. Hæc nimirum vis eloquentiæ genuina est, hic effectus proprius, ut ex animatis animum addat, & perterritis timorem periculumque mortis adimat. Ab hoc λόγῳ λόγοι, eloquentes, disertī, & potentes in scripturis Oratores & Concionatores inde ab initio Ecclesiæ usque ad hunc diem extiterunt, & continua serie propagati sunt. Hic λόγος instruxit Moysen educendum populum Israëliticum ex Ægypto, & facultatem dicendi tribuit, cum ait: Vade, & ego adero ori tuo, & docebo te quæ loquaris. Addiditque illi interpretem cogitationū, Aaronem, qui pro ipso tanquam orator loqueretur ad populum, & os ipsius esset. Idem ornavit dono dicendi omnes consequentes Prophetas, quorum conciones sunt contextæ ex flosculis fragrantibus odore cœlestis doctrinæ, tamque efficaces, ut ab inferis educere animas afflictas, & dare læticiam sempiternā possint. Hinc ora-

ORATIO XIX.

tionis tot figuras in Prophetis videre licet, ut nullum sit institutum, ornamentum, aut artificium oratorium, cuius non specimen insigne in illorum concionibus extet. Moyſi enim oratio est pura: Davidis polita, ardens, sensus, ac dolores habens, par Atticæ: Salomonis grandis, & figuris tanquam flosculis identidem respersa. Eſaiæ splendida, ac copiosa, Ciceronianæ non multum dissimilis, Ezechielis sublimis. Hinc λόγος est ille Apollos, concionator potēs in scripturis & feruens spiritu, Actor. 18. Hinc oratores facti sunt Apostoli, per eum scilicet, qui dixit: Non vos estis, qui loquimini, sed spiritus Patris est, qui loquitur in vobis.

Hinc μεγαλοφωνότατος est ille Paulus, orator grandis, copiosus, & veriùs tonans, ac fulgurans, quàm Pericles apud Græcos. Hinc profecti sunt Athanasius, Basilus, Narsiansenus, & alij qui lumina Ecclesiæ Græcæ fuerunt, & eloquentia sua nō suæ ætatis modo homines erudierunt, sed omnibus etiā consequentibus præclara exempla orationum, concionumq; post se reliquerunt. Hinc tot disertissimi viri in Ecclesiastica historia commemorantur, qui non vi, neque ferro, aut potentia politica, sed
sola

sola dicendi facultate valuerunt, & res maximas, maximeq; necessarias, ac salutare in Ecclesia gesserunt. Quid de Latina Ecclesiæ oratoribus dicam? quippe quorum oratio benè composita, & ornata est, tum artificio quodam, expolitioneq; distincta, vt ad docendum atque pugnandum accommodatissima esse videatur. Augustino quid disertius? Lactantio quid dulcius? mitto cæteros, & venio ad nostros. An non Lutherus orator amplius, copiosus grauis & ornatus omni iure habetur? quis vnquam res maiores, vtilioresq; in Ecclesia dicendo illustrauit? quis plures controversias & difficiliora certamina de dogmatibus sacris voce & scriptis explicauit? quis vnquam maiori contentione veritatem à sophistica vindicauit? quis acrius pugnavit, aut disertius aduersarios refutauit? Si cui verò vehementior aut pugnacior huius viri oratio fortè alicubi videtur: is hoc responsum habeat: Talem esse eam, qualem tempora, qualem mores, qualem aduersariorum acerbitas & pertinacia, qualem deniq; corruptissimus Ecclesiæ status desiderauit. Non enim lenitate sola orationis, aut facilitate repurgari doctrinam à tot corruptelis, quibus obscurata & oppressa iace-

o 3

bat,

O R A T I O X X

bat, potuit: nec expugnare, vincereque tot
aduersarios, tam acerbè, inimiceque insec-
tantes, atque reluctantes sine eloquentiæ
viribus, & flumine orationis possibile erat.
Iccircò cōtentione maiori opus fuit, & ora-
tionem ardentiorē peruenire ad hostes
oportuit. Et si autem in dimicatione cum
impetu quodā decurrit Lutheri oratio, &
hybernis niuib. haud multum ab similis
est: Tamen in explicatione dogmatur, &
concionibus ipsis, nihil est ea sanius, nihil
integrius, nihil quod efficacius mentes au-
ditorum, lectorumue permoueat, atque
feriat. Ea enim est, cui iure omni illud tri-
buitur, quòd aculeos in animis legentium
relinquat: De Philippo Melanchthone sa-
tis mihi dixisse videbor, si Atticum illum
oratore, vel Atticis similem dixerō. Est
enim oratio eius pura, & propria, simplex,
gratis tamē. ornata, & elegans, ut ex ea re-
dolere ipsæ Athenæ videantur. Cumq; ora-
tio rei interuire debeat: nullū verbum inso-
lens, nullum ociosum posuit Philippus: sed
verba rebus sic accommodauit, ut nihil in
obscurō reliquerit, sed lucem magnam re-
ligioni & artium doctrinæ explicatio illi-
us attulerit. Deus bone, quantum bono-
rum cumulum per hunc Oratorem nobis

tribuisti. Nemo enim est, qui doctrinam religionis disertius, distinctius, & breui s. explicarit: nemo qui artes maiori perspicuitate declararit. Fuit igitur verè λόγος ἀνὴρ, à summo λόγῳ filio Dei ineffabilimunere, ac bonitate nobis in hac vltima mundi senectâ excitatus, atque concessus.

Neque hi soli sunt, quos oratores nominari in Ecclesia volumus. Ita enim nimis exilis esset oratorum Ecclesiasticorum numerus, qui multos nostrum, quibus tantum ingenij, & animi datum non est, à conatu eloquentiæ detertere posset. Plurimi præter hos alij fuerunt, & sunt hodie concionatores, ἀγορηταί in Ecclesia, qui disertè copioseque docere, & explicare dogmata Ecclesiæ, & refutare dissentientes possunt: qui omnes ab vno isto λόγῳ propagati, mentem, & voluntatem Dei in verbo patefactam, interpretantur, & enarrant. Quid enim est, cur oratorem non habeamus, & appellemus eum, qui doctrinam religionis oratione perspicua, & perpolitâ explicat? vniuersa in partes distribuit? obscura interpretando explanat? & vim, pondus, vsumque singulorum verborum

o 4 borum

ORATIO XIX.

borum ac rerum auditoribus inculcat?
 Hæc enim ipsa facultas rectè eloquentia
 nominatur, & qui ea præditus est, λόγιος
 vel orator disertus appellatur. Ad hanc igi-
 tur consequendâ totis animis spectate, &
 rectis studiis contendite, studiosi, parantes
 prouidè & accuratè ea adiuumenta omnia,
 quæ ad illam necessaria sunt, vt & ipsi ora-
 tores siue concionatores, interpretes, & e-
 narratores oraculorum Dei, & administri
 τοῦ λόγου filij Dei in Ecclesia sancta esse
 positis. Tum præterea gratias agite τῷ λό-
 γῳ, quoties disertum concionatorem au-
 ditis, qui res & verba scripturæ sanctæ lu-
 culenter, politeq; explicat & verum vsum
 eorū cōmonstrat, atq; inculcat. Sunt enim
 omnes ἀλόγοι, καὶ ἀγορηταὶ organa &
 dona τοῦ λόγου, oratoris summi, & maxi-
 mi, qui quodam tempore, voce propria,
 nunc verò voce concionatorum, & mini-
 strorum suorum nobiscum loquitur in Ec-
 clesia, & voluntatem sui patris omnem li-
 quido nobis ostendit atque declarat.

Ex quo sanè intelligimus, quanta sit di-
 gnitas, quanta item autoritas oratorum
 Ecclesiasticorum, cū potestas tanta à
 λόγῳ summo ad illos tralata, aut certè

cum

cum ipsis communicata sit. Qui itaque λόγον cōcionantem audit, λόγον ipsum se audire putet, & cum tremore, reuerentia-
que digna τῶν τῶ θεῶ λόγων interpreta-
tionem accipiat. Digna utique res est, stu-
diosi, eloquentia, in qua omne studium,
omnem operam, industriam, neruos de-
nique totos contendatis atque consuma-
tis. Huc igitur conuertite cogitationes ve-
stras in hanc curam incumbite, vt intelli-
genter, perspicuè politeq; Dei λόγα, duce
& autore γόγω, interpretari, explanareq;
discatis, & dissentientes, repugnantesq; con-
uincere, & reprimere possitis: sic vt falsitate
detecta, & fraude omni detracta, clarissi-
ma veritatis facies appareat, & inuicta ma-
neat. Hoc si feceritis, boni studiosi & no-
mine & re eritis, & à Christo gratiam ini-
bitis, præmiaque sempiterna, & coronam
nunquam perituram tandem deporta-
bitis.

Quid de scholis dicemus? nōne & his sui
oratores à filio Dei sunt tributi? ecquid e-
nim dubitabimus ἀπὸ τοῦ λόγου ληκούς
dici eos, qui in scholis artificiosè & orna-
tè artium doctrinam tradunt, & linguas,
quæ necessaria sunt adminicula eloquen-

ORATIO XX.

tia, interpretantur? Vt enim ἀπὸ τοῦ λόγου λόγοι propagantur ecclesiastici concionatores: Sic ab eodem λογικοὶ proficiscuntur scholastici doctores, & enarratores artium & linguarum, quæ quasi iumenta sunt disciplinarum superiorum, quas facultates hodie vocant. Sic itaque habere, optimi studiosi, oratores bonos esse eos, qui in Academia, aut schola vobis explicant Dialecticam, Rhetoricam, Ethicam, & cæteras artes, atq; doctrinas. Quid enim aliud est oratoria, siue eloquentia, quam facultas explicandi doctrinas utiles, & necessarias? Idque non solum, sed honorem etiam illis habere, qui tantis τοῦ λόγου ministris debetur. Tum parate vos omni diligentia, cura, atque labore, vt & ipsi talem facultatem explicandi artes necessarias vobis acquiratis: Et media, quæ ad eam ducunt, vtraque manu amplectimini, quæ sunt auditio frequens professorum, repetitio, lectio, & exercitatio. Per hæc enim siue facilia, siue difficilia eundum est, nec sine his ad eloquentiam peruenire vllus poterit.

Videbimus iam porrò politicos oratores, an & ipsi ἀπὸ τοῦ λόγου nomē, & officium suum acceptum habeant. Hoc diser-

tè af-

tè affirmat Scriptura: Est enim hæc viua,
 & genuina vox sapientiæ apud Salomonē,
 quæ verè est λόγος patris, & orator, mo-
 deratorque consiliorum, actionum, atque
 successuum in politijs honestis: Penes me
 inquit, consilium, & successus est, intelli-
 gentia, & executio: per me Reges regnant,
 & iudices iusta decernunt. Audis orato-
 rem dantem & gubernantem honesta
 consilia Regum, & Principum in politijs.
 At quo modo ipse λόγος est Archicancel-
 larius, & orator dictans, & exequens bo-
 na, iusta, & honesta consilia. Per quæ me-
 dia, siue adminicula? per ministros suos,
 qui ἀπὸ τοῦ λόγου vocantur λέγοντες, di-
 centes, sicut Prophetæ vocabantur viden-
 tes, quasi dicas prædicantes, seu concio-
 nantes. Sic enim in Rep. Attica nomina-
 bantur hi, qui consilio, & eloquentia sua
 bonam, magnamq; partem negotiorum,
 & actionum regebant, & quæ facienda
 Reip. essent, monebant, an non necessarijs
 verò, & nocentibus abducebant. Talem
 Demosthenē fuisse accepimus, itē Æschi-
 nem, Lysiam, & horum similes, quorum
 industria domi militiæque eminuit, vt ex
 frequentibus concionibus ducum apud
 Thu.

ORATIO XIX.

Thucydidem, Xenophontem, & Liuium constat. Eosdem suos facit Reges ac duces Homerus, quippe quos identidem insigni nomine vocat ἀγορευταί, concionatores, vel oratores. Qualem nobis describit Nestorem, Vlyssē, Menelaum, Phœnicen, & ceteros qui, dignitate & auctoritate alijs antecelluerunt: quasi non alia res sit, quæ magis ornet, deceatque Principem virum, quàm dicendi facultas. Quo enim quisque oratorum grauius, disertiusque concionatus est, eò plus laudis illi Homerus tribuit. Discernit etiam hos suos concionatores formis, siue characteribus dicendi, ferè vt nos in scholis solemus. Nestori suauitatem mirificam assignat, vtpote cuius oratio difficilissimam illam societatem grauitatis cum humanitate consecuta sit. Vlyssi vehementiam, & quasi flumen quoddam orationis cum impetu decurrentis, & oculis, animosque audientium, quo vult impellentis, vnde autem vult, deducentis. Menelao autem lenitatem & breuitatem Laconicam cum proprierate, & suauitate coniunctam. Ex qua quidem descriptione vtrumque cognoscimus, & Principes Græcorum nullare, quàm eloquentia excellere maluisse, & filo orationis dissimili vsos esse

esse. Quòdeoprodest nibis scire, vt & iudicare de oratione aliorum rectius discamus, & de nostra facilitate minus desperemus: etiamsi non omnibus numeris, ac partibus expletam cumulatamque orationem conficere possimus.

Alium alio natura ducit. Quidam ita facundi sunt, vt naturali quasi quadã bonitate, & facultate fluere ipsorum videatur oratio. Nonnulli magis sunt aridi, & inopes, vt non sine conatu, & studio magno verba exprimere queant. Vtrique sciant, iam olim etiam idem vsu venisse magnis oratoribus & quidem vtramque facultatem sua tamen laude non carere.

Vlysses quidem amplus, ardensque orator erat, & admirabatur eum, suspiciebatque totus exercitus. Verùm nihilominus suam etiam gratiam, laudemque inueniebat, ac merebatur succincta, ac lenis oratio Menelai. Sic & vos, studiosi carissimi, si Vlyssream copiam minus attingere poteritis, datæ operam, vt breuitatem Menelai saltem assequamini, & laude oratio vestra non carebit. Decet enim non artifices solum, sed communes etiam, & mediocres oratores honore afficere, qui cogitata, & sensa animi sui verbis perspicuis, planis &
ad

ORATIO XX.

ad res ipsas accommodatis, possunt ef-
 ferre. Huiusmodi *ἡμυγόρῃς* desiderant
 nunc aulæ Principum, curiæ ciuitatum,
 requirunt iudicia, expostulant omnes pe-
 nè huius vitæ ciuilibis partes atque mûnia.
 Cùm enim perpetuæ & copiosæ orationis
 vsus hodie non adeò frequens sit, vt fuit o-
 lim in Repub. Attica, & Romana: breuioribus
 orationibus fermè causæ negociaq;
 omnia expediuntur. Iam quot sint princi-
 pū aulæ, quot politiæ, quot iudicia, quot
 cōmunitates inter homines videris, qua-
 rū nulla est, quæ nō *ἡμυγόρῃς* aut *ἀγορᾷ*
τᾷ se flagitet. Necesse est igitur vos, stu-
 diosi amantissimi, ad hunc necessarium
 Reip. vsum vestra studia, atque conatus o-
 mnes referre, vt inferuire aliquando alicui
 parti Reipub. vnusquisq; possit & dicendo,
 scribendoque res, & causas quæcunque in-
 cidere possunt, aut solent, tractare, atque
 explicare, dubia discutere, lites dirimere,
 controuersias componere, & quæ iusto iu-
 dicio decreta cōstitutaq; sunt, cōmoda ora-
 tione exponere. Quid? quod neque pri-
 uata gubernatio domus cuiusque dicen-
 di facultate carere potest, siue enim quid
 cum altero agendum est, siue libri & sa-
 mi-

milia regenda : oratione vti plena , & euidenti necesse est. Qui cum altero agit , parum proficiet , nisi id , quod sentit , politè eloqui possit. Qui respondere alteri necesse habet , siue coram , siue scripto : neque inimicos placabit , nisi sermone molli vtatur : neque molles , & ignauos excitabit , nisi orationis sonum grandiorē vsurpet . Quid verò faciet paterfamilias , nisi nunc verbis asperioribus contumaces liberos , atque domesticos obiurget , & reprimat , nunc languentes ac dimissos ad alacritatem exuscitet ? Ita sanè fit , vt ne priuata quidem domus carere possit oratore , sed vsque quaque dicendi facultate opus sit. Quæ cum ita sint , Studiosi , cognoscitis , tam necessarium esse eloquentiæ studium , vt omitti à nemine vestrum debeat , nisi sine damno maximo negligi ab vllō possit. Quid igitur ? dubitabitis toto pectore in hoc studium incumbere , & adiumenta ea , quæ ad consequendam hanc facultatem ferunt , sedulò , diligenterque colere ? iam parandi opportunitas datur : Ea igitur vmini. Iam præcepta audire potestis : Ea igitur audite : Iam exempla autorum viua proponentur
ante

ORATIO XIX.

ante oculos: ea igitur amplectimini. Iam ratio, & artificium omne orationis formandæ vobis monstrabitur: Adeste igitur, ut percipere animis, ac comprehendere memoria possitis.

Cæterum, ne quis putet fortè, me hîc de quibusvis Oratoribus loqui, quorû magna pars pestem sese, perniciemque Ecclesiæ, & Reipub. præbet: sic habete, longum intervallum inter Oratorem salutarem & perniciosum esse interiectum. Habuit omnibus temporibus Ecclesiæ suos Oratores, sed multum disiunctos ac dispares: cum tamen omnes Oratores dici & haberi voluerint. In Constantinopolitana Ecclesiâ concionator erat Nestorius, *φυσικὸς εὐλαλος*, ut Socrates narrat, id est, naturali facultate loquendi præditus, sed bonus, & salutaris Orator non erat: non quidem propter loquendi donum, sed quod cum inscitia arrogantiam & ambitionem intolerabilem coniungeret. Sic enim scribit de eo Socrates: Eruditum quidem se esse existimabat, cum reuera esset indoctus. Et veterum libros interpretans, turpe sibi ducebat discere. Tumens enim suauitate sermonis non, accurratè perpendebat, quæ à veteribus essent tradita, sed, seipsum cunctis anteferebat

referrebat. Haftenus Socrates, cuius verba
 eò recitavi, vt causa perſpiceretur, cur elo-
 quentes etiam interdum Eccleſiæ peſtes
 fiant, quàm in Neſtorio nullam aliã fuiſſe
 audimus, niſi meram inſcitiam, & foedam
 ambitionem. Haſ igitur peſtes eloquentiæ
 eſſe ſciamus, eaſque tanquam faces diſſi-
 diorum, & horrendiſſimorum malorum,
 vel potius, vt furias infernales vitemus. Et
 ſi autem Theodoretus author Eccleſiaſti-
 cæ hiſtoriæ grauiſſimus, affirmat Arrianos
 hæreticos fuiſſe ἀπαθεύτας, ἀκατηχί-
 τας, καὶ ἀνασκήτας, ineruditos, rudes, & in-
 exercitados, à quibus funeſtum dogma
 de filio Dei, quaſi non ab æterno fue-
 rit, ſed aliquando eſſe cœperit, in Eccleſiam
 Græcam inuectum, & longè lateque diſſe-
 minatum eſt: Tamen vidit etiam hæc no-
 ſtra ætas nōnullos alioquin eruditione &
facundia præſtantes, qui dogmata perni-
 cioſa ſuſcitarunt, vel ſuſcitata ab alijs acer-
 rima contentione defenderunt, & latè di-
 ſperſerunt. Vbi, ſi eloquentiam accuſare
 vellemus, magnam iniuriam autori Elo-
 quentiæ τῷ λόγῳ faceremus. Itaque poti-
 us petulantiam accuſemus, & malitiam
 eorum, qui magnarum vtilitatum cauſa
 conceſſam hominibus eloquentiam ad

ORATIO XX.

nefarios vsus conuertunt. De quibus si verè iudicare volumus, reperiemus eos nulla re magis, quàm τῇ φιλοτιμίᾳ καὶ κενῇ δόξῃ, vt Theodoretus de Arrianis ait, excatos tam ingrata Deo facere, & tantum perniciem Ecclesiæ adferre. Sciamus igitur, sobriè & non nisi religiosa fide, ac pietate hoc dono vtendum esse: ne nobismet ipsis cōfidentes, à duce & moderatore nostro, filio Dei, deseramur, & tanquam nauis, amisso gubernatore, ventis relinquamur, & in errores horrendos, & inexpiables prolabamur. Id ne fiat, cum studijs eloquentiæ crebros, & arduos gemitus, suspiria, vota, & preces coniungamus, & à filio Dei ipsi nos regi petamus, vt veras sententias assequamur, & conceptas firmiter retineamus, ne eas petulantia, aut ambitione vlla iterum effundamus: sed constanter vno ore & animo, quæ recta sunt, sonemus, tueamur, & dicamus. Aderit nobis ita precantibus absque omni dubitatione filius Dei, facietque nos vasa misericordiæ, & organa Ecclesiæ suæ, & nobis ipsis salutaria: modò ipsi cōscientia pura, & fide sincera inseruiamus: nec gratia, fauore, potentia, minis, atq; periculis vllis nos commoueri, atq; deflecti sinamus. Hæc

enim qui pluris facit, quàm veritatem, qui est ipse λόγος: dicendi professionem mirè deformat, & illiadem malorum, errorum, atq; lapsuum sibi, & alijs acerfit. In Repub. Attica tantus Orator erat Pericles, vteius eloquentiam Athenæ ipsæ admirarentur: sed salutaris eius eloquentia non fuit: Vnde ab Aristophane Poëta fulgurare quidem, & tonare, sed permiscere Græciam dictus est. Demosthene in eadem Repub. nihil erat disertius, sed consilium eius de defendenda Græcia aduersus Macedones, quod multis orationibus præclaris exposuit, infelix fuit, quia diuinitus non iuabatur. Quamobrem etiam in politijs hoc adiumento opus est Oratoribus, vt se regi petant diuinitus à λόγῳ, qui eloquentiæ omnis ἑξάρχῃ est, moderator, atque præbitor.

In scholis reperiuntur etiam nostratate, qui omni quidem laude cumulati Oratores haberi possunt: sed iure in illis reprehenditur maledicendi libido, & petulantia conuellendi veterum inuenta: qui si vela orationis suæ non nihil vellent contrahere, & ab aliorum reprehensionibus sibi temperare, plus utilitatis adferrent scholis, & minus inuidiæ reperi-

ORATIO XX.

rent. Verùm cùm istiusmodi digladiari propositum mihi hoc loco non est: attingere tantùm eos volui, vt ostenderem modestiam, & verecundiam in Oratore requiri, petulantia verò, & maledicendi studium Deo & hominibus inuilem esse. Sit apud nos sancta autoritas scriptorum, quibus tot sæculis omnes docti sunt vsi: nec facile nos abduci patiamur, vt cornicum oculos cõfigamus, & ingrati in nostros maiores fiamus. Quin in mediocriter etiam traditis acquiescamus, & si quid possumus vel melius vel abundantius, id liberali pectore, siue cuiusquam obiurgatione, atque offensione, cum alijs communicemus. Hoc modo si eloquendi dono vtemur in scholis, grata erit oratio nostro τῷ λόγῳ Christo, utilisque & salutaris auditoribus. Talem facultatem vobis quoque parare studete, studiosi, Deo & Musis cari, qua doctrinas salubres artium, & disciplinarum planè, diserteq; possitis explicare. A calumniandi verò libidine abstinendum esse omnino vobis persuadete: quod nec sanctum sit conuicium facere alijs, nec ad erudiendos alios quicquam profit. Parate vobis sobriam, castam, moderatam, & sim-

& simplicem dicendi, scribendiq̃ue copiam, & studete res proprijs, & ad rem maximè accōmodatis verbis enunciare: candoris verò ac ruboris fucati medicamentum omnia in oratione fugite. Verùm de his alizerunt scholæ, cū præcepta artis dicendi, & Orationes Ciceronis vobis exponantur. Hæc verò, quæ dixi, eo pertinent, vt ad amorem eloquentiæ incendamini, & cupiditate, frequentiaq̃ue maiori explicationem eius artis, quæ eloquentiæ præceptiones tradit, audiat. Quod vt faciatis, vos omnes per gloriam Dei, & filij ipsius λόγος, ducis ac magistri Oratorum & Concionatorum Ecclesiasticorū, scholasticorum, & politicorum obtestor, & oro. Idq̃ue facietis alacrioribus animis, si, vt reuera est, λόγον hunc in medio nostri cœtus esse semper cogitaueritis, & tantum non edita voce monere vnumquemq̃ue vestrum, vt eloquentiæ studia magnificiatis, seduloq̃ue colatis: quo vti vestra opera possit, non multò post in explicatione magnarum rerum Ecclesia & politia. Tantum igitur præsidem & moderatorem studiorum eloquentiæ nolite contemnere, sed piè reuerenterq̃; suspicite, veneramini, & quod maximum est, monitis illius cer-

ORATIO XX.

tatim optemperate. Is faciet, mihi credite, ut frustra nihil audiatis, sed omnis vestra opera, & labor felix sit, & fructum copiosum suo tempore afferat.

Te fili Dei, λόγος & imago Patris tui & nostri Orator, & interpretis mēis & voluntatis Dei erga nos, incensis pectoribus gemitibusque, & votis ardentibus oramus, & obtestamur, ut studiorum nostrorum dux & moderator esse velis, nostramque orationem diuino tuo numine sic formes & singas, ut praeceptis institutisq; tuis sanctissimis congruat, & te verum Deum, cum Patre tuo, & Spiritu coeterno, & coessentiali ritē celebret. Custodi hunc cœtum scholasticum docentium & discipulorum, eumq; in dies singulos tuis donis auge & orna. Fac nos vasa misericordiae, & palmites propagatos ex te salutare nobis, & Ecclesiae. Concede pacem & tranquillitatem, conciliatricem & conseruatricem studiorum, Auerte dissidia & bella, propulsa à nobis furias illas, quæ ardentes faces ministrant, atque præferunt ad turbandum Ecclesiam, & vastandum scholas. Fac ut vnum simus tecū, quemadmodum tu cum patre vnum es, flecte mentes, voluntatesque nostras ad veram moderatio-

rationem, æquitatem, & comitatem: vt
 tanquam orbes cœlestes miris anfractibus
 sibi mutuo cedunt, quo harmoniam su-
 am tueantur, & cursum ordinatum perfici-
 ant: sic nos alius alij cedamus, & concor-
 diam omnibus veræ humanitatis, pietatis-
 que officijs sic tueamur, vt sine gemitu, &
 querelis officij munus suo loco quisque
 exequatur, & tu cum Patre tuo, Spirituq;
 sancto, cum vniuerso angelorum choro,
 honore & lætitia afficiaris: contra verò ho-
 stes, si qui sunt, dolorem capiant, & vel
 rumpantur, nisi placatiores esse velint, & a-
 liquid, de odij sui acerbitate remittere. Sis
 etiam huius professionis mex, cuius hodi-
 ernus dies lætum dedit initium, tu ἀρχι-
 γός, incoator, & dux, sis τελεσιργός,
 perfector, & consummator, sis denique
 βεβαιώτης μόνιμος, confirmator, stabili-
 ens totum opus: vt tibi honori, Acade-
 miæ utilitati, & studiosis omni-
 bus emolumento esse pos-
 sit. Dixi.

ORA

Oratio XXI.

DE DIALECTICA PHILIPPI MELANCHTHONIS,
Anno Christi 1579.

NVNQVAM credidi fore, viuo Philippo Melanchthone, tam benè de Ecclesia & scholis merito, vt utilissimus eius, & verè aureus libellus Dialecticæ, ipso mortuo, in crimen contentionemque vocaretur. Quid enim est ab vilo vnquã scriptum in hoc genere, si quidem breuitatem spectes nervosius, si ordinem concinnius & aptius, si perspicuitatem, dilucidius & planius? Equidem præcepta ipsa non aliunde, quàm ex veris, integerrimisq; fontibus hausta sunt. Exempla verò quæ ad illustrandum præcepta adhibentur, Deus bone, quanta copia, varietateque doctrinæ discentes instruunt? Quod si ordinem etiam quæris, ex Aristotelis organo, quo hactenus omnes scholæ & Academiæ certim vsq; sunt, is in omni parte expressus atq; decerptus est. Quæ est igitur insania nostri seculi, aut quis furor horum temporum, vt vel verbis extenuare aliqui, vel factò ipso imminuere dignitatem huius libelli audeant? Etenim cùm complector animo,

du-

duplex hominum genus, à quibus Præceptoris nostri Dialectica inuaditur, reperio: Vnum, quod præcepta impugnare audet, nescio propter quam prolixitatem, confusionem, aut *ταυτολογίαν*. Alterum eorum quos non pudet exempla ex medio, vel potius ex visceribus disciplinarum maximarum selecta, dente maledico carpere. Qui præcepta cauillantur, tenuia ea esse nimis suspiciosè arguunt, multa que continere superflua, quorum vsus nullus sit in hac arte, nec ordine satis apto tradi fingunt. De exemplis verò queruntur nonnulli, nimis ea esse ad Theologiæ studium directæ & grandiora, quàm vt incipientibus hanc artem cognoscere conueniant.

Et si autem ea defensio omnium optima est, quæ non verborum copia, sed rerum ipsarum grauitate, atque testimonio nititur: & absque meo patrocinio Dialectica Philippi à sanis, & rectè sentientibus omnibus, magni æstimatur: tamen non tam laudandi causa, quam vindicandi à calumnijs, orationem de ea breuem & verecundam habere instituiam. Confido autem satis propugnatum iri hunc librum, si præcepta primùm ex veris fontibus hau-

ita esse, iustoque ordine exponi, planum fecero: tum exempla eiusmodi omnino esse demonstraui, ut artem hanc, eiusque usum omnem illustrent, & meliora nullus in hoc genere hactenus usurparit, neque adhuc adhibere quisquam possit. Ita duæ partes orationis meæ erunt, quarum prior de regulis, posterior de exemplis aget.

Præcepta dico in hoc libello, omnium optima, & saluberrima esse, primum quia ex Aristotele excerpta sunt, & cum eiusdem Organo Dialectico congruunt. Ac de Aristotele quod dixi, nolo in controuersiam disceptationemque ab ullo vocari, quin artifex sit ille atque Magister huius artis, omni exceptione maior. Id quod concedi mihi tribuique cupio, perinde ut Geometrarum quædam dari sibi concedique postulant, quod facilius id quod volunt explicent atque obtineant. Non enim patrocinio ullius eget Aristoteles: neque is ego sum, qui patronum, propugnatoremque tanti auctoris, cuius à tot seculis inuicta inuiolataque fuit autoritas, me constituere debeam. Equidem verè si iudicare volumus, ipsa fundamenta artis differendi labefactatis, qui Aristotelis Dialecticam conuellit, aut vituperandam censet. Nec principia

pia alia Deus ipse mentibus nostris inse-
nit, ex quibus Dialecticæ præcepta extrui
possint, quàm quæ Aristoteles in Organo
exposuit. Ut igitur contra negantem prin-
cipia disputandum non esse omnes sani iu-
dicant: Sic nec Aristotelis Dialecticæ vi-
tuperatores operosè refutandi sunt, sed
tanquam insani explodendi.

Iam igitur hoc fundamento iacto, vi-
deamus quomodo ex vniuerso Organo A-
ristotelis, fragrantissimos flosculos decer-
perit, nolter Philippus, eodemque ordine
sua præcepta explicarit, qui in fontibus
continetur. Orditur enim Philippus cum
Aristotelis Organo Dialecticam à primis e-
lementis, hoc est, à vocibus simplicibus,
ut Grammatica incipit à literis. Hinc adeò
fit, ut in ipso vestibulo huius libri doctrina
de prædicabilib. quæ nihil aliud sunt quàm
simpliciū vocabulorum gradus, tradatur.
Cum autem talis vocabulorum distinctio
omnis, prædicationum modis inseruiat:
mox post prædicabilia, quomodo vna vox
prædicare de altera debeat, ostèditur. Tum
prædicamentorum doctrina attexitur,
quæ artificio admirabili genus in cuiusq;
vocabuli explicatione, tanquam in tabella
exhibet.

ORATIO XXI.

At quorsum hæc de prædicabilibus & prædicamentis? huc videlicet, vt ex illis tanquam minutis particulis definitiones, diuisiones, propositiones, & tandem argumenta ipsa conficiantur. Quid enim definit aut componet is, qui vocabula atque particulas, ex quibus conflatur definitio aut propositio, paratas atq; expeditas non habet? Necesse igitur fuit in ipso vestibulo Dialecticæ, doctrinam prædicabilium & prædicamentorum collocari. Sed cur questionum diuisionem, statim in principio Dialecticæ ponit Philippus? Vbi ea in Aristotele reperitur? Respōdeo in ipso quoq; vestibulo Organi, nepe in prima diuisione quæ sic se habet: Eorum quæ dicuntur seu enunciantur, alia sunt cōiuncta, alia simplicia, iam quid sunt simplicia nisi singula vocabula? vt Cœlū, Terra, &c. Quid sunt cōposita vel cōplexa, nisi integræ propositiones? Hactenus itaq; Dialectica Philippi cum Aristotelis ordine cōgruit, eodē enim modo vterq; initia huius artis ponit, & clauem discantibus ad aperiendū fores totius Dialecticæ porrigit. Vt autem acumen atque solertia Aristotelis in inueniendo, sic lumen atque facultas Philippi in explicando singularis est & admiranda. Quis enim

enim maiori luce, atque perspicuitate prædicamentorum vsum monstrauit, quàm noster Philippus? Tenebræ sunt meræ, quæ ab alijs in hoc genere tradita sunt, & adhuc traduntur, nisi lumen à Philippi Dialectica accipiant.

Sequitur in libello Philippi definitio. At hæc in Aristotele vbi locum habet? Respondeo in analyticis posterioribus. Quid enim hæc tractant aliud, quàm de demonstratione & definitione? Ipsa verò definitionum doctrina, in libello Philippi, quàm est dilucida? quamq; apta breuitate vniuersam definiendi rationem completitur? Fateor autem non omnes definitionum formas, quæ in hoc libello retententur, inueniri in Aristotele posse: sed interim tamen nihil est à Philippo additum, quod aut tanquam inutile, aut redundans, atq; superfluū reijci possit. Quæ enim ex commentatoribus Aristotelis, Boëtio præsertim adiectæ sunt definiendi formæ, vsum certum & quidem amplum in omni ferè explicatione doctrinæ artium, & disciplinarum habent. Nec vllò sanè modo, reprehendendum est, hoc augendi præcepta artis studium, vnde euidentis vtilitas emanat. Etsi enim Aristoteles copiosè, tenuissima

simam quæque in hac arte persecutus est: tamen non ita plenè perfectèq; omnia enodavit, quin usus consequentium ætatum, & nostri etiã sæculi aliquid requirat, quod in schola Aristotelis fortasse desideravit nemo, quod eodem modo de diuisionum formis à Philippo nostro commemoratis affirmare possum: non eas quidem omnes extare in Aristotele, sed tamen cùm à recentioribus excogitatæ sint magnarum utilitatum causa, iure optimo in Philippi quoq; Dialecticam infusæ sunt. Quod qui negat, aut impugnat, manifestam ille utilitatem disturbare existimandus est. Nec est, quod quisquam mihi superfluitatem in hac parte obijciat: cùm nihil sit superuacaneum, nec quicquam, quod usum nõ habeat, in ea reperiatur.

Additur tandem etiam tanquam 'Ἐπιλογισμὸς doctrina de vocibus simplicibus, doctrinæ de Methodo, quæ nihil est nisi cõpendiaria & recta via explicandi voces, seu terminos simplices, nempe per definitionem, diuisionem, causas, effectus. cognata, pugnancia, quo usus doctrinæ hactenus de prædicabilib. prædicamentis, de definitionibus, & diuisionibus traditæ declaratur. Suntq; hæ ipsæ quæstiones omni ex-

parte ex Aristotele decerptæ, præsertim ex secundo Analyticorum posteriorum, ac congruunt cum his, quæ Cicero in 3. de Oratore recensuit. An sit, quid sit, quare sit, quæ causæ, qui effectus. Quo circa nec ista Dialecticæ Philippi particula, reiicienda est, sed pro riuulo potius fontis Aristotelici habenda.

A vocum simplicium doctrina transit Dialectica Philippi ad contexendarum propositionum artificium. In hunc enim usum termini simplices traduntur, ut ex eorum compositione aut diuisione, propositiones conficiantur. Ac ex compositione quidæ affirmatiua, ex diuisione verò propositio negatiua gignitur. Est enim componere subiectum cum prædicato copulare, ut aurum est metallum: homo est conditus ad cultum Dei, & usum proximi. Diuidere verò est prædicatum à subiecto diuellere, siue disiungere, ut: mundus non est æternus. Anima non interit cum corpore. Eodem prorsus modo Aristoteles post *ἡγεμονίας* vtilem tractatū *τῆς ἐπὶ προτάσεως*, id est, de propositione instituit. Est enim interpretatio hoc loco Aristoteli nihil aliud quàm propositio, vel enuntiatio, cogitata mentis exprimens atque declarans.

Quan-

ORATIO XXI.

Quanquam bona etiam pars doctrinæ huius explicatur in primo Analyticorum priorum, ubi artificiū retexendi aut resol- uendi syllogismum in propositiones, & eas rursus in partes suas, subiectum nimi- rum & prædicatum monstratur. Iam co- gita, quantam lucem attulerit Philippus huic doctrinæ de propositionibus, & quàm perspicuè dextreque multas quæstiones ob- scuras, & intricatas de modalibus propo- sitionibus de necessitate, de cōtinentia, de æquipolentia, oppositione modalium pro- positionum, & futuris contingentibus e- nodarit. Profectò tantū est in his capitibus eruditæ & salutaris doctrinæ, nihil ut dici posse existimem vel luculentius, vel usu ipso vberius. Penè dixerim fontes per hæc aperiri explicationis multorum vtilium capitum in Physica, Ethica & Theologia.

Vt autem ex vocibus simplicibus pro- positiones, sic vicissim ex propositioni- bus argumenta conficiuntur, Est enim nihil aliud argumentatio, quàm ex pro- positionum artificiosa connexione iusta conclusio, ad confirmandum aut refutan- dum aliquid accommodata. Hanc ipsam ob causam in organo Aristotelis post li- brum *τῆς ἐρμηνείας* sequuntur duo libri

ana-

analyticorum priorum, qui toti in hoc consumuntur, ut argumentationis formas explanent. Merito itaque in Philippi etiam libello, absoluta propositionum doctrina, mox argumentandi artificium in libro tertio monstratur. Fateor autem plures multò species argumentationis à Domino Philippo, quàm ab Aristotele tradi, quippe qui duas tantùm ponit, syllogismum & inductionem: cùm Philippus quinque numeret, & Aristotelicis formis Enthymema, Exemplum & Soriten adijciat. Non tamen ideo dissentire Philippi doctrinam in hac parte ab Aristotelica putandum est. Nam quas Aristoteles argumentationis formas præcipuas generatim & vniuersè constituit, eas Philippus diffundens, in plures species, lucidioris doctrinæ causa distinxit.

Errat enim si quis putat Aristotelem Enthymema ab argumentatione excludere: cùm Enthymema ipse definiat, & syllogismo includat. Nihil enim differt Enthymema à syllogismo, nisi defectu alterius præmissarum, quando vel maior vel minor breuitatis aut infirmitatis causa occultatur atque omittitur. Quod eodem modo de exemplo dici potest, quod & ipsum

q ab in-

ORATIO XXI.

ab Inductione nulla re distat, nisi imperfectione. Vt enim Enthymema imperfectus syllogismus, sic exemplum imperfecta induction est. Quid de Sorite dicam, qui neq; ad syllogismum, neq; ad inductionem quadrat? Fateor quidem hunc in argumentationis numero nullo esse apud Aristotelem: sed semina tamen illius sparsa ab Aristotele sunt in Canone, qui in antepredicamentis de conexione vocum necessario coherentium recitatur. Sic nec de hypotheticis syllogismis doctrinam ex professo Aristoteles tradidisse videtur: nihilominus tamen, quia necessaria Dialecticæ pars est: partim ex vestigijs, quæ in Aristotele reperiuntur, partim ex Boëtio assumenda nostro Philippo fuit. Quia itaq; partim eundem Aristotele ipso, partim cum Boëtio interprete & commentatore Aristotelis congruit hæc pars, & usum habet magnum in omni ferè doctrina: causa quaerenda non est, cur in suam Dialecticam Dominus Philippus transtulerit. Consequentiarum porrò regulas tot, nempe viginti, vnde decerpserit autor noster fortè miraris. Sed neq; de his ipsis est, quod quisquam dubitet, quin ex ipsis visceribus Organi Aristotelis sumptæ atq; expressæ sint.

Superest liber quartus Dialecticæ Philippi, cuius ut tres sunt partes primariæ, ita ex tribus voluminibus Organi Aristotelici delibatæ sunt. Quæ enim in vestibulo huius libri de demonstratone Dominus Philippus aspergit, tanquam flosculi sunt de medulla posteriorum analyticorum Aristotelis decerpti. Loci verè inuentionis, qui in secunda parte quarti libri exponuntur, an non riuuli sunt fontis vberissimi, qui in topicis Aristotelis continetur? Certè hi à nostro autore tanta luce verborum explicati sunt, ut & Aristotelem omni penè ex parte redoleant, & ad nostros vsus planè apti & quasi sculpti esse videantur. De fallacijs, quæ partim sunt τῶν ὁρίων λέξεων, partim καὶ τῶν λέξεων, dubium sanè nemini esse potest, nisi qui Organum Aristotelis nunquam vidit, quin ex libello περὶ ἐλέγχων σοφιστικῶν Aristotelis omnino effictæ sint. Inserta est Domini Philippi libello utilissima doctrina de modo seu artificio dissoluendi vitiosa argumenta, quæ & ipsa ex corpore Organi Aristotelici tanquam succus quidam salubris emanauit. Tandem addita est appendix, vel corollarium, siue προαθήκης μέρος de paruis

q 2

logi-

ORATIO XXI.

logicalibus, quod commentum quidem scholasticum est, in scholis scilicet superiorum temporum, neque temerè tamen, neque in vtiliter vsurpatum: quia de vobus nonnullis, & loquendi modis lectorem commonefacit.

Ex hac breui commemoratione apertum manifestumque est, eodem ordine prorsus tradidisse nostrum Philippum suam Dialecticam, quo artifex in hoc genere suum organum tractauit Aristoteles. Neque alia etiam sunt præcepta, quæ in libello Philippi extant, quàm quæ iam olim ab ipso Aristotele nobis relicta sunt. Cùm ergo tantus sit vtriusque auctoris, ipsius nempe artificis Aristotelis, & nostræ apiculæ, Philippi Melanchthonis consensus: vituperari aut labefactari vnus opus non potest, nisi eodem motu impugnetur etiam, aut corruat alterius.

Iam verò certum est methodum *συνθετικὴν*, qua vterque suam Dialecticam conscripsit, huic arti tradendæ omnium esse conuenientissimam, quis enim negare potest, quin vnum in vnoquoque genere prius sit multis? & simplex ipsius naturæ ductu, atque ordine antecedit compositum? Rectè itaque primo loco in Diale-

Dialectica nostri auctoris, æquè atque in Aristotelis organo, simplicia vocabula in prædicabilibus & prædicamentis, tum etiam in definitione, diuisione, & methodo explicantur. Tum in secundo libro compositio & diuisio, hoc est, connexio & distractio vocum per propositiones affirmatiuas & negatiuas ostenditur. Tertio autem loco ipsarum propositionum coagmentatio iusta & ad conclusionem accommodata, secundum argumentationis leges, exponitur. Postremo, vt ad corporis cuiusque vitam atque motum naturalem necessaria est anima: sic ad syllogismum, aut aliam quamcunque argumentationem opus est medio termino, qui est ipsum argumentum, siue causa probationis aut confutationis. Hic ergo vbi & quomodo inueniendus aut eruendus sit, in libro quarto auctoris nostri commodissimè docetur. Sic ergo & naturæ ipsius ductui, & diuino actionum mentis nostræ ordini congruenter tota doctrina Dialecticæ in hoc auctore nostro procedit: vt qui ordinem hunc reprehendit, in ipsam naturam, & ordinis autorem maledicta conferre videatur.

At verò videmus in alijs huius artis vo-

ORATIO XXI.

luminibus, neotericorum præsertim, in-
uerti planè hunc ordinem, & ab inuentio-
nis locis incoari Dialecticam: iccirco quia
inuenire prius, quàm componere syllogi-
smos, & de compositis iudicare oporteat,
Calidum profecto inuentum, quod ante
hoc tempus, neq; Aristoteli, neque Philip-
po nostro venire in mentem potuit. Quod
tamen facile quoque concesserim, si prius
hoc docere aliquis potuerit: prius medi-
um siue argumentum esse querendum,
quàm argumentandi artificium didice-
ris, quod cum persuadere potuerit nemo:
quid est, quod recedere velimus ab eo or-
dine, quem Melanchthonis Dialectica
tradit, vt ante omnia argumentatio inte-
gra doceatur, tum demum inueniendi
medij siue argumenti via monstretur?

Sed age, rem ipsa quomodo se habeat,
saltem consideremus. Quid quæso pro-
ficiet is in inuentionis doctrina, qui
τῶν κατὰ τὰς λέξεις vocabula nondum ex prædicabi-
libus & prædicamentis didicit? quomo-
do ex genere argumentū ducet, qui quid
sit genus non didicit? quomodo ex de-
finitione diuisioneq; argumentum eruet,
qui nullas definiendi & diuidendi leges
percepit? Nisi fortè miscere cælum terræ
velimus

velimus, & vna cum locis prædicabilia, prædicamenta, definitiones, prædicandi modos tradere. Quod, quæso, quid aliud fuerit, quam cum ratione insanire? Non confundendo, sed distinguendo artes docentur, & illustrantur.

Cæterum qui propter multitudinem præceptorum fastidio aut satietate quadam à Dialectica Philippi abalienantur, ociosa quædam aspergi, nonnulla etiam præter rem sæpius repeti arguunt. Habent-que hi sua haud quidem reprehendenda Aristotelis præcepta, quæ velut leges in æs incisas accuratè, sancteque seruanda in cuiusque artis explicatione existimant: *ἐν παντός, καθ' αὐτό, καθόλου πρῶτον.* Ad hæc igitur cum non omnia in Dialectica Philippi quadrent: nescio quo opinionis errore, satis magnam causam sibi nactos arbitrantur, cure relicta, commodiores libellos magisque ad præcepta illa sua directos, quærant atque amplectantur. Hinc adeò fit, vt mira varietas libellorum Dialecticæ, & nuper admodum noua quædam, quasi soboles ex Gallia in Germaniam importata sit. Hos ego neque inimicè insectabor, neque acerbè aduersus illos contendam. Axio-

ORATIO XXI.

mata saltem Aristotelica illa nego artium
 tradendarum leges esse proprias : sed pro-
 positionum necessariarum gradus nomi-
 nari multò rectius affirmo. Quocirca ad
 scientias tantum, nequaquam verò ad ar-
 tes & res contingentes detorqueri pos-
 sunt : nisi quis contra auctoris mentem ex
 loco proprio, siue materia subiecta dimo-
 uere, & ad alienum sensum usumq; insano
 prorsus conatu per sophisticam, ad elu-
 dendum Aristotelis doctrinam, & decipi-
 endum imperitiores transferre velit. O-
 ciosa verò ego in Dialectica Philippi nulla
 inuenio, neque aliena etiam arte differen-
 di admiscuisse illum vllò in loco memini.
 Si qua tamen eiusmodi animadvertuntur
 ab alijs fortè, ij suum iudicium relin-
 quant Philippo nostro, nec vitio id ei ver-
 tant, quòd ille sibi iure omni duxit laudi.
 Quòd enim asperit passim popularia ni-
 mis, vt aliquibus videri possunt, & bo-
 num præceptum iterauit, eò fecit, vt usum
 huius artis magis declararet, & quo ad
 eius fieri posset, cum omnibus communi-
 caret. Hanc si quis ociosam *ταυτολογία*,
 aut copiam inertem appellandam ducit:
 nã is facit intelligendo, vt nihil de docen-
 tis munere intelligat. Ego verò facilita-

tem

latem & liberalitatem quandam in docendo nomino, quam Deus peculiari dono ad Dominum Philippum transtulit: & qui docere alios feliciter cupit, hunc virtutem istam imitari, quantum potest, ne utquam pudeat. Dandum est omnino aliquid naturæ excellenti: sic liberior impetus in magnis viris non vinculis illis aut legibus in æs incisus astringi semper volunt: sed quæ habent, quæque sciunt, liberali pectore effundunt. Nec interea tamen metas artis insigniter transeunt. Hoc artificium nos ab ijs discere, non corrigere aut vituperare decet. Quid Socrates fecit apud Xenophontem? quibus verbis Hippia fastidium refutat? cum is quasi irridens dixisset, adhuc ô Socrates, eadem dictas, quæ te dudum audiui prædicantem? Respondit Socrates: quod magis est, ô Hippia, non eodem modo semper dico, sed de ijsdem. Hoc si vitiosum est, habet noster autor cum Aristotele & alijs artificibus commune.

Contra nouitatem verò ex Gallia propagatam, quid dicam aliud, nisi quod Thucydides in ciues suos Atticos pronunciauit? δούλῃς τῶν ἀτόπων, ὑπερόπλις εἰσθότων eos appellans. Quod ipsum vi-

ORATIO XXI.

tium toties etiam in iisdem narrat De no-
sthenes. Quod si nouitatis studium, leuita-
ris argumentum est: haud sanè video, quo-
modo crimen hoc effugere possint hi, qui
Galli illius καυνοτομίαν, καὶ ἀθυροστομίαν
tāto cum applausu excipiunt, & cornicū o-
culos cum eo configere, quàm vestigia vī-
tata, trita, atque probata persequi malunt.
Sed satis mihi de hac parte verborum fe-
cisse videor. Relinquatur ergo hoc in
causa neque in præceptionibus, neque in
ordine tradendi quicquam desiderari, in
hoc libello auctoris nostri posse.

Sequitur ut de altera institutæ diuisionis
parte dicere aggrediar, quæ cum exemplo-
rum copiam, quibus præcepta artis illu-
strauit Philippos, complectatur, summis
viribus in id incumbendum mihi video,
ut vtrumq; probem, & ritè accommodata
esse præceptis exempla, & vsum ad omnes
ferè disciplinas afferre amplissimum. Sunt
autem exempla in hoc libello non vnius-
modi, sed varia pro rerum scilicet varie-
tate, quas Dialectica disertè explicare do-
cet. Ut enim communis est ministra alia-
rum artium, & gubernatrix methodi in
cuiuscunque doctrinæ explicatione: sic
disciplinarum omnium exemplis com-
muni-

munitur etiam utitur: quo viam & rationem tradendi vniuersas & singulas artes demonstret. Itaq; reperiuntur in hoc libello exempla Ethica, Physica, Oratoria, Arithmetica, Geometrica, nonnulla etiam ex Medicina & doctrina legum petita. In primis tamen ex Theologia tot videas deprompta, ut penè ad eam solam digitum intendere, videatur. Neque sunt tamen ista leuia, aut momenti exigui, sed ex ipsis visceribus sumta, & præceptis ritè, ex omni parte accommodata.

De Ethica primùm ut dicamus, quis negat multum lucis doctrinæ toti de moribus accedere per definitionem & diuisionem virtutis in prima specie qualitatis, tum per methodicam explicationem eiusdem in fine libri primi traditam? Etenim qui definitionē virtutis tenet, species nouit, causas, effectus, cognata, pugnancia didicit: an nō iam is totius doctrinæ de virtute, ideam in animo suo conceptam atq; comprehensam habet? Mihi sic videtur, fortes per hæc patefieri ad fontes, hoc est, ad totum Aristotelem & Platonē, quatenus de moribus differunt. Ab Aristotele quidē doctrinam solidam accipimus, sed ex Philippi Dialectica methodum cognoscimus, quæ

ORATIO XXI.

quæ facis instar præluce legenti, & viam omnem monstrat, seriem partium, membra & argumenta exhibet. Quàm erudita est definitio legis naturæ in definitione causali? Quid dicam de affectibus, quorum doctrina per exempla huius libelli sic illustrata & perpolita est, ut & quid sint, ex tertia specie qualitatis, & quomodo distinguere debeant, passim & perspicuis syllogismorum exemplis cognosci possit. Quomodo item ab opinione differat affectus, regula de distinctionum nominibus disertè docet. De fine hominis vix quicquam dici potest luculentius, quàm quod in refutatione syllogismi sophistici, ex sententia Epicuri, & paulò post in exemplo Ethicæ demonstrationis commemoratur. Non libet prouehi longius in hac parte, nequè offendant orationis vbertas.

De Physica porro, quam præclara exempla in hoc libro proponuntur? An non eruditam tabellam rerum in tota vniuersitate existentium substantiæ prædicamentum suppeditat? idq; non solum, sed modum etiam definiendi penè res singulas per genus & differentiam ostendit. Deinde naturalium potentiarum atque impotentiarum quam apta exempla in secunda specie

specie qualitatibus adiecta sunt? Quàm eruditè gradus necessitatis in fine secundi libri discernuntur? Quàm lucidè fontes contingentia aperiantur, & denique fatum Stoicum refutatur? De cometa etiam disputationem magna ex parte sollogismorum exempla passim expediunt. Immortalitatem animæ duo syllogismi in secunda figura demonstrant. Causarum porro in libro quarto tot diuisiones tam perspicuè explanantur, ut totam Physicam ferè illustrent. In sexta diuisione causarum unico argumento commentum Aristotelis de æternitate mundi refutatur. In loco effectuum probatur, Deum esse causam mundi, & quidem intelligentem.

Oratoria exempla quot & quàm illustra hic liber habet? etenim non solum propositionem principalem in oratione aliorum, tum ordine argumenta monstrat: sed cum ipsi etiam scribere aut dicere aliquid volumus, propositionem prius certam constituere iubet, tum argumenta ad eam confirmandam aut refutandam ex locis adhibere. Hinc principalem propositionem orationis Ciceronis pro Milone didicimus: hinc principalem syllogismum Demosthenicæ orationis de Corona inter

ORATIO XXI.

inter exempla sophisticorum syllogismorum reperimus. Sed propero ad reliqua. Arithmetica & Astronomica exempla rariora sunt, sed aliqua tamen, præsertim popularia aspersa sunt. Ex arte Medica insigne est illud de criticis diebus, ut alia prætermittam, quod sub Dialectico syllogismo, libro quarto, recensetur: unde scilicet fiat, ut septimo die plerumque tanta sit naturæ cum morbo lucta, ut alterum ex ijs, hoc est, vel natura vel morbus vincat: nepe ex mutatione humorum, quæ accidit ex accessu lunæ, ad contrarium signum, quod regulariter fit septimo die. In loco de causis quam multæ voces ex medica arte, quot divisiones causarum ex Galeno declarantur? Denique vix potest quicquid esse utilius ad intelligendam Philosophiam, quam discrimen sectarum, quod appendicis loco additur doctrinæ de demonstratione in lib. quarto.

Iam de exemplis ex iuris prudentia sumptis dicturus, non volo quenquam adeo morosè de me iudicare, quasi putem legum doctrinam in Dialecticam transfundendam esse, aut ex ea peti posse. Hoc tantum affirmo, semina quædam perspicua doctrinæ Iuris ex noticijs natura insitis, passim inter alia exempla eminere. Primum
certè

certè definitio illustris Iuris prudentiæ in prima specie qualitatis traditur. Deinde Lex quid sit, & ad quid obliget, in prædicamēto relationis docetur. Quid multa? fontes doctrinæ Iurisconsultorum, prædicamentum relationis continet. De iudicijs, eorumq; partibus, de litigatione forensi, de militia, de speciebus iuris, quàm pia vtiliaq; exempla passim insperguntur?

Hæc omnia quamuis vtilitates magnas adferant, tam ad præceptorum vim, vltimūque intelligendum, quàm ad rerum cognitionem comparandam: tamen illustrius præclariusq; nihil est in toto volumine, quàm Theologorum exemplorum copia atque delectus. Ea enim, vt mihi quidē videtur, bonam partem doctrinæ Christianæ explicant. Initio statim dispositionem Psal. 133. recenset, quæ quasi lumen aliquod de cæteris Psalmis iudicādi præbet. In prædicabilibus modos prædicādi de filio Dei in Ecclesia receptos & approbatos, explanat. In prædicamento substantiæ Dei & trium personarum diuinitatis definitionem recitat, & nomen ὑπόστασις ab hypostasi discernit. In prima specie qualitatis virtutum Christianarum definitiones ponit. In secunda specie genus peccati
origi-

ORATIO XXI.

originalis inquit, quod est impotentia seu defectus & inclinatio praua. In prædicamento relationis baptismi, peccati, fidei, iustificationis, gloriæ Deo debitæ, & gratiæ definitiones luculentas commemorat. In actionis prædicamento sacramentum & sacrificium definit. In prædicamento quando, argumento ex temporis circumstantia ducto, Messis aduentum, contra Iudæos probat. In prædicamento Vbi, argumento ex loci circumstantia ducto, confirmat Ecclesiæ sedem in terris vsq; ad consummationem seculi. In definitione nominis phrasēs nonnullas Pauli, Rom. 6. Esse sub lege, Esse sub gratia. Item Psalmi 110. De torrente in via bibet, interpretatur. In definitione essentiali peccati definitionem repetit, in definitione collecta ex partibus pœnitentiam definit. In commemoratione vtilitatis veræ diuisionis discrimen euidens magistratus politici, & ministerij ecclesiastici exponit. In tertia forma diuisionum partes legis Mosaicæ, & vitæ Christianæ ex Paulo enumerat. In libro secundo vim & naturam multarum propositionum in scriptura sancta, ex linguæ Græcæ & Hebraicæ consuetudine, ac phrasi declarat. Et necessitatem absolutam
à neces-

à necessitate consequentiæ adeò perspicuè
discernit, nihil vt lucidius dici ab vlllo pos-
se videatur. Tum necessitatem illam Stoi-
cam, quàm falso multi omnibus ætatibus
probarunt, funditus euertit. In tertio libro
discrimen libertatis Christianæ & ciuilis
proponit in regula tertia de syllogismis.
Mox in regula quarta propositionem in-
usitatam: Verbum carò factum est, expli-
cat. In quinta propositionem enarrat, de
qua in Ecclesia disputatur: Omnis essen-
tia diuina est Pater: vbi ostendit nomen
essentiæ commune esse tribus personis. In
sexta, refutat falsam opinionem Iudæo-
rum de conseruatione Ecclesiæ scilicet eo
modo, quem ipsi errore quodam fascinati
sibi fingeant. Mox illustri syllogismo
propositionem, fide sumus iusti, declarat,
quam tota penè Ecclesia ante hæc tempo-
ra non intellexit. In secunda figura syllo-
gismorum, modo quarto, ex Ecclesiæ de-
finitione ducto argumento excludit se-
ctam Mahometicam ab Ecclesia. In syllo-
gismo expositorio discernit claves Eccle-
siæ & politicum Imperium, & syllogismū
Christi, Matth. 22. repetit. De reductioni-
bus argumentis duobus ordinem magi-
stratus ruetur. In Enthymemate Abelis
r exemplo

ORATIO XXI.

exemplo docet, quid sanctis siue Christianis expectandum sit in hac & altera vita. Paulo post Salomonis iudicium in controversia duarum mulierum ad fontes reuocat, & de regno Christi, sententiam veram, confutato somnio Iudæorum, exponit. De inductione impium decretum pontificiæ Ecclesiæ de cœlibatu sacerdotum refellit. In exemplo factum Abrahami de immolatione filij discernit ab aliorum factis eiusdem generis, per causas, & paulo post duobus argumentis à Petri exemplo ductis, potestatem Ministerij Ecclesiastici, nō in gladio, sed verbo solo sitam esse probat. Tum contra communionem facultatum argumentum profert. In sorte vsum crucis in Ecclesia, tum argumentum Epistolæ ad Ebræos cap. 7. exponit de discrimine sacerdotij Christi & Levitici, in quarta regula consequentiarum piam tradit solutionē argumenti de concupiscentia. In sexta & septima refellit argumentum ex Paulo malè citatum contra coniugium. In decima de vera sententia dicti Augustini de autoritate Ecclesiæ disserit, & vnde Ecclesiæ autoritas omnis pendeat nempe à Christo autore, planum facit. In Hypothetica copulatiua iustitiam Christianam

stianam cum infirmitate coniunctam in hac vita tota probat. In disiunctiva iustitiâ fidei ex remotione operû legis confirmat.

In quarto libro tribus normis certitudinis in Philosophia disertè addit quartum *κεκτημενον*, patefactionem diuinam, ostēdens aliam causam certitudinis in verbo Dei querendam non esse, præter solum verbum, siue autoritatem Dei dicentis. Mox certitudinem gratiæ Dei, remissionis peccatorum, salutis, & exauditionis precum euidenti argumento demonstrat, contra horrendam dubitationem siue *επιτοχὴν* papisticam & perniciosam quorundam dogma de prædestinatione particulari, In loco definitionis dictum Pauli de gloria explicat. In Etymologia iterum ex. vi vocis euincit certitudinem salutis nostræ: quamuis cor & animus totus trepidet. Paulo post de sententia dicti Christi differit Matth. 5. de effossione oculi. In octaua diuisione causarum rerum à Dauide in mandato munere gestarum causas, item castitatis Iosephi distinguit. In secunda regula de causa finali, fines diuersos petitionis bonorum corporaliū in quarta petitione dominicæ orationis recenset. In loco antecedentium &

ORATIO XXI.

consequentium ex Propheta conuincit non solum mortuum esse pro peccatis nostris Messiam, sed etiam resuscitatum, contra pertinaces Iudæos. Tum ordinem in regeneratione & iustificatione ostendit, in qua mortificatio præcedit viuificationem, angorem consequitur pax. In loco ab impossibili doctrinam Ecclesiæ asserit. De connexis partes legis Mosaicæ, & filij Dei æternitatem explanat. In loco similium exemplo Davidis, docet opera legis moralis, longè anteferenda esse ceremonijs.

Penè defessus sum enumeratione exemplorum. Quocirca ne copia fastidio adhærescat, reliqua prudens omittam. Hæc autem hætenus commemoravi, ut magnitudinem utilitatis Dialecticæ Philippi probarent. Ac si cui ingrata fortè est hæc Theologorum exemplorum varietas, alienamq; putat tractationem ab arte Dialectica, tanquam minus homogeneam, vel κατ' αὐτό, hoc est natiuam & propriam: is hoc responsum habeat: exemplis ad docendam Dialecticam opus esse notis, vtilibus & illustribus. ex quibus vsus artis perspiciatque cognosci possit. Absque hoc enim Dialectica quorsum pertineat haud video.

video. Iam verò cuius doctrinæ exempla
 utiliora, aut illustriora in Christianis scho-
 lis esse possunt, quam Theologiæ? quid
 notius nobis Christianis, aut maiori curæ
 esse debet, quam Christiana religio? An
 non hanc à teneris statim vnguiculis im-
 bibere ipsa professio nos cogit? Quod si
 Aristoteli Geometrica inculcare exempla
 suis discipulis honestum fuit, iccirco quia
 eam artem in primis didicerunt Aristote-
 lici studiosi; quomodo non conveniet
 Christianis usurpare exempla ex doctrina
 ea, quam inde usque à baptismo nostro
 profiteamur, & simul cum lacte ex ore pa-
 rentum præceptorumq; percipimus? Non
 igitur ἐπερογέμεα sunt talia, sed Christianæ
 Dialecticæ prorsus cognata. Est quæ profe-
 ctò ingens donum Philippi, quod ad do-
 ctrinam Christianam penè primus huius
 artis præcepta, tam bellè dextreque appli-
 cavit, Christianamq; adeò Dialecticam ex
 Ethnica fecit. Confer huc aliorum libro-
 rum Dialecticæ exempla: quid quæso ea eru-
 ditionis continent? quàm tenuia sunt &
 angusta? Huius vero nostri autoris exem-
 pla latè patent, sæpeq; integrā aliquam do-
 ctrinam, aut orationē, complectuntur, &
 mirè iudicium informant atq; acuunt.

ORATIO XXI.

Et si autem neque artium confusionem probo, neque Theologiam in Dialectica docendam esse iudico: tamen aspersa & inculcata exempla religionis Christianæ plurimum utilitatis adferre discantibus planè statuo. Nec dubito firmissimè animis studiosorum adhærere exempla definitonũ, distinctionum, & argumentorum præcipuas partes siue capita doctrinæ Christianæ illustrantia atque munientia. Hinc enim fit, ut cum communiter audiatur hæc ars ab omnibus literarum studiosis: communia etiam omnes elementa Christianæ religionis percipiant, & refutare etiam dissentientes ex veris principiis discant. Hinc Iurisperiti, hinc Medici, hinc Politici, qui aliquando Dialecticam philippi audiuerunt, doctrinæ Christianæ elementa norunt, & per omnem vitam in animis retinent: ut iam Theologiæ fundamenta à primis usque annis iaciant, quotquot Dialecticam Philippi discunt. Hanc igitur tam salutarem, tamque liberalem & vberem scientiam religionis Christianæ, quid est, quod gratis animis amplecti, magniq; facere nolimus?

Invident nobis aduersarij religionis tantam felicitatem, quàm nostro Philippo acceptam

ceptam meritò referimus. Et nisi quid me fallit, cœperunt iam tum, aut certè aliquantò post incipiente eodem modo suam Dialecticam tradere: quo & ipsi elementa Theologiæ, vnà cum præceptionibus artis inculcent discipulis suis, & propugnatores religionis suæ in scholis educunt. Ac nisi Romanæ Ecclesiæ edictis arcerentur, obuijs quod aiunt, vlnis, Philippi nostri Dialecticam amplecterentur. Vident enim suos libellos, quotquot ferè scribunt, meras esse tenebras si cum Philippi Dialectica conferantur. Edita est Louanij Dialectica ab Hunneo, in qua quicquid lucis est, id omne ex libello Philippi excerptum est. Ac Philippica exempla si demas, nihil nisi caliginem relinques. Quamobrem gratus sit nobis Philippi nostri labor, eumque virum propter donum summæ perspicuitatis & facilitatis in docendo suspiciamus, veneremur, & amemus, nec diminui eius amorem in animis nostris vllius hominis odio, conuicijs, aut insectationibus patiamur. Philippi enim flosculos tanta solertia, tantoque labore ex tota Philosophia & Theologia decerptos, qui aspernatur aut floccipendit: huius impietatem ipsæ ministræ iustitiæ, Furæ vindicabunt.

ORATIO XXII.

cabunt. Nos quidem o Philippe, & memoriam tui conseruabimus, & gratiam tibi habebimus toties, quoties fragrantibus tuis floiculis fruimur.

Oratio XXII.

DE DIALECTICA PHILIPPI Melanchthonis Anno Christi, 1580.

SVpetiori oratione duo à me satis explicata arbitror, vnum quidem quemadmodum ordo Dialecticæ Melanchthonis cum organo Aristotelis consentiat, vteo ad discendum & docendum commodius nihil esse possit: alterum verò quomodo luce præceptionum, & copia benitateque exemplorum eadem Dialectica Melanchthonis omnes omnium in hoc genere editos libellos superet. Sequitur vt eam in partibus nonnullis ex opinione eorum vindicem, qui sibi materiam probabilem esse datam ad detrahendum aliquid de illius dignitate atq; vtilitate arbitrantur.

Non enim quiescit Satanass, nec patitur deesse homines, qui simplicitatem & lucem admirabilem in hoc Dialectico libello

bello impugnent. Scilicet ardet odio simplicis veritatis, furit verò cupiditate Sophisticæ. Et quia Spiritus est & Princeps caliginis ac tenebrarum, offundere tenebras rebus cunctis, & miscere omnia conatur. Quo igitur intolerantius audacia & furor eius in nostra perniciæ bacchantur: eo vigilandum est nobis acrius, ut declinare eius insidias possimus, & quam accepimus à Deo præceptores diuinos lucem doctrinæ ac literarum custodiamus. Quod sanè fieri minimè potest, nisi accuratè moneantur, ac probè muniantur discentes contra tot hostis astutissimi technas, quibus adoriri nos solet, & nisi cauemus, in errorem præcipites dare.

Cùm autem dico cauendas esse insidias, non vitupero aut reijcio penitus omnem lectionem libellorum logicorum, quicunque tandem sint, veteres aut recentes. Id enim ne per ipsius quidem Melanchthonis, aut Aristotelis Dialecticam facere mihi licet: Cùm vterq; autor non tam vera intelligendi ac iudicandi, quàm falsa dignoscendi ac refutandi artificium monstret. Sunt itaque in hac arte non minùs quam in alijs vera & falsa discenda, ut in vtriusque iudicandis & discernendis cautos

ORATIO XXI.

nos & prudentes præstemus. Quemadmodum in Theologia non solum orthodoxæ Ecclesiæ sententiam inquirimus, sed etiam hæreticorum opiniones exploramus. Et in medicina non modo quid Hippocrates & Galenus senserint, verum etiam quid Herophilus, Chrysippus, atque Erasistratus, qui veterem artem Medicinæ corruperunt, & sectas perniciosas induxerunt, commenti sint, indagamus. Quin etiam Paracelsi dogmata noua scrutamur, vt quantum vera à falsis distent, scire, & velut purpuram cum purpura, vt in pro- uerbio est, conferre possimus. Nec profecto cum aduersario disputare ullus satis erudite ac neruose poterit, nisi veteris & nouæ, immo etiam barbaræ logices vocabula, & quemadmodum vocant, terminos intelligat.

Quamobrem non est, quod quisquam mihi obijciat, cauillandi aliorum libros in hoc genere libidinem aut temeritatem, à qua vt abhorret animus meus, sic eiusdem etiam suspicionem vitare cupio. Satis est mihi tueri & vindicare Melanchthonis nostri libellum, qui in manibus est, & esse debet iure omni propter insignem lucem doctrinæ, qua reliquis in hoc artificio scri-
ptis

ptis tanquam lucifer aut hesperus aliquis antecellit.

Ordinar autem altius & capita nonnulla repetam, quæ ordinem Melanchthoniæ Dialectices stabiliunt. Incipit Dialectica Melanchthonis à simplicibus, & ab ijs paulatim progreditur, donec totum opus absoluat. Simplicia autem, quæ & in complexa dicuntur, sunt nomina & verba, quæ in prædicabilibus & prædicamentis exponuntur, & gradibus, domicilijsque certis distinguuntur. Ab his procedit ad definitiones & diuisiones, quæ quoque sunt simplicium vocum explicationes & distinctiones. Ex simplicibus autem vocibus contextit propositiones, siue enunciationes, quæ sunt orationes, quibus affirmatur aliquid vel negatur. Ex propositionibus cõponit syllogismos & alias formas argumentationis. Post expositum argumentationis artificium, ad fontes digitum intendit, & vnde argumenta depromenda sint docet, nempe ex locis. Postremo etiam quomodo dissoluere vitiosa argumenta oporteat, ostendit. Hic ordo est omnium optimus & commodissimus in hac arte, congruens ad ordinem compositionis & actionum mentis humanæ, quæ primum cognoscit
sim.

ORATIO XXII.

simplicia postea componit & diuidit tandem ratiocinatur & iudicat, vera à falsis discernens. Equidem simplex natura prius est composito, & vnum in quoque genere prius multis. Quod cùm ita sit, negari planè non potest, optimum hunc esse ordinem, quem Meláchthonis Dialectica tenet. At scio obijci posse mihi illud, quòd in topicis suis posuit Cicero, inuentionem ordine naturæ esse priorem iudicio, quod amplector & ego, valereq; in suo genere fateor, hoc est, in Rhetorica vbi nemo est qui nesciat, inuentionem antecedere, dispositionem sequi debere. Ac si quid inde controuersia existit, id omne ex vocabuli homonymia nascitur.

Cum enim inuentionem nominamus in logica, non de materia loquimur, vtpote quàm Dialectica neque gignit neq; supeditat, sed vt Melanchthon noster ait, monet tantùm, quomodo res inuestigandæ sint, vel, proposito rerum cumulo, docet eligere ea quæ præsentem materiam illustrant. Quod artificium in locis traditur.

Vt autem inuentrix, secundum veterem diuisionem, non gignit materiam, sic nec iudicatrix à veteribus dicta de materia inuenta

uenta iudicat, sed vt Melanchthon noster tradit, voces discernit, iudicat quæ rectè connectantur. Iam si voces discernere iudicatricis munus est, de vocibus ante omnia explicari in Dialectica necesse est. Id quod fit in prædicabilibus & prædicamentis, vbi non solum gradus vocum discernuntur, sed ipsarum etiam rerum appellationes disponuntur. Tum quemadmodum in definitione & diuisione vsus vocum monstratur: Sic in propositionibus & syllogismis quæ rectè connectantur, & quæ membra ritè cohæreant, ostenditur.

Postquam ad hunc modum ratio connectendi voces, & artificium componendi argumenta traditum est, tum demum ordo exigit, vt loci adijciantur, ex quibus omnis argumentatio ad omnem disputationem inueniatur siue eruatur, vt inquit Cicero de locis Aristotelis. Ex quo liquet, inuentionem in Dialectica nihil esse aliud quam locorum doctrinam, qui sunt quasi argumentorum notæ, vel sedes atq; domicilia, è quibus argumenta ducuntur. Quomodo verò argumenta duces, nisi modum siue artificium contexendi argumenta prius didiceris? Vides ergo præcedere

ORATIO XXII.

cedere necessario iudicatricem, sequi verò inuentricem, quemadmodum veteres nominarunt.

Si quis porro existimat eosdem esse hos Dialecticæ locos cum ijs quos Rethorica exhibet, eum falli opinione manifestum est. Etsi enim fontes forte congruunt, appellationes tamen & tractatio dissimiles sunt. Aliter utiq; Rhetorica locos in singulis causarum generibus nominat atq; collocat quam Dialectica. In iudiciali quidem genere, statu coniecturali principales loci sunt voluntas & facultas. In iurediciali verò lex, Æquum, bonum, iudicatum. In deliberatiuo autem genere, honestum, utile facile. Quanquam vero Rhetorica tanquam æmula Dialecticæ in elocutione eosdem penè locos retinet: multo tamen addit, qui ad ornatum & copiam propriè conducunt. Colligitur ergo aliam esse inuentionem in Rhetorica, alia in Dialectica.

Vnum occurrit in prædicabilium doctrina de vocabulorum speciei & generis promiscuo apud autores usu: Ne quis fortè existimet, parum referre speciem an genus dicas in Dialectica, cum autores probati

bati non satis distinguant, nec Dielectica ipsa vsq; adeò distinctincteloquatur. Nam in tertia figura Syllogismorum procedi ait à specie, cum tamen indiuiduum quoque intelligi necesse sit, præsertim in expositorio syllogismo. Notum est etiam speciem vocari quicquid definiendum est. Quod tamen sic declaratur, vt species definiri, indiuiduum verò describi dicatur, Quid? Quod Aristoteles quoq; logicæ artifex in primo de partibus animalium Socratem & Coriscum species vltimas appellat. Nihil dico quomodo iuris cōsulti hæc vocabula in sua arte vsurpent, quippe quibus Titius, Pamphilus species sunt, homo autem genus. Certè Ciceroni inusitatū minimè est voce generis pro specie vti: vt cum ait, Sol efficit vt omnia floreat, & in suo quoque genere pubescant. Galenus quoque lib. 1. de tempera mentis ait: vltima genera sunt homo, ceruus, ficus, exque species dicuntur.

Veruntamen nihilominus manet in doctrina prædicabilium discrimen immotum inter indiuiduum, speciem & genus, & qui hæc vocabula confundit, ipsos gradus vocum, qui fundamentum sunt differendi artis, conuellit. Diseræ enim

ORATIO XXII.

enim Dialectica speciem discernit ab indi-
 diuiduo, dum ita collocat vt indiuiduo sit
 proxima. Tum indiuiduum vocat singu-
 lare, speciem vero commune nomen. Ter-
 tiò indiuiduum ait esse extra intellectum,
 speciem verò in intellectu. Indiuiduum
 deniq; dicit substantiam primam, speciem
 verò substantiam secundam. Cicero et-
 iam ait speciem ex numerabilibus indiui-
 duis existere. Ex his igitur fontibus discen-
 dum est quid sit indiuiduum, species, &
 genus in Dialectica, nempe ex Porphyri-
 ana Isagoge, Aristotelis organo, & ex no-
 stri etiam Melanchthonis libro. Certè Ari-
 stoteles discernit perspicuè satis in Catego-
 ria substantiæ, cum hanc soriem recitat:
 ὁ τίς ἄνθρωπος ἐν εἰδὲι μὲν ὑπάρχει τῷ
 ἄνθρωπῳ, ὡ γένος δὲ τῷ εἶδός ἐστι τὸ ζῶον.
 Quod verò Socratem alibi dicit vltimam
 speciem, secundum subiectam materiam
 intelligendum est, nempe secundum do-
 ctrinam Physicam, de qua eo in loco
 tractat.

Post prædicabilia, Entis diuisionem po-
 suit Melanchthon, vt sit vel substantia vel
 accidens. Quæ diuisio cum Aristotele pe-
 nitus congruit, qui omne quod est aut

ἢ περ

ὑπερ τὸδε τι, aut τὸδε ἐν τῷδε εἶναι, aut
 ipsum per se aliquid esse, aut in alio esse ait.
 Sat scio iam olim ab Auerrhoë hanc diui-
 sionem impugnata esse, vtpote qui ele-
 mentorum formas inter substantias &
 qualitates statuit esse medias. Nec ignoro
 Cardanum diuidere subtilitatem suam in
 substantiam, accidentia & repræsentatio-
 nes, id est, species & imaginationes. Verùm
 quid attinet in docenda Dialectica subti-
 litatem sectari, aut ultra quam satis est dis-
 putationes petere?

Etsi autem fatendum est, prædicamen-
 tum substantiæ esse Physicum, quantitatis
 mathematicum, qualitatis medicum &
 Ethicum, relationis Theologicum & iu-
 ridicum, quando Astronomicum & histo-
 ricum, vbi geographicum: tamen quia
 communis disciplinarum omnium mini-
 stra est logica, modum & artificium omne
 discendi & docendi artes ex ea peti oportet.
 Et negare prædicamenta, est rerum se-
 riem tollere.

In actionis prædicamento, Aristotele
 ipso autore, controuersum esse potest de
 generatione & corruptione, inter motus
 referendæ sint nec ne? Sed dissoluit dubi-
 tationem ipse Aristoteles, cum lib. 3. Phy-
 sico-

ORATIO XXII.

ſcorum, generaliter accipit, motus vocabulum pro quacunque mutatione, in ea-
 que ſignificatione etiam generationem &
 corruptionem inter motus numerat. In
 quinto autem libro in ſpecie loquens ge-
 nerationem & corruptionem mutationes
 vocat. Nō igitur erravit Melāchthon, cū
 inter motus recensuit generationē & cor-
 ruptionē: præſertim cū Galenus etiā ge-
 nerationem dicat viam eſſe ſeu progreſſum
 ad ſubſtantiam ſive ad formam, lib. 2. Me-
 thodi, & lib. 2. de naturalibus facultatibus.

Abſoluta prædicamentorum, definitio-
 nis & diuiſionis doctrina, aggreditur Dia-
 lectica Melanchthonis ad praxin, & me-
 thodum, h. e. viam explicandi vocabu-
 lum ſimplex tanquam ἐπιλογισμὸν adiungit.
 In eaque re Ariſtotelem & Ciceronem du-
 ces magnos ſequitur. Etenim Ariſtoteles
 in ſecundo Analyticorum poſteriorum
 cap. 4. docet, quatuor quaſtionibus rei ſim-
 plicis explicationem contineri, quarum
 prima eſt τὸ ὅτι, ſecunda τὸ διότι, tertia
 εἰ ἐſτί, quarta τί ἐſτί. Melanchthon verò
 has illuſtravit & auxit, vt haud ſciam, an
 vlla res ſit, quæ non commodiſſimè & vti-
 liſſimè per has quaſtiones methodi expo-
 ni poſſit. Equidem Ariſtotelis & Ciceronis
ſcri-

scripta διδακτικὰ pleraque ad istum modum elaborata esse cernimus : nisi quòd cultus quidam maior, tanquam vestitus adhibitus est, ut de officijs, & libris de oratore constat. Nisi ergò fateamur magnam, vel potius immortalē gratiam nos debere Melanchthoni pro ista face methodi, quam in docendo & disputando nobis accendit, amentes simus.

Infra autem in 3. lib. cū Syllogismorum figuras ad σύνθεσιν καὶ ἀνάλυσιν accommodat, plures methodorum formas nominat, sed quæ & ipse cum exemplis Aristotelis, & Ciceronis, tū Galeni etiā dogmatibus congruunt. Aristoteles enim alia methodo explicat doctrinā de natura rerum, alia doctrinā de moribus & vita. Physicē quidē tradit methodo συνθετικῇ, initium ducēs à principijs, à quibus ordine progreditur ad singulārū partiū expositionem, de cœlo & mūdo, de generatione & corruptione, de meteoris, de anima, donec totū doctrinæ physicæ corpus absoluat. Moralem verò doctrinā methodo analytica tractat, incipiens à fine philosophiæ moralis, quæ est beatitudo, & ordine regrediēs ad initia principiaq; ex quibus ille finis cōstat. Hinc duas esse methodos intelligimus, quarum

ORATIO XXII.

una à priori, altera à posteriori procedit. Quod etiam Plato in Philebo & Phædro confirmat, ut scribit Galenus in lib. 9. de placitis Hippocratis & Platonis, ubi utramque speculationem, diuisoriam & compositoriam maximè necessariam esse ad artium constitutionem contendit. Galenus autem optimus post Aristotelem methodi artifex, his duabus tertiam quandam addit, quàm nominat *ὁριστικήν*, latinè definitionem vocare possumus, quod artem per definitiones & regulas simpliciter exponat. Nonnulli *διαίρεσιν* vocant, cum videlicet definitio aut doctrina ipsa in suas partes distribuitur, h. e. per omnes formas quæ sub ea comprehenduntur, explanatur. Tot igitur methodi formas agnoscunt & usurpant artifices. Estque ratio, cur id faciant, non reprehendenda. Nam in omni cognitione aut doctrina, vel incipimus à priori κατὰ τὸν πρῶτον λόγον, nèpe à causis rei, & ad effecta progredimur, ut cū primum docemus aut discimus quid Deus sit, deinde opera eius intuemur, & omnipotentiam, sapientiam, bonitatemque eius ex illis cognoscimus. Vel à posteriori, κατὰ τὸ δεύτερον λόγον, incipimus, & ad prius contendimus, ut cū ex effectibus, vel signis vel

expe-

experientia iudicamus de causa, quemadmodum S. Paulus in Epistola ad Romanos, ex operibus Dei cognosci Deum opificem posse affirmat. Vel complectentes totum, ordine illud in suas partes distribuimus. Ut cum hominem in præcipuas partes diuidimus, in caput, pectus, ventrem, pedes. Tot igitur methodos esse constat, quot viæ sunt cognitionis rerum, nempe Synthesin, quæ à priori, Analysin quæ à posteriori, ordine inuerso procedit, & ὁριστικήν, quæ definitionem in suas partes relouit, & ordine explicat. Sic enim interpretes & explanatores Galeni magno consensu tradunt. Dubitatum est autem de accidentibus, quæ materiam ex qua nullam habere Melanchthon in methodi questionibus affirmat. Sed dubitationem omnem tollit Aristotelis auctoritas, quæ extat τῷ μετὰ τὰ φυσικά lib. η. ὃ δ' ὅσα δὴ φύσει μὲν, μὴ ὅσα δε, ἔχεται τὰ τοιαῦτα. Liqueet ergo nihil alienū ab Aristot. doctrina posuisse nostrum Melanchthonem. Rationem si quæris, in promptu est. Solius enim substantiæ est proprium esse habere. Accidentis verò proprium est in alio esse, vel esse habere à subiecto. In figuris Syllogismo-

ORATIO XXII.

rum etsi vnaquæq; illarum causam habet
cōsequentiz propriā & firmam: tamen mo-
dus reducendi reliquarum figurarū Syllo-
gismos ad primam in Melanchthonis Dia-
lectica ostenditur. Idq; fit eo cōsilio, quod
prima figura dignitate & perfectione re-
liquis antecellat. Quod præterquam quod
res ipsa probat, etiā Aristotelis rationibus
stabiliri potest. Sic enim docet ille lib. 1. A-
nalyticorū posteriorum: τὸ πρῶτον σχή-
μα μάλιστα ἐπιστημονικὸν ἐστὶ. τὴν γὰρ ἐπι-
στήμην διὰ τὸ τὰ θηρεῦσαι μόνον δυνατόν.
Secundò prima figura efficit Syllogismos
affirmatiuos & vniuersales. Tertiò quia re-
liquæ figuræ Syllogismorū educuntur ad
primam tanquā ad caput, quasi ope præsi-
dioq; illius ad sui perfectionē indigentes.

In quarto libro Syllogismum diuidit
Melanchthon secundū materiam in De-
monstratiuum, Dialecticum, & Sophisti-
cum. In eoq; Aristotelis ductum sequitur,
qui in primo topicorum ad eundem mo-
dum distinguit. Paulo post demonstratio-
nis quædam semina spargit ac fontes a-
perit, dum principia & alia κριτήρια cer-
titudinis exponit, tum exempla etiam de-
monstrationum ex omni ferè scientia &

arte deponit. Scio autem alios alias leges demonstrationis ex Aristotele proferre, quæ si ea non nisi in simpliciter necessarijs locum habeat. Sed si accuratius doctrinam Aristotelicam perpendetis, intelliges sanè eorum etiam demonstrationem esse, quorum causæ proximæ & in actu positæ sunt. Ut cum tonitru de nube, defectio luminis de Luna demonstratur.

Fatemur quidem, vel querimur potius, paucas nos habere *πίστεις*, id est euidentes probationes, siue demonstrationes: sed lætamur tamen merito plerarumque partium in doctrinis certitudinem aliquam esse. Quin etiam gratias omni iure agimus Deo pro his ipsis tam fragrantibus & gratam de Deo famam spargentibus probationibus, quas ex artium singularum visceribus noster Melanchthon eruit. Exemplum demonstrationis illustria sunt.

Quicquid mouetur circulariter, finitum est.

Cælum mouetur circulariter.

Cælum igitur finitum est.

Sumtum est hoc exemplum ex primo Aristotelis de cælo. Sic enim ibi demonstrat Aristoteles: omne corpus quod fertur in orbem, est finitum. Alioqui enim ferri in orbem quonam modo posset? At cælum

ORATIO XXII.

fertur in orbem. Cœlum igitur finitum esse necesse est.

Aliud ex octauo Physicorum. In causis essentialiter ordinatis, impossibile est progredi in infinitum. Sed in natura sunt essentialiter ordinatæ causæ mouentes & moræ. Natura igitur postulat, vt in vna prima causa resistatur, quæ infinitam habet potentiam. Vel vt Aristotelis vtar verbis: φανερὸν ἐκ τούτου, ὅτι ἀναγκη, εἶναι τι ἐν καὶ αἰτίον τὸ πρῶτον κινῆν.

In doctrina morali demonstratio firma est. Omnes res in natura sunt conditæ propter aliquam finem siue vsum quod toties inculcat Aristoteles. Homo est res nobilissima & præcipua in rerum natura. Homo igitur ad certum finem est conditus. Hoc vestibulum seu fundamentum est doctrinæ de moribus & vita. In ipsa verò Ethica demonstrationes complures à Melanchthone expositæ & illustratæ sunt.

Proprijsima actio est finis cuiuslibet naturæ.

Virtus est actio proprijsima hominis, non voluptas.

Virtus igitur est finis hominis, non voluptas.

Docuit porro Melanchthon virtutum quoq;

quoque esse demonstrationes, quando videlicet medium est definitio. Cuiusmodi est: Intellectus iustitiæ est natura mentibus insitus ac, necessarius Fortitudo est propugnatrix iustitiæ contra vim iniustam. Ergo fortitudo lege naturæ est necessaria. In physicis quoque elementorum numerus quaternarius ex demonstratione euidenter euincitur, ἅπαντα τρέφεται τοῖς αὐτοῖς, ἐξ ὧν περ εἰσὶν. At experientia ostendit, quatuor elementis corpora nostra nutriri. Ergo ex totidem etiam elementis ea nasci atque cōstare necesse est. Hæc exempla monstrant vestigia Dei artium doctrinæ impressa, & de certitudine in disciplinis testimonium dicunt. Et sanè nisi demonstrationes aliquæ essent, nulla scientia, nulla ars certa, nulla denique propositio necessaria existeret. Atqui cum sit scientia, cū sit artium certitudo aliqua, cum quoque propositiones quædam rectè appellentur necessariae propter materiam necessariam & immotam: Concedendum sanè est, etiam demonstrationes aliquas in artibus reperiri: Cū verissimum sit quod Aristoteles in sexto Ethicorum cap. 6, ait, Quicquid scitur, id demonstratione comparatur.

ORATIO XXII.

Non finit reliqua persequi, aut oratione percurrere præsens hoc tempus, in quod me inclusi. Hæc autem quæ recensui, eò spectant potissimum, ut discētium animi inflammentur ad amorem simplicis veritatis in Dialectica Philippi & muniantur contra eos, qui in tanta copia libellorum logicorum minus æquè de ea iudicant: sed vel nouitatis studio eò impelluntur, ut extenuare illam opinione & verbis incipiant, vel prorsus de manibus. deponant. Quod hosti nostro communi in optatis est maxime, ut videlicet nos à luce & simplicitate doctrinæ auellat, & sophisticen barbari- omque pristinam in scholas reportet, tum ut distractiones sectasque efficiat tales, quales superioribus seculis in scholis regnarunt: cùm alij Scotistæ, alij Thomistæ, & hi quidem nominales, illi verò reales fuerunt dicti. Quorum inanem contentionem nemo sanus non deridet. Quod enim in Ecclesia molitur Sathanas, ut diuerlas & dissentientes inter se de religione suscitet, id in scholis quoque efficere conatur, ut de contemptum vilitatē & ipso usu exploratæ & cognitæ doctrinæ logices pariat, & nouas opiniones tanquam *μῆλον ἐειδός*, siue seminarium dissidiorum & distra-

distractionum discentibus obijciat, atque instillet. Huius igitur insidias vitandas sibi esse omni cura & contentione sciant discentes, nec sapientiam aut doctrinam veram ἐν ἀκριβολογίαις καὶ λεπτολογίαις sitam esse arbitrentur, neque etiam in studio omnia contrarijs sententijs conturbandi, aut labefactandi ut Sophista in nebulis Aristophanis ait, eam quærant, sed in simplicitate potius quæ dulcis nutricula est veritatis, comprehendi: penitus sibi persuadeant.

Lætatur non immerito luce artium & literarum per Melanchthonem accensa in his scholis, & gratiam Deo habemus, quod sophisticen & barbariem per salutaria sua orgna explosit. Quid est igitur thesaurum tantum nobis relictum atq; creditum custodire non velle? Certè amentia est extrema & peruersitas indigna nostra professione. Retinet hoc decus eximium in hunc usque diem Vuitenbergensis Academia, dum traditam à Philippo doctrinam bona fide explicat & inculcat, ac cum fontibus eruditè confert. Inde non dici potest, quanta bona proueniunt. Allicit, ut nihil aliud dicam, studiosos
attra-

ORATIO XXII.

attrahit, detinet, erudit, & ad vsus necessarios in Ecclesia & Republica præparat. Inde non immeritò fit, vt copiosior non sit Academia in Germania, quàm hæc ipsa, quæ Melanchthonis doctrinam perpetuò sonat & constanter propagat. Nec dubium est eam à Deo ipso amari & ornari, vt dum ceteræ Academiæ imminuuntur, hæc amplitudine, gloria, laude, ac honoribus amplificetur.

Oratio XXIII.

DE ORDINE, VERITATE & vsu in historiarum lectione spectando, Anno Christi

1582.

DE historiarum professione in exorsu paucula commonendorum studiosorum causa dicturus, non aliunde, quàm ab ipsa historia initium capiam. Tanta enim est artis historicæ magnitudo, vt ipsa per se satis sese commendat, nec externis floribus aut coloribus ullis indigeat. Quamobrem posthabitis omnibus, totum me in argumenti suscepti expositione collocabo. Est autem propositum mihi, de tribus hisce capi-

capitibus commonefacere studiosos, primum de Ordine, deinde, de eVritate, tùm de usu in historiarum lectione spectando. Quæ cùm ad commodum vtilitatemque discipulorum omnia referantur: spero, absque cohortatione mea, attentis animis ea studiosos esse excepturos. Quod si fecerint, rerum huius mundi, quem incolimus, non solum primordia, sed progressiones etiam, incrementa, in tot regna diuisiones, varias formas, ætates, & declinationes siue ruinas aliquo modo cognoscent.

Deinde cùm tot extent historiarum scriptores, quid de singulis, vel certè præcipuis sentiendum sit, scire & vtile est, & necessarium. Non enim omnium eadem est fides, nō par autoritas, non æqualis dignitas. Hic igitur limatulo, ac politulo iudicio opus est. Tùm, cùm operæ & studij non parū historiarū lectio desideret, nosse profectò cōuenit, numquid operæ præciū sit, tantum laboris & industriæ in earum cognitione ponere? Diligenter itaque de usu historice lectionis præmonendi sunt studiosi, ne fortè nihil aut parum fructus inde percipi posse existiment. De his igitur capitibus expositionem meam breuem, perspicuam & euidentē accipite. Non certè speciem aut pom
pam

ORATIO XXIII.

pam in dicēdo vllam adhibiturus sum, sed planè simpliciterque, quæ mihi proposui, pristino meo more persequar. Opus est enim in dicendo candore & simplicitate, vt capere possint animi juniorū, quæ dicuntur, discantque adeò & ipsi ea, qui animi complexi sunt disertè, non obscurè, enunciare.

Vt autem ordo in rebus omnib. lumen præbet memoriæ: sic in historijs nihil est, quod plus adiumenti ad res pernosendas afferat, quàm *εὐταξία*, id est, ordinis cōseruatio. Monstrat enim initia, progressum & finem, vt antecedentia, media, & exitus in vnaquaq; parte perspiciantur. Sic mundi quoq; historia suū principium habet, cœpitum, quodcūm nihil esset vsq̃ ad, præter solū & vnicū Deum. Hoc principium Moyses *θεὸς ὁ ἀρχὴς* ad memoriam posteritatis prodidit: Aristoteles verò vehementer negauit. Sic enim ait Moyses: in principio creauit Deus cœlum & terram, Aristoteles autem ingenti opinionis errore *ἀναρχον*, id est, absque principio mundum esse statuit, nec fidem Mosi asseueranti habuit, quod ipsum etiam Plinius, Galenus, & alij secuti sunt: ex quo in errores turpissimos prolapsi sunt. Plato ipse alioquin sapientissi-

mus, in Atlantico ait, ante nouem millia annorum Athenienses bella gessisse. Et de Ægyptijs scribit Herodotus in Euterpe, quod crediderint, tot annorum millibus floruisse Ægyptum, vt in eo spacio temporis bis sint mutata loca ortus & occasus Solis, sic vt bis illinc exortus sit, vbi nunc oritur. Quin Cabalists etiam, Magister Israëlis, impudenter dicunt, duomillia annorum præcessisse huius mundi, in quo nos sumus, initium, vt quidem Reuchlinus in arte Cabalistica tradit.

Etsi autem Græci & Latini incunabula & originem mundi non negant: tamen in supputatione annorum ab initio mundi vsq; ad diluuiū, indeq; ad natum Messiam mirè discrepant ab Hebræis. Ex quo sanè dissentio doctissimorum hominum, & penè dixerim, luminum mundi, de mundi initio cognosci potest. Verum nos hisce opinionibus tanquam deliramentis repudiatis, vnius scripturæ cœlestis ductum & auctoritatem sequimur, & à principio mundi annos 5546. vsque ad hunc præsentem 84. numeramus. Ab hoc orsi perteximus historiam mundi & in partes sex distribuimus, secundum sex

ORATIO XXIII.

Sex millenarios, quibus duraturā esse hanc mundi machinam credidit antiquitas.

Sic enim Iudæi in Sanhedrim ex traditione Rabini cuiusdam Eliæ scriptum habent: Sex millibus annorū durabit mundus: duobus millibus durabit vastitas: duobus millibus lex, duob. millibus dies Messia. Hanc partitionē mundi retinebimus, & quæ memorabilia, eximia, ἀξιωματικὰ καὶ ἐξαίρετα in quaque parte acciderint, tanquam notas recensēbimus.

Primis duobus millenarijs fuit vastitas. Quid? inquires, nū vastus adeò fuit ab initio mundus, talisque annis compluribus quàm quot sunt à nato Messia ad nostram ætatem, permansit? Hic D. Lutheri omnium maximè concinnam & luculentam interpretationem audite. Sic inquit ille: Vocatur primū illud tempus mundi tohu, id est, vacuum vel inane, siue etiam vastitas, quòd non lex, nec libri, sed viui fuerunt sermones per Patres ad posteros traditi. Vnde Cabala est appellata traditio ista, quæ Græcis est ἀκρόαμα, id est scientia auditione comparata. Non enim licebat Cabalam docere aliter quàm viua voce. Ex quo intelligitis, primo illo mundi tempore extitisse homines non corporibus.

bus solum robustiores & saniores, sed intelligentia etiam & memoria præstantiores: ut doctrinam de Deo & artibus bonis, non per scripta, sed viva voce inter se communicauerint & custodierint. Sequentibus ætatibus mundus cœpit sensim labefactari & diminui. Ex quo etiam intelligentia ipsa hominũ & sensus cæteri languidiores sunt facti. Itaq; quærere oportuit subsidia & adminicula memoriæ ac cæperunt scribi tot libri siue volumina, ut vix capere mundus potuisse videatur. Nam ut de alijs nihil dicã, solus Salomon, teste Iosepho lib. 8. τ̃ ἀρχαιολογίας; composuit volumina Carminũ & Canticorũ circiter quinque mille, & sententiarũ atq; imaginum libros ter mille. Hæc altius considerare pium est & utile, ut quò redacti simus, & quàm miserè de spacio curriculoq; maiorum deflexerit hæc natura siue ætas nostra, agnoscamus. Hoc tempore librorũ ingens est multitudo, quæ ipsa nos admonet de imbecillitate nostra, quæ facit, ut nunc tanto studio atq; sudore cogamur ex libris discere, quæ maiores vivis sermonibus inter sese tradebant. Alij aliter hanc primũ temporis mundi inanitatem interpretantur, videlicet de hominum, urbium, legum

ORATIO XXIII.

gum ciuiliū, & patefactionum diuinarum paucitate. Quod consentaneum sit, nondum tunc tantam fuisse populorum frequentiam, non oppidorum multitudinem, non legem copiam, necdum etiam ad familiam & politiam certam, obligatam fuisse de nalcituro Messia promissionem. Incipit autem primus millenarius à condito mundo, & in Henochi translatione in coelestem consuetudinem desinit. Hunc enim terminum, tanquam notam primi millenarij placet constituere, memoriae causa. Nam tamesi tredecim anni desunt millenario, tunc, cum Henochus viuus in coelum receptus est: tamen causa certa est cur de singulis millenarijs aliquid decedere Deus voluerit: quia finem facere properat.

Quæ porro fuerunt res gestæ in hoc primo millenario? Facta præcipua sunt primum lapsus & restitutio gentis humanæ in integrum, per promissum Mess: à mortuum pro peccatis mundi. Secundum, propagatio generis humani. Tertium, cædes miseranda Abelis, facta à Caino fratre. Quartum, distractio horrenda Ecclesiæ in duas sectas siue familias dispares prorsus, & immani odio dissidentes, vnam

nam Adami, alteram Caini: quarum illa
Adami scilicet, veram doctrinam de Deo
& pietatis studium cultumque retinuit:
hæc verò idolomaniam & novos cultus
introduxit & propagavit, quæ seminari-
um fuerunt omnis idolatriæ, quæ tan-
quam diluvium aliquod in mundum in-
uasit & latè dispersa est. Vt autem Messias
perpetuum bellum serpenti Diabolo indi-
xit, ita sanctis patribus etiam in hoc primo
millenario confligendum & dimican-
dum fuit acerrimè cum Ecclesia Cainica,
quæ suum regnum minis, cæde, tyranni-
de, fraude & furore stabilire & amplifica-
re conata est. Interim tamen nihilominus
nomen Domini inuocatum est, & propa-
gata religio vera à sanctis Patribus Adam,
Seth, Enoch: donec Deus memorabili ad
omnem posteritatem atque illustri mi-
raculo suam in Ecclesiam benevolentiam
atque amorem declaravit, & curriculum
primi millenarij receptione Henochi in
coelum clausit. Fuit itaq; huius primi mil-
lenarij gubernator Adam cum nepotibus
suis, usque ad septimum nepotem Heno-
chum.

Secundi millenarij lumen & modera-
tor præcipuus fuit Noha, natus anno muni-

ORATIO XXIII.

di 1056. cum filijs suis Iaphet, Sem & Ham, usque ad Abrahamum. Acta huius millenarij maximè insignia sunt, primùm diluuium, quod prisco mundo vniuersalem interitum attulit, dum anno spacio vastis undis merfa omnia fluctuarunt, seruato solo Nohamo cum his, qui vnà in arcam ingressi erant. Secundò instauratio generis humani per Nohami filios, quorum vnus Iaphet ad has Occidētis siue Europæ regiones transijt: alius Sem ad Orientis loca migravit: tertius verò Ham Meridionalem plagā occupauit. Tertiò Nimrod primus regnum in mūdo incoauit, quæ Assyriorum Monarchia appellatur, ex qua alia regna, tanquam soboles, passim nata sunt.

Tertij millenarij præses fuit Abraham cum suis posteris usq; ad natiuitatem Eliz. Est autem natus Abraham anno mundi 1949. sed circa annū mundi 2020. demū vocatus à Deo ex Vr Chaldeorum, emerfit è tenebris, & in luce Ecclesiæ versari cœpit. In hoc potissimū elucet promissio Messix, ex semine seu posteris Abrahami nascituri. Secundò, continua successio Patrum in Ecclesia, Abrahami, Isaaci, Iacobi, Iosephi, Mosi, Iosux. Tertiò series Iudicum. Quartò, regnum Saulis & Dauidis. Extra

Ec-

Ecclesiam verò floruerunt & dominati sunt latè Assyriorum reges & aliæ gentes. Incidit in hunc millenarium quoque Argonautarum expeditio in Cholchidem, bellum Troianum & regnū Latinorum. Dominata est autem & sonuit in hoc millenario lex, quia Abrahamo circumcisio mandata est, & promissio de certa sede facta. Per Moysen verò lex in monte Sina inter tonitrua & fulgura, audiētibus sexcentis millibus virorum, promulgata est, anno mundi 2454.

Quarti millenarij dux fuit Elias Propheta cum regibus & ducibus, vsque ad Christum Regem Regum & dominantium Dominum. In hoc non solū Prophe-
tæ in Ecclesia floruerunt, sed extra Ecclesiam duæ Monarchiæ Persarum & Græcorum extiterunt, tum regna & Respub. potentes viguerunt, bellaque plurima inter Asiaticos, Græcos, Afros & Romanos gesta sunt. In Iudæa regnum destructum & populus in exiliū Babylonicum proiectus est, tandemq; expletis septuaginta annis in patriam redijt, & templum urbemq; Ierosolymam instauravit, vt nascentem exciperet Messiam. Affluxit etiam hic millenarius liberalissimis studijs, & eruditissi-

ORATIO XXIII.

mis Philosophis , Oratoribus & Poëtis,
passim in Aegypto, Græcia & Italia.

Quintum millenarium rexit ipse Christus æterni Dei æternus filius, totius mundi Dominus & Seruator. Est autem natus Messias anno mundi 3970. nondum scilicet completo, aut finito millenario quarto. Causa eadem est cum ea, quàm suprà exposui: quia Deus anteuertit, & finem facere cupit. In hoc Ecclesia per Christum, Apostolos, & eorum successores dispersa est totum terrarum orbem, facto Euangelij præconio in cunctis gentibus de gratuita remissione peccatorum, iustitia, salute, & vita per Christum natum, mortuum & resuscitatum pro peccatis mundi, accipienda. Extra Ecclesiam verò potentissima fuit Monarchia Romana, quæ totum terrarum orbem complexa est. Acriter quoque impugnata est doctrina Euangelij, & innumerabilis multitudo martyrum, profuso sanguine pro veritatis confessione, facta est. Exorta est hæreticorum turba ingens, qui dogmatibus varijs turbârunt & lacerârunt Ecclesiã, in erroremq; abduxerunt Christianos. Incidit in hunc millenariũ Imperij Romani in Occidente ruina, & Episcopatus Romani conuersio in Papatum,

tum, per quam lux doctrinæ veræ horribiliter obscurata est, & Mahometus dominari cœpit. Longo intervallo post in Occidente Imperij dignitas per Carolum Magnum recuperata est, tandemque à Francis ad Saxones translata. Desinit autem millenarius quintus in Ottonem tertio, qui dictus est mirabilia mundi. Et verè etiam mirificum fuit illius curriculum. Nam prodigia multa acciderunt, terra concussa est & tremuit, cometa illuxit, cœlum discessit, & ex fissura quædam facula instar fulguri in longo cœli tractu ingenti splendore emicuit, & homines in terris perstrinxit. Ea verò sensim evanescente serpentis species in cœlo apparuit, cuius caput & pedes cœrulei inspectantibus hominibus creuerunt.

Superest millenarius sextus. In quo Ecclesiæ status mirè fuit corruptus Pontificia idolomania, & per Saracenos atque Turcas diminutū est Imperium Rom. Sub istis tamen tenebris scintillæ quædā lucis remanserunt in aliquibus, qui Pōtificiæ idolatriæ reclamârunt. Intestinis quoq; dissentionibus miserè quassatū est imperium, & sedes imperij in Oriente à Turcis occupata est. Literæ ex Græcia in Italiam & Galliā tan-

ORATIO XXIII.

quam in exiliū, profugerunt, indeq; in Germania propagatæ sunt. Hinc excitati multi præstantes viri Academies & Icholas locupletârunt. Lutherus & Melanch. doctrinam Ecclesiæ repurgârunt, & vniuersa artium & literarum doctrina illustrata est. In huius millenarij postremo curriculo nos viuimus: & quamuis multis adhuc annis à fine suo is absit: tamen finem in dies singulos, & momentis cunctis expectamus ac desideramus. Deus enim abrumpet filum mundi vt in æterna tabernacula coelestis cōsuetudinis suos Christianos, luctu, squalore & gemitu propè enectos, recipiat. Cuius rei coniecturâ capere facile ex mundo ipso & singulis eius partibus possumus. Est n. mundus hic similis corpori senili & labascēti, immò Sol ipse demittit sese, & natura tota tantum non edita voce gemiscit, & finē liberationemq; à vanitate, cui subiecta est, expetit. Plato in Philebo recitat Orphei versum: ἐκ τῆ δ' ἐν γένει κίσμον κατὰ πάσας αἰδῆς, in sexta generatione finite ornatum cantus. Quem etsi Plato in aliū sensum transfert: tamen haud alienum fortè fuerit à veritate, ad mundi ætatem siue millenarium sextum accommodare: vt sit scientia Orphei, fore vt in se-

Xto millenario mundus suum ornatum amittat, & omnia desinant.

Hic ordo est, hæc series temporum & rerum præcipuarum mundi in sex millenarios distributa, quam animis comprehendere atque tenere studiosi debent, ut tanquam consignatâ in mentibus notionem habeant totius curriculi mundi, & quo quæq; res mundi millenario acciderit, meminisse possint.

Agè porrò ex quibus autoribus, & quo modo istorum sex millenariorum historia continua contexi potest? Duorum millenariorum & dimidij tertij res gestas descripsit Moyses in Penteteucho, nempe ab initio mundi usq; ad suam mortem, quod est intervallum annorum 2493. Deinde Iosue Iudicum & Regum libri complectuntur historiâ 892. annorum, usq; ad excidium Ierosolymitanum, & captiuitatem Babyloniam, quæ incidit in annum mundi 3365. Tot igitur annorum gesta continet historia sacra siue Prophetica, videlicet, millenariorum trium & amplius, ab initio mundi usq; ad Monarchiâ Persicam. Historiam porrò Prophetarum excipit & continuat historia Herodoti, quæ annotum 240. seriem describit, à Cyge, Lydorum Rege,

t 5 usq;

O R A T I O XXIII.

vsq; ad Xerxis fugā in Græcia Herodotum
 è vestigio sequitur Thucydides, cuius histo-
 ria belli Peloponnesiaci annos cōprehen-
 dit septuaginta. Vbi autem historia Thu-
 cydidis desinit, ibi Xenophontis narratio
 de rebus Græcorū per annos 44. incipit. Ita
 pertexitur historia mundi vsq; ad annum
 3610. Quæ post acciderunt, exponit deci-
 mus sextus liber & consequens Diodori Si-
 culi de rebus Philippi Macedonis, Alexan-
 dri Magni, & successorū eius. Hunc sequi-
 tur Liuij historia vsq; ad Augustū, & penè
 ad natū Christum. Sic complentur fermè
 millenarij 4. A nato verò Christo histori-
 am rerum in Ecclesia & Repub. gestarum
 luculentè persecuti sunt scriptores Eccle-
 siastici & profani multi, quos iā recensere
 nimis longum foret. Quocirca hæc de or-
 dine historiarū mundi satis sit monuisse.

Supereſt, vt de veritate historiarū multò
 pauciùs differam. Certæ leges sunt historiarū
 præscriptæ vt ne quid falsi dicere audeat, ne
 quid veri non audeat, ne qua suspicio gra-
 tiæ aut malevolentia sit. Et notū est discri-
 men hoc: Historia verò sequitur, Oratoria
 veri simile, Poësis fictum, de quo Ouidius:
Exit in immensum fœcunda licentia Vatum:
Obligat historica nec sua verba fide.

Ha-

Habet autem historia nomen ab inspectione seu intuitu rerum, quas narrat: ut sic expositio eius, quod probè exploratum & cognitum habemus. Veruntamen nō eadem est omnium historiarum fides. Moses quidem & Prophetæ cæteri testimoniū habent omni exceptione maius, quòd nihil falsi scripserint. Eadē est autoritas reliquorum historicorum librorum, quos Biblia sancta continent. Narrant enim simpliciter & fide minimè suspecta, bona pariter & mala facta, præmia & pœnas benè vel secus factorū. Nec vlllo metu aut assentatione reticent vitia, lapsus & peccata sanctorum Patrum, Regum, & aliorum piorum in populo Dei. Et rectè quidem. Multò enim ad consolandū efficaciores sunt naxui, errata & infirmitates sanctorum, quàm præclara illorum facinora & virtutes. Tum ut rectè factis maiorum ad imitationem incitantur posterī: Sic prauè dictis & factis eorundem exterrentur, ut turpitudinem refuge-
re & infamiam vitare incipiant. Sola igitur historia sacra ἀξιόπιστος est, & omnis dubitationis expers, dum τῇ ἀληθείᾳ μόνῃ, ut ille inquit, θύει soli veritati sacrificat. Reliquos historicos secundum leges præscriptas examinari necesse est.

Eiſi

ORATIO XXIII.

Et si enim consentaneū est, quemq; quantum conniti ingenio, & assequi labore atque industria potuit, veritatem inquisivisse & explorasse in historiarum descriptione: tamen falsa pro veris, probabilia pro certis arripere admodum proclive est. Thucydides quidem suam scripturus historiā milites mercede sua conductos habuit in utroq; exercitu, hostili & amico, à quibus verā narrationem omnium, quæ susciperentur, deliberarentur, aut gererentur acciperet. Laudanda est magnopere hæc eius industria & cura veritatis explorandæ. Non enim vni parti fidē habere, sed alteram quoq; audire voluit. Xenophon etiam ipse cum Cyro militavit, ut omnium, quæ fierent, autoritas siue inspector esset. Polybius verò Scipionis Æmiliani in Punico bello tertio comes individuus fuit. Ait enim lib. 3. se plurimarum rerum in isto bello gestarum non inspectorem tantum, sed adiutorem etiam & administratorem fuisse. Ac de Thucydide quidem, Polybio & Livio, minus est dubitandum, quin veram omnem ex parte historiam literis mandârint. Quorum in numerum etiam Iulium Cæsarem adscribo, utpote qui rebus ijs, quas descripsit, ipse non solum interfuit, sed etiam præfuit.

Item

Item Dionem Nicæum, qui toties affirmat, se ea quæ de Commmodo, & quibusdam alijs Imperatoribus Rom. narrat, non ab alijs fama & auditione accepisse, sed coram spectasse, audiuisse, & comperta habere. Socrates lib. 5. historicæ Ecclesiast. cap. 19. ait: πᾶσαν σπουδὴν παρ' ἐκάστου τῶν εἰδόντων ἐθ' ὡς μὲν θάνατον τὰ πράγματα, καὶ ἀκριβῶς ἐρευνᾶν, ἵνα μὴ ἔξω τῆς ἀληθείας πὶ γράφοιμα. Sed de Xenophonte nō satis certum est, utpote qui κύρως παιδείας ornare magis Cyrum quàm historiæ fidem sequi voluerit. Herodotum quoq; in suspitione ponit Strabo, quasi non historiam veram, sed fabulosam scripserit. Laude etiam digna est Suetonij integritas, qui nequos, scelera & flagitia suorum Principum non minùs quàm virtutes, & rectè facta, fide minimè suspecta memoriæ prodidit. Ex animo meo nunquam effluit vox Christophori Carolovitiij, eius qui sapiens, qui eruditus à plerisq; habebatur & cognominabatur. Is quoties mentio Sleidani commentariorū incidebat, ferè cum gemitu quodam multa aliter commemorabat, quàm scriptor ille exposuit, affirmabatq; se non solùm interfuisse plerisque

con-

ORATIO XXIII.

conuentibus imperij, & priuatis communibusque consultationibus, actionibus, & decretis sed nonnullis etiam præfuisse: vt fidem mereri ipsius oratio omni iure videretur. Sic igitur de Sleidano dicebat, tanquam Epiphonemate quodam narrationem claudens: Sleidani historia adimit mihi fidem omnium superiorum historiarum. Quod bono tamen studio à me commemoratum existiment studiosi, non vlla calumniandi libidine, aut cupiditate detrahendi aliquid de autoritate Sleidani optimè de Republica literaria meriti.

Sic autem se res habet τὰ εὐφημα de se dici & scribi omnes facile patiuntur, sed vitia, errata, & facinora si attingas seu proferas, vix capitis periculum & vitæ discrimen euitaueris. Hinc adeò fieri solet, vt periculosum sit historiam scribere, & satius sit multò hisce moribus tacere: ne dum pulcra foras vertimus, deformia verò occultamus, turpissimum adulationis crimen subeamus. Sola historia Prophetica idcirco pro vera est habenda, quia tam vitia, quàm virtutes recitat, nullius estimationi aut famæ parcens sed pro re nata historiæ cursum exequens. Pro tanta luce veritatis gratias agere Deo debemus & vel

& vel nihil scribere, dicereuè, vel verum dicere & scribere, adulationem verò summo studio declinare. Nullus mortalium est absq; nãuis & peccatis. Nec est sanctus in terris, cuius non plura sint delicta & crimina, quàm benefacta. Quanta igitur est peruersitas, bona tantùm prædicare, mala verò vel excusare, vel tegere prorsus velle?

Monachi perniciosissimè errârunt in hoc genere, qui nō nisi virtutes sanctorũ extulerunt, vel potius finxerunt, infirmitates verò & lapsus horrendos silentio præterierunt. Hoc non est historiam, sed fabulam, vel mendacium potiùs scribere. Nec ad consolandum peccatores facit, sed ad deterrendum. Quid enim solatij ex eo capere possumus, quod imitari & assequi nobis impossibile esse experimur? Metamorphosis hæc est Ouidianæ similis, quia transformat hominis naturam miseram & prauam in angelicum statum à quo longissimè in hac imbecillitate absumus. Ad summam, ne agam de singulis, nota veritatis historicæ illa est certissima, si bona simul & mala, simpliciter, absque villo metu cuiusquam offensionis, commemoret.

Scio

ORATIO XXIII.

Scio Pontificiæ sectæ scriptores hoc nomine criminari nostros, quòd vitia Principum, statuum & doctorum dissimulent atq; prætereant. Sed haud video, an non eodem crimine condemnari à nobis ipsi multò rectiùs possint. Id quod vel ex solo Sturio cognoscipotest. Suis enim tribuit omnia bona nō quidē vt historicus, sed vt adulator Pontificius, nostris verò mala tantum.

Sed confero me ad tertiam institutæ orationis partem, & utilitates historiæ strictim attingo. Primùm quidem historia, vt inquit Cicero, est testis temporum, id est, quid quoq; tēpore mundi vsu venerit, aut factū sit, prodit, & seriem rerū factorumq; bonorū & malorū manifestat. Hoc quantum sit cōmodum facile intelligitur. Quid enim est vsu vberius aut fructuosius, quàm in consilijs, & cogitationibus, institutisq; cæteris ex omni ætate, cunctisq; seculis testimonia atq; exempla eruere, & ante oculos proponere? Nec est quod putetis, studiosi, alienum à vobis esse hunc primū historiæ vsum. Nemo vestrū est, quin egeat huiusmodi temporum testimonijs ad se & res suas regendū ac cōstituendū: sæpe obstrepit inopia, sæpe aduersa fortuna, sæpe numero
alij

alij casus in vita incidunt. Hic nisi exempla & testimonia ex historijs in conspectu & animo habeas, quibus te toleris aut confirmes, in errorem labaris, aut fluctues necesse est.

Secundò, historia est lux veritatis. Iam cogita, luce quid est formosius? quid carius? quid amabilius? Hæc enim illuminat obscura, & cuiusmodi sint, quid verū falsū, boni aut mali in se habeant, perspicui possit. Debent itaq; studiosi ob hunc etiam vsum amare lectionem historiarum, quòd lumen affert omnibus obscuris & dubijs rebus. Ex quo sanè intelligitur, in luce versari, quicumque in historiarum lectione versantur: & contra in tenebris vagari & errare: quotquot historias vel ignorant vel aspernantur.

Tertiò, historia vocatur vita memoriæ, hoc est, custos & thesaurus memoriæ, quæ effluere ex animis siue memoria non sinit ea, quorum recordari vtile est. Reuocate enim nobis in memoriam historiarum lectio, quicquid antè actum est. Non est autem vlla expeditior, neq; promptior hominum gubernandorum ratio, quàm præteritarum rerum scientia, autore Polybio.

Quartò, historia etiam magistra vitæ
v dici-

O R A T I O X X I I I .

dicitur, quòd mores & actiones in vitare-
 gat. Cùm enim duæ sint viæ perueniendi
 ad sapientiam: vna propria experientia,
 altera consideratio alieni exempli: tutius
 est utiq; ex alijs discere, quod sibi ex usu sit.
 Nihil est autem, quod tam erudire nos per
 aliena exempla possit, quàm historia, ut-
 pote quæ speculum est variorum consi-
 liorum, actionum & euentuum in vita:
 vnde qui effectus ex quibus antegressis
 causis & actibus secuti sint, clarè conspi-
 citur. Nec vox aut concio vlla efficacior
 est, quàm quæ exempla ante oculos ponit
 poenarum vel præmiorum, quibus ani-
 mus legentis ita incenditur atque feritur,
 ut vellatitiæ, vel horroris motum inde
 percipiat. Fieri enim minimè potest, quin
 mens bona ex honestè factorum præmijs
 ad virtutis amorem incitetur, turpium
 verò facinorum exemplis atque poenis ad
 odium fugamque vitiorum extimuletur.
 Tales motus qui non capit, levis est pro-
 fus, sicut in versibus dicitur:

*Qui legit historias, nec mores inde gu-
 bernet,*

Dixeris huic viui sanguinis esse nihil.

Iustus Jonas Iurisconsultus paulò ante
capitis

capitis supplicium, hoc distichon pronun-
ciasse fertur:

*Quid iuuat innumeros scire atque euoluere
casus?*

Si facienda fugis, si fugienda facis.

Quintò, nominatur historia vetusta-
tis nuncia, eò quòd veterum siue maio-
rum dicta & facta ἀξιωματικῶς & recen-
seat & nota faciat.

Audistis, studiosi optimi, de ordine
historiarum, cognouistis de veritate, &
nunc postremo loco etiam de utilitate.
Quæ spero ad id profutura esse omnia,
vt in animis vestris excitent amorem &
curam audiendi enarrationem eorum
autorum, qui historias grauitè politeque
scripserunt. Ad quam cum præparare vos
in primis cupiam, ista præfari placuit.
Et vt ordinem totum & præcipua ca-
pita vno quasi intuitu complecti pos-
sit: Isagogen qualem cunque vobis tra-
dam, quæ viam & progressionem in vni-
uersa historia mundi demonstrèt. Hoc tan-
tùm vos moneo & hortor, studiosi, vt ne
ipsi vobis desitis, sed in audiendo assiduos
& frequentes vos præstetis. Ego quidem
nihil prætermittam, sed quæ habeo,
v 2 quæq;

ORATIO XXIII.

quæq; scio, liberaliter fideliterq; vobiscum communicabo. Quod si ego meo, vos vestro loco feceritis, dubium non est, quin fructus industriæ & vigilantia vberes diurnosq; cap turi simus.

Quod superest, Deum toto pectore oro, ut cum totam Academiam, tum meum etiam hunc in docendo conatum, vestrum verò in audiendo & discendo studium clementer regat & fortunet, ut grata ipsi faciamus, & nobis salutaria. Dixi.

Oratio XXIII.

DE DISCIPLINA NO-
ua & veteri, tam Domestica,
quàm Scholastica.

Ad consolandum erudiendumq; pa-
rentes, præceptores & liberos.

Partes libri.

1. De difficultate disciplina huius temporis.
2. De exemplis disciplina veteris.
3. De severitate & laxitate disciplina.
4. De premijs disciplina.

PRI

PRIMA PARS.

PHILIPPVM Melanchthonem dixisse aliquando accepimus ad Erasmodū Sarcerium, tria esse opera difficilima, dicentis, regnantis, & parturientis. Quod quidem elogium tantum momenti atq; ponderis habet, vt qui illud negat, re & facto ostendat, se neque legendis aliorum scriptis, neque vsu & experiundo aliquid profecisse. Etsi autem regnantis partes certius norunt illi, qui Imperia aut Respub. magnas gerunt: tamen difficultatem eius experiri suo quemque loco necesse est, qui modo munus regendi liberos, familiam, & pueros adolescentesq; in scholis sustinet. Parturientis verò labores atq; dolores, quamuis muliebrem sexum instituto ac mandato Dei propriè attingant: tamen cū Paulum non pudeat affirmare, omnes res creatas vna suspirare & parturire vsque ad hoc tempus: non absurdum fortasse fuerit, parturientium dolores ad eos etiam transferre, qui magnitudine laborum oppressi, ingemiscunt, & liberationem totis animis expectant. Quo in genere sunt absque dubio multi parentes pij atque Præceptores, qui laborando, mō-

v 3 nendo,

ORATIO XXIII.

nendo, castigando, docendoque ita franguntur atque fatigantur, ut velut suspirantes leuationem votis assiduis à Deo petant. Quid de dicentis officio arduo commemorem? Quis est, nisi audaculus indoctus & impudens, qui non ita in principio orationis exalbetur, difficultatem peruadendi considerans, iudiciâq; varia, & euentum ancipitem pertimescens? Fatendum est igitur, difficilima omnium opera esse, docere alios, regere & parere: & quidem separatim vnumquodq; istorum sudorem & vires infractas desiderat. Attamen difficilior multò est illorum conditio, qui dicentis simul & regentis munere funguntur. In quorum nummulo ero profectò sunt ij, qui vel domi liberos erudiunt & educant, vel in scholis adductos ad se pueros, dispares natura, moribus, studiis & voluntatibus, ad vnum pietatis doctrinæque cultum instituunt & assuefaciunt. Hi ergo, quia utroque onere docentis & regentis, grauati sunt, verè molem Æthna monte grauiorem, in humeris suis baiulant. Hinc tot tamque graues querelæ docentium in scholis audiuntur, fitque adeò, ut è millibus vix vnus in hoc scholastico puluere perseueret, & vitam consumere

sumere suam in tam ardua militia velit. Franguntur enim plerique laboris magnitudine, & deterrentur professionis asperitate: ad quæ accedit etiam egestas & contemptus, qui velut comites è vestigio plerosque in scholis delitescentes consequuntur. Vt autem forti morbo, valens opponendum est remedium, nisi naturam ipsam velis succumbere: ita huic docentium querelæ iustæ & graui adhibendum est solatium efficax, quod & acerbitatem molestiæ leniat, & animos ad spem boni maioris exuscitet, quo labores perferant tolerantius, & ad finem propositum properent contentius. Initio igitur de causis quæ augent disciplinæ puerorum difficultatem, differemus, deinde exempla maiorum nostrorum dispiciemus: tertio disciplinæ seuerioris, & mollioris vsum considerabimus: tum de fructibus vtriusque, bonæ & malæ disciplinæ ea commemorabimus, quæ & sustentare bonos in officio eruditionis & castigationis, & terrere simul disciplinæ contemptores

possint.

ORATIO XXIIII.

PRIMUM CAPVT: DE

*difficultate disciplina huius
temporis.*

AGE consideremus, quænam causæ tantæ difficultatis disciplinæ huius ætatis existant, tantosq; labores atq; molestias experiantur hodie omnes, qui juniorum mores, vitam atq; studia moderantur. His enim causis perspectis atq; cognitis, Præceptores partim asperitatem sui muneris admirari desinent, partim ad labores suæ militiæ reddentur paratiores. Sic ergo statuamus, idque exploratum omnino ducamus, conflictandum esse Præceptorum cum eiusmodi ingenijs, quæ bestiis ipsis vel paria sunt, vel certè non multò mansuetiora. Causæ in promptu sunt. Primum enim natura ipsa distortus & prauus est pueri animus: deinde accedit plerunq; educatio mollis & indulgentia vel patris vel matris vel vtriusque: tertio suppeditant mala exempla, quibus velut contagio inficitur ac corrumpitur puerilis animus: quarto mundus totus in malo positus non nisi ad malum irritat: quinto Satanas ex professo disciplinæ hostis est, eamq; conturbat & labefactat: postremo ætas

ætas mundi hæc vltima partim laxa, partim ad luxum Veneremq; propensa, modo non aduersa fronte repugnare disciplinæ videtur. Tot ferè sunt, tamq; potentes disciplinæ veræ hostes, cum quibus congregi atque luctari Præceptores oportet, Hos cognoscere nos decet accuratiùs, vt feliciùs conflagere cum illis possimus.

DE PRIMO IMPEDI-

mento seu hoste disciplinae :

Natura ipsa.

Ingens est cordis humani prauitas, incredibilis contumacia, quam nō tantum discimus, vsuq; corroboramus & augemus; verum ex natura ipsa arripimus, haurimus & exprimimus, & ad quam non tam instituimur, quàm nascimur & imbui-
mur, vt disciplinæ vincula fugiamus, & liberè impuneque quiduis agere pro animi libidine cupiamus. Quis enim est omnium, qui non ferri cæco & temerario animi impetu malit, quàm si regi flectiq; ab alijs pati? Documenta huius malitiæ suæ satis expressat ipsa natura cuiusq; pueri, statim initio, cum asperum se præbet & contumacem castigantibus, & vel voce vel

O R A T I O XXIIII.

Vultu ac gestibus ostendit, se vel ferre nolle, vel certè animo inuito, & repugnante natura correctionem admittete. Causa in diuinis scripturis luculentè exposita est. Circumferimus enim in cordibus nostris fontem contumaciæ, ipsam ingenitam prauitatem & peruersitatem. Quæ sanè Deum conditorem ipsum sic permouit, vt pœnituerit ipsum fabricationis hominis. Referti etiam sunt Philosophorum libri querelis de innata homini malitia. Nam & Plato lib. 7. de Legibus ait, puerum esse omnem bestia intractabiliorem: item, insidiosissimum, acerrimum & petulantissimum omnium bestiarum, ideoque multis quasi frenis vinciendum esse. Et Aristoteles: i. politicorum: Puer, inquit, nisi legibus & iure coërceatur, omnium animalium pessimus est. Scimus autem quorundam animalium feritatem esse insignem, vt leonis, vrsi & similibus: & his tamen ferociorem esse puerorum naturam, hi summa auctoritate Philosophi asseuerant. Quid igitur? Hyperbolen esse in his eorum sententijs putabimus: Res vtrunque nos fateri coget, & esse horribilem pertinaciam in animo puerili: & ipsam pueri naturam, nisi cura & assuetudine

Etione

atione cicuretur, à bestiarum feritate parum differre. Exemplum vnum recitabo, quod in Chronico Erphordiano extat, de infante, in quodam Hesiæ pago, parentum negligentia amisso; quem cum diu requisivissent, non tamen reperire vlllo studio potuerunt. Fuit autem locus ille frequens hortis & arboribus, nec à nemore procul remotus, vnde excurrere lupi crebro consueverunt. Aliquando inter alios lupos in hortis oberrantes, conspectum fuit animal, non planè lupi speciem referens, nec pari celeritate cum cæteris sepes hortorum transiliens. Id cum sæpius cum quadam admiratione iutuiti essent incolæ, & subesse aliquid, suspicarentur, tandem ad præfectum loci retulerunt, qui mox ipsi Landgrauio indicavit. Is verò capi quocunque modo animal iussit, & ad se adduci. Sic captum inter medios lupos quadrupes illud, nihil nisi feritatem spiravit, & in aulam inductum statim sub scamno sese occuluit, sibilum edens, bestię quàm homini similiorē. Nonnulla tamen interim lineamenta humanæ effigiei, licet obscura, comparebant. Datum est igitur à principe mandatum, vt aleretur aliquandiu inter homines, donec cognosci na-

tura

*Exemplum feritatis
ac praxitatis in p
to Hesiæ.*

ORATIO XXIIII.

tura eius penitus posset. Hic dum cura & assuefactio diligens adhiberetur, paulatim mitescere animal, & erecto incedere cepit corpore, donec loqui etiam humana voce didicit, remque omnem, quantum quidem meminisse poterat, commemoravit, quomodo inter lupos vixisset in antro, ubi meliorem semper prædæ partem lupi sibi dedissent, & benignè fouissent. Hactenus Chronicon: de fide statuatur pro suo quisque arbitrato. Certè congruit exemplum cum descriptionibus Platonis & Aristotelis, qui consentientibus sententijs bestia deteriorem puerum esse dicunt, nisi diligenti cura & industria à teneris, ut aiunt, unguiculis, ad humanitatem flectatur. Et si autem nequaquam è natura hominis tollor rationem & orationem, quibus homo bestias omnes longè superat, tamen hæ ipsæ dotes, nisi studio educationis suscitentur & conformentur, velut ignis in silice latent. Quocirca cum natura ipsa pugnare necesse est Præceptores, qui à feritate ad moderationem pueros traducere conantur. Naturam verò voce innatam prauitatem & disciplinæ odium, quod ex animis euellere & extirpare, tãquam serpentes ex agro, quem excolere volumus,

opor-

Oportet. Nec labor exiguus est, naturam sic immutare, ut feritatem exuat, & modestiam morum imbibat, ut alia prorsus facta esse videatur, nec agnoscas eandem. Hoc opus, hic labor est: in hoc contendere omnes nervos oportet Præceptorem, ut in hac militia fidum, constantem & infractum se præbeat. Impedimenta multa sese offerunt, & aduersitates validæ occurrunt. Resistit puer, respondet, tergiuersatur: commendationem pollicetur, probitatem simulat, ad ingenium tamen recedit. Natura enim, quamuis expellatur furca, usque tamen recurret, secundum Poëtam. Sed contra Præceptor acriter instabit, nec monendo, increpando, castigando, retrahendoq; fatigabitur, donec moderatior puer esse incipiat. Ac si quidem correctio aliqua naturæ apparuerit, bonum certamen se certasse existimet, gratum in primis DEO, & salutare humano generi: sin minus, suo tamen officio perfunctus, conscientia recta sese sustentare poterit.

Quorundam etiam ea est ingenij tarditas, linguæq; stupor, atque debilitas, ut natura ipsa respuere omnem disciplinam videatur. Hoc vitium naturæ corrigere magni laboris est: & tamen tentanda est correctio,

ORATIO XXIIII.

rectio, & quod natura denegare videtur, id assiduitate studij pensandum est. Non enim decet, à disciplina statim arcere puerum, quòd doctrinæ non admodum sit capax: sed assuefactione accurata frangere & emendare naturam oportet. De Socrate etenim accepimus, quòd & ipse stupidus, tardus ac mulierosus fuerit natura: & tamen sic compressum & edomitum est eius ingenium, vt factus sit sapientissimus. Studio opus est frequente & assiduo, vt crebris repetitionibus & iterationibus inculcetur doctrina, donec adhærescat animo, & radices agat. Non enim alio remedio ista naturæ labes elui aut deleri ex animo potest, quàm assiduitate precum, & laboris diligentia.

DE SECVNDO IMPEDIMENTO disciplinæ, indulgentia parentum.

Naturæ prauitatem excipit educatio mollis, alterum disciplinæ impedimentum atque incommodum. Etsi enim multi parentes inueniuntur, quibus recta liberorum educatio magnæ curæ est: pauci tamen sunt, quos non possis in aliqua

qua parte cernere suffe nos. Velenim indulgentior est pater natura, vel alias obcuras & occupationes negligentior: vel mater laxas dat habenas liberis, si non natura, quod plerunque fit, tamen opinione, seu metu duritatis & seueritatis patris, propter quam occultat filiorum flagitia, ne qua resciscat pater, & durius flagellet liberos, aut per iram faciat aliquid, cuius poenitere illum oporteat. Poeta quidem accusat patres hoc versu:

Blanda patrum segnes facit indulgentia natos.

Attamen maior plerunque est culpa matrum, quarum animi ut molliores sunt, ita natura propensiores sunt in filios.

Nec sanè vituperanda est talis propensio, nisi tractatio mollior, flagitiorumque occultatio, aut excusatio puerum eneruet, & secundum Comicum, agrotum eius animum ad deteriore partem applicet. Omnino amoris ea vis est, ut occæcet amantem, ne cernat vitia in persona amata: unde sanè fit, ut quæ mala sunt & acerba, pro bonis & dulcibus habeant & amplexentur amantes. Idem euenit matribus plerisque, ut præ amore dissimulent filiorum natos & errata, quæque in alijs vituperant, ea in matris proprijs osculentur.

Iam

ORATIO XXIII.

Iam quoquomodo vel imbuti, vel deprauati pueri delicata educatione domestica in scholam ad Præceptorem mittuntur, adferentes secum stirpem ac semen mali, imis præcordijs conceptum & non-nihil etiam indulgendo firmatum. Hoc euellere cum tentat Præceptor, indignatur puer, reluctatur, & iniuriam sibi fieri queritur. Ad parentes igitur recurrit, eosq; patronos sibi expetit. Hic si parentes inuenit indulgentes & blandos, quis locus disciplinæ est reliquus? At si Præceptoris assentiuntur parentes, & vno animo atque ore correctionem filij quærunt, spes emendationis magna superest. Et tamen, Deus bone, quàm difficulter naturæ vicia exuuntur? & quàm ægrè id, quo semel imbutus est animus, eluitur? Hic pugna opus est & contentione non parua, vt mores, quos puer in scholam affert, vel mutet, vel corrigat. Diophantus, Themistoclis filius, domi sic à matre benigna assuefactus erat, vt quicquid vellet, idem vellet etiam mater. Ex hoc insolentior factus Diophantus, etiam in schola pro sua libidine agere & agi voluit omnia. Tantum effecerat domestica matris educatio. Quam obrem sentio hoc optandum est, & expetendum vobis

tis pijs atque assiduis, vt parentes non solum domi non laxent habenas pueris, sed ne postea quidem, cum in scholas missi sunt, blandiantur eis: sed vnà cum Præceptore idem velint, & operam dent, vt videlicet rectis moribus & studijs puerilis informetur animus. Certè Præceptoris conditio in hac parte dura est & operosa.

DE TERTIO DISCIPLINÆ
impedimento, imitatione exempli.

Tertium disciplinæ impedimentum est exemplorum copia, quæ vbiq; occurrunt puero, quocunq; aspicit, aut sese vertit. Domi simul atque sentire incipit, auditione & visu viciorum alimenta percipit. Falli parentes à familia intelligit, eandem artem ad imitandum sibi proponit: occultari flagitia, & confictis mendacijs excusari perspicit, ad idem artificium sese præparat: obscœna audit, eadem loqui & ipse gestit. Foris discursiones liberas puerorum cernit, iisdem delectari statim incipit. In schola nihil tam viciosum est, quod, cum vñtatum sit alijs, non exprimendum sibi putet. Ita exemplis, vbiq; ob oculos positis,

ORATIO XXIIII.

cis, repletur & irretitur animus pueri, ut non nisi labore magno ac difficili possit abduci. Quanta enim vis fit exemplorum in utramque partem, bonam & malam, etiam in hac parte experiri Præceptor cogitur. Plus utique valet apud puerum alterius exemplum, quàm scripta, vel in æs incisa regula: quodque exemplo se facere posse existimat, id iure fieri optimo arbitratur. Cum hac igitur consuetudine, tanquam cum tyranno, dimicandum est Præceptor, quamuis conflictu insuavi & laborioso. Nec facile est, hoc disciplinæ incōmodum sanare atq; tollere.

DE QUARTO DISCIPLINÆ hoste, mundo.

Quartum impedimentum locus ipse affert contagiosus & pestilens. Iacet enim mundus totus, in quo hospites sumus, in malo. Nunquam mores, quos extuli, refero, inquit ille in fabula. Non parua igitur contagio, & lues ab ipso domicilio in animos puerorum peruadit. Ut enim Medæ gypsatas manus effugere is, qui in sinu eius commoratur, haud facile potest: ita mundi illecebras, voluptates & insidias,

as, quæ blandissimæ sunt dominæ, non facile est puero vitare, qui in mundo versuto & fallaci versatur. Inde non dici potest, quantum animus puerilis corrumpatur. Qui enim in mundo est, mundanos mores utique sibi imitandos putat. At, quinam sunt seculi huius mores? Praui omnino & peruersi. Talis igitur esse puer quilibet cupit, ut par esse alijs possit, nec propter morum suorum insolentiâ contemnatur aut derideatur. Vestitum alij pro vicio seculi gerunt laxum & preciosum: eundem ipse sibi quoq; experit. Fert labes huius seculi luxum, discursationes, lusus & licentiam immodicam: eandem ipse sibi quoq; sumit, nec legem sibi tenendam putat aliam. Denique numina alia neque agnoscit, neque credit, præter eâ quæ mundum colere omni contentione perspicit. Quæ verò sunt illa?

Ambiciosus honos, & opes, & sæda voluptas:

Hæc tria pro trino numine mundus habet.

Ab his sese abstrahi multò molestius fert puer, quàm leena sibi eripi patitur catulos. Quid? quòd parentes ipsi, prout nunc sese dant mores & tempora, metuunt liberis, ne auulsi ab his vilitatis mundi moribus, parum apti postea ad mores

x

2

civiles

ORATIO XXIII.

ciuiles in mundo reddantur. Vident enim, in numero nullo esse eos, nec rem facere posse, qui technas mundi non didicerint nec sese applicare ad homines, foroq; uti sciant. Itaque fit, ut virtutes malint, quàm probos: negociatores, quàm doctos: audaces, quàm verecundos. Quid mirum: vox ea communis est multis: Non satis esse, probum esse in mundo, nisi cum probitate coniungatur astutia. Quod dici quidem posset absque impietate, nisi astutia requireretur, cum fraudandi studio copulata. Tot tamque speciosis corruptelarum mundi illecebris quomodo non irriti animus pueri potest? Et tamen abstrahendus à talibus est puer: alioqui cerè disciplinæ capax esse minimè poterit. Est igitur Præceptor in hac etiam parte propositum certamen arduum, quod sanè studium acre, & laborem, Herculis non dissimilem, desiderat. Quid enim tam operosum esse potest, quàm communem mundi morem oppugnare?

DE QVINTO DISCIPLINÆ impedimento siue hoste, Satana.

Graue infligitur disciplinæ vulnus à mun-

mundo: sed grauius à Satana, principe mundi. Is enim dedita opera in id incumbit, vt effractis omnibus disciplinæ, pudoris acque pietatis repagulis, liberè frena libidini & furori laxentur. Nec partem tantum vnâ disciplinæ conatur labefactare, sed totam conuellere & è medio tollere studet. Deus bone, quas turbas dat scholis & œconomijs hic inuentor scelerum, fraudum Magister & Autor? Animum pueri ipsum, natura procliuem ad malitiam, incitare non desistit, priusquam in exitium præcipitet. Parentum amore profuso & lenitate vtitur sceleratè ad corrumpendos & perdendos liberos. Exempla praua ob oculos ponit, vt teneras mentes perstringat atque decipiat mundi voluptates, libidines, licentiam, & proteruos mores ostēdat, vt suis illecebris imperitos capiant. & à disciplinæ amore, & cultu omni auertant. Odium doctrinæ discipulis animis instillat, fastidium præsentis sortis excitat, contemptum Præceptorum ingerit & augeat, varios decipiendi modos monstrat, ad maledicendum Deo, Præceptoribus, parentibus inflamat, ad conspirationes & molitiones illicitas incitat, ad fugiendum vias pollicetur, ad potandum occasiones

ORATIO XXIII.

præbet, & denique iurgia, rixas, pugnas, clamores, & alia innumerabilia mala suscitatur. Quocirca, si in vlla parte, certè in hac opus est vigilijs, cura & diligentia Præceptoris, vt his tam nefarijs conatibus occurratur. Cumque humana industria par tanto hosti esse non possit, diuinum implorare oportet auxilium, & rogare filium Dei, vt ipse reprimat furorem Diaboli, & disciplinæ suæ custos esse velit.

DE SEXTO DISCIPLINÆ impedimento, deflexa mundi ætate.

Habuerunt quidem omnia tempora sua quædam incommoda, nec vlla ætas querelis caruit: sed haud scio, an grauiora impedimenta disciplinæ vnquam obiecta sint, quàm hac vltima, delira & squalida mundi senectæ. Vt enim robur animorum & corporum insigniter diminutum est: ita cultus disciplinæ omnis maiorem in modum languefactus est. Nec mirum, si cum ruente natura, animi quoque humani vis labatur atque debilitetur. Etenim scimus, Solem ipsum delabentē ad terras sese demittere, & ad finem suum properare: &
Pla-

Planetarum ultimos nunc humores & mores hominum temperare, Venerem & Lunam, quæ animi nervos incidunt, & libidinem cupiditatesq; effrenes mirabiliter inducunt. Neq; ignotus est postremus Diaboli in hoc seculo furor, conantis bona omnia evertere, & contemptum disciplinæ, securitatemq; capitalē in animis puerorum confirmare. Hæc quoq; labes est seculi, & inclinantis mundi viciū, cum quo pugnare omni contentione Præceptorem oportet. Experimur enim hoc tempore non modò insignem ardorem cupiditatis atq; libidinis in animis puerorum, sed incredibilem etiam ad intemperantiā & luxum procliuitatem. Ex quo profectò coniectura capi facile potest, fore, ut in libidinem & luxum propediem totus mundus diffuat atque dissoluatur. Huic nocentissimo malo occurrat quicumq; potest, detq; operam pro se quisq; Præceptorum, ut abstrahat ab hoc delirantis seculi vicio quotquot potest, occasiones intercipiat, & aditus omnes intercludat, coërceatque adeò pueros ipsos, ut metu poenæ tandem prætermittere cogantur, quod vel vitium seculi suadet, vel quod vitare virtutis amore pueri non volunt.

ORATIO XXIIII.

Tot tamq; valida disciplinæ impedi-
menta in scholis inferuntur, à natura, edu-
catione domestica, exemplis, mundo, Sa-
tana, & ipso ætatis mundi elanguescentis,
& ad finem ruentis vicio: quæ Præcepto-
ris pij animum mirè percellunt, & eò in-
terdum adigunt, vt vehementer de suc-
cessu dubitet, & penè desperet. Firmo igi-
tur solatio opusest, quod vel in primis ex
eorum exemplis sumi debet, qui in eadem
olim militia versati, eandem fortunam
experti sunt.

SECUNDA PARS DE *exemplis disciplinæ maiorum.*

Magna vis est exemplorum, in vtram-
que partem, vt vel in rebus asperis a-
nimum afflictum consolentur, vel exul-
tantem comprimant, & ab improbitate
arceant. Memini quandam matronam
nobilem dicere de primis nostris parenti-
bus: Miserrimi fuerunt Adamus & Eua,
vel hoc nomine, quòd exemplum ante se
nullum habuerunt, in quod intueri po-
tuisent, & casum horrendum filij sui Abe-
lis solari. Iccirco vtiliter docet Basilus,
piorum virorum vitas tanquam commu-
nes

nes imagines diuinæ Reipub. ad imitationem bonorum operum propositas esse: ut quicquid occurrerit, inde, tanquam ex communi officina, conueniens suæ infirmitati medicamentum quisq; depromat. Atque haud scio, an solatium valentius reperiri possit, quàm sentire, se neq; primum esse, neque solum, neq; postremum etiam fore, cui aduersa tot in vita sua accidant; sed eadem etiam, vel grauiora iam olim accidisse maioribus, & sine dubitatione euentura esse posteris. Nihil enim noui sub Sole, secundum Sapientis dictum: sed eadem in mundo semper agitur fabula, mutatis tantùm personis. Nimis molles sumus, blandientes nobis ipsis; & talia nos ferre opinamur, qualia ante nos tulerit, aut hodie ferat nemo. Ac procliue quidem est, eam opinionem animo suo inferre, ut suum malum omnium ducat esse maximum. Quod enim quis non sentit, quomodo id magnum aut graue esse arbitritur? Relinquitur ergo opinione nostra, nullius hominis conditionem duriorē esse aut fuisse, quàm illa ipsa est, quam nos sustinemus. Verùm is error opinionis inde nascitur, quòd aliorum sortem lippientibus oculis, & ociosis animis

ORATIO XXIII.

intuemur, nostram verò ipsi sentimus
 atque perferimus difficiliùs. Quod si
 æquo iudicio rem perpendere volueri-
 mus, reperiemus sanè, nihil nobis accidere
 posse tam aduersum, tamque luctuosum
 vllain re, quod non eodem modo maio-
 ribus nostris euenerit. Eorum igitur
 exempla disciplinæ puerilis antè oculos
 nobis proponamus, vt moderatiùs ferre
 nostram sortem in hac scholastica militia
 discamus. Indignum esse censet Cicero
 homine sapiente, præcipuam sibi fortu-
 nam postulare communemque recusare.
 Quod igitur nobis contingit, idem con-
 tigisse patribus & maioribus existime-
 mus: nihilq; differre nostram ab illorum
 conditione, nisi quòd nos nostra mala sen-
 timus, aliorum verò tantùm auditione
 aut lectione percipimus. De quo scitum
 est illud Thucydideum: τὰ οἰκεῖα μάλ-
 λον πένθει, τῶν δὲ ἀλλοτρίων ὁ μέλει:
 domestica siue propria mala magis pre-
 munt, alia verò curæ non sunt. Prodest
 itaque, piorum, qui antè nos fuerunt,
 exempla in hoc genere euoluere, & euo-
 luta intus contemplari, perinde ac si eos
 ipsos coram loquentes nobiscum, & suam
 nobis fortunam exponentes audiamus:

vnde

unde sane fiet, vt ad eos nos penitus aggregemus, & succum inde salutarem trahamus.

EXEMPLVM ADA

MI ET EVÆ.

Duos filiolos educabat primus ille pater atque Præceptor, Cainum & Abelem, & vtrumq; summa cura atq; industria ad cultum pietatis atque virtutis instruebat. Concionabatur domi quotidie de horribili ira Dei aduersus peccatum, & recens exemplum tristissimæ eiectionis ex paradiso propter inobedientiam, sedulò inculcabat. Tum in quantam miseriam ex florentissimo ac beatissimo statu innocentix deiectus esset, commemorabat, crebris gemitibus atq; suspirijs: Non satis, inquit, dici potest, filioli, quàm intolerabilis sit ira Dei aduersus contumaces. Me intuemini, & matrem vestram. Heu, quàm præstantibus corporibus fuimus, quanta lux diuinæ sapientiæ mentes nostras compleuerat, quàm dulcis erat nobis cōiunctus cum Deo pater. Omnia tunc ridebant, & erat formosissimus orbis. Nec quicquam nos latebat, quin primo statim intuitu omnē eius naturā atque efficacitatem perspiceremus.

Subdita

ORATIO XXIII.

Subdita nobis erant omnia. At nunc, quàm squalida & luctuosa facta sunt cuncta? Imago Dei, quæ relucebat in nobis, amissa est: corpus sordet: Sol, Luna, stellæq; omnes deformiores sunt factæ: terra maledicta sterile cit, & conflictus nobis ingens cum Satana, hoste nostro perpetuo, relictus est. Quocunque aspiciatis, signa reatus tristissima reperitis. Hoc igitur exemplo nostro commonefacti, pueri, pietatem colite, & Deo nobisq; parentibus obedite, contumaciam deponite, & vos regi flectiq; nostris monitis finite. Deinde foras etiam in campum eos deduxit, stellas, arbores, plantas, radices, gemmas, & alia terra nascentia monstravit: alicubi sub arbore sedens, cœli motum conuersionemq; admirabilem expoluit, ac in tabula depictam oculis subiecit, vt, secundum Platonem, oculi ad agnitionem Dei opificis duces imperitioribus essent: Videte, inquiēs, filioli, hæc sunt opera DEI nostri opificis quæ nobis contemplanda post lapsum nostrum reliquit, vt notæ sint & præcones magnifice utriusque ipsius. In primis verò Gratiā DEI, nobis promissā in filio, commendatā vobis habete, hanc amplectimini, in hac omnis spes & salus est sita.

Con-

Contrà verò, qui hanc negligit aut aspernatur, ille Satanæ est mancipium, & æternæ Dei iræ reus. Timete igitur Deum, & filij: credite nobis parentibus vestris, qui utrumq; sumus experti, & iram Dei, & gratiam. Cauete, ne in manus Dei irati incidatis. O quàm intolerabilis res est ira Dei, quàm durum onus est peccatum. Fugite igitur toto pectore omnem impietatem, & sequimini meum ductum atque consilium: audite verbum Dei orate & amate castigationem paternam. Eiusmodi vocibus quotidie personabant aures Abelis & Caini, nec cessabat vnquam paternacastigatio. Et quidem multum proficeretalem educationem ad virtutem facile crederes, nisi res & euentus aliter doceret. Quid enim accidit? Abelus iueiusmodi educatus disciplina, probus euasit & simplex, obtemperauit parentibus, operam dedit ijs studijs, ad quæ ducebatur. Contrà Cainus factus est subdolus, audax, vanus. castigationem odit, religionem derisit. En hic est disciplinæ bonæ effectus discor, & multum dissimilis. Instant boni parentes, vrgent, & parte nulla officio suo desunt, quo coercere improbam petulantiam Caini possint: sed quò instant acrius,

O R A T I O XXIIII.

ed minùs proficiunt. Admonuit absquē
 dubio ipse etiam Abelus sæpenumero di-
 stortum fratrem, vt desisteret à malitia, nec
 parentes tantoperè perturbaret: interdum
 quoq; indicauit parentibus fratris scelera
 maledictaq;. Et accersitus Cainus obiur-
 gatus est, & castigatus à parentibus. Sed
 quomodo tulit castigationem præfractus
 filius? Oblocutus est, responsauit, prodi-
 torem mendacemque vocans fratrem, vt
 qui falsa crimina detulisset: & vel palàm
 minatus est illi verbera mortemue; vel
 vultu & gestibus satis declarauit, se disci-
 plinæ & castigationis hostem esse iuratū &
 implacabilem. Cuius nostriūm sensus aut
 cogitatio comprehendere, aut assequi ma-
 gnitudinem mœroris parentum istorum
 satis potest? Experti sunt quotidie, augeri
 malitiam pueri, nihilq; proficere minas,
 nihil verbera, nedū admonitiones. Quo-
 ties in eas angustias redacti sunt, vt vel pa-
 lām præ dolore exclamauerint, vel tacitè
 secum vota fecerint talia, qualia multis bo-
 nis parentibus degeneres exprimunt filij?
 Quantò satius esset, nullos planè liberos
 habere, quàm tantam quotidie ob oculos
 videre contumaciam? O virus Satanæ, ô
 vulnus naturæ nostræ horrendum. Quid
 misera

miseram mater? quoties reflexa est mens eius
ad eam cogitationem & spem, quam de
Caino conceperat, cum gaudio velut exul-
tans diceret? Nacta sum virum Domini.
Certè vir est, qui nos in luctum & mæro-
rem tantum conijcit, à quo tam tristitia ma-
la nobis & fratri alteri impendent. Quæ
hic vota, qui gemitus intercesserunt? Et
tamen non penitus prætermittenda casti-
gatio fuit, nec abijcienda omnis disciplinæ
cura. Restiterunt igitur miseri parentes
succrescenti improbitati pueri, quantum
potuerunt: & cum blandè quandoq; lo-
cutus est, spem emendationis conceperunt.
Ideoque precari pro eò non destiterunt, &
ad sacrificia sua illum ipsum quoq; addu-
xerunt, exemploq; fratris hortati sunt, ut
& ipse preces, animo ad pietatis cultum
composito, recitaret, & munus Deo offer-
ret. Aspice, inquit mater, Abelem: pius est,
beneque moratus: scit preces Deo adhibe-
re, & acceptus est illi. Tu similiter disce præ-
cari, & æquè eris Deo gratus, atque frater.
Has voces vel risit in animo suo Cainus,
vel palàm odium suum in fratrem osten-
dit: donec tandem insidiosè illum in agrum
eductum occidit, cumulatè animi sui et-
frenem libidinem explens. Hic exitus fuit
disci-

ORATIO XXIII.

disciplinæ parentum piorum & sedulo-
rum, tragicus planè & luctuosus: in quem
intuentes cohorrescamus animis, cogitan-
tes naturæ prauitatem, & corroboratam
auctamque quotidiano usu, assuefactione
& incitatione Satanæ malitiam, in tam ac-
curata disciplina primorum parentum. Et
simul tamen nos eodem exemplo conso-
lemur in nostra disciplina, domestica &
scholastica, quoties successum eius multi-
pliciter impediri videmus: adeò quidem,
vt opprimamur interdum, & vix dolori
resistamus. Fit enim sæpe, vt in eas angu-
stias redigamur, vt quasi resilientes omit-
tere omnem conatum in animum indu-
camus. Tot enim, tamque valida nobis
obijcit Satanas impedimenta, vt expedire
nos nullo modo posse videamur, quocun-
que tandem nos vertimus. Sed commo-
nifaciti hoc illustri primorum nostrorum
parentum exemplo, meminerimus san-
ctissimis multò atrociora euenisse. Quota
enim pars miseræ Adam & Eux est cala-
mitas illa, quam nostrum aliquis experi-
tur? Quod si sanctus ita exercere placuit
Deo, vt luctari cum Satana fortiter disce-
rent: quid mirum, si nos quoque in parte
aliqua dimicare cum Diabolo, & vim
eius

eius, alioqui incredibilem, experiri Deus velit? Non meliores certe sumus patribus nostris, quamvis molliores & imbecilliores. Quid ergo est, quod meliorem fortunam nobis optemus, aut communem recusemus?

EXEMPLVM NOAMI.

TRes erant filij Noamo, Sem, Ham, & Iaphet, qui ingenijs conflictati improbissimis, in mundo perversissimo, sæpe eius illecebris capti, facile à pietatis curriculo deflexissent, nisi patris concionibus, & minis assiduis retracti fuissent. Quod enim difficilius est, quam cum immundis versari, nec tamen ab iisdem contaminari? Erat mundus totus inquinatus & coopertus sceleribus. Ab hoc igitur abstrahere filios, operosum fuit vehementer. Ut enim fluminis incitatum cohibere cursum, difficilimum est: ita graue fuit Noamo, feruidos furiososq; seculi sui mores sustinere, ac ab ijs arcere liberos suos ne & ipsi sequerentur, quod cæca fert libido, & ducit impetus. Hic profectò opus fuit admonitionibus & castigationibus crebris, tum domestica etiam vigilia atque

y. custo-

ORATIO XXIII.

Custodia, ut domi tanquam in carcere, filij
containerentur, ne vicij hominum, tan-
quam contagio, inficerentur.

In ipsa verò arca quid factum putemus
aliud nisi quod fieri solet in pœnis, ut Dia-
boli technas & sarcasmos nusquam ferè
magis sentiamus, quàm cùm inclinata ad
præcipitem ruinam omnia esse cernit. Hic
igitur rixas contentionesque inter fratres
concitare nō destitit, quo afflicto patri af-
flictionem adderet, & mœstitiā eius
duplicaret. Nec mirum hoc vlli debet vi-
deri. An non nobis quoq; euenit, ut, cum
pij maximè esse, & concordēs propter pe-
riculorum magnitudinem, & calamitatū
concursum debemus, securis animis frenā
cupiditatibus laxemus? Petulans in primis
fuit absq; dubio Ham: id quod postea re &
facto satis comprobauit, cum patrem ebri-
um, in somno denudatum derisit. Non e-
nim tum primū cœpit improbus esse,
quantumuis tragico Diluuij exemplo cō-
territus: sed iam ante quoq; animum im-
probū declarauit pluribus exemplis, quæ
tamen pater verbis & verberibus haud du-
biè castigauit. At hoc postremum delictū
maledictionis pœna vindicauit. Nec sic ta-
men repressa fuit eius libido: sed patri
propter

propter hanc pœnam succensuit & molestus fuit: fratres verò, propter benedictionis prægatiuam, odio persecutus est. Ensic actum est cum sanctissimo patre Noamo, quem filius impius ita perturbauit, ut tandem maledicere illi coactus sit pater. Quod quidem quàm graue sit pio patri, & luctuosum, ipsa philostorgia, singulorum parentum pectoribus innata, docebit.

EXEMPLVM ISAACI.

Filij Isaaci fuerunt Esau & Iacob, dispares ingenijs, studijs & moribus. Iacob enim domi educabatur, & ad pietatis cultum instituebatur, parentibus obtemperabat, & ad nutum voluntatemq; matris se totum conuertebat: iccirco charus matri imprimis fuit. Esauus verò campo delactatus, venationi operam dabat: diligebatur tamen à patre, cùm propter venationis peritiam, tum vel imprimis propter ius primogenituræ, & additam promissionem de benedictione. Etsi autem Iacobus modestior fuit: tamen cum frater eius Esauus tumidus esset, & altos spiritus gereret. perpetuæ extiterunt inter eos æmulationes atque

ORATIO XXIII.

concertationes: dum Iacobus in matris;
Esauus verò in patris amplexibus hæreret:
& Esauus quidem, vt qui in belluas Impe-
rium se habere crederet, Iacobum, matris
filium, tanquam mollem, delicatum,
simplicem & probum præ se contemneret.
Quoties igitur in tanta diuersitate inge-
niorum & studiorum querelæ ad miseros
parentes sunt delatæ? quoties vis & iniu-
ria Esauï ab imbecilliori Iacobo propul-
sanda fuit? quoties fremitum præpoten-
tis Esauï compescere oportuit? Sensit iam
tum in flatus ille Centaurus, Iacobum sibi
prælatum iri: ideoque malevolentia & li-
uore eum persecutus est acerrimo. Vtque
vanus erat, & minùs curabat diuinæ be-
nedictionis donum: ita leuissimo precio
ius primo genituræ fratri Iacobo vendidit.
Cuius facti cum postea eum pœnituisset,
odio capitali à fratre dissidere cœpit, mor-
tem illi minitans. Tum, vt parentibus
mœrorem & luctum crearet, vxorem de
filiabus Chanaan duxit. Vnde in tantam
acerbitatem luctus incidit Rebecca, vt suæ
vitæ ipsam tæderet. Ita distortus filius vi-
tam, per se breuem & acerbam, ipsa morte
acerbiorem reddidit matri, propter con-
tumaciam. Fit exul Iacobus, metu sæuitiæ
fratris.

fratris, deserit patrem & matrem in senectute graui. Ex quo quanta mœsticia oborta sit, sensus ipse paternus edocet. Filios habebant duos, quibus benedictionis promissionitebatur, alter sæuit, & nihil nisi minas aduersus alterum spirat: alter verò fugere conspectum parentum cogitur, & degere in exilio. Ita gaudium ipsorum omne in luctum est conuersum, & spes ampla in desperationem meram mutata est. Metuerunt enim parricidium, quam primum in Iacobum Esauus crudelis incidere. Sic ferocia Esauī excruciabantur domi: foris verò vitæ & incolumitati Iacobī timebant. Sed bene se res habet: tandem æquanimitate Iacobī, sic dirigente DEO gressus hominis, placatur Esauus, & amplissimam nanciscitur familiam Iacobus. Ad eundem modum adhuc piorum parentum & Præceptorum merorem luctumque Deus tandem conuertit in gaudium, vel certè sic temperat & moderatur, vt cognita Dei præsentia & ope, in eius bonitate acquiescamus.

EXEMPLVM IACOBI.

PRodeat tandem exercitissimus pater
atque Præceptor Iacobus, & suam in
y 3 educa

ORATIO XXIIII.

educatione liberorum sortem atq; successum exponat. Liberos is educauit complures, quos omnes quidem ad pietatis virtutisq; amorem & cultum exercuit: sed quot impedimenta, quantasq; difficultates expertus sit, age ex illo ipso audiamus. Sice-
nim alloquitur & consolatur omnes parentes & Præceptores, suos illis casus & fortunam ob oculos proponens: Ego multorum liberorum pater functus sum officio patris atque Præceptoris, ea sedulitate, quæ homini possibilis est. Hortatus sum eos à teneris vnguiculis ad cultum Dei, & vitæ morumque integritatem: assuefeci ad precum recitationem, & laborem assiduitatem. Docere omnia, quæ nosse ingenuos utile est, conatus sum: Sed bone Deus, quantas miseras in hoc ipso institutionis curriculo vidi: quamq; graues mihi aduersitates obiectæ sunt? Domus dissidijs, rixis, criminationibusque, & odijs mutuis plena fuit. Alius alium æmulatus est, & tantum non opprimere studuit. Alius obtemperauit iussis meis, alijs refragatus est. In primis verò graue mihi fuit reprimere atq; coercere ardorem atq; impetum eorum ad fastum moresque & vestitū gentium imitandum. Placuit enim illius nouitas in vestitu, arri-

lit

fit conuictus atq; conuersatio. Soline nos sumus, multoties dixerunt, quos singulari sanctimonia viuere oporteat? quantò præstabilius est, communi vsitatoq; more vicinorum nostrorū vti, quàm ita vitam solitariam agere, & cum nemine consuetudinem aut familiaritatem iungere? Atq; hæ quotidianæ fuerunt & domesticæ querelæ. Foris verò quid in se non admiserunt? Contineri se vnica mea filia domi nō passa fuit diutius: sed egressa, vt virgines regionis, in qua hospites eramus, spectaret, ad stuprum rapta est ab adolescente regio. Quod facinus quantum luctū squaloremque mihi conciliarit, non facile dixerim. Vulnus certè sunt mihi, pariter & Ecclesiæ toti grauissimum. Nec dum dolor iste, vix consolabilis, repressus erat, cum nouus mihi mœror infertur à filiis meis, Simeone & Leui: qui per dolum aggressi Sichemitas, stragem horrendam ediderunt, & vindictam inordinatam exercuerūt. Fuit mihi profectò illa dies tam luctuosa & funesta, vt actum esse de familia mea tota putarem. Nec certè discedere, ex eo loco incolumis potuissem, nisi pavor diuinitus vicinis gentibus incussus fuisset, ne familiam meam persequi auderent.

O R A T I O XXIIII .

In tanto calamitatum concursu , cùm vix
diuina consolatione paululū essem recrea-
tus: Ecce noua procella irruerat, cum filius
meus Ruben cum nouerca sua incestam
cōsuetudinem haberet. O quantus hīc do-
lor animo meo obortus fuit? quanq; te-
tra labes Ecclesiæ aspersa est? Pios certè præ
ceteris & bene moratos nos habere liberos
decebat: at hi ipsi, proh dolor, tuperant o-
mnium gentium sceleta atque turpitudi-
nes. Ipsa morte acerbius mihi fuit, audire
crebra illa conuicia: En hic est populus il-
le sanctus: En ista est Ecclesia vera, à cuius
flagitijs & scandalis abhorrerere scilicet o-
mnes mortales conuenit. Intercesserunt
quidem alia mala non exigua, obitus ca-
rissimæ coniugis, amissio patris Isaaci: sed
vix quicquam tam me perturbare potuit,
quàm liberorum crebræ contentiones, o-
dia mutua, & offensiones: quibus ego me-
deri quidem studui verbis, minis & casti-
gationibus: verùm quid profecerim, euē-
rus, proh dolor. satis indicat. Solebat ad me
deferre Iosephus scelera fratrum, qui-
bus se polluebant. Ob hanc igitur causam
odio plusquàm Vatiniano persequaban-
tur illum & tanquam proditorem extin-
ctum cupiebant: Et tamen hoc ipsum pec-
catum

catum suum mendacio excusare conabantur, à bestiis illum esse laceratum fingentes. Hoc facinus exanimavit me: & haud dubiè dolori succubuissem, nisi diuina meam infirmitatem sustentasset potentia. Quid commemorem consuetudinem incestam Iudæ cum nuru Thamar, quam ipsæ etiam gentes reformidant? Habeo plura multò, quæ dicam, sed hæc exposuisse de disciplina liberorum meorum satis sit, ad commonefaciendos & consolandos parentes atq; Præceptores, ne difficultate disciplinæ & educationis frangantur: sed exemplo meo in iusto etiam dolore, & desperatione successus animū inuictum retineant: donec tandem, perruptis omnibus repagulis, & superatis asperitatibus, in locum quietis penetrent, & mecū æternæ gloriæ decus, ab eo qui potenter me in ærumnis exercuit & sustentavit, partum accipiant.

EXEMPLVM IPSIVS DEI.

Solatum est magnum in malis, intueri homines, & quidem sanctos, nostræ conditionis & sortis socios, ac penè pares: sed maius multò est, socium laborum ac querelarum ipsum habere Deum. Hunc igitur

ORATIO XXIII.

audiamus, & ab eo difficultates nostræ disciplinæ ferre animo æquiore discamus. Sic autem queritur conditor cœli & terræ: Filios educaui & exaltaui: ipsi autem iniquè egerunt contra me. Cognouit bos possessorem suum, & asinus præsepe dominorum suorum: Israël autem non cognouit, & populus meus non intellexit. Audis, Deum educaſſe liberos. Quos? Iudæos, atque Christianos omnes. Hos enim, ut pater benignus, & Præceptor bonus, alit, instituit, docet, castigat, tuetur, & bonis omnibus, aq; corporis animæque vsum atq; cultum necessarijs, cumulat. At hi quomodo se aduersus talem patrem atque Præceptorem gerunt? In medio sunt Iudæorum mores præfacti & indomiti: neq; manifestis beneficijs ad obedientiam inuitantur, neque atrocibus pœnis à pertinacia deterrentur. Hinc tot tamque graues querelas habet Deus apud Mosen & Prophetas, ut dicat: Pœnitet me fecisse homines. Quandoq; sic exarsit ira eius, ut delere suum populum voluerit, nisi Moſes interceſſiſſet. Quoties reperit has increpationes & minas suas: Vos estis populus duræ cervicis, faciam aliquando in te ſubitam impreſſionem, & deuorabo te. Et tamen curâ educa-

educationis nunquam penitus abijcit Deus: perinde vt pater humanus, aut Præceptor fatigatus magnitudine laboris, cū nihil profici posse monendo, vrgendo, castigandoq; intelligit, consilium quidē interdum de deferendo officij munere capit, gemit & angitur: sed mox tamen sensu diuinæ consolationis sese colligens, ad operas mandatas redit, & sibi laborem commissum, Deo euentum committendum esse recordatur.

Graue profectò est, à brutis vinci homines: & tamen queritur Deus, bouem & asinū magis obtemperare voci domini sui, quàm homines voci conditoris Dei. O clementiam Dei ingentem, & misericordiā admirabilem. Quis nostrū tam patiens esse potest, vt est is ipse, qui apud Prophetam ait: Gestauī & portauī vos: ipsi autem rebelles fuistis, & contristauistis Spiritum sanctum meum. Quis nostrū non defatigatur benefaciendo, vbi nihil benefactis proficitur? & tamen Deus tam benignus est, vt Solem suum omnibus ingratis & rebellibus illucescere sinat.

Veruntamē, quò admirabilior est diuinæ clementiæ vbertas, eò horribilior est pœnæ eiusdem atrocitas. Eodem igitur modo
pater,

ORATIO XXIIII.

pater aut Præceptor, vbi monitis salutari-
bus nihil relictum loci esse videt, benigni-
tatem tandem in iram & sæuitiam con-
uertit, vt in quem illuserint contuma-
ces liberi, aliquando magno suo malo co-
gnoscant.

Hoc exemplum Dei quò maius est, eò
efficacius ad consolandum ærumnosos
parētes atq; Præceptores esse potest. Quo-
ties itaq; liberorum educationem minùs
ex sententia succedere, nec laboris magni-
tudini euentum respondere videmus: to-
ties patris nostri cœlestis recordemur, qui
& ipse liberos educat benignè ac liberali-
ter, sed rebelles & ingratos.

Quare, vt Prophetam iubet Deus cla-
mare & instare, nec quicquam de sui mu-
neris debita cura atq; diligentia remittere,
siue obediunt homines, siue non obediunt;
sic parentes quoq; atq; Præceptores exi-
stiment, exequendum sibi esse à Deo man-
datum, officium erudiendī, monendi, ob-
iurgandi castigandīq; , sine tædio & fati-
gatione, siue obsequantur liberi, siue non
obsequantur. Si enim non omnes, aliqui
saltem corrigentur: nec committet De-
us, vt labor noster in Domino prorsus ina-
nis esse videatur,

EPILOGVS EXEMPLORVM.

EXtant etiam in historijs profanis exempla memorabilia educationis liberorum, quæ & ipsa ostendunt, quantum sit onus, quamq; arduum munus, instituire liberos: nec vsquam ferè minùs respondere euentum nostris cœptis, quàm in puerili educatione. In medio enim sunt exempla tragica: cuiusmodi est Lini, qui ab Hercule discipulo suo occisus est, cū enim obiurgasset eum Linus, ira incitatus Hercules tabulam, in qua literas pingebat, arripuit, & capiti Præceptoris illi sit ex quo mortuus est Linus. Damascenus quoq; à proprio discipulo interemtus esse scribitur. Calsianus à suis discipulis confossus est. Seneca à Nerone trucidatus.

Arcadius Theodesij Imperatoris filius ob delictū ab Arsenio Præptore castigatus, mortem ei molitus est. Quod cum rescivisset Arsenius, aufugit cœlesti quadā voce admonitus. Sed posteaquā ad Imperium euectus fuit Arcadius ad Arsenium scripsit, & precationem benedictionem que eius tum peccati gratiam ab eo petiuit. Nicephorus lib. 12. cap. 23.

Sed ea prudens omitto: Nulla enim est
ætas

ORATIO XXIII.

ætas, quæ non Herculi similes producat
alumnos, obiurgationes Præceptorum
immanitate horribili à se repellentes, &
quamuis plagam accipere potius cupien-
tes, quàm parentis aut Præceptoris repre-
hensionem.

Quoties audire aut resciscere oportet bo-
num atq; fidelem Præceptorē minas disci-
pulorū non minores, vel etiam acerbiores
Herculis impij immanitate, quam aduer-
sus præceptorem suum exercuit? Quoties
mortem minitatur improbus discipulus
Præceptori, à quo & officij diligentiam à
turpi ocio, libidine, cupiditate, luxu, aut
flagitijs cæteris reuocatur.

Sed inania terriculamenta plerunque
sunt eiusmodi voces, nec nocere bono pa-
renti aut Præceptori possunt, qui Dei ma-
gni, atq; potentum eius, Angelorū præsi-
dio satis tutus est. Quid enim? Deūmne
putabimus munus regendi castigandique
parentibus aut præceptoribus commen-
dare nec defendere officium facientes pos-
se aut velle? Imò videas, mirabibiter sæpe
tegi Præceptores, & diuinitus propulsari
ab illis omnem vim hostilem atque im-
pressionem, cogitatam aut susceptam ab
improbis discipulis. Contrà verò, diuina
ultione

ultione plecti impios discipulos, liquidò experientia monstrat: vt vel manum amittat, amputatam ab improbitate, is qui manum inferre Præceptori voluit: vel alioqui miserè pereat, qui Præceptori aut parenti maledixit, oblocutus est aut minitatus. Ad summam, ne agam de singulis, καθολικὸν θεώρημα est: Nemo impunè parenti aut Præceptori resistit.

*TERZIA PARS DE
seueritate & laxitate
disciplinæ.*

Postquam disciplinæ difficultatem exposuimus, & exempla, quibus solari molestias eius possimus, supposuimus, noua nunc quæstio, de modo pueros regendi, incipit. Cùm enim duæ sint viæ educationis, vna mollior, altera asperior: rectè quæritur, vtra disciplina sit præferenda, seuerior ne illa, & rigidior, an verò laxior ac lenior?

Fatendum est autem, medium, vt in alijs, sic in disciplina quoque, cum extremum vtrumque sit in vicio, esse optimum. Sed cum tenere medium sit difficile, statim quæ-

ORATIO XXIII.

Quæret aliquis, vtrum seueritas lenitati;
an verò lenitas seueritati in disciplina sit
anteponenda. Etsi autem in medio est
Isocratis planè philosophicum consilium;
qui censet, satius esse, cum à medio disce-
dere res cogit, in defectum peccare, quàm
in excessum: tamen aliqui fortasse hoc cō-
silio non contenti, seueritate liberos coër-
cere melius esse clamitabunt, quàm le-
nitate & indulgentia corrumpere. Est e-
nim notus, & omnium approbatione di-
gnus versiculus: Blanda patrum segnes
facit indulgentia natos.

Sed expedita est responsio: Cum
minus facere, quàm plus, satius esse dici-
mus, non viciū probamus, sed tanquam
in delectu, minus malum maiori antefe-
rimus. Sic itaq; tandem concludendum
est: Omni cura & contentione in id esse in-
cumbendum, vt modus in educatione le-
gitimus seruetur, ita vt neq; nimis dura,
neque laxa nimis disciplina pueros rega-
mus. Sed quoties extra hunc modum pro-
dire necesse est, nunc relaxare, nunc exa-
sperare disciplinā oportet. Vt enim inge-
nia dissimilia sunt, aliud durius & feroci-
us, aliud verò mollius atq; flexibilius, ita
accommodare ad hanc naturæ varietatē
opor-

Oportebit etiam disciplinā, ut alius verbis, alius verberibus & frenis coercetur. Hoc discrimen qui non accuratè in liberorū educatione obseruat, is fateatur, se à boni parentis aut præceptoris officio longè abesse. Notum est Senecæ dictum: Rectiùs, inquit, ducitur generosus animus quàm trahitur. Atque id quidem non tam de disciplina, quàm de institutione, siue doctrina ipsa intelligi debet. Nam in docendo alius alio plus minusuè vrgēdus est. Quemadmodum de suis discipulis, Ephoro & Theopompo, fecisse Isocratem accepimus. Ephorum enim simplicem & segnem calcaribus Theopompum verò acerbo ingenio, copiosum & vehementem, frenis regendum esse dixit.

Deinde & hoc adiungendum est, quod monet Plutarchus: Quemadmodum medicus, dum amara medicamenta dulcibus succis temperat, delectionem, ceu transitum quendam, ad vtilitatem inuenit: sic & pater atque præceptor debet castigationum acerbicatem mansuetudine temperare. Ut igitur non perpetua seueritas, ita nec perpetua vsurpanda est in educatione lenitas. Sed vbi seuera obiurgatione & animaduersione tantum profecit præceptor,

ORATIO XXIII.

ut emendari puer non nihil coeperit, aliquid remittendum esse de asperitate sciat, & pro verberibus verba usurpet, hoc est, benignè inuitet eum, ut in incepto discendi & obediendi cursu alacri animo pergat, nihil mali à præceptore sibi metuens. Non enim quicquam fieri debet à præceptore ad nocendum discipulo, sed potius ad commodum illius omnia dirigi. Ita cognoscet puer, verum esse illud Poëtæ:

Sit licet in natos facies austera parentum,

Aequa tamen semper mens est, & amica voluntas.

Et alius quidam rectè dixit:

Fer patris imperium, quamuis videatur iniquum.

Est pater, & natum non cupit esse malum.

Cùm etiam nulla capitalior pestis sit educationis liberorum, quàm ira: etiam in hac parte excessum omnem sibi vitandum esse præceptor meminerit. Nihil enim, quod per iram fit, moderatè fieri potest. Et tamen non omni prorsus ira vacare debet castigatio: sed ea quasi quodam aculeo incendenda interdum est animaduersio, ut sentiat puer vim & auctoritatem officij parentis, intelligatque se, si spontè facere officium nolit, metu iræ, & acerbitalis poenæ ad id faciendum impelli. Ut enim equus sessorem leuem negligit, vel etiam excu-

tit:

tit: ita puer imperium parentis ac præceptoris floccipendit, nisi illorum autoritas satis ponderis apud eum habeat. Ex quo bene Clemens Alexandrinus dixit οὗς οὐχ αἰρεῖ λόγος πῦθας εὐεὶς φόβος.

Sed interim cauendum, ne sic ira exardescat, vt supprimatur ratio & temere aliquid fiat, cuius ratio reddi honesta non possit. Oportet enim in ipsa quoque ira moderationem elucere. Nec diu irasci conuenit, sed tempore iusto ad plababilitatem redire.

Ex his satis cognoscitur cum moderationem vbiq; adhibendam esse censemus, vitium siue excessum nullum à nobis probari. Quod cum demonstratum satis esse videatur, ponam nunc tantum in medio pauculas autorum sententias, & adiungam exemplo, quæ iustam disciplinæ seueritatem nobis comendabunt.

Sic autē optimus ætatis puerilis formator, morūq; magister Siracides cap. 30. ait.

Diligens filium suum assiduus disciplinæ custos est, vt postea eodem lætetur.

Qui nimis erga filiū indulgēs est, deplorat vibices eius, ad lacrymas eius expauescit.

Filius indulgentia corruptus, fit ferox, sicut equus indomitus.

ORATIO XXIII.

Ne blandiarisei, ne postea sis in luctu:
nec laxes frenum iuuenilibus cupiditati-
bus eius, & ignorantiam eius ne ex-
cuses.

Flecte collum ipsius, dum adhuc iue-
nis est: tunde dorsum eius, dum adhuc pu-
puer est.

Ne fiat contumax & inobediens, & a-
nimo tuo dolorem afferat.

Plato quoq; in Protagora iubet pueros
à teneris annis erudire atq; monere: ac si
quidem obtemperent, benè esse ait: sin re-
nitantur, tunc velut contortum obliquum
que lignum, minis plagisq; dirigi oport-
tere.

Plutarchus etiam illustribus imagini-
bus curui ligni & horridæ terræ docere
conatur, quomodo naturā vincere oportet
at disciplinæ assiduitate & constantia. Non
enim remittendo, sed reflectendo ramus
curvus dirigitur, ita pueri pertinacia non
indulgendo, sed aduersando & coërcendo
corrigitur. Sicut nec terra fit frugifera, nisi
aratione tempestiua, & fossione diligenti
molliatur, & zizania eradicentur.

Ad eundem modum vicia è puerili ani-
mo non nisi contentione magna, crebrisq;
exercitationibus, & tempestiuis castiga-
tioni-

talis morum gubernatio, quæ & assuefa-
 ctionibus euelluntur. Est enim disci-
 plina & quotidiana exercitatione, & tem-
 pestiua castigatione perficienda. Quod
 autem Plato lib. 7. de Republica ait, nullam
 animæ violentiam disciplinam esse stabi-
 lem: id eò pertinet, ut absit à disciplina in-
 genuorum puerorum crudelitas, & serui-
 lis metus, debet enim regi puer in schola
 filiali, non seruili metu. Quod fieri etiam
 tum potest, cum iusta seueritate in petu-
 lantes animaduertitur. Inest enim in hac
 ipsa quoque seueritate digna patre ac præ-
 ceptore beneuolentia: nec bonus pater est,
 qui filium à malis moribus non retrahit:
 nec præceptor fidelis, qui discipulum ab-
 errantem monendo castigandoque in vi-
 am non reuocat: licet interdum in aliqui-
 bus conniueat, & errata nonnulla, quasi non
 videat aut sciat, dissimulet. In Terentij A-
 delphis disputatio est Demæ & Mitionis,
 satius ne sit, asperitate & metu regere libe-
 ros, an lenitate & liberalitate? Et eò ran-
 dem adducitur durus ille Demea, ut, relicta
 acerbitate, æquas partes Mitionis sectari
 velit, inquiēs: Ego quoq; amari me à meis,
 & magnipendi postulo. Sed non per o-
 mnia tamen Mitionis exemplum boni

ORATIO XXIII.

patri atq; præceptori licet imitari. Non est flagitiū inquit, adolescentulū scortari, neq; potare, neq; fores effringere. Scimus dandum esse aliquid adolescentiæ, vel Cicero-
ne autore, nec nimis acerbè inquirendum est in eius mores & facta, concedimus: sed eiusmodi delicta adolescentiæ, qualia tolerauit Mitio, ferre pium parentem aut præceptorem minimè conuenit nec impunè quisquam concedet. Si enim semel frenata eiusmodi enormibus cupiditatibus laxaueris, reprimere postea nō facile poteris. Idcirco obstare principijs melius est si possis. Sed si tale quid adolescens in se tor-
tè admiserit, non statim cura omnis & spes correctionis abijcienda est: sed coër-
cendus est potius verbis, minis & pœnis, ut deinceps ad peccandum tardior reddatur. Ita locum habebit suum Terentia-
na lenitas, ne iusta & necessaria excludatur animaduersio. Peccauit puer aut
adolescens, abiungetur, moneatur & ca-
stigaretur, ut delictum agnoscat, & emen-
dationem polliceatur. Quod si spes e-
mendationis nulla appareat, eiiciatur,
tanquam inutile membrum, ne alijs ex-
emplo suo noceat.

Exem-

Exemplum insigne de Rhacone extat,
quod recitabo.

Regnante Artaxerxe, Persarum Rege
fuit quidam Rhacones, septem filiorum
pater, è quibus vnus, Cartones nomine,
effuse audax atque petulans, multum mo-
lestiæ exhibuit patri atque fratribus suis.
Eum ergo pater crebris admonitionibus
& comminationibus à malitia ad probi-
tatem traducere conatus est. Sed cùm nihil
proficeret fidelis patris castigatio : En,
dixit aliquando pater, quia mihi obtem-
perare prorsus non vis, curabo, vt ab alijs
tua coërceatur improbitas. Itaque acce-
ptum filium ad iudices ordinarios addu-
xit, manibus eius post tergum reuinctis.
Hic, inquit, iudices, filius meus est, sed
proteruus & temerarius. Cumque ego
imbecillior sim, quàm vt corrigere illum
possim, à vobis peto, vt vita eum priuetis.
His auditis, iudices perturbati responde-
runt, rem illam esse difficilem, ideoque
ad Regem referri oportere. Rex igitur,
causa cognita, interrogauit Rha-
conem, cum perseueraret, & in sententia
permaneret: Potes tu ferre, vt filius tuus,

ORATIO XXIII.

te inspectante, occidatur? Respondit: pater
 Immò verò possum: Cùm enim in horto
 meo folia amara nascentis lactuce decerpo,
 non modò non læditur radix, sed crescit
 inde lætiùs, & succo augetur amabiliore.
 Quamobrem, si videro, Rex, eum qui mihi
 & familiæ meæ tantopere nocuit, mori, nec
 mihi malum ab eo amplius impendere:
 animo deinceps alacriori esse potero, & vi-
 tam tranquilliorẽ cum familia mea agere.
 Hanc magnanimitatem atq; severitatem
 laudavit Rex, & mox Rhacnem regi-
 um consilarium atque iudicem fecit,
 inquiring ad adstantes: Qui in causa pro-
 prii filij tam severam potest ferre sententi-
 am, is multò magis in aliorum hominum
 sceleribus vindicandis, gravis & constans
 iudex reperietur. Filio autem contumaci
 vitam quidem condonavit Rex, sed ita
 tamen, vt acerbiorẽ illi mortem mini-
 taretur, nisi ab improbitate sua desisteret.
 Durus hic pater fortasse nonnullis videbi-
 tur, aut etiam crudelis, vt qui necem filij
 tam fidenter postularit, expectare volue-
 rit: sed quid facias aliud, vbi coërceri im-
 probitas alio remedio nullo potest? an non
 secundum Poëtam: *immedicabile vulnus.*

Ense recidendum est, ne pars sincera trahatur?

Voluisset utique moestus ille pater humanius tractare filium, si humanitate aliquid proficere potuisset. Sic nemo est bonorum parentum aut præceptorum, qui non malit verbis castigare filium aut discipulum, quàm verberibus. Quemadmodum Catonis præceptor, autore Plutarcho, ad verba, quàm ad verbera pronior fuit. Dent modò hanc operam pueri, ut verbis se regi sinant: & non erit, quòd verba metuant.

EXEMPLUM PER- *sicæ disciplinae.*

Perse scholas habuerunt iustitia, bono ordine, & disciplina iusta constitutas. Docuerunt igitur in illis Magistri, quid iustum, quid uè iniustum sit, quid facere aut omittere oporteat. Tum ad pietatis, modestiæ, gratitudinis temperantiæque studium atque cultum discipulos exercuerunt. Duces verò pueris ad has virtutes sese præbuerunt ipsi Magistri, quippe qui præsides, custodes atque executores iustè iniusteque factorum vigilantissimi fuerunt: nec facere quicquam discipulos insserunt, quod ipsi

ORATIO XXIII.

ipsi non primi fecisse videri voluerunt. Ad-
 dita fuerunt exercitia iudicandi de iustis
 aut iniustis. Alij enim pueri accusarunt
 crimina: alius iudex electus, cognitis cau-
 sis sententiam tulit, & controuersiam di-
 remit. Victus fuit tenuis, vesci enim con-
 sueuerunt panem cum nasturtio, obsonij lo-
 co, & aquam ex flumine haustam bibe-
 runt: & quidem non apud parentes, sed a-
 pud magistrum, vt in cibo & potu etiam
 exemplum haberent præceptoris, quod
 imitarentur. Nec abire vlli licuit, nisi venia
 à Rectore impetrata. In delinquentes ani-
 maduersum est grauitè. Nam ipse Cy-
 rus narrat matri, se verberibus cæsum esse
 à rectore ludi, cum iudex constitutus in-
 iustam sententiam tulisset. Accusatus e-
 nim fuit puer grandiusculus, qui alteri
 minoris staturæ tunicam suam longio-
 rem eripuerat, pro eaque illi suam breuio-
 rem reddiderat, quasi æquum esset, v-
 numquemque pro modo corporis vestem
 gerere. Huic controuersię iudex datus
 puer Cyrus, pronunciauit, rectè factum
 esse: decere enim, vnumquemq; vestem,
 suo corpori conuenientem gestare. Quod
 quidem verum est de proportione seu æ-
 qualitate Geometrica, non de iure posses-
 sionis

sionis siue proprietatis secundum cuiusque facultates. Ideo vapulauit Cyrus à magistro.

QUARTA PARS DE *fructibus disciplinae.*

HActenus varia disciplinae impedimenta exposui. & consolationem in tantis difficultatibus ex viuis sanctorum & bonorum virorum exemplis subieci: tum de seueriore pariter, & molliore disciplina sententiam explicui. Superest, vt fructus disciplinae persequar.

Dignum est autem memoria in primis hoc apud Ciceronem dictum: Vt sementem feceris, ita metes. Secundum hoc igitur disciplinam laxam perpetua incommoda, rectam verò & moderatam præmia nunquam inter moritura comitantur. Sic enim & Æschines in Timarchum concionatur: Puer rectè educatus, virili ætate utilis erit ciuitati: sin autem hominis initium, malum disciplinae initium cœperit, mali instituti pueri, in viros malos euasuri sunt.

Exempla illustria extant in Platonis libro tertio de Legibus, de Cyro, Cambyse, Dario.

ORATIO XXIIII.

Dario, Xerxe, Persarum Regibus. Etsi autem Cyrus valde bonus dux fuit, filios tamen molliter inter fœminas educavit. Idcirco facti grandiores, assentatoribus patefecerunt aures, & adulari se turpiter sine-runt, donec vulneribus mutuis concide-runt. Cambyles etiam vitiose à puero edu-catus, & sibi & regno propè exitio fuit. Xerxes verò ex molli educatione tragicum exitum sortitus est.

Historia memorabilis est ab Eusebio de-scripta libro tertio Ecclesiasticæ historiæ, de iuvene per indulgentiam corrupto. Fuit is corpore valido vultuque elegante, & ingenio acri. Itaque à Ioanne Euangeli-sta commendatus est cuidam Episcopo, in visitatione Ecclesiæ, his verbis: Hunc tibi Episcopo, summo studio commendo, teste Christo & Ecclesia tota. Nec semel id dixisse satis esse putans, iterum atque ite-rum commendavit accuratiùs. Susce-ptum igitur puerum Episcopus educavit, quanta fide & diligentia potuit, tandem-que etiam baptismi gratiam illi imperti-uit. Postea verò, cum plus illi fideret E-piscopus, & minùs obleruaret, degenera-re cœpit paulatim, ocio, luxu & sodalitis pravo seductus: donec omnis pietatis ar-que

que pudoris oblitus, nullum turpitudinis aut sceleris genus reformidauit, adeò quidem, vt quos antea socios ducesque maleficiorum secutus erat. eos postea audacia & crudelitate omnes superarit. Itaque latronum manum ipse duxit, & vita fortunisque plurimos priuauit. Redijt aliquando ad Episcopum Ioannes, & statim depositum sibi reddi postulauit. At ille obstupuit, pecuniam à se repositi existimans, quam sibi creditam esse non meminisset. Mox igitur Ioannes; lumen illum, inquit, repeto, quem aliquando tibi commendaui. Perterritus hac voce Episcopus, illacrymatus est, & vix tandem respondit: Ille verò mortuus est. Quomodo, aut quo mortis genere, ait Ioannes? Deo, inquit ille, mortuus est: quia degenerauit penitus, & ad extremum factus dux, montem quendam occupauit, vbi latrocinium exercet. His auditis, vestem discidit Apostolus, & cum gemitu feriens caput suum: Bonum te, inquit, custodem fratris animæ reliqui. Sed age, paretur mihi equus cū ministro qui iter monstret, moxq; adducto equo, in itinere sededit, & properans accurrit ad locū, vbi latronum cohors commorabatur. Ibi cū incidisset in eos qui in insidijs locati erant, ni-

O R A T I O X X I I I I .

nihil veritus, statim exclamavit: Quia ad hoc ipsum veni, adducite mihi principem vestrum. Is verò cum venisset armatus, eminus agnouit Ioannem, & pudore prohibitus, fugere cœpit. At ille incitato cursu fugientem insecutus est, ac clamavit: Quid fugis, ô fili, patrem tuum? quid fugis inermem senem? consiste miser, noli timere, reliqua est tibi spes vitæ. Ego rationem Christo pro te reddam: quin meam ipsius animam pro tua dimittere paratus sum: consiste modò & crede mihi, quia Christus misit me. Hæc ille audiens, constitit tandem, ac vultu in terram demisso, armisquæ proiectis, accessit ad Ioannem cum tremore & gemitu, prostratusquæ ad pedes eius, magnam lacrymarum vim effudit. Solam verò dexteram occultauit, totà se interfectorum hominum sanguine cruentam. Hanc igitur præhensam Apostolus osculatus est, & à cæde retraxit, crebras pro emendationis iuuenis preces D B O adhibens: nec prius destitit, quàm ad Ecclesiam eum reduxit, & mores eius feros mitigauit atque correxit.

Tantum mali attulit adolescenti relaxatio disciplinæ, vt breui tempore ex
probo

probo factus sit sceleratissimus. Ita ergo moderari oportet disciplinæ habenas, ne ad inertiam & nequitiam aperiatur aditus. Quæ quidem in re cùm metuenda sit animæ & corporis iactura, excitanda profectò est animaduersio & cura diligens, ne indulgendo causam tanti dispendij cuiquam dedisse videamur.

Pueri verò discant, hoc ipso commonefacti exemplo aut ferendam esse disciplinam, aut metuendum exitium tale. quale huic adolescenti contigisset, nisi singulari cura & industria retractus fuisset. Itaque reuerenter sese disciplinæ subijciant, à Deoque se regi petant sedulò, ne pertæsi disciplinæ, licentiam exitialem quærant. Quæ ubi semel concessa est, iterum atque iterum expetitur, donec tandem à disciplinæ amore & cultu prorsus alienatur animus. Id quod huic adolescenti contigisse, historia eius testatur.

Quin ita animum suum inducant iuniores, se mandato DEI impelli ad sustinendam disciplinam, nec sine hac cognosci aut percipi vllam doctrinam salutarem posse. Si cui verò duriora fortè illa frena videbuntur & diuturniora, is à Deo
opem

ORATIO XXIIII.

opem postulet, vt perferre possit tale votum in animo & ore semper habens.

*Duc me, nec sine me per me, Deus optime duci:
Me duce nam pereo, te duce fausta gero.*

Item: Doce me facere voluntatem tuam, quia Deus meus es tu: Spiritus bonus tuus ducat me in viam rectam. Sentio me, o Deus, tedium disciplinæ, & vastidium præsentis sortis: sed tu excute torporem, & excita in me verum amorem, & alacritatem, ad faciendum officij mei operas mandatas atque debitas. Huic voto annuet Deus, & successum in studijs opratum præbebit. Quod si alia causa perferendæ disciplinæ non esset, certè hæc satis magna fuerit, quod qui in iuuentute sua regi se non patitur, nunquam postea regere alios rectè possit. Nunquam enim poterit alios continere is, qui seipsum non continuit: neque castigare iuniores, qui se à superioribus castigari nō fuit. Hoc igitur cōmodum longè vberimum ex disciplina capimus, vt cum ipsi rectè alijs obediuerimus, vicissim imperare liberis aut discipulis nostris rectè aliquando possimus.

Quin prodest etiam id imperium tolerare, quod durius & iniquius aliquando
vide-

videtur. Nescis enim, an tu, cum alios aliquando gubernaturus es, rectè omnia moderaturus sis. Notum est, quid fecerit Diogenes, cum ab Antisthene arceretur à lectionibus, vel quòd non satis diligenter audiret, vel non admodum conuenienter cum doctrina viueret, certè tantum abfuit, vt sese expelli à lectionibus eius pateretur, vt quò magis arceretur, eò studiosius audiret. Cumque baculo etiam illi minaretur Antisthenes, ni abiret, & insuper percuteret, cedere tamen Diogenes planè noluit: sed, age, inquit, percutere modò, ego caput tibi præbebo: neque fustem tam durum inuenieris, quo me à tuis disputationibus abigas. His permotus Philosophus, summus illi amicus est factus. En patientiam hominis, en quoque tolerantiae fructum copiosum. Prosumt igitur verbera præceptorum, non obsunt, nisi ijs fortè qui resiliunt, nec per patientiam expectare fructum volunt.

At quinam illi fructus sint, quæne præmia, quæris? Per magni profectò: adeptio doctrinæ utilis, moderatio in consilijs, dictis & factis, patientia, fauor præceptorum, commilitonum, & aliorum rectè iudicantium de virtute: denique Dei ipsius gratia,

ORATIO XXIII.

& Angelorum bonorum approbatio, successus in studijs, & multorum malorum vitatio. Hæc bona decet profectò anteferre omnibus alijs in vita mortali commodis. Quanquam verò interdum differuntur, & improbi petulantesq; aliquandiu florent & lasciuiunt: tamen re ipsa tandem sentient modesti, nullam partem diuinarum promissionū esse falsam. Memorabile est illud Euripidis in Ioue: εἰς τέλος οἱ μὲν ἔσθλοι τυγχάνουσι ἀξίων: tandem boni digna consequuntur præmia.

Contrà verò fructus contumaciæ & neglectæ disciplinæ sunt tristes & tragici. Præterquam enim, quòd nihil discunt contumaces, conscientiam etiam grauitè sauciant, offendunt præceptores, parentes & bonos omnes, immò Deum ipsum, & accersunt sibi maledictionem, multorum malorum causam. Cumque à Deo deficiunt, in Diaboli potentiam & laqueos incidunt, cuius ductu reguntur tantisper, dum in exitium præcipitantur. O quàm graue est, Dei gratia excidere, & Angelorū cūstodia priuari. Caueant igitur sibi rebelles pueri, qui cū Deum & parentes præceptoresq; audire nolint Diabolū & alios carnifices audire tandem coguntur. Est enim Deus suæ discipli-

na custos vigilans & perpetuus, nec relinquit impunitam obedientiæ disciplinæq; violationem. Sunt etiam in ipsam patriam & posteritatem impij, rebelles pueri. Non enim vsui esse Reipub. possunt qui non rectè institui atque erudiri in primæ ætate patiuntur.

Carolus Magnus iniuria & ignominia magna se affici existimauit se ab ijs, qui in scholis obedientes & studiosi non fuerant. Venit enim aliquando in gymnasium Parisiense, quod ipse met fundauerat, & in quo nobiles pariter & inopes scholasticos complures educandos curabat. Hos cum explorare vellet, & experiri, quid didicissent, scripta & versus iussit eos exhibere. Tum pauperum filij talia afferebant scripta, vt satis appareret, eos operam non malam nauasse literis: diuitum verò & nobilium filij contrà sic sese gesserant, vt nulla ex parte expectationi Cæsaris satisfacerent. Quamobrem pauperes separatim ad dexteram suam assistere Cæsar iubebat sicque eos alloquebatur: Gratia, inquit, sit vobis, filij charissimi: satisfecistis enim mandato meo, & executi estis id quod volui. Augebo vos honoribus & commodis: redditus amplissimi, & Episcopatus vestri

ORATIO XXIII.

erunt: recipiam vos in aulam meam, ut sitis mihi à consilijs, & præcipuis muneribus fungamini. Deinde conuersus ad diuites & nobiles à sinistra, cum ira: Vos duri & peruersi, inquit, nitentes opibus, & nominis celebritate à maioribus accepta: ignominia effecistis Cæsaream Maiestatem, nec obtemperastis mādato meo, sed despexistis me. Iuro per Deum, nisi vos emendaueritis, à me nil nisi iram & graues pœnas expectabitis. Efficiam enim, ut vestro exemplo alij à simili inertia deterreantur.

Egregia verò historia, & omnium peccatoribus altè infigenda, quæ vtrumque docet, & quæ præmia obsequentes & industrios discipulos, & quæ pœnæ ignauos, atq; rebelles scholasticos comitentur. Equidem sibi ipsi & Reipub. toti iniuriam fieri existimauit sapientissimus Imperator ab ijs, qui ad discendum literas ordinati, tempus ocio luxuque consumpserrant, & præceptoribus immorigeri fuerant.

Tum prædicatione perpetua dignum est, quòd ipse met inspectorum studiorum puerilium sese præbuit tantus Imperator, & animaduersione iusta usus est, in inertes & ignauos: sedulos verò & obsequen-

tes digno honore & præmijs ornauit. Quod certè incitamento magno esse debuit, nobilibus præsertim, quòd viderunt ipsum Principem non solùm doctrinam rectè intelligere, sed tanto etiam amore literas discentes & docentes prosequi.

Dignum est etiam prædicatione illustri Theodosij Imperatoris factum. Is liberos suos in disciplinam Arsenij tradidit, cuius nobilitata id temporis fuit industria. Dixit autem Imperator, ne Arsenius liberis suis vteretur vt dominis, sed vt seruis, vel potius discipulis. Cùm ergo in ludũ aliquando venisset, & discipulos cum splendore magnifico confidentes, præceptorem verò inter docendum eis astantem reperisset, indignè tulit, insignibus omnibus liberos nudauit & grauius eos obiurgauit, inquit: si disciplinam in schola patientibus animis tuleritis, & pietatem colueritis: paratus sum vobis imperium aliquando tradere: Sin minus, satius erit priuatam vos agere vitam, quàm sine doctrina cum periculo imperare, Nicephorus lib. 12. cap. 23.

Dedit Deus his etiam terris hac ætate principem, Augustum, non linguæ solùm Latinæ perstudiosum, sed omnis etiam doctrinæ & artium liberalium amantem.

ORATIO XXIIII.

Huiusigitur exemplo decet nobiles pueros inflammari, vt maiori cura & animi impetu incumbant in recta studia, & artes linguasq; ament & discant vigilantius.

Deniq; sciant disciplinæ contemtores, se aliquando coram iudice Christo sententiam audituros tristissimam, cum sic allocuturus est eos iudex ille viuentiū & mortuorum: Parentes vobis dedi, præceptores præfeci: horum vox & doctrina, mea ipsius vox atq; doctrina fuit. Hos igitur audire debuistis, atq; ab eorum iussis transuersum ynguem non discedere. At vos floccipendistis omnes conciones illorum, & à vobis repulistis iugum disciplinæ. Huius igitur contumaciæ vestræ nunc pœnas iustas grauesq; in omni æternitate mihi persoluetis. Probis autem scholasticis, qui disciplinam amarunt, quibusq; minima cū improbis pueris consuetudo fuit, læti intuebuntur filium Dei, ab eoq; accipient æterna obediētiae & studij sui præmia, cum sic eos affabitur: venite, vos dilecti mei, vos in munere vestro integrè pieq; & castè versati estis, parentibus, præceptoribus, quos præfeceram vobis meo loco, obtemperastis. Quare nunc mecum in omnem æternitatem, in hac cœlesti Academia, cum

pâtre meo & toto electorum cœtu lætābimini. Porro parentibus & præceptoribus, ecqua tandem præmia dabuntur? Ignavis certè & inertibus idem dicet iudex ille, quod ad episcopum dicebat Evangelista Ioannes: Redde depositum: Credidi enim tibi tot pueros, ad communē Ecclesiæ & Reipub. Christianæ salutem informandos, quos omnes & singulos mihi, Ecclesiæ meæ, & societati ciuili præstare debuisti, quo ad eius fieri potuit. Quod si horum unus uel minimus tua culpa aut negligentia corruptus est, pro eo nunc pœnas meritas debitasq; mihi persolues.

De his verò, qui piè fideliterq; suo munere in hac terra functi sunt, sententiā pronuntiabitur ea quæ apud Daniele extat, fulgebūt, inquit Daniel, qui doctores fuerunt, quasi splendor firmamenti: & qui ad iustitiam multos erudiunt, fulgebunt ut stellæ in perpetua æternitate.

Ingens profectò remuneratio est, quod non cœli huius puritas, non Solis claritas superatura sit eam lucem, qua DEVS patentes & præceptores, rectè erudientes & instituentes lieberos atq; discipulos, ornaturus est.

Talem igitur remunerationem totis
animis

ORATIO XXIII.

animis spectantes, officium docendi, &
castigandi munus cum quadam alacritate
exequamur, & brevia incōmoda patien-
ter feramus, nō odijs, non difficultatibus,
non inopia, non impedimentis cæteris de-
terreamur. Quia dum respicimus, quod
aiunt, versamusque nos, immor-
talis vitæ gloria nos
excipiet.

FINIS.

FRANCOFORTI AD
Mœnum, apud Ioannem Spies.



M. D. LXXXVII.

